

**DILUCIDATIONES  
ARCANGELI  
MERCENarii A  
MONTESANCTO  
PHILOSOPHIAM IN...**

---

Arcangelo Mercenario



REVISED EDITION  
**ARCANUM**  
 MERCURY  
 A MONTHLY JOURNAL  
 OF THE HISTORY AND MYSTERY OF THE  
 ART OF THE ARTS



*By the Author of the*  
*Secrets of the Art of the Arts*

THE ART OF THE ARTS

THE ART OF THE ARTS  
 THE ART OF THE ARTS

THE ART OF THE ARTS



VOLUME 1  
 THE ART OF THE ARTS

2

# ANTONII ONIGHI

## TARVISINI CARMEN.



**S**ÖLVERE qui nodos ardet, tenebrosa sophorum  
Lumine quem claro cernere sensa iuvat  
Non huc, non ultra vestigia torqueat, illuc  
Anxius hunc, illum desinat usque sequi:  
Tot neque librorum unius cupientia veri  
Pectora multiplici libera fasce premat:  
Nam quaecunque ferunt antiqua volumina magni  
Verè Aristotelis cuncta volumina habent:  
Huius quaque ferunt obscura volumina docti  
Nunc MERCENARIi clara volumen habet.



ILLVSTRISSIMO  
AC REVERENDISSIMO

D. DO. FELICI PERETO  
A MONTE ALTO.

Firmanæ Ecclesiæ Administratori perpetuo,  
& S. R. E. Cardinali ampliff.



*Arcangelus Mercenarius à Monte Sancto. S. D.*



Vm multa, Cardinalis Ampliff. à Deo  
Opt. Max. hominum generi tradita sint:  
nihil tamen omnium rectè philosophan-  
tium consensu, religione utilius, nihil  
præclarior, atque diuinius eidem tribu-  
tum est. Namque religione ipsa uti ma-  
gistra, duce, auspiceque foelicissima instituuntur, admini-  
strantur, propaganturque Imperia. Respublicæ conser-  
uantur, legum, ac magistratuum vires, & maiestates augen-  
tur, honestæ fouentur artes, malefactaque corripuntur,  
ipsi uni quòd bonis moribus ornati, quòd benè partis o-  
pibus muniti, quòd legitima pace, atque otio securi ui-  
tam degant, quòd beati denique cælesti felicitate frua-  
mur,



2  
nur, acceptum ferimus: itaque cum uerè diuina omnium-  
que præstantissima hæc uirtus sit, haud mirum est, si cum  
in aliis hominum ordinibus, tum uerò in delectu sacerdo-  
riorum: qui princeps est, & ordo in terris eminentissi-  
mus, eius eximia habetur ratio. Cuius rei fidem uel tu  
unus Card. Illustrissime astruere potes: in quo religio ip-  
sa sese admirabilem adeo, atque spectandam in omni ui-  
tæ cursu exhibuit: ut eius potissimum gratia te à Summo  
Pontifice P 10 Quinto in augustissimum illum Ecclesiæ  
procerum, ac principum senatum cooptari contigerit,  
atque ita cooptari, ut eam dignitatem tibi ille non quasi  
concupitam concessisse, sed ueluti debitam persoluisse ui-  
sus sit. Si quidem præter eam, quæ in te summa est, eru-  
ditionem, rerum prudentiam, integritatem, iustitiam, fi-  
demque, ita religione, ac ueræ pietatis studiis polles, ut  
cæterarum uirtutum, & huius in primis ornamentis ne-  
mo tibi sit præferendus: atque indè effectum est, tantam  
esse, tamque conspicuam tui clarissimi nominis lucem,  
ut illius uel extremas terras fama peruaferit, nec quisquam  
ferè sit quantum uis tibi obsequio, aut familiari consue-  
tudine disunctus, qui te sibi non mirificè colendum, non  
pectore, oculisque ferendum, non tanquam numen ue-  
nerandum existimet: ex horum omnium numero cum ip-  
se sim, non sum passus, ut quod iam dudum animo con-  
ceperam, obseruantia erga te meæ non testimonium ali-  
quod tandem ostenderem. Dilucidationes hæc meas  
in obscurissima Aristotelis loca amplitudini tuæ consecra-  
re libuit, qua in re si satis operæ tuo grauissimo, ac sapien-  
tissimo iudicio, satisque studii posuisse uisus fuero, peto  
abs te, ut lucubrationibus meis, contrà falsi rumoris in-  
uidiam tui gloriosissimi nominis faueat auctoritas: quò a-  
lia itidem à me eidem tuo nomini nuncupanda non mino-  
ri studio excogitata, atque elaborata eruditorum homi-  
num

num aspectum, ac iudicium non reformident. Interim hilari ( ut soles ) uultu hoc uel exiguum munus accipies non tanquam summæ præstantiæ, ac dignitati tuæ conueniens, sed tanquam singularis meæ in te obseruantia argumentum. Vale Card. Amplissime, meque pro tua benignitate in tuorum numero clientum esse, atque manere permitte.

Patauii Prid. nonas April. M. D. LXXIIII.

# CAPITA QVAE IN TOTO OPERE CONTINENTVR.

<b>S</b> VBSTANTIA non suscipit magis & minus.	pag. 1
Sunt autem nobis primo nota confusa magis.	pag. 11
Mixta principiu habet intrinsecu actiuu alterationis & interitus.	pa. 15
Formae naturales absque materia intelligi non possunt.	pag. 20
Corporis simplicis simplex est motus, & e contra.	pag. 23
Quid sit motus simplex.	pag. 24
Quia uia ueritas illius propositionis, simplicis corporis, simplex est motus, demonstretur.	pag. 26
Vnius corporis simplicis unus tantu est motus secundu naturam.	p. 28
Forma est subiectum uniuersalitatis.	pag. 31
Mundus ex forma constat & materia.	pag. 34
Per quid forma materialis est numero una.	pag. 37
Qua uia probatur corpora naturalia esse composita ex materia & forma.	p. 40
An materia caeli sit eiusdem naturae cum materia inferiorum.	pag. 44
An materia caeli potentia sit, an actu.	pag. 52
Quae sit caelestis corporis forma.	pag. 58
An intelligentia sit forma dans esse corpori caelesti.	pag. 65
Possibile ex se ab alio perpetuari non potest.	pag. 77
Ex intelligentia & orbe sit magis vnum q. ex materia & forma.	pag. 81
Mutatio secundum totum nullo sensibili remanente ut subiecto eodem generatio & corruptio est.	pag. 85
An definitio generationis & corruptionis 1. de gen. tradita conueniat generationi, & corruptioni cuiuslibet substantiae generabilis.	p. 86
Definitionis generationis & interitus exacta explicatio.	pag. 91
Primae qualitates sunt principia elementorum.	pag. 98
Cuius elementis duae a natura accommodatae sunt qualitates.	p. 107
Ex duobus elementis tertium generatur.	pag. 110
An cum ex duobus elementis tertium generatur, corrupta una qualitate altera generetur.	pag. 114
Primarum qualitatum duae sunt agentes, & duae patientes.	pag. 118
Calidu est q. congregat homogenea, & disgregat heterogenea.	pag. 128
Generatio simplex & naturalis est mutatio ab his virtutibus. &c.	p. 132
Quomodo frigiditas actiue in generatione concurrat.	pag. 141
Simplex generationi contrariu maxime commune putredo est.	p. 144
Omnis secundum naturam corruptio in putredinem uia est.	pag. 147
Putredo est corruptio secundum naturam, coactio uero uolenta.	p. 150
Putre-	


Putredo propriè dicitur in his quæ secundū partē corrūpūtur.	pag. 154
Putredo est corruptio propriæ & naturalis caliditatis in unoquoq; humido ab aliena caliditate, hæc autem ambientis est.	pag. 158
Quid sit putredo secundum Galenum.	pag. 167
De modo putredinis.	pag. 171
Putredo est cōis pāmo externæ caliditatis & internæ frigiditatis.	pag. 173
An externa caliditas, & interna frigiditas eodem modo in putredine efficiuntur causæ sint.	pag. 176
Dilucidatio rationū Aristotelis primo de partib. animalū. c. 1.	pag. 178
Quomodo prima ratio necessaria sit.	pag. 182
Dilucidatio secundæ rationis.	pag. 187
Dilucidatio tertiæ rationis.	pag. 191
Actus duplex est, primus & secundus.	pag. 193
Nutrimētum quando actu nutrit, & actu nutrimentum est.	pag. 197
Dilucidatio quarti textus, tertij libri de anima.	pag. 198
Intellectus omnia intelligit.	pag. 202
Omne recipiens debet esse denudatum à natura recepti.	pag. 206
An demonstratio Auerrois in Com. 4. tertij de anima intellectus immortalitatem concludat.	pag. 213
Vndè rationabile est intellectum non esse corpori mixtum.	pag. 216
In omni intelligentia, quæ intelligit aliud reperitur aliquid simile materiæ, & aliquid simile formæ.	pag. 222
In prima forma essentia eius est quidditas eius, in alijs uerò essentia à quidditate quoquo modo diuersa est.	pag. 224
An in substantiis à materia separatis realis cōpositio reperitur.	pag. 226
Omne compositum est nouum, & possibile.	pag. 230
In anima duas differentias inesse oportet, quarum altera est omnia fieri, altera uerò omnia facere.	pag. 233
Propter quid necessarium est dari intellectum agentem.	pag. 238
Quæ sit operatio intellectus agentis.	pag. 240
De modo operandi intellectus agentis.	pag. 246
Intellectus agens impossibilis, separabilis, & immixtus est, substantia actu.	pag. 250
Dilucidatio textus 24. tertij libri de anima.	pag. 253
Actus est qui separat & distinguit.	pag. 259
An secluso quolibet accidente substantia materialis sit singularis & indiuidua.	pag. 262
De principio indiuiduationis substantiarum materialium.	pag. 265
De principio indiuiduationis substantiarum immaterialium.	pag. 285



# ARCANGELI MERCENARIII A MONTE SANCTO

MVLTORVM ARISTOTELIS,  
& quorundam Auerrois difficultium locorum  
dilucidationes.

Substantia non suscipit Magis, & Minus.



*V*IT hac Aristotelis sententia in libro Cathego-  
riarum cap. proprio, quam sanè perpendens A-  
uerroes 3. Ca. com. 67. inquit, quòd propositio ista  
non uniuersaliter intelligitur, sed duntaxat de sub-  
stantiis perfectis, siquidem substantiæ imperfectæ  
sicut sunt elementorum formæ suscipiunt magis &  
minus, & intenduntur & remittuntur proportio-  
nabiliter ad intensiõem & remissionem suarum

qualitatum. rationes uerò quæ Auerroem coegerunt ut in hanc deueniret  
sententiam, fuerunt istæ & prima fuit ut saluaret generationem substantia-  
lem mixtorum. nam cum de Aristotelis sententia elementa formaliter ma-  
neant in mixto, si elementorum formæ non remitterentur, sed integræ man-  
rent atq; perfectæ, tunc mixtorum generatio esset alteratio, & forma super-  
ueniens esset accidens: deducitur consequentia, quia omnis mutatio adueni-  
ens rei iam existenti in actu alteratio est, & omnis forma eidem superue-  
niens accidens est: si ergo elementorum formæ non remitterentur, sed inte-  
græ manerent, tunc mixtorum generatio adueniret materia iam existenti  
in actu per formas elementorum integras, & perfectas: igitur esset altera-  
tio, & non generatio, & mixtorum forma esset accidens & non substan-  
tia: ut ergo seruetur uera mixtorum generatio, necesse est formas elemen-  
torum intendi & remitti. Alia ratio fuit, ut seruaretur unum esse mixti,  
nam si eadē formæ integræ manerent, cum unaquaq; forma substantialis det

## Arcangeli Mercenarij.

esse simpliciter, & faciat hoc aliqd ut habet Arist. 2. de Anima. 2. igitur qua  
libet forma substantialis quatuor elementorum quæ actu sunt in mixto daret  
esse simpliciter. itaque mixtum non habebit unū esse, sed plura esse simplici  
ter: ut igitur seruetur unū esse mixti, elementorum formas intendi atque re  
mitteri necesse est, unde si forma elementorum non intenderentur, & remittere  
tur alterum duorū necessario consequeretur, aut quod forma elementorū actu  
non manerent in mixto, qd non est Aristotelis consentaneū: aut si actu na  
nerent in mixto nec vera generatio, nec vera mixtorū unitas seruari posset:  
ut igitur utrum & alterum seruetur conclusit Aug. formas elementorum  
intensionem, & remissionē admittere. Tertia ratio qua aduersus Auic. eodem  
Com. ipsa est huiusmodi est, si forma elementorū ad intensionē remissionēq;  
suarum qualitātū non intenduntur, & remittuntur, igitur forma elemento  
rum in materia sine propriis dispositionibus conseruari ualere, qd impossi  
bile est. deducitur consequentia, quia cum gr. ex. caliditas in igne remitti  
tur aut ad remissionē caliditatis remittitur forma ignis, aut non: si primū ha  
betur propositum: si secundū dicatur, cum omnes gradus caliditatis sint eius  
de rationis, & in his quæ sunt eiusdem rationis idē sit iudiciū totius, & par  
tis: igitur qua ratione duo uel tres caliditatis gradus remitti possunt supple  
te manēte forma in materia, poterunt & omnes remitti & separari eadē inco  
lumi manēte forma: igitur forma ignis in materia sine caliditate seruabitur,  
quod cum falsum sit, falsum est igitur dicere elementorū formas nō intēdi,  
atq; remitti, hæc Auer. quibus adiicimus duo alia fundamēta Scoti quorū  
primū desumitur ex Aristotelis autoritate 8. Met. 10. ubi inquit, quod quæ  
substantia est secundū speciem nō suscipit magis & minus, sed si quidē cū materia  
in quibus uerbis philosophus uidetur uelle, quod licet substantia secundū spe  
ciem nō suscipiat magis & minus, suscipit tamen ut in materia est. quæ sane au  
thoritas nō solū probat de forma elementorū, sed de qualibet materiali for  
ma: alterū uero fundamētū desumitur ex 6. Phis. 32. ubi inquit quod omne  
qd mutatur partim est in termino à quo, & partim in termino, ad quē, turc  
queritur aut illa dictio partim, & partim accipitur secundū formā secundum  
quā fit mutatio, aut secundū subiecti partibilitatē: non secūda, qā ex 8. Phis.  
23. & libro de Sensu, & sensili contingit totum simplex mutari, tū quia Aristo  
teles peteret principii, mult. n. ibi probare, quod omne mobile est diuisibile,  
quod si acciperet quod omne mobile habet partem, cū idē sit habere partē,  
& esse diuisibile, ergo acciperet quod probandum erat, igitur accipitur pri  
mo modo, igitur forma substantialis successine acquiratur, & consequenter  
intenditur & remittitur, quæ ratio consimiliter probat de omni substantia  
materiali, sed hæc Auerrois sententia non est Aristoteli consentanea, qā cum  
philosophus inquit substantiā non suscipere magis & minus assignat proprie



latera istam, & alias, de substantia quæ est prædicamentum, & genus generalis  
 simum quod quidem secundum Auer. in cap. de specie supra Porph. est corpus  
 generabile & corruptibile quod ambitu suo complectitur & substantias per  
 fectas, & imperfectas, ut mixta & elementa, igitur non suscipere magis & mi  
 nus competit substantiis perfectis, & imperfectis, quia quicquid competit ge  
 neri, competit omnibus contentis sub illo genere, quare nulla substantia siue p  
 fecta, siue imperfecta suscipit magis & minus, quod sane confirmatur ex eodẽ  
 loco, quia Philosophus non contradistinguit substantiam à substantia imperfe  
 cta, cum inquit eam non suscipere magis & minus sed eam contradistinguit ab  
 accidente: inquit enim, sed unaquæq; substantia hoc ipsum quod est, nõ susci  
 pit magis, & minus, sicut est alterum altero magis, & minus album, & magis  
 & minus bonum. igitur substantia secundum sui uniuersitatem ut est prædica  
 mentum contradistinctum ab accidente non suscipit magis & minus: sed fortas  
 se ad hoc dicit aliquis, quod utique Aristoteles accipit substantiam uniuersa  
 liter, sed cū inquit quod non suscipit magis, & minus, intelligit quod ad modum  
 proprium ipsius substantiæ: modus autem proprius eius est esse per se, accipie  
 do per se negatiue, idest nõ in alio tanquam in subiecto, & secundum hunc mo  
 dum in substantia non est aliquis excessus, aut magis & minus sed ista respon  
 sio nulla est, quia ut uerba ipsius aperte ostendunt, Arist. nõ assignat hæc pro  
 prietate de substantia quod ad modum illum quatenus non, est in subiecto, sed  
 quod ad formam: inquit enim, substantia non suscipit magis, & minus, ut homo  
 nõ est magis & minus homo, neque ipse seipso, neque alter altero; loquitur ita  
 que de substantia quod ad formam ita ut in ea non sit dare latitudinem secun  
 dum gradus. adde quod Arist. contradistinguit penes hoc substantiam ab acci  
 dente, iam uerò si proprietate ista intelligitur quod ad illum modum, non contra  
 disteretur substantia ab accidente, quia sicut substantia non suscipit magis  
 & minus quod ad non esse in subiecto, ita accedens nõ suscipit magis & minus  
 quod ad esse in subiecto, sed forte alius secus respondebit Aristotele intellige  
 re substantiam non suscipere magis & minus secundum esse specificum, & qui  
 ditatiuum, sed nec ista responsio est ad mentem Aristotelis in eodẽ loco, quia li  
 cet nulla forma substantialis suscipiat magis & minus secundum esse specificum  
 & quiditatiuum, non tamẽ de hoc intelligit Aristoteles ea in parte, quia ut di  
 ctum est Aristoteles contradistinguit substantiam à natura accidentali, quia  
 natura substantialis non suscipit magis, & minus sicut natura accidentalis, ita  
 uerò si Arist. intelligeret quod ad esse specificum, & quiditatiuum non contradi  
 stingeretur natura substantialis à natura accidentali penes suscipere magis &  
 minus, quia sicut natura substantialis non suscipit magis & minus quod ad es  
 se specificum, sed in diuisibili consistit, ita etiam natura accidentalis: ratio  
 enim & diffinitio albedinis non magis conuenit uni quàm alteri, quia una nõ

## Arcangeli Mercenarij

est magis color quàm altera: Nec ualet tandē siquis eo sese recipiat, Aristotele loqui secundum famositatem & aliorum sententiam, quia ipse hanc proprietatē assignans utitur hoc uerbo [Dico] consuetudo autem Aristotelis est ubi consimilem habet loquendi modum, quod loquitur ex mente propria, si aut etiam animaduertunt Græci interpretes in libro Priorū, ubi Arist. inquit Terminū autem uoco &c. præterea Aristoteles tandem confirmat sententiā 8. Met. 10. ubi comparans formam substantialem numeris, inquit, quod sicut numerus non suscipit magis & minus, ita neque forma substantialis, iam uero numerus secundū nullā rōnem suscipit magis & minus, quia ternarius non est magis & minus, neq; seipso, neq; respectu alterius ternarij: igitur neq; forma substantialis quo uis modo cōsideretur suscipit magis, & minus, habetq; la-ritudinē gradū præterea quod Auerrois sententia falsa sit hac rōne ostendi-  
tur, Forma qualibet substantialis siue pfecta siue imperfecta sit, perfectior est atq; supra gradū accidentis existit, iam uero non oīa accidentia intenduntur & remittuntur sicut sunt accidentia propria: non. n. risibile est magis & minus risibile, igitur neque forma substantialis ēt si imperfectissima sit cum sit supra gradum horū accidentium suscipit magis & minus: postremo id proba-ri potest ratione qua ostendit Porph. cap. de differentiis, specificas differen-  
tias non suscipere magis & minus qualibet forma substantialis ēt imperfe-ctissima, sicut est forma elementi tribuit, & complet esse rei, esse autē unicus que unum & idē est, neque intensionem neque remissionem suscipiens: non. n. dicimus unum hominem altero habere magis esse, aut aquam, aqua, sicut dicimus magis & minus aquilinū esse, simum, aut coloratum esse. igitur ne-que forma substantialis quæ absoluit esse suscipit magis, & minus. Beatus Thomas super primo de Gener. contex. 84. arguit cōtrā Auer. & utitur hac ratione, si forma elementorū intenderentur, & remitterentur, igitur successi-  
uē acquirerentur, ergo per motum, igitur ad substantiā esset motus contra philosophū 5. Phil. 10. ubi negauit ad substantiam esse motum, sed ratio ista Beati Thomæ nihil concludit contra Auer. nā cum inquit, si forma elemen-to-  
rū intenderentur, & remitterentur, ergo successiue acquirerentur, uerum est, cum autem infert, ergo per motum, negatur consequentia, quia non ualet, For-  
ma successiue acquiritur, ergo p motum: peccat enim argumentum per falla-  
ciam consequentis, si quidem ad constituendam propriam rōnem motus non  
sufficit successio, sed requiritur subiectum in actu, & requiruntur termini po-  
sitiui, nam ut habetur 5. Phil. text. 8. subiectum motus propriē dicti actu est,  
fitque motus de subiecto in subiectum, idest de termino positiuo in terminum  
positiuum. iam uero dicit Auerroes, licet forma elementorum successiue acq-  
rantur, non tamen acquiruntur per motum, quoniam desunt due illa conditio-  
nes requisitæ ad motum, uidelicet subiectum in actu, & termini positiui.

quoniam successiva illa elementorum generatio habet subiectum in potentia, & fit de non subiecto in subiectum, idest de priuatione ad formam tanquam secundum terminos primos, quamobrem ratio diui Thoma contra Auer. nullum habet monumentum, sed quia a nobis allata sunt eius sententia euertere, & demoliri uidentur, ex quibus et Scoti sententia euertitur, qui non solum elementorum formas, sed et formas substantiales perfectas excepta anima rationali suscipere magis, & minus, x. Met. q. 3. dicere ausus fuit, cuius quidem sententia sicut latior est, ita etiam magis irrationabilis est, quam opinio Auerrois, si quidem Aristoteles primo de Anima 65. probans quod intellectus est substantia in non corrumpi, inquit, quod si corrumpereetur maxime corrumpereetur ab ea debilitate quae est in senio: hoc autem, inquit, non contingit, sed sibi accidit sicut uirtuti sentienti, & potentiae uisus, quae quidem in senio secundum substantiam non imminuitur, neque remittitur, sed si quippiam patitur ita ut deterius operetur, id sibi contingit ratione organi mali dispositi: unde inquit si senex acciperet oculum & organum iuuenis, uideret ut iuuenis, quia in parte satis aperte ostendit philosophus, quod sicut anima rationalis in indiuisibili consistit, & secundum substantiam non intenditur, neque remittitur, ita etiam anima sensitua, quod si anima sensitua intenderetur & remitteretur, ut dicit Scotus, tunc anima sensitua non ita se haberet sicut anima intellectiua quod ad intendi, & remitti, quia anima intellectiua in indiuisibili consisteret, & non intenderetur, & remitteretur: uirtus autem sensitua intenderetur, & remitteretur: adde quod falsum esset, quod inquit philosophus, quod si senex acciperet oculum & organum iuuenis uideret ut iuuenis, quia si continue remittitur, igitur etiam si in senio acciperet organum iuuenis, non eam operationem exerceret, nec ita uideret sicut potentia uisus iuuenis, quae intensior est, itaque non solum anima rationalis in indiuisibili consistit, nec intensiorem & remissionem subit, sed unaqueque forma substantialis.

## Dilucidatio.



RO resolutione itaque dicendum, quod nulla forma substantialis siue perfecta, siue imperfecta, siue secundum se, & secundum esse, specifi-  
cū, siue ut indiuidua, & in materia consideretur, intenditur & remittitur, seu quolibet in indiuisibili consistit, & in hoc distinguitur a natura acciden-  
tali, quae habet latitudinem graduum secundum quos a subiecto secundum esse in-  
tensius, & remissius participatur, quam ueritate B. D. Auicennas, & Porph. cognouerunt, & licet formae substantialis operatio intendatur & remittatur, id non prouenit quia forma substantialis intendatur & remittatur, quoniam haec sibi similis secundum substantiam semper existit, sed id prouenit ratione



## Arcangeli Mercenarij.

materia in qua operatur, & ratione instrumenti sibi inferuientis, ex qua resolutione id corrolariè colligitur quòd generatio substantialis non sit successiue, sed in instanti, sed licet forma substantialis in indiuisibili cōsistat & gradus indiuiduales nō habeat, attamen una forma substantialis est maioris p̄fectionis quā alia, loquendo de formis diuersarū specierū: nam cū species entium sint sicuti numeri, sicut species numerorum non equaliter distant ab unitate, ita due species non equaliter distant à primo principio quod est *summa unitas*, & per cōsequens non sunt equalis p̄fectionis, & hoc pacto in substantia inuenitur *magis* & *minus*, idest essentia p̄fectior, & ignobilior: quibus sic explicatis discutiamus modò rationes *Auerrois* & alias in contrarium aductas, & ad primā *Auerrois* concedimus illud assumptum, quòd elementa formaliter, & actu sup̄sunt in mixto, cum autem dicitur si forma elementorum non remitterentur, sed integra manerent in mixto, generatio mixtorum esset alteratio, & forma superueniens esset accidens: negatur consequentia, ad probationem respondetur quòd illa propositio ita intelligenda est, quòd omnis transmutatio adueniens enti in actu determinata speciei & non ordinabili ad ulteriorem formam alteratio est, etenim non quilibet actus existens in materia, nec quodlibet subiectum in actu tollit rationem generationis, & rationem substantie in forma adueniente, sed actus qui constituit subiectum in actu determinata speciei, nec ordinabilis est ad ulteriorem formam, iam uero licet elementorum forma integra supersint in mixto faciantque materiam in actu, quia tamen non faciunt subiectum in actu quòd sit determinata speciei, quia materia informata formis elementorum non est alicuius p̄finita speciei, sed relinquunt potentiam in materia ad ulteriorem formam, proinde non sequitur quòd generatio mixti sit alteratio, & forma superueniens sit accidens. quam responsonem lubet comprobare ex ipso *Auer.* ut eius inconstantia conspicua fiat. *Auerroes* in epitom. Met. tract. primo in dictione materia distinguit materiam primam à materia habēte formam: hanc autem in duo genera distribuit, alia namque, dicit, est materia que habet formas elementorū resractas, alia uerò que integrā formā habet sicut est materia vegetali anima insignita, sentientē animā receptura, uult itaq; *Auer.* quòd anima uegetalis quæ actualior est quā forma elementorū integra maneat in materia cum recipit animā sentientē, & tamen saluatur generatio, & ratio substantia in anima sensitiua superueniente, ergo etiam si forma elementorum que imperfectiores sunt anima uegetali in mixto maneant integra, & non remissa multo magis saluabitur generatio mixti, quare alteriū duorum secundum ipsam dicere oportet, aut quòd anima uegetalis quæ de ipsius sententia in materia manet, cum recipit animā sentientem, necessariò remittatur, ut saluetur uera generatio forma aduenientis, quòd tamen ipse nō cōcedit, cum sit forma p̄fecta, aut quòd non quilibet actus integer manens in ma

teria generationem tollit, atq; ita ad saluandam mixti generationem non esse est formas substantiales elementorū intendi & remitti, ut temerē cecidit Auer. & qui eū sunt insequuti, sed aduersus ea que dicta sunt occurrat dubitatio, nā ex Arist. 5. Phis. 8. & primo de Gener. 1. i. subiectū generationis potentia est, igitur subiectum generationis omnē actū abijcere debet: Secundu do & fortius, Aristoteles primo de Gener. circa initia arguens cōtra antiquos ponentes unū elementorū generationis subiectū, format cōsequētia istā, Si unum elementorum generationis subiectum foret, tū generatio esset alteratio, ita uerō si responsio allata uera est, nulla erit Aristotelis cōsequētia, quia dicent antiqui, quod licet unum elementorū sit generationis subiectū, nō tamen generatio est alteratio, qā per nos materia informata formis quatuor elementorū est subiectū generationis mixtorum, & tamen generatio non est alteratio: si ergo Aristotelis consequentia aduersus antiquos cōsistere debet, dicendū est, quod quilibet actus existens in materia generationē tollit. Soluimus, & ad primā rationē nos dicimus, quod propositio ista, subiectū generationis potentia est, nō est itā ad uinum rescanda ut intelligatur, quod subiectum cuiuslibet generationis substantialis pura potentia sit, quia hoc nec Aristoteli, nec rationi consentaneū est, qā cū entiu formæ non sint equalis perfectionis, nō equaliter distare debent à materia prima, sicut neq; equaliter distant ab actu illō purissimo, qui est fons omnis perfectionis, sed que imperfectiores sunt, materie proximiores sunt: quæ uerō perfectiores, longius distāt, unde quia elementorū formæ imperfectissimæ sunt, materie primæ propinquissimæ sunt, atq; puræ potentiæ coherent. Anima uero uegetalis, quia perfectior est, longius distat à materia, in eaq; supponit formas elementorū, sensitiuæ quæ adhuc perfectior est, adhuc remotior est à materia, & proinde formas elementorū, & etiam uegetalē in ea præsupponit. Anima intellectiua quæ omnīū perfectissima est, omnīū remotissima est, atq; in materia formas elementorum uegetalē, sentientēq; animā præsupponit, unde quanto forma perfectior, nobiliorq; est, eō magis requirit materiam actuatā, qā non est rationi, nec naturæ ordini consentaneum, ut formæ quæ in æqualis sunt præstantiæ, & perfectionis equaliter distent à fonte imperfectionis, uidelicet à materia prima, ac proinde omnes ex æquo recipiantur in materia in pura potētia, unde illa propositio quā B. Doctor enunciat, Omnes formas habere idē subiectū proximū, uersaliter falsa est, sed tantum ueritatē de formis imperfectissimis, ut sunt formæ elementorū quæ sunt eiusdē ordinis, & equali loco constitutæ, in aliis uero perfectioribus formis non uerē dicitur. quamobrem propositio illa nō intelligitur quod subiectū generationis pura potētia sit respectu cuiuslibet generationis substantialis, licet id uerū sit respectu generationis elementorū, sed intelligitur quod nō sit ens in actu secūdu gradum determinatum, & præfini-


tio, sed etiam uera mixtio seruatur: sed nunc pergamus ad alterum Auerrois fundamentum, & primo reflectitur argumentum, quia cum de ipsius sententia uegetalis anima quæ actualior est quam forma elementi integra remaneat in materia, sensitina adueniente, igitur anima non habebit unum esse simpliciter quod tamen ipse inficiatur. sed quoniam ducere ad incommodum non est soluere, & eo magis quod fundamentum fauet etiam opinioni Beati D. abiicientis omnino formas elementorum à mixto, respondetur negando consequentiam, & ad probationem cum dicebatur qualibet forma substantialis dat esse simpliciter, id cautè accipiendum est, nam in forma non ordinabili ad ulteriorem formam uerè dicitur, sicut est de forma propria ignis, & de anima uegetali in plantis: hæ enim quia ulteriorem formam non expectant dant esse simpliciter, in forma uerò ordinabili ad ulteriorem formam non uerè dicitur. iam uerò forme elementorum, & uegetalis anima in mixto quia ordinabiles sunt ad ulteriorem formam ut ad animam sentientem tanquam ad terminum, non dant esse simpliciter, sed hoc ab ultima forma proficiscitur: nam sicut, ut 7. Met. inquit philosophus in definitione licet plures differentie sint unitas definitionis ab ultima proficiscitur differentia, & in numero quaternario licet sint dualitas, & tertia unitas, hæ tamen non dant esse, sed postrema unitas accedens dat esse, & unicam tantum numeri speciem constituit. ita res sese habet in mixtis, quia licet elementorum forme integræ maneat in mixto non dant esse simpliciter: sed hoc proficiscitur ab ultima forma adueniente tanquam ab ultima unitate, quia priores forme sunt quasi materia posterioris, & potentiam habent adhuc acquirēdi perfectiorem formam, quæ sanè dicitur esse terminus, & actus formarum præcedentiū, quam ob rem non sequitur quod tantum pertinuit Auer. quòd si ponatur elementorum forme in mixto non remissæ, ut mixtum non habeat unum esse simpliciter. Ad tertiam, quam putauit concludere aduersus. Auicennam, primo reflectitur argumentum quia per rationem ipsius, forme et mixtorum intendereantur, & remitterentur, deducitur, quia certum est quòd dispositio, & complexio qua mixti forma in materia conseruatur, intenditur, & remittitur, tunc queritur aut ad remissionem dispositionum remittitur forma substantialis mixti, aut non: si primū habetur propositum si secundum, ergo qua ratione remissis & ablatis duobus uel tribus gradibus utpotè caloris, & cōplexionis potest mixti forma in materia conseruari poterit & omnibus ablatis in materia supstes remanere, quod cum falsum sit, igitur dicendum est ad remissionem dispositionū mixti formā substantialem remitti. Sed soluamus rationem ipsius, & cum querebatur aut ad remissionem qualitatum remittitur forma elementi, aut non dicimus quòd non, & cum inferebatur, ergo qua ratione possunt remitti & separati duo uel tres gradus in columi manente forma, poterunt & oēs remitti eadē superstitie manente: cum omnes gradus unius qualitatis sint eiusdē



rationis, respondetur quod gradus unius qualitatis bis considerari possunt, uno modo inter se, alio modo respectu formæ substantialis: si primo modo considerentur cum oēs sint eiusdem rationis, si duo vel tres contingenter insunt, & remitti possunt, pariter & omnes. si uero secundo modo non oēs separari, & remitti possunt, superflite manente forma in materia, & ratio est, quia cum forma substantialis elementi, & qualibet alia materialis forma pro sui conseruatione postulet in materia proprias dispositiones in quadam latitudine, & debita quadam mensura, tanquam finis, & id cuius gratia sunt dispositiones ipsæ, imponit necessitatē ipsius qualitatis gradibus qui pro conseruatione formæ in materia necessarij sunt. unde licet facta comparatione inter gradus unius qualitatis inter se ualeat ista consequentia, remittuntur duo vel tres, ergo oēs, facta tamen comparatione ad formā non ualet, quoniam ea mensura qualitatis quæ requiritur pro conseruatione formæ in materia sumit necessitatē à forma tanq̃ à fine quod minus separari, atq; remitti queat, incolumi manente forma, solum rationibus Auerrois discutiamus modo duas illas ultimas Scoti, quibus non solum probabatur formas elementorum, sed quamlibet materialem formam intendi, & remitti, & ad illam quæ desumebatur ex 8. Met. 10. respondetur, quod cum philosophus inquit [quod substantia non suscipit magis & minus, sed si quidem cum materia] non loquitur assertiue, ita quod illa particula [si quidem] habeat uim unius termini, & forma ut in materia suscipiat magis & minus. quia cum ab Arist. ea in parte fiat comparatio inter formas & numeros quod ad intendi & remitti, sicut numerus neq; secundum speciem, neq; ut in materia suscipit magis & minus, ita neq; forma substantialis, neq; secundum speciem, neq; ut indiuidua, & in materia suscipit magis, & minus, sed loquitur conditionaliter, ut sensus sit forma substantialis, quæ substantia est secundum speciem nullo modo suscipit magis & minus, sed si susciperet, id esset ut in materia ita quod minus repugnaret sibi suscipere magis & minus ut in materia, quam secundum se: ex hac autē conditionali non sequitur philosophum affirmare ipsam suscipere magis & minus, quamobrem Scotus minus caute super hoc Aristotelis dictum posuit fundamentam suæ opinionis. Ad ultimam bis. responderi potest, primo quod illa Arist. propositio non intelligitur de quacumq; transmutatione, sed tantum de tribus speciebus notis, prater ea dato quod propositio est intelligatur de mutatione substantiali, dicendum, quod non intelligitur de mutatione substantia ratione principalis, & ultimi termini, sed ratione præuæ dispositionis, & iuxta hunc modum intelligere debemus oēs Aristotelis auctoritates, quæ indicare uidentur mutationem substantialem diuisibilem esse, & tempore metiri, non qui dicitur pro introductione formæ substantialis, quia ratione huius non distinguitur mutari à mutato esse, sed pro aggregato ex alteratione præcedente formaliter ergo ad argumentum Scoti negatur diuisio, quoniam non est partim, & partim

*ratione formæ substantialis, nec ratione subiecti, sed ratione præuæ positionis, & hæc dicta sint satis.*

**Sunt autem primo nobis nota, confusa magis, ex quibus fiunt nota principia, & elementa diuidentibus ea.**



**L**XTAT contextus tertius primi libri Phis. in quo philosophus declarat quæ sint nobis primo nota, & manifesta, nam cum in tex. primo de rerum naturalium principiis agere instituisset, & in tex. 2. modum declarans deueniendi in cognitionem principiorum statuisset à notioribus nobis incipiendum fore, in contex. 3. quæ sint hæc notiora nobis à quibus incipiendum est, declarat, nec non & modum quo ex his fiunt nota principia, dicens, Sunt autem nobis primo nota confusa magis, ex quibus nota fiunt principia, diuidentibus illa, hoc est per diuisionem illorum quæ sunt confusa, ita quòd ex contex. 2. & 3. talis discursus erigi potest. innata est nobis uia ut procedamus à notioribus nobis ad nota natura, confusa magis sunt nobis primo nota, ex quibus fiunt nota principia: conclusio quæ sequitur est ista, Igitur à confusis ad principia procedendum est, qui sanè discursus non est de ordine doctrinæ in per tractando de principiis, ita quòd à principiis magis cõibus ad minus cõia sit procedendũ, ut censuit D. Tho. quia Aristoteles non comparat magis uniuersalia ad minus uniuersalia, sed confusa ad principia & elementa, nisi fortè dicere uoluerit quòd per principia & elementa intelligit minus uniuersalia, sed tunc incidet in aliud incommodum, quòd minus uniuersalia principia sint magis uniuersalium, quòd dici minimè potest, cum potius econtra magis uniuersalia sint, & dici debeant principia minus uniuersalium. præterea si discursus Aristotelis esset de ordine doctrinæ, tunc Aristoteles non declarasset uia doctrinæ, et modũ deueniendi in cognitionẽ principiorũ, q̃ tamen apprimè necessariũ erat: nam cum demonstrasset scopum in primo tex. uidelicet de principiis agendum fore, necessarium erat ostendere uiam, & modum quo scopum, & principiorum notitiam consequi ualeremus, alioquin persimilis fuisset illi, qui scopum alicui ostendit: uiam autem qua scopum consequi possit, non ostendit, consequentia conspicua est, quia si in 2. & 3. & 4. contex. Arist. sequitur de ordine doctrinæ, cum in aliis textibus non doceat uiam doctrinæ, igitur illam silentio præterinuit, quæ obrem cum Simp. & Auer. dicendum est, quòd huiusmodi discursus est de uia doctrinæ, & de modo deueniendi in cognitionem principiorum, ex quo sequitur, quòd illa propositio quæ infertur in tex. 4. unde ab uniuersalibus in singularia oportet procedere, non est conclusio huius discursus, quòd satis conspicuum erit, si discursum in manum accipiamus: innata, inquit, est nobis uia, ut

procedamus à notioribus nobis ad nota natura, sed confusa magis sunt nobis primo nota ex quibus fiunt nota principia & elementa, ex hoc non sequitur, igitur à magis uniuersalibus ad minus uniuersalia oportet procedere, sed sequitur, igitur à confusis ad principia & elementa procedendum est, nisi dicere uelimus, ut imperiti quidam recentiores dicunt, quod Arist. per singularia intelligit principia, ita quod nomen principii, quod accepit in minore in tex. 3. mutauit in nomen singularis in conclusione, quod non uideo qua ratione id ab Arist. factum fuerit, & eo magis, quod non consueuit accipere singulare pro causa, & principio, sed potius pro effectu, ut patet primo Post. cōtex. 12. ubi accipit uniuersale, pro causa propria quæ uniuersale propriū uni ab Auer. ibi appellatur, quia ibi accipit uniuersale pro eo ex quo efficitur Demonstratio perfecta: hoc autem non est nisi causa propria, & cum per singulare intelligat, id quod contradistinguitur ab uniuersali, quod est causa, illud autē est effectus, itaque accipit singulare pro effectu, qui cum sit proximior sensibus, iure dicitur notior quo ad nos. Concludamus ergo, quod illa propositio est conclusio quæ elicitur ex alio syllogismo qui formari potest accipiendo illam maiorem positā in tex. 2. in hunc modum, cum innata sit nobis uia, ut procedamus à notioribus nobis, magis autem uniuersalia sint notiora nobis quā minus uniuersalia, unde à magis uniuersalibus ad minus uniuersalia oportet procedere, quia propter non debemus esse contenti unico syllogismo, ut facit Diuus Tho. sed duo syllogismi fieri debent, unus qui attinet ad uiam doctrinæ in quo fit cōparatio à cōfuis ad principia, & elementa, qui formatur ab Arist. in 2. & 3. contex. alter uerò qui attinet ad ordinē doctrinæ, qui accipitur ex illa maiore, & relicta comparatione inter confusa, & principia, sed facta comparatione inter magis uniuersalia, & minus uniuersalia, sequitur illa conclusio, quæ ponitur in tex. 4. quæ sanè est de ordine doctrinæ non solum penes principia, sed penes res naturales, & accidentia. Caterum inquisitione dignū uidetur, quid per confusa intelligat Arist. qua in re uaria est apud interpretes sententia, D. Tho. in sua de ordine doctrinæ opinione persistens per cōfusa exponit magis uniuersalia à quib. procedendū est ad minus uniuersalia sed opinio ista, ut diximus falsa est, quia Arist. non comparat magis uniuersalia ad minus uniuersalia, sed ad principia, & elementa. Alij uerò dixerunt per confusa intelligere questiones quasdam cōmunes, à quibus auspicatur, utrum principia sint unū, uel plura: si plura utrū finita, uel infinita: hac n. sunt quæ circa principia primū sūt determinanda quæ confusa sunt, eo quod nulla eorū pars certò distictēq; principiatur caterū nec ista opinio uera est, quoniā questio hac cōmunis, quæ circa principia primū proponitur non est mediū ad cognoscendum principia, & elementa. Sed est problema ad alterā partē determinandū, unde in contex. 50. repetita illa cōmuni quæstione probat,



quod non sint unum, & quod non sint infinita, concludit eandem, quod sint tria, sed confusa non sunt problema, & conclusio determinanda, sed mediū ad cognoscendū, & determinandū quæ circa principia sunt, nā inquit, sunt nobis primo nota confusa magis, ex quibus fiunt nota principia, igitur p̄ confusa nō possunt intelligi cōmunes ille questiones. Non defuerunt alij qui dixerunt p̄ confusa intelligere oīa confusa, siue sint principia, siue res naturales, siue questiones cōmunes. Sed hæc opinio ēt falsa est, quia licet uerū sit, quod oīa confusa sint nobis primo nota, nō tamen est ad Aristotelē, q̄ Arist. perstringit confusa ad cognitionē principiorū: ita ut p̄ confusa intelligat ea ex quibus fiunt nota principia: iā uerō hæc principiis magis cōfusi, & magis uniuersalibus accomodari non possunt, q̄ tunc idē esset mediū: & quesitū: minus accomodari potest questionibus cōmunibus, q̄ hæc non sunt media ex quibus principia cognoscuntur, sed potius ea quæ de principiis concluduntur per confusa tanquā per mediū, ea propter Them. Simpl. & Com. dixerunt Aristotelem per confusa intelligere composita, quorum opinio licet probabilior sit, mihi tamen non omnino probatur, q̄ non correspondet processui Aristotelis, siquidē Arist. ex propria sententia numerū principiorū determinaturus non accipit pro medio cōposita naturalia, sed quasdam propositiones cōmunes, ut quod principia sint contraria, & ex hoc fundamento iactō probauit in 50. Tex. quod principia non sint unum, neque infinita. accipit & aliam propositionem, quod nullum contrarium recipit alterum contrarium, & ex hoc probauit necessitatem materie, & numerum ternarium principiorum similiter in contex. 57. cum proposuisset dubitationem illā, Nūquid principia uere dicenda essent duo uel tria non proposuit pro medio ad hoc cognoscendum composita naturalia, sed generationē in communi, atque confusam, dicens, Sic igitur de omni generatione aggredientes dicamus.


## Dilucidatio.

**S**ED cum iam satis circa aliorum dicta uersati simus, nunc germanam Aristotelis sententiam asseramus, quæ ut conspicua fiat oportet ut processum Aristotelis consideremus, nam cum per confusa intelligat ea ex quibus fiunt nota principia, uideamus ex quibus fiunt nota principia: ita enim manifestum fiet, quid per confusa intelligat, cum Arist. absoluto prohemio, in tex. 6. de principiorum numero agere incepisset, & de re hac superque satis priorum philosophorum opiniones examinasset, reliquum erat, ut de numero principiorum propriam asserre sententiam: uerum quia id satis commode efficere non poterat, nisi ex aliquo fundamento prius iactō, eapropter in contex. 41. iecit illud fundamentum huic proposito maxime inferuens, Principia

pa sunt contraria, quo quidem iacto fundamento in contex. 50. probauit princi-  
 pia non esse unum, quia contraria, & ex contrarietate etiam probauit princi-  
 pia non esse infinita: erāt igitur plura & finita, ut autem cognosceret an essent  
 duo tantum, vel plura duobus, accipit aliud principium in contex. 51. quod est.  
 Nullum contrarium recipit alterum contrarium, & ex hoc deduxit necessita-  
 tem materiae, et trinitatem principiorum; etenim cum principia sint contraria,  
 & unum contrarium alterum recipere minime possit, tertium igitur principium  
 necessarium est, quod utriusque uicissim subiiciatur. similiter Arist. 12. Met. con-  
 tex. 6. ostensurus materia necessitatem accepit quasdam propositiones commu-  
 nes, quarum altera est, quod omnis transmutatio est inter contraria: reliqua ue-  
 ro, quod nullum contrarium recipit alterum contrarium, & ex his deduxit ma-  
 teriae necessitatem dicens, igitur praeter principia contraria necessarium est ter-  
 tium principium, hoc autem est materia. insuper cum in contex. 57. primi Philo-  
 mouisset adhuc difficultatem de numero principiorum nunquid dicenda essent  
 duo vel tria propter priuationem, & materiam: & proponens medium dissolu-  
 di difficultatem, proposuit generationem in communi: cum ergo quaeritur, quid  
 per confusa intelligat Arist. dicamus sic per confusa intelligit & ex quibus  
 fiant nota & quae sunt circa principia, sed ea ex quibus in progressu fiunt  
 nota principia quot sint, & quae sint, sunt propositiones communes, & gene-  
 ratio in communi. igitur per confusa nil aliud intelligit, nisi propositiones il-  
 las communes, & generationem in communi, quae cum uniuersalia sint, & in-  
 distincta confusa sunt. Sed quomodo ex his confusis fiant nota principia subdit  
 in fine textus dicens, Diuidentibus ipsa, hoc est per diuisionem confusorum,  
 quod ut manifestum fiat, pariter Aristotelis processum perpendamus. nam  
 cum accepisset hanc propositionem communem, quae est quoddam confusum, prin-  
 cipia sunt contraria, diuisit eam in unumquodque genus eorum quae fiunt, ut in  
 genus accidentium; nam in genere accidentium principia sunt contraria; al-  
 bum. n. fit ex non albo, & ita in aliis accidentibus diuisit illam in genus substan-  
 tiarum, principia enim substantiae sunt contraria, homo enim fit ex non homi-  
 ne, & uniuersaliter consonans ex inconsonanti: diuisit & illam in genus arte-  
 factorum, quia & horum principia sunt contraria, ex qua diuisione cognoscun-  
 tur principia & elementa, nam ex hac diuisione cognoscitur, quod principia  
 uniuersaliter non sunt unum, quia si hoc confusum uerificatur de principiis  
 accidentium, substantiarum, & artefactorum. igitur uniuersaliter prin-  
 cipia non sunt unum, quod si non fieret ista diuisio confusi in suas species posset  
 quispiam suspicari, quod hoc confusum, Principia sunt contraria, uerificaretur  
 solum respectu aliquorum utpote vel substantiarum, vel accidentium, & ita  
 uerificaretur quod solum respectu aliquorum principia non sunt unum, sed non  
 uniuersaliter, quia non respectu omnium principia sunt contraria, ut ergo ne-

rificaretur uniuersaliter, quod principia non sunt unum, opus fuit diuidere uniuersaliter illud confusum & in accidentibus & in substantiis, & artefactis, Si militer per diuisionem illius confusi, Contrarium non recipit aliud contrarium, ostenditur, quod præter contraria uniuersaliter necessarium est subiectum, & materia, quod si illud confusum non diuideretur in suas species, & de qua liber uerificaretur, non posset concludi uniuersaliter, quod præter contraria necessaria est materia, & ita non posset concludi uniuersaliter trinitas principiorum, & ideo Aristot. in contex. 51. diuisit illud confusum in suas species, dicens, Raritas non recipit densitatem, neque concordia discordiam, & quasi faciens diuisionem uniuersaliter inquit, similiter autem & alia quæcunque contrarietas, præterea philosophus in 57. cum proposuisset procedere à generatione in communi, & ita ab hoc confuso. in contex. 58. diuidit generationem in simplicem, & compositam: & uolens ostendere necessitatem materie ex generationi communi, & confusa: diuidit generationem in communi in contex. 62. & 63. in suas species, uidelicet in generationem accidentium, substantiarum, & artefactorum, & horum generationem in omnes modos quibus artificialia fieri solent, & ex hac confusi diuisione concludit in generatione uniuersaliter materiam necessariam esse, quod si illud confusum, & generationem in communi non diuisisset in suas species, non potuisset ostendere necessitatem materie in generatione uniuersaliter, quia aliquis suspicari potuisset in aliqua generatione materiam necessariam non esse, & ideo confusorum diuisio necessaria erat, & propterea Arist. in presenti contex. inuè dixit, sunt nobis primo nota confusa magis, ex quibus fiunt nota principia, per diuisionem illorum confusorum.

Mixta principium habent intrinsecum actiuum alterationis, ac interitus.



EGITVR propositio ista apud Auer. 2. Phis. cō. primo, ubi exponens uerba illa Arist. in calce contextus primi. Quedam uerò habent principium intrinsecū secundū alterationem inquit, quod philosophus accipit alterationē communiter, ut dicitur de mutatione in substantia, & de mutatione in qualitate, & rectè quidem: declarans autem Auer. an omnia alterabilia & corruptibilia habent principium intrinsecum alterationis ac interitus secundum eandem rationem principii, responder quod non, quia elementa solum habent principium intrinsecum passiuum alterationis ac interitus: mixta uerò non solum habent principium intrinsecum passiuum alterationis & interitus, sed etiam principium actiuum. In qua propositione à nobis



dilucidanda duo consideranda sunt, unū quidem ex parte subiecti, quomodo  
 accipiantur mixta: alterum uerò ex parte prædicati, quomodo scilicet habe  
 re dicantur principium intrinsecum actuum corruptionis. Quo ad primū dī  
 cūt Sueff. & quidā alii in eo loco, q̄ mixta in hac propositione non significāt  
 mixta uniuersaliter, sed solum mixta difformia, & ratio est: quia cum hac  
 partium habeant difformitatem, & diuersitatem, quarum una potest in alte  
 rum agere alterationis, & interitus, intrinsecam efficientem causam habent:  
 mixta uerò uniformia, quoniam partium difformitate carent non habent in  
 trinsecam efficientem causam corruptionis, sed solū habent principium passi  
 uum, perinde ac elementa quæ etiam propter partium uniformitatem ab in  
 trinsecō corrumpi non possunt, sed hæc sententia falsa est, quoniam Commen  
 tator ibi ponit differentiam inter elementa & mixta penes habere principū  
 intrinsecum alterationis, & corruptionis, dicens, quod elementa solum ha  
 bent principium passiuum corruptionis: Mixta uerò non solum habent princī  
 pium passiuum, sed etiam actiuum, itaque Com. accipit mixtum, ut contra  
 distinguitur ab elemento, igitur accipit mixtum uniuersaliter siue sit unifor  
 me siue difforme, & licet Com. afferat exemplum de animalibus, id effecit,  
 quoniam in his res erat conspicua, & manifesta magis. Cæterum aduersus  
 hoc insurgit Pomponatius super 4. Meteo. in fine dubitationis 17. dicens,  
 q̄ si propositio uniuersaliter intelligitur, falsa est, & ab Aristō. aliena, q̄  
 ita probat, Mixta naturali interitu per putredinem corrumpuntur, siquidem  
 naturalis mixtorum interitus putredo est, ut habetur 4. Meteo. atqui pu  
 tredo est corruptio caloris naturalis à caliditate externa, ut eodem loco ha  
 betur, igitur mixta naturali interitu corrumpuntur à caliditate externa, &  
 per consequens à principio externo, nec unquam dixit Aristō. inquit, quod  
 uniuersaliter omne mixtum corrumpatur à principio interno, licet hoc ue  
 rissimum sit de mixto animato. unde in hoc dissidet Pompo. à Sueffano quod  
 Sueff. uult quod licet mixta uniformia corrumpantur à principio extrinsecō,  
 mixta tamen difformia corrumpuntur à principio intrinsecō. Pomponatius au  
 tem uult quod nullum mixtum inanimatum siue uniforme, siue difforme cor  
 rumpatur à principio interno, sed solum à principio externo, per rationē ab  
 eo assignatam. Sed ambo hallucinantur, licet magis Pompo. qui uult nullum  
 mixtum inanimatum habere internū principium actiuum corruptionis, & cum  
 in hoc Auerroem redarguit, nec Aristotelem, nec putredinis, & naturalis inte  
 ritus mixtorū rationē intelligere apertissime ostendit: q̄ autē mixta oīa pfe  
 cta inanimata siue uniformia siue difformia sint ab intrinsecō corrumpantur, ita  
 probatur, Mixta oīa pfecta inquantū mixta naturali interitu p putredinē  
 corrumpuntur ut supra probatū est. Sed putredo est corruptio caloris naturalis à  
 frigiditate interna, ut inquit Philosophus c. de putre. igitur mixta uniuersaliter  
 natu-

naturali interitu corrumpuntur à frigiditate interna, ergo à principio interno:  
 nec dici potest frigiditatem internam in putredine concurrere in ratione subie-  
 cti, & in ratione principii passiuæ, non autem in ratione principii actiui: Pri-  
 mo, quia Pomp. in dubitatione 2. 1. mouens dubitationem an caliditas exter-  
 na, & interna frigiditas concurrant in eodem genere causæ, respondet, quod  
 ambe concurrunt in genere causæ efficientis, & nequeo certe mirari satis  
 huius uiri tam crassum errorem, quod tenens frigiditatem internam con-  
 currere in genere causæ efficientis, dixerit mixta inanimata solum habere  
 principium intrinsecum passiuum corruptionis, & nullo modo actiuum.  
 Secundo quia cum Philosophus i. 1. contex. primo quarti methæo. Statuisset  
 quod caliditas & frigiditas sunt qualitates actiue: siccitas autem & humi-  
 ditas qualitates passiuæ, in contex. 2. proponit agere de operibus calidita-  
 tis & frigiditatis, ut sunt qualitates actiue: declarans autem quæ sint hæc  
 opera, inquit: primo igitur uniuersaliter simplex generatio, & opposita cor-  
 ruptio secundum naturam quæ putredo est harum uirtutum opera sunt, igitur  
 generatio, & putredo sunt opera caliditatis, & frigiditatis ut sunt quali-  
 tates actiue, igitur caliditas externa, & frigiditas interna in putredine con-  
 currunt, ut ambe habent rationem principii actiui. itaque mixta omnia  
 naturali interitu corrumpuntur à frigiditate interna ut à principio actiuo,  
 & proinde mixta in hac propositione de Aristotelis, & Auerois sen-  
 tentia significant mixta perfecta uniuersaliter siue uniformia, siue diffor-  
 mia sint, quo ita constituto: Nunc secundum consideremus quomodo ha-  
 bere dicantur principium intrinsecum actiuum corruptionis, Zimara in qua-  
 stione de mouente, & moto, & cum eo quidam alij Recentiores dixerunt,  
 quod tam mixta inanimata quam animata intrinsecus habent adequatum  
 principium actiuum sui naturalis interitus: quod quidem, ut dicunt, est ca-  
 lor naturalis ipsius mixti, qui agens in humidum ut seipsam conseruet, &  
 tuncatur illud absumit, atque dissoluit: ad cuius dissolutionem ipse quoque  
 dissoluitur, quo dissoluto mixtum ipsam corruptionem, quod quidem per ip-  
 sum calorem in esse conseruatur. quem mixtorum intereundi modum A-  
 ristotelem declarasse aiunt in libro De morte & uita: quod autem mix-  
 ta omnia naturalis interitus adequatam efficientem causam intrinse-  
 cus habeant, Zimara ita probat, Ponatur, inquit, mixtum inani-  
 matum in uacuo, tunc, aut illud corrumpetur, aut non si non corrup-  
 petur, igitur natura corruptibilis fieret aeterna, contra Philosophum primo  
 Celi contex. 120. si corrumpetur, cum ibi nulla adsit actio agentis exterio-  
 ris cum per casum positum sic uacuum: igitur ex toto ab intrinseco corrup-  
 petur a calore interno humidum dissolvente. Opinio ista ita simpliciter pro-  
 lata falsa est, & ab Arist. aliena, nam licet de mixto animato uerissimum

*fit, quòd intrinsecus naturalis interitus adequatā efficientem causam habeat, & seclusa actione agentis exterioris corrumpi queat, de mixto tamen inanimato, & ut mixtum est: id minime uerum est, quòd ita probatur. Mixta ut mixta naturali interitu per putredinē corrumpuntur, sed putredo fit ab extrinseca, & aliena caliditate quæ aeris ambientis est, ut eo cap. de putred. Arist. probat per multa signa: igitur mixta inanimata naturali interitu corrumpuntur ab extrinseca ambientis aeris caliditate, & per consequens corrumpuntur à principio extrinseco, & non simpliciter à principio intrinseco, ut dicit Zim. illud præterea falsum est quòd corruptio naturalis mixtorū fiat per actionē caloris interni in humidum, & quòd calor internus deficiat ad defectū, & humidi dissolutionē, ut fusius demonstrabitur inferius in disput. de putred. ad quē locum lectorem reuicimus, ne eadem sæpius repetamus.*

## Dilucidatio.

**N**O S igitur ueritatem hanc à paucis intellectam determinantes dicamus, quòd mixta omnia habent principium intrinsecum actuum naturalis interitus, differenter tamen, quia animata habent intrinsecus adequatum principium actuum naturalis interitus: Mixta uerò inanimata non habent adequatum principium actuum intrinsecum, sed partim extrinsecum, & partim intrinsecum, & ita principium actuum parziale intrinsecus solum habent, quæ res ut conspicua fiat quo ad utranque partem aduertendum, quòd animata hunc in modum corrumpuntur, nam cum temporis spatio in animalibus instrumenta inferuentia respirationi, & refrigerationi caloris naturalis ut pulmo, & in piscibus branchiæ sicciora redduntur, & præ siccitate ita obdurescunt ut amplius non possint ita facillè suo munere fungi, ut dimoueri & eleuari, tunc calor naturalis refrigerari non potest, & cum refrigerari non possit, intenditur, intensior autem factus humidum naturale absumit, quòd eius pabulum, & nutrimentum est, ad cuius absumptionem & ipse quoque deficit, quo sanè deficiente secundum eum gradum quo amplius Anima in corpore seruari nequit, uiuens corrumpitur & hoc modo fit naturalis uiuentium interitus, quem intereundi modum Aristoteles considerauit in libro de mor. & uita, ex quo sequitur quòd uiuentia intrinsecus habent adequatam efficientem causam corruptionis naturalis, & proinde si in uacuo ponerentur ablata actione agentis exterioris adhuc corrumpentur. Mixta uerò ut mixta sunt naturali interitu per putredinē corrumpuntur, putredo uerò est corruptio caloris naturalis ab externa caliditate, & ab interna frigiditate, igitur mixta ut mixta sunt partim ab extrinseca caliditate, & partim ab interna frigiditate corrumpuntur, ex quibus duabus causis resul-



rat una causa totalis, & adequata naturalis interitus mixtorum, ex quo se-  
 quitur quod mixta intrinsecus solum habent principium actiuum partiale na-  
 turalis interitus, hoc autem est interna frigiditas, que supponit actionem  
 externa caliditatis internam caliditatem dissoluentis, quem quidem mixtorum  
 intereundi modum considerauit Aristote. in 4. libro metheo. in quo agitur de  
 mixtis ut mixta sunt, quem locum si legisset Doctor subtilis solutionem illius  
 difficultatis an mixta inanimata ab intrinseco corrumpantur 1. senten. dist.  
 15. quest. iunica, sub dubio non reliquisset. Concludamus ergo quod mixta om-  
 nia intrinsecum habent principium actiuum naturalis corruptionis, sed diffe-  
 renter, inanimata quidem adequatum, mixta uero ut mixta partiale tantum,  
 & hac est uera & germana Aristotelis, & Auerrois sententia, a qua uerus  
 peripateticus ne latum unguem recedere debet. quibus ita constitutis nunc  
 rationibus in oppositum est occurrendum, & primo cum Sueffanus dicebat,  
 Mixta uniformia non habent partium difformitatem, ergo non habent prin-  
 cipium intrinsecum actiuum sue corruptionis, negatur consequentia, quia  
 difformitas partium non est necessaria ad corruptionem intrinsecam, sed suffi-  
 cit difformitas, & oppositio qualitatum, quod ex ipso met Arist. iam patere  
 potest, qui uult putredinem fieri ab interna frigidityte internam caliditatem  
 corrumpente, licet ergo mixta homogenea non habeant partium difformita-  
 tem, quid tamen habent oppositionem caloris interni, & frigiditytis interna,  
 propterea ab intrinseco quoquomodo putrescunt, & naturali interitu corrumpuntur.  
 quod uero corpora simplicia ab intrinseco corrumpi nullo modo pos-  
 sint, id non prouenit, quia non habeant partium difformitatem, sed  
 quia non habeat oppositionem qualitatum, ideo enim aqua ab intrinseco cor-  
 rumpi nequit, quoniam intrinsecus oppositas qualitates non habet: Cum au-  
 tem probabat Pompo. quod nullum mixtum inanimatum habeant principium  
 intrinsecum actiuum, quoniam corrumpitur per putredinem, que fit ab ex-  
 trinseco, dicimus, quod uel ipse intelligit quod putredo fiat ab extrinseco  
 tanquam a causa adequata & totali, & tunc Aristoteli, & sibi ipsi contra  
 dicit, uel intelligit quod fiat ab extrinseco tanquam a causa partiali & hoc  
 est uerum: sed tunc nihil aliud concludit, nisi quod mixta inanimata non  
 corrumpuntur ab intrinseco tanquam a causa adequata, & hoc concedimus,  
 sed corrumpuntur, ut diximus, ab intrinseco tanquam a causa partiali,  
 & hoc modo intellexit Auer. cum autem Zimara tota plane diametro di-  
 screpans a Pomponatio probabat quod omne mixtum sue animatum sue ina-  
 nimatum intrinsecus habeat adequatum principium actiuum naturali cor-  
 ruptionis, dicimus, quod si mixtum inanimatum poneretur in ua-  
 cuo non corrumpereetur, quia cum tale naturali interitu non cor-  
 rumperetur nisi per putredinem, hac autem fiat ab externa caliditate

æris ambientis, igitur posito uacuo, & ablata actione externe caliditatis non putresceret, neque corrumpetur, ad instantiam, igitur natura corruptibilis fieret æterna: respondetur, quod absolute ista propositio est falsa, natura corruptibilis sit æterna, sed data hac hypotesi, quod daretur uacuum in natura, ista est uera, nam tota conditionalis potest esse uera cuius partes sunt impossibiles, nam impossibile est uacuum esse, impossibile quoque est naturam corruptibilem fieri æternam, tamē tota ista conditionalis est uera, si daretur uacuum natura corruptibilis fieret æterna, quia ex impossibili sequitur quodlibet, sicut à simili fieri nequit hominem uolare. si tamen homo haberet alas homo uolaret, id autem semper intelligi uolumus de mixto ut mixtum est, quod solum per putredinem corrumpitur secundum naturam, non autem de animato, quoniam hoc etiam si poneretur in uacuo motu naturali corrumpetur.

Formæ naturales absque materia, & motu intelligi  
minime possunt.



Propositio est Aristotelis 2. Phis. contex. 19. ubi ponit differentiam inter formas Mathematicas, & naturales, quia formæ Mathematicæ sine materia, & motu intelligi possunt, formæ autem naturales nequaquam, & ex hoc deducit quod formæ naturales à materia separate in rerum natura reperiri minime possunt, unde inquit, latet autem hoc facientes aut dicentes Ideas, Phisica enim abstrahūt cum minus Mathematicis abstracta sint, fiet autem hoc manifestum si quis tentauerit utrorumque dicere terminos. Ceterum propositio ista difficultatem habet quia, ut ipsemet inquit, in contex. 12. eiusdem libri, forma licet à materia inseparabilis sit secundum esse, separabilis tamen est secundum rationem, quinimmo de ipsius sententia naturales formæ non solum secundum rationem sed etiam ut à materia abstractæ sunt secundum esse intelligi possunt, siquidem sub hac ratione à Metaphisico considerantur, ut est Aristotelis sententia 6. Meth. 2. ubi inquit, quod naturalis Mathematicus, & Metaphisicus penes hoc distinguuntur, quia naturalis formas considerat ut sunt in materia secundum esse & secundum rationem. Mathematicus ut abstractæ sunt secundum rationem tantum Metaphisicus formas perpendit ut abstractæ sunt à materia & secundum esse, & secundum rationem, itaque naturales formæ à materia abstrahi possunt. Zimara difficultatem istam considerans in Theorematis & in tabula, inquit, quod formæ naturales bis considerari possunt, uno modo secundum considerationem naturalem, alio modo secundum ab-

stractionem Mathematicam, tunc inquit, quod si primo modo considerentur absque materia intelligi non possunt, quia naturalis formas ipsas in ordines ad materiam semper considerat: si uero secundo modo, intelligi utique possunt, & secundum hanc Mathematicam abstractionem naturalis Philosophus, inquit, aliquando considerat formam sine materia, sed parcat mihi uir iste hac in re sicut in aliis pingui Minerui philosophatus est: nā si hac sententia esset uera, sequeretur quod formæ naturales non essent minus abstractæ quàm formæ Mathematicæ, ut inquit Philosophus contex. illo 19. Probatur consequentia, quia si formæ naturales secundum considerationem naturalem à materia abstrahi non possunt, secundum Mathematicam uero abstractionem intelligi possunt, cum etiam formæ Mathematicæ similiter sese habeant, quia secundum considerationem naturalem à materia abstrahi nō possunt, ut inquit, Philosophus eodem 2. libro contex. 18. ubi ponit differentiam inter mathematicum, & naturalem penes considerandi modum. Secundum Mathematicam uero abstractionem absque materia intelligi possunt, igitur formæ naturales non sunt minus abstractæ quàm formæ Mathematicæ, sed in æquali sunt abstractionis gradu. præterea ut ibi inquit Philosophus, formæ naturales se habent sicuti finium sed finium, ut finium nullo modo sine materia intelligi potest: igitur neque formæ naturales ut tales formæ sunt, à materia abstrahi possunt.

## Dilucidatio.

**M**E itaque sententia aliter dicendum est, quod formæ naturales bif. considerari possunt: uno modo secundum rationem speciei, & ut tales formæ sunt exem. gr. ut forma Bouis, & Leonis: alio modo sub ratione generis inquantum forma & quidditas, tunc dicendum est, quod si formæ naturales primo modo considerentur absque materia intelligi minime possunt, & hoc modo intelligit Philosophus in hac propositione, & hoc pacto saluatur differentia inter formas Mathematicas & naturales ab Aristotele assignata, quia formæ Mathematicæ, ut tales formæ sunt, ut linea inquantum linea, & superficies ut superficies à materia abstrahi possunt, sub qua ratione à Mathematico considerantur: formæ uero naturales sub ratione speciei, & ut tales formæ sunt, à materia abstrahi minime possunt, & hoc modo etiam intellexit Auer. 7. Met. 39. ubi eandem habet sententiam, & primo de Anima 16. hinc Aristoteles inferre potuit quod formæ naturales non possunt reperiri à materia separatæ secundum esse, quia si inquantum tales formæ secundum rationem à materia abstrahi minime possunt, igitur multo minus secundum esse: Sed dices, quare formæ Mathematicæ, ut



ut tales forme à materia secundum rationem abstrahi possint, forme uero naturales nequaquam huius rei causa ab Auer. assignatur, 3. de Anima. Co. 11. ubi inquit, quod idem forma mathematica à materia abstrahi possunt, quia sunt à materia remote, & quod à materia remotum fuerit secundum rationem abstrahi potest. licet non habeat esse nisi in materia: forme uero naturales à materia nequaquam abstrahi possunt, quia sunt propinque materie, quibus uerbis nil aliud uoluit Auer. nisi quod forme Mathematicae idem à materia abstrahi possunt, quia proprium, & determinatum subiectum non habent, & quod huiusmodi est, à materia quodammodo remotum esse uidetur: forme uero naturales idem sine materia intelligi non possunt, quia propriam & determinatam materiam habent, & forma quae huiusmodi est, uidetur esse magis propinqua materie, quam rationem quoque sed clarioribus uerbis adduxit B.D. in eodem 3. de Anima in expositione contex. 10. Si uero consideretur forma naturalis sub ratione generis, in quantum forma, & quiditas est, hoc modo ut abstracta à materia secundum esse, & secundum rationem intelligi potest. & ratio est, quia non est de ratione forma in quantum forma, & quiditas est, ut sit coniuncta materie secundum esse, & secundum rationem, quia si hoc esset de ratione forma ut forma, & quiditas, cum ratio formae, & quiditatis conueniat formae abstracta, igitur esset de ratione forma abstracta ut esset coniuncta materie secundum esse, & secundum rationem, quod minimè dici potest: deducitur, quia quod competit alicui, secundum aliquam rationem competit omnibus quae rationem illam participant, quamobrem forma naturalis sub ratione generis, & in quantum forma neque secundum esse, neque secundum rationem materiam concernit, & propterea ut utroque modo abstracta intelligi potest, & hoc est quod uoluit Philosophus. 3. de Anima contex. 11. ubi inquit, sicut res se parabiles sunt à materia, ita & quae circa intellectum sunt, quicquid dixit Io. Gram. in expositione illius loci, & quoniam forma naturalis sub hac ratione à Metaphisico consideratur ut forma & quiditas est. ea propter ut abstracta est à materia & secundum esse, & secundum rationem ab eodem consideratur. unde talis abstractio formae naturalis à materia non est abstractio Mathematica, ut dicit Zim. quia abstractio Mathematica est secundum rationem speciei, quae non competit formae naturali, sed est abstractio Metaphisica, & secundum rationem generis, quae sanè determinatio si bene consideremus ex ipso met Aristotele colligi potest contex. illo 19. ubi sic inquit, Forma naturalis se habet sicuti simitas, iam uero simitas ita se habet, quod sub ratione speciei ut simitas est non potest intelligi absque materia, & absque naso, sed sub ratione generis in quantum cur uitas est, quae est genus simitatis sine materia intelligi potest. cum dicitur cur uitas est depressio superficie, igitur, & forma naturalis sub ratione spe-

iei non potest abstrahi à materia sub ratione uerò generis abstrahi potest quia ut sic se habet ut cernuum. & iuxta hunc secundum sensum concludunt dubitationes allata aduersus propositum Theorema.

Corporis simplicis simplex est motus, & motus simplex simplicis corporis est.



**P** I T hac Aristotelis sententia primo Cæ. contex. 8. & est una ex illis suppositionibus quæ ab Arist. acceptæ fuere ad demonstrandam corporis celestis simplicitatem, in qua dilucidanda tria à nobis considerata sunt, Primo quidem, quid sit corpus simplex. Secundo quid sit motus simplex. Tercio qua ratione & uia huius sententiæ ueritas demonstrari possit. Quò ad primum corpus simplex definitum fuit eodem primo Cæ. contex. 7. hunc in modum, Corpus simplex est quod habet in se principium motus secundum naturam: quàm definitionem exponens Simplicius inquit, quòd corpus simplex est illud quod habet in se principium motus, quod est natura, ad differentiam animalium quæ mouentur ab Anima, quæ à Natura contradistincta, & tunc definitio ita exponenda erit: Corpus simplex illud est in quo principium motus est Natura, & non Anima, unde secundum ipsam sub hac definitione continentur etiam mixta inanimata, quæ à Natura mouentur, & non ab Anima, Sed hæc simplicis expositio falsa est. Nam data hac expositione, sequeretur quòd cælum non esset corpus simplex, quod tamen Aristoteles eo in loco sibi demonstrandum proposuit: probatur consequentia, nam secundum ipsam, corpus simplex illud est quod mouetur à Natura, non ab anima, cælum non mouetur à Natura, sed ab Anima utpote ab intelligentia, quæ ut inquit ipse à Natura contradistincta: & non solum Anima quæ abstracta est, sed etiam quæ materialis existit. igitur cælum non est corpus simplex. Secundo sequeretur quòd corporis mixti per se esset motus simplex aduersus Aristotelis sententiam dicentis in tex. 7. quòd mixto accidit motus simplex ratione corporis simplicis quod in eo predominatur: deducitur consequentia, quia corporis simplicis ab Arist. definiti est motus simplex proprius, & per se, sicut corporis mixti per se est motus mixtus: iam uero si sub corpore simplici definito consueatur etiam mixtum inanimatum, igitur corporis mixti erit per se motus simplex, sed id falsum est, ergo falsum est quòd sub definitione corporis simplicis contineatur mixtum corpus inanimatum: præterea legat obsecro Simplicius diuisionem corporum postam ab Arist. sub initium textus 7. quæ huiusmodi est, Corporum alia simplicia sunt, alia uerò composita ex his,

videlicet corporibus simplicibus, tunc sic Aristoteles definit illud corpus simplex, quod est contradistinctum à corpore mixto ex corporibus simplicibus, mixtum inanimatum non est contradistinctum à corpore mixto ex simplicibus, quinimmo continetur sub illo membro, igitur sub corpore simplici definito corpus mixtum inanimatum minime continetur, nec ea definitio ita intelligenda est, quare simplicius simplex corpus non intellexit, secus itaque dicendum, & meo iudicio definitio ita est intelligenda, quod corpus simplex est quod habet in se unicum principium motus naturalis, neque illa particula, secundum naturam, ad principium referri debet, ita ut principium motus in corpore simplici sit: Natura, & non Anima, ut inquit Simplicius, sed ad motum referri debet; Nec immerito hac particula adiecta fuit, quoniam corpus simplex respectu motus violenti, & præter naturam plura principia habere potest. illud autem animaduerte, quod cum dicitur corpus simplex habere unicum principium motus naturalis, id intelligas, de principio actiuo motus. ex definitione autem corporis simplicis ut notauit Auerro. in Com. 7. dedit Aristoteles intelligere definitionem corporis mixti, quæ talis erit. Corpus mixtum est quod habet plures naturas mouente, & plura principia motus. quod si fortasse quispiam dixerit, mixtum non habere plures naturas mouentes, quia Animal mixtum est, & tamen unicum principium actiuum motus habet, quod Anima est. similiter in aliis mixtis propria eorum forma principium motus est. cui nos ita respondemus. quod licet mixtum habeat unicam uirtutem mouentem, quæ est prima, & principalis causa motus, quia tamen illa cum diuersis naturis coniuncta est, utpote cum grauitate, & leuitate, quæ formam illam communem diuersimodè afficiunt, & ad diuersos motus incitant. proinde mixtum plures formas pluresque naturas mouentes habere dicitur, unam quidem principalem, quæ formarum forma ab Alexandro dicitur, & alias disponentes, ex quarum coniunctione, & mixtione motus mixtus exoritur. Sed corpus simplex cum formam non habeat, quæ cum aliis formis coniuncta sit, ut patet in elementis, proinde simplicem unicamque naturam mouentem habere dicitur, cuius unitate, & simplicitate simplex quoque motus proficiscitur, nunc quid sit motus simplex explicemus.

### Quid sit motus simplex.



Orro motus non dicitur simplex per carentiam inæqualitatis, & compositionis ex ueloci & tardo quoniam talis inæqualitas, & compositio existens in motu non tollit simplicitatem motus. alioquin nullus elementorum naturalis motus, quæ corpora simplicia sunt, esset simplex.



plex. cum in principio sit tardior, & in fine uelocior, sed dicitur simplex per negationem, & carentiam compositionis ex diuersis motibus uel genere, ut ex recto & circulari, uel specie ut ex recto & recto, ut patet ex Arist. in tex. 6. eiusdem primi ubi ponens diuisionem motus, inquit, motus alius rectus alius circularis, alius uero mixtus ex his, atque ij duo solum uidelicet rectus, & circularis simplices sunt: accipit ergo Philosophus Motum simplicem ut contradistinguitur a motu mixto ex his ut potest recto & circulari, & recto & recto. quare motus simplex dicitur per carentiam compositionis ex diuersis motibus, talis uero carentia compositionis oritur ex simplicitate, & unitate principii mouentis, ex simplicitate corporis, & ex simplicitate spatii, sine qua motus simplex esse non potest; hac enim tria ad motus simplicitatem concurrunt. unitas Natura mouentis, quia simplex & unica Natura mouens est principium unius, & simplicis motus. Simplicitas corporis, quia simplicis corporis est simplex motus, concurret & simplicitas spatii, nam super spatium aliquam obliquitatem, & compositionem habens non potest esse simplex motus, ut significauit Arist. tex. illo quinto, dicens, Rectus & circularis sunt solum simplices motus, quia duo solum sunt simplices magnitudines recta & circularis, per magnitudines simplices non intelligens corpora mobilia simplicia, ut male exposuerunt Auer. & Alb. Magn. quia tunc Arist. peteret principium: supponeret enim dari corpus circulare simplex, quod tamen demonstrandum erat, sed per magnitudines simplices intelligens spatia simplicia super quibus efficitur motus localis, ex altera uero parte motus mixtus dicitur, quia componitur ex recto & circulari, uel ex recto & recto, talis uero compositio oritur ex pluralitate principiorum mouentium, sicut contingit in animalibus, & sicut contingit in motu uentorum, qui propter diuersitatem principiorum mouentium nempe grauitatis, & leuitatis mixtus est ex recto & recto, ascensu & descensu: secundo oritur ex compositione corporis, tertio ex compositioe spatii, quae est, uel ex recto & recto, uel ex recto & circulari, quibus sic declaratis, iam habetur sensus propositionis quod corporis simplicis simplicem & unicam naturam mouentem habentis, est simplex motus. alterius motus mixtionem excludens, & motui simplici simplex quoque corpus correspondet. Ceterum, quia huius propositionis ueritatem Aristoteles minime probare uisus est, propterea quia ratione & uia eius ueritas demonstrari possit, considerandum est.



Qua via, & ratione propositionis ueritas demonstretur.



**I**gitur precipuus inter latinos B. D. id ex motus definitione demonstrari posse. nam cum motus sit actus entis in potentia, actus autem ex potentia proportionari debeant. idcirco si ens in potentia simplex est, pariter & motus, qui eius actus est, simplex esse debet: si uero ens in potentia compositum fuerit, pariter & motus compositus esse debeat, & ex hoc uoluit propositiones istas conuerti, Corporis simplicis motus simplex est, & motus simplex corporis simplicis est: sed Beati Doctoris sententia nullo pacto probanda est, quia tunc sequeretur, quod corpus simplex motu mixto uolenter, & prater naturam moueri minime posset. quod sane falsum esse ex eo manifestum est. Quia cum terra mouetur sursum uolenter per lineam obliquam mouetur motu mixto: probatur consequentia ex eadem definitione motus, que non solum conuenit motui naturali, sed et uiolento, nam & motus uiolentus est actus entis in potentia, igitur si ens in potentia fuerit simplex: igitur & motus uiolentus qui eius actus est, erit simplex, & ita corpus simplex non mouebitur motu uiolento mixto, sed simplici, ea propter propositionis ueritas aliunde petenda est. dicimusque resolute cum Auer. in principio com. 8. qui in hoc egregie sentit, quod huius propositionis ueritas probatur ex definitione corporis simplicis tradita in tex. 7. hunc in modum. Corpus simplex est quod habet unicam, & simplicem naturam mouentem, sed unica & simplex Natura mouens est principium unius atque simplicis motus: igitur corpus simplex habet simplicem motum, & similiter probatur conuersa, nam simplex motus est qui fit ab unica & simplici forma, sed cui inest unica, & simplex forma mouens est corpus simplex ex definitione ipsius, igitur si fuerit motus simplex, necessario corpus simplex erit, & ex hoc Aristoteles demonstrat. Cælum esse corpus simplex. nam cum motus simplex sit corporis simplicis, & motus circularis simplex sit. igitur Cælum cui huiusmodi competit motus, simplex erit: simplex intelligas non per negationem compositionis ex materia, & forma, quoniam compositionem istam admittit, ut suo loco demonstrabitur: sed simplex per negationem compositionis ex diuersis corporibus sicut & elementa simplicia dicuntur corpora, & sicuti ex definitione corporis simplicis colligitur, corporis simplicis motum simplicem esse, & contra, ita ex definitione corporis mixti probatur corporis mixti motum proprium mixtum esse, hunc in modum: Corpus mixtum est quod habet plura principia mouentia, sed pluralitas principiorum mouentium est causa motus mixti, igitur corpus mixtum motum quoque mixtum habet, licet corpori mixto accedat motus sim-

plex ratione corporis simplicis in eo prædominantis, ut dicit philosophus in tex. 8. nec officit ratio diui Thomæ, quia illa propositio; actus & potentia debent inuicem proportionari, intelligitur quo ad hoc; quod propria potentia refertur ad proprium actum, & proprius actus recipitur in propria potentia, quia quodlibet non fit ex quolibet, sed determinatum ex determinato, ut testatum reliquit Philosophus primo Phis. tex. 43. ceterum ne ullus remaneat dubitandi locus, una dubitatio soluenda est circa illud Aristotelis dictum; quod motus simplex potest esse corpora mixti ratione corporis simplicis in eo prædominantis, quia hoc dictum destruit necessitatem demonstrationis, qua philosophus corporis celestis simplicitatem demonstrat. nam si motus simplex potest esse corporis mixti ratione corporis simplicis in eo existentis: igitur ex motu circulari simplici non necessario inferitur ab Aristotele. Cælum esse corpus simplex, quia cum antecedente stat oppositum consequentis, nempe quod motus sit simplex, & tamen sit corporis mixti: & idem cum dicitur; Motus circularis est simplex, ergo Cælum est simplex, dicam quod utique motus circularis est simplex, Cælum tamen non est simplex, sed mixtum, quod ratione corporis simplicis in eo existentis motu circulari simplici mouetur. tanta fuit uis huius difficultatis, ut magnus ille Auer. in com. 8. dixerit quod ex motu simplici non necessario inferitur corpus simplex actu per se existens, sed inferitur corpus simplex actu per se existens, aut mixto inexistentem tanquam pars ipsius, ratio ne citius ipsi mixto motus simplex conuenit, unde cum Aristoteles ex motu circulari simplici probat dari corpus circulare simplex, non probat illud dari ut actu per se existens, sed quod uel datur ut per se existens in actu, uel ut pars mixti, & licet sit pars mixti, necesse est tamen ut quandoque inueniatur per se, quasi dicat ex motu circulari simplici probat dari corpus simplex circulare uel de facto, uel de possibili. cui responsioni dat manus Suesanus in eo loco. Sed hæc Auerrois responsio nulla est, quoniam Philosophus demonstrauit illud corpus circulare simplex esse quod simplici circulari motu mouetur secundum Naturam, quodue est quantum corpus alterius Naturæ ab elementis, quodue statuit neque graue, neque leue esse ingenerabile & incorruptibile. Sed hoc est celeste corpus per se existens actu non alteri coniunctum corpori mixto: igitur philosophus ex motu circulari simplici demonstrauit necessario dari corpus circulare simplex per se existens in actu: confirmatur, quia illud corpus circulare simplex demonstrauit, quod statuit in 22. tex. esse locum & domicilium Deorum, & à quo per traditam hominum memoriam nihil unquam ablatum est, sed hoc, est corpus celeste per se existens, quodue sensu ipso à nobis conspicitur, igitur &c. quid ergo dicendum? dubitatio certe non leuis est. & à paucis, ut uideo, animaduert-

sa. his. tamen dubitatio persolui potest. Primo quidē sic, quod ex uera, & exacta simplicitate motus necessarius concluditur corpus simplex; et hoc pacto philosophus ex motu circulari simplici conclusit dari corpus circulare simplex per se existens, motus autē simplex qui cōpetit mixto rōne corporis simplicis in eo prādominātis nō est uerē simplex, sed secundū quandā sensuū apparentiā & ex huiusmodi corpus simplex necessario inferri non pōt, nec eo simplici motu usus est Arist. pro medio termino: uel secundo dici pōt motū simplicē his. considera ri posse uno modo quo ad simplicitatē spatij, & simplicitatē & unitatē Naturę mouētis, uel quo ad simplicitatē spatij tantū: tunc dicendū est, quod si motus simplex primo modo accipitur ut sic motus simplex est corporis simplicis, & ex tali motu simplici necessariō infertur corpus simplex per se existens, quoniam si motus simplex sit ab unica natura, cū simplex & unica natura mouens sit corporis simplicis, igitur motus simplex necessario est corporis simplicis, & hoc modo Philosophus usus est motu circulari simplici pro medio ad probandum corpus circulare simplex esse. Si uerō accipitur secundo modo, ut sic motus simplex potest esse corporis mixti ratione illius simplicis in eo prādominātis, nec de motu simplici itā accepto uerificatur propositio ista, Motus simplex est corporis simplicis, quia potest esse corporis mixti, nec tali motu simplici usus est Arist. pro medio ad demonstrandum celestis corporis simplicitatem, & hunc in modum dubitationi arbitror satisfactum iri.

Vnius corporis simplicis unus tantum est motus secundū naturā.



**E**X T A T Aristotelis propositio eadem primo Celi con-  
tex. 9. quę ibi ob eā causā adducta fuit, ut ostenderet motū  
circularē nulli elementorū conuenire secundū naturā, ut  
autē præcipuū Aristotelis scopum assequi ualeas scire, quod  
huius instituti ea causā fuit, ut ostenderet motū circularem  
esse propriū, & naturalem Celi, ut ex hoc ostenderet cē-  
lū esse alterius naturę ab elementis, quod erat præcipuū A-  
ristotelis institutū atque consiliū: cū. n. in tex. 8. concludisset Cēlū esse corpus  
simplex, reliquū erat ostendere an esset eiusdē uel alterius naturę ab elementis:  
Ad ostendendum autē hoc, necessariū erat accipere motū circularē esse natura-  
lem & propriū Calo, quo non cognito, nec diuersitas illa cognosci potuisset,  
illud autem probauit ex hoc, quia motus circularis nulli elementorū com-  
petit secundū naturam. hoc autem ex propositione ista demonstrauit, quam  
præ manibus considerandā habemus, cuius sanē propositionis ueritas ex ea-  
dem corporis simplicis definitione pendet, ex qua pendeat ueritas proposi-  
tionis superius declarata hunc in modum. Corpus simplex ex quod habet sim-



plicē & unicā naturā mouentē. sed una natura est principiū unius motus se-  
 cundum naturā: igitur unius corporis simplicis unus tantum est motus secun-  
 dum naturā, & similiter sua conuersa, ex eadem definitione ita probatur unus  
 simplex motus secundum naturam ab una tantum provenit natura, quia uni-  
 tas specifica motus non stat cum diuersitate specifica formarum, sed una na-  
 ra mouens unius corporis simplicis est. igitur unus motus simplex est unius  
 tantum corporis simplicis secundum naturam. Sed licet ex hac radice istarum  
 propositionū veritas pendeat, attamen & una & altera difficultate non ca-  
 ret. prima n. contra se manifestissimas hēt instantias, nā inferiores sphaerae Cae-  
 lestes duos habent motus, unū ab oriente ad occidentem, alterū uerō ab occidente  
 ad orientem, ita uerō aut ambo sunt naturales, aut unus naturalis & alter uiolen-  
 tus, secundū dici non potest, quia si alter e'et uiolentus non esset perpetuus, cō-  
 sequentia est Arist. primo cā. 1. ubi uolens probare motū circularē non conue-  
 nire caelo uolueret, probabat ex eo medio termino, quia tunc nō esset perpetuus,  
 igitur ambo illi motus sunt naturales, igitur unius corporis simplicis plures  
 sunt motus secundū naturā. praeterea si aer existens in loco ignis deorsū ad lo-  
 cum propriū moueretur, talis motus esset sibi naturalis, cū sit ad locū propriū,  
 si uerō ex altera parte sit in loco aquae, uel terra naturaliter mouetur sursum ad  
 eundem locum, sed motus sursum, & deorsum differunt specie, cū sint inter se op-  
 positi, igitur uni corpori simplici plures motus secundum speciem secundum natu-  
 rā conuenire possunt. ceterū isthaec obiecta nobis facile diluuntur, & ad pri-  
 mū concedimus sphaeras inferiores dupliciter habere motus: cum autem queritur  
 an ambo sint naturales, uel unus naturalis, & alter uiolentus, respondetur q  
 nec ambo sunt naturales, nec unus naturalis, & alter uiolentus: Sed unus est  
 naturalis, ut qui sit per propriam illius orbis uirtutem & Animum: alter uerō  
 est non secundū naturam, ut ille qui sit ad motū primi mobilis, talis n. nō est  
 secundum naturā, atque uiolenter, & contra naturam, sed est non secundum  
 naturam, qui ab Auer. primo cā. 1. & motus accidentaliter appellatur, qui uni-  
 uersalior est motui uiolento, & non opponitur motui naturali, sed essentiali, &  
 à Simplicio in eodem loco praeter naturam negatiue nuncupatur, nec inconue-  
 niens est hunc in modum uni corpori simplici plures conuenire simplices mo-  
 tus. Nec obstat secundum, nam licet uerum sit quod si aer moueatur à loco  
 ignis deorsum ad locum proprium, & à loco terrae sursum ad eundem locum,  
 utroq; motu moueatur secundum naturam, illi tamen duo motus facti sur-  
 sum & deorsum non sunt specie differentes, illi n. motus secundum speciem  
 diuersi sunt, qui fiunt à diuersis naturis secundum speciem, & terminantur  
 ad diuersa loca secundum speciem. cum illi duo motus aeris fiant ab una &  
 eadem natura specifica aeris, & sint ad unum & eundem terminum ad quem  
 secundum speciem non itaq; secundum speciem, sed numero tantum sunt diffe-

rentes, & cum dicebatur, motus sursum & deorsum sunt oppositi igitur specie  
 differentes, respondetur quod non, quilibet motus sursum, & deorsum oppositi  
 sunt, sed solū ii qui sunt ad opposita loca, & ad oppositos terminos, ex quo-  
 rum oppositione oritur oppositio inter motus, sicut sunt motus ignis sursum,  
 & motus deorsum terræ, qui oppositi sunt, quoniam sunt ad opposita loca:  
 motus autē sursum & deorsum q̄ sunt ad unum & eundem locum secundum  
 speciem, sicut est motus sursum & deorsum Aeris ad proprium locum hi non sūt  
 oppositi, nec specie differentes, & licet illi duo motus Aeris incipiant à contra-  
 riis terminis, à quibus ut à loco ignis, & à loco terræ, non tamen sunt contra-  
 ri, quoniam oppositio in motu non desumitur à termino à quo, sed à termino ad  
 quem. sed cum propositio ista ab occurrentibus difficultatibus libera sit, nunc  
 eius conuersam à calumniis Io. Grammatici uindicemus. Io. Grammaticus  
 ut ex Alpharabio refert Auer. in Com. 8. perturbauit conuersam illius pro-  
 positionis quæ erat, quod unus motus simplex unius tantū est corporis simpli-  
 cis secundum naturā, dixitque quod unus motus simplex pluribus corporibus  
 secundum speciem differentibus, conuenire potest. nam motus sursum est unus  
 motus simplex secundum speciem: & tamen competit igni & acri, qui specie  
 distinguuntur similiter motus seorsim Aquæ & terræ, sed decipitur Io. Gram.  
 & temerè hac in parte reiecit hanc Aristotelis proposi:ionem, quæ firmo nū-  
 citur fundamento: nam ut dicebatur supra huius propositionis ueritas ex  
 hac pendet radice, quod motus unus secundum speciem ab unica prouenit na-  
 tura secundum speciem, non autem à diuersis naturis secundum speciem, quia  
 si cum diuersitate specifica formarum staret unitas specificas, motus tunc  
 præcluderetur uia ex unitate operationis inueniendi unitatem specificam for-  
 marum. Sed una natura secundum speciem est unius tantum corporis sim-  
 plicis secundum speciem, igitur unus motus simplex est unius tantum cor-  
 poris simplicis secundum speciem, nec sua ratio qua ostendit oppositum, ali-  
 cuius est momenti quoniam falsum est quod motus sursum ignis, & aeris sint  
 eiusdem speciei, nam cum à naturis proueniant specie differentibus quales  
 sunt formæ ignis, & aeris, fiantque ad loca secundum speciem diuersa, locus  
 enim ignis est orbis Lunæ concauum: locus uero aeris est concauum ipsius  
 ignis, quæ secundum naturam, diuersa sunt, huiusmodi motus eiusdem speciei,  
 esse non possunt, similiter motus deorsum aquæ & terræ bene sunt eiusdem spe-  
 cie subalterna, quapropter non omnis motus sursum est eiusdem speciei cum  
 motu sursum, neque motus deorsum cum motu deorsum, sed ii solam qui fiunt  
 ad eundem locum, & ad eundem terminum secundum speciem: qui uero  
 fiunt ad loca diuersa secundum speciem, ii secundum speciem diuersi sunt: cæ-  
 terum solutio ista instantiam contra se habet, quoniam si motus, qui termi-  
 nos diuersos habet, diuersa sunt speciei: igitur motus terræ deorsum per casum

2 concavo orbis Luna ad superficiem usque terra non erit unius & eiusdem speciei, quodd falsum est, quoniam tunc uni corpori simplici plures conuenirēt simplices motus secundum naturam. deducitur consequentia, quoniam hic motus sit per diuersos terminos secundum speciem; sit enim per locum ignis, aeris, & aqua, qua specie diuersa sunt. Pro solutione sciendum quod terminus motus duplex est, unus quidē ultimus et essentialis, et is est in quē mobile quiescit, nec ultra progreditur: alter uerō est non ultimus & accidentalis, tunc dicendum est, quod illi motus specie distincti sunt, qui terminos habēt ultimos, & essentielles diuersos secundum speciem, sicut sunt motus, deorsum terra & aqua: ij enim quia ad ultimos terminos tendunt diuersos secundum speciem, propterea speciei diuersi sunt, similiter motus sursum ignis, & aeris: si uerō motus terminos habent diuersos non ultimos, & accidentales, ij specie non distinguuntur, quoniam specifica differentia non sumitur ab ijs, quae accidentalia sunt. iam uerō motus ille deorsum terra in casu posito licet habeat plures terminos non ultimos & accidentales, habet tamen unicum terminum ultimum, & essentialem, ut potē superficiem terra, & proinde talis ille descensus & motus deorsum est unus secundum speciem, & hac satis.

Forma est subiectum uniuersalitatē, & iste est intellectus  
cuiuslibet formæ.



SCIENTIA propositio ista formaliter ab Auer. primo  
Cæ 92. quam ab Arist. accepit in eodem loco ubi philoso-  
phus dubitans contra mundi unitatem ab ipso determinatam,  
robaisq; aut plures esse, aut possibile plures esse, huiusmodi  
ratione usus est. Quae formam habent aut actu plura sunt,  
aut esse possunt, Mundus formam habet, Mundus igitur aut  
actu pluralisatus est, aut pluralisari potest: quam rationem persoluens phi-  
losophus concedit mundum pluralisabilem esse ratione formæ, & consequen-  
ter formam pluralisabilem esse, & subiectum (ut inquit Auer.) uni-  
uersalitatē & pluralitatis: quam propositionem licet etiam Zimara in  
Theo. dilucidare uoluerit: quia tamē ipsam exatē (ut opus erat) nō explica-  
uit, eam dilucidare decreui, hoc enim artis ingenium est, ut inquit Hip. aut  
non inuentā inuenire, aut imperfecta perficere, in qua propositione diluci-  
danda, duo consideranda sunt, unum ex parte subiecti, alterum uerō ex parte  
predicati: ex parte quidē subiecti, pro quo accipiatur forma in hac propo-  
sitione, an pro forma uniuersaliter siue materialis sit, siue à materia sepa-  
rata, an pro forma materiali tantum: ex parte uerō predicali, an forma



sit plurificabilis ab intrinseco, an ab extrinseco, quod ad primum resolute dicen-  
 dum, quod forma in hac propositione accipitur pro forma materiali tantum,  
 quod patet ex uerbis Aristotelis in contex. ubi sic inquit, Quorumcunque sub-  
 stantia est in materia plura & infinita sunt, aut esse possunt, loquitur ergo Phi-  
 losophus de forma que materia concreta est. præterea probatur ex ratione Phi-  
 losophi 1. 2. Met. 49. ubi probans non esse plures primos motores, ita ratioci-  
 natum, Si essent plures primi motores, essent materiales, quia que sunt specie  
 unum, & numero plura materiam habent, primus motor non est materialis, est  
 enim actus purus, & eutelechia, igitur non est plurificatus. in qua ratione ac-  
 cipit Philosophus illud principium, quod forma plurificabilis secundum nu-  
 merum materialis est. & licet ratio ista sit de primo motore simpliciter, attra-  
 men concludit etiam de aliis intelligentiis, quia medium quo concludit pri-  
 mum motorem plurificari non posse, quod est abstractum esse, & carere mate-  
 ria, competit etiam ceteris intelligentiis, quam rationem accuratius tandem  
 considerans Scotus, uidensque rationem de materia illa totius quam sibi ef-  
 finit intelligi minime posse, sed de materia partis, & proinde ceteris intelli-  
 gentiis communem esse. secundo Sent. lib. dist. 3. q. 8. negauit illud principium  
 nempe que sunt numero plura, materialia sunt. clamauitque dicens ratio-  
 nabilius est Theologo à Philosopho in principio propter quod tenet aliquam  
 conclusionem, consequenter discordare in conclusione, quam errare cum eo,  
 hac Scotus. quamobrem secundum Aristotelis dogmata dicendum est, quod  
 forma materialis solum plurificabilis est, & consequenter forma que in hac  
 propositione pro subiecto accipitur supponit pro forma materiali tantum,  
 sed quam primum dicitur Auerroes uidetur intelligere de forma uniuersaliter,  
 quoniam inquit, & hic est intellectus cuiuslibet forme, quod uidelicet plu-  
 rificabilis sit. responderetur, quod Auer. intelligit de forma materiali tan-  
 tum, quoniam propositio. Auerrois non secus intelligi debet ac propositio  
 Aristotelis quam ipse interpretatur, quod ex eo etiam confirmari potest, quo-  
 niam ipse nullo pacto admittit formam abstractam plurificari posse, ut patet  
 ex his que habet 3. de Anima Com. 5. ubi inquit, quod non intellectus sit  
 forma abstracta, & immaterialis plurificari nequit, quare una cum Arist.  
 uult Auerroes, quod forma in hac propositione accipitur pro forma mate-  
 rialii tantum, & tunc sensus erit, Forma materialis plurificabilis est, & hic  
 est intellectus cuiuslibet forme materialis. Nunc secundum consideremus,  
 que res ut conspicua, & manifesta fiat distinctione opus est. nam plura-  
 litas bis considerari potest, uno modo secundum aptitudinem, alio modo  
 secundum actum. Si primo modo consideretur sit ista enuntiatio forma ma-  
 terialis ex se, & ab intrinseco plurificabilis est, & pluralitas ita accepta co-  
 pertit forme in secundo modo dicendi per se tanquam propria passio ipsius,

qua conclusio ex Arist. probatur in contex. 93. ubi persolvens rationem factam contra mundi unitatem, inquit, quòd mundus plurificabilis est ratione formæ, sed actu plurificari non potest, quia mundi forma uniuersam occupat materiam. concedit igitur quòd mundus, & quodlibet aliud corpus in quo alia est ratio formæ ut formæ, & alia ut in materia plurificabile sit ratione formæ, igitur forma ex se, & ab intrinseco plurificabilis est. adde quòd in contex. 92. inquit, quòd etiam si in rerum natura unus tantum numero circulus reperiretur, adhuc in eo aliud esset circulus, & aliud hic circulus. & circulus, inquit, forma est per seipsam sumpta, hic uerò circulus forma est mixta cum materia, quibus sanè uerbis ostendit quòd ablata actuali pluralitate circulatorum adhuc remanet natura communis ut pote circulus, qui forma est per seipsam sumpta, tunc si arguitur, Natura communis est apta nata de pluribus predicari, & in pluribus esse: forma per seipsam sumpta est natura communis, quoniam inquit, circulus est forma per seipsam sumpta, & in hoc contradistinguitur à seipsa ut mixta cum materia, quoniam ut sic singularis, & incommunicabilis est. igitur forma materialis de se est apta nata de pluribus predicari, & in pluribus reperiri. Secunda enunciatio huiusmodi est si pluralitas consideretur quo ad actum forma non est plurificabilis ab intrinseco, sed ab extrinseco utpote per materiam, licet enim forma de se sit apta nata plurificari, ista tamen aptitudo non re ducitur ad actum pluralitatis nisi per materiam: conclusio ista probatur ex contex. illo 91. ubi inquit. quòd licet mundus plurificabilis sit ratione formæ, tamen non est actu plurificatus, neq; plurificari potest, quoniam mundi forma non occupat partem materie, sed uniuersam materiam, itaque mundi forma non plurificatur actu ob defectum pluralitatis materie, & similiter in contex. 94. solutionem datam duobus illustrans exemplis hominis & similitis, inquit, quòd si ex omnibus carnibus fieret una caro numero tantum, tunc esset una caro numero tantum, & non plures: sunt autem numero plures, quia plures sunt materie ut carnes, & ossa, quare actualis pluralitas inest formæ propter actualè materie pluralitatem, qua ablata tollitur actualis pluralitas in forma, unde Auer. 7. met. com. 28. inquit, quòd multiplicatio formarum in eadem specie ab uno generante prouenit ob multitudinem materierum, in quas agit, & in hoc sensu intelligi debent omnes Aristotelis, & Auerrois authoritates, in quibus aiunt, quòd materia est causa pluralitatis formarum, uidelicet quo ad actum. ceterum animaduerte quòd licet materia sit causa actualis pluralitatis in forma, attamen forma est etiam causa actualis pluralitatis materie, & hoc in genere causæ finalis, nam ut habetur secundo phil. 91. forma est finis materie, sicut ergo finis est causa omnium ordinatorum in finem, illisque necessitatem imponit ut disponantur secundum

existentiam finis, ita forma imponit necessitatem materiae, quoniam ergo forma materialis est apta nata plurificari, operæ præcium fuit materiam actui plurificari, atque in partes diuidi, ut ex diuisione, & pluralitate materia aptitudo illa forma reduceretur ad actum pluralitatis: & propterea forma dicitur esse radix, & fundamentum pluralitatis, quoniam pluralitas, & diuisio materiae originē habet à forma tanquā à causa finali, et ita materia est causa pluralitatis in forma, hæc uero est causa pluralitatis in materia, neque est inconueniens ut cause sint sibi inuicem cause, ut habet Arist. 2. Phil. 30. illud tamen animaduerte quod cum dicitur materiam esse causam actualis pluralitatis in forma, non accipitur materia præcisè, & secundum se, sed ut quantitate affecta, si quidem materia non potest esse causa pluralitatis nisi sit in partes diuisa, sed in partes diuidi minime potest, nisi per quantitatem, ut sententia fuit Arist. 5. Met. 18. & Auer. primo cap. de sub. orbis: igitur materia ut quantitate affecta est ueluti causa formalis actualitatis pluralitatis in forma, & hæc de propositione ista. sed quoniam in eodem contex. ex quo hæc propositio desumpta est, desumitur etiam mundum formam habere, idèd quæ sit mundi forma sequenti capite explicabitur.

### Mundus ex forma constat & materia.



**M**UNDUM ex forma constare & materia statuit Aristoteles primo Cæ. contex. 93. quæ autem sit mundi materia declarauit ipse in contex. 95. & 97. dicens necesse est ex omni naturali, & sensibili constare corpore, & per consequens ex uniuersa materia, propterea quia extrâ mundum nullum est corpus, neque esse potest uult ergo mundi materiam esse omne corpus sensibile, & naturale, & præsertim quinque corpora simplicia ut cælum, & elementa, sed quæ sit mundi forma ab ipso declaratum minimè fuit, & propterea non paruam eius interpretum animis ambiguitatem inicit, Auerroes in com. 95. cælum mundi formam esse asseruit, sed animaduerte modum loquendi Auerrois, quia non dixit absolute cælum esse mundi formam, sed quasi formam, nec elementa absolute materia, sed quasi materiam: etenim cum Cælum non sit forma informans elementa, uon dicitur uerè forma, sed quasi forma, sed hæc Auerrois sententia in se itique uera est, quia elementa respectu Cæli habent rationem materiae, & Cælum respectu elementorum habet rationem formæ, quia ut ipsemet scribit 3. de anima 36. quotiescunque sunt aliqua quæ ad unius constitutionem concurrunt, & unum est perfectius altero, continens & conseruans: alterum uerò sit imperfectius, & contentum, id quod est perfectius, & continens ha-



bet rationem formæ imperfectum uerò & contentum habet rationem materię. iam uerò Cælum, & elementa ita se habent quod Cælum est perfectius elementis, ipsaque continet, & conseruat: igitur Cælum habet rationem formæ, elementa uerò rationem materię. Non tamen Auerrois sententia est ad Aristotelem in eo loco, quia Cælum est materia mundi ut materia cōtradistinguitur à forma, igitur Cælum non est mundi forma. probatur assumptum ex contex. 97. ubi Philosophus inquit, quod mundus constat cū omni corpore naturali, & sensibili, & ex hoc probat mundum ex uniuersa cōstare materia, Cælum est corpus sensibile, & naturale; Cælum igitur est materia, & non forma mūdi, præterea forma mundi de qua loquitur Arist. ibi est illa cui non repugnat plurificari in plura numero: inquit enim mundus plurificabilis est ratione formæ, sed non plurificatur actu, quoniam mūdi forma uniuersam occupat materiam, sed Cælo repugnat plurificari in plura numero, igitur Cælum non est forma mundi. Ex altera parte Suesanus uoluit quod Deus optimus sit forma mundi, quod ea ratione persuadet, quoniam Deus est primum agens, primus finis, & prima forma, sed non dicitur prima forma nisi respectu mundi, ceterum illud animaduertit quod hæc prima bis. considerari potest, uno modo, secundum esse intentionale, alio modo secundum esse reale: si primo modo consideretur, sic dicitur forma intelligentiarum, & intellectus nostri: si uerò secundo modo sic dicitur mundi forma, sed & Suesani sententia in se quidem uera est, quoniam Deus opt. dicitur esse forma & respectu intelligentiarum, & respectu mundi, nam secundum intentionale prout est obiectum intelligibile dicitur esse forma intelligentiarum, & intellectus nostri: dicitur autem forma mundi, inquantū est agens conseruans ipsam, hoc enim rationem formæ habet, attamen Deus opt. non est forma mundi, de qua loquitur ibi Philosophus, quia ut diu eba mus aduersus Aucr. quia forma mundi de qua loquitur Philosophus est cui non repugnat in plura numero plurificari, Deus autem non est huiusmodi, quare non potest dici forma mundi. adde, quod forma mundi de qua loquitur Philosophus est forma materialis cuius esse quod habet secundum se est aliud ab esse quod habet ut mixta cōm materia, sed Deus optimus non est forma materialis, nec eius esse secundum se uariatur, & contrahitur ab esse in materia, itaq; Deus opt. de Aristotelis sententia mundi forma dici non potest. ex quibus etiam rationibus ostenditur mundi formam non esse colchodeam, aut uirtutem aliquam abstractam, & immaterialem, quid ergo dicendum?

## Dilucidatio.



RO resolutione dicimus quòd mundi forma de Aristotelis sententia est forma materialis cui non repugnat plurificari, & cuius est se contrahitur ut est in materia: secundo dicimus, quòd Mundus non est compositum per se unum unitate aliqua essentiali, quia compositum per se unum requirit materiam unam quæ in potentia est, ex qua fit unum per se cum forma dante esse, ut inquit Philosophus 8. Met. 15. iam uerò mundus non constat ex uera materia quæ sit in potentia, quia eius materia, ut inquit ipse, sunt oia corpora naturalia, & sensibilia. Sed mundus dicitur unus unitate aggregationis, & ordinis, prout componitur ex pluribus ad unum primum ordinem habentibus, ex quo sequitur quòd mundus non habet unam formam substantialem à qua dici possit compositum per se unum, quæ nam ergo erit ista forma materialis quæ est mundi forma, cum non sit forma substantialis? Respondetur quòd est forma accidentalis, & ista à nonnullis dicitur esse ordo, & non immeritò, quia si omnia corpora naturalia reperirentur, nullumque ordinem haberent, ita ut ignis poneretur in medio, & terra sorsum, non esset mundus, quare ordo corporum naturalium mundum componentium mundi forma dici potest. Nos autem dicimus quòd figura spherica est mundi forma de qua uerificatur quod plurificabilis sit, & quòd aliud est esse secundum se ab eo quod habet in materia, ita ut Mundus ex materia & forma ita definiri queat, Mundus est corpus compositum ex omnibus corporibus sensibilibus & naturalibus, spherica figura contentum: corpora enim naturalia sunt materia, sphericitas autem forma, quod si quis dicat, ut dicunt quidam imperiti moderni Aristotelem per mundi formam intelligere formam substantialem, non quidem mundi propriam à qua habeat esse, sed omnes formas substantiales corporum naturalium ex quibus componitur mundus, id omnino reiiciendum est, quia ea attributa quæ ab Arist. attribuuntur formæ mundi, ut quòd ei non repugnet plurificari in plura numero, & quòd eius esse contrahatur, & diminuat ex eo quod est mixta cum materia, non conueniunt formis omnium corporum naturalium, & sensibilibus, ex quibus mundus componitur: licet enim formis corruptibilium illa attributa conueniant, de formis tamen corporum celestium uerificari non possunt, quia cum abstractæ sint, neque secundum numerum plurificari possunt, neque per esse in materia contrahuntur, igitur forma mundi non accipitur pro omni uis formis corporum naturalium, ex quibus mundus ipse componitur, & hac satis.

## Per quid forma materialis sit una numero.



*M* Superius per quid forma materialis plurificabilis sit explicatum fuerit, non erit ab re hoc in loco per quid sit una numero dilucidemus. Zimara huius fuit sententia quod forma materialis est una numero seipsa, nec sue unitatis alia assignanda causa est à suamet essentia, quam sententiam primo probauit ex Aristotelis autoritate 8. Met: ultimo, ubi habet, quod simplicia seipsis sunt formaliter unum, & ens, nec alia in eis est inquirenda causa à propria eorum natura : secundo eam confirmauit ex Auerois autoritate 3. Phis. 68. ubi inquit, omnis res est una per suam formam, forma uero est indiuisibilis, hoc est una per se, potest etiam hac ratione confirmari, forma duplex habet esse extra animam, & in anima, primum quidem habet ex se formaliter non ab alio nisi effectiue, quoniam de potentia ad actum educi non potest nisi beneficio agentis, alteram uero habet ab anima: & quoniam unitas numeralis conuenit formæ ut habet esse reale, & extra animam, quoniam omne quod est extra animam unum numero est, idcirco sicut non est assignare causam quare sit ens reale, ita non est assignare causam diuersam à sua essentia quare sit unam, & quia uniuersalitas competit ei ut in Anima, ideo à quo habet ut sit in Anima, ab eodem habet ut sit uniuersalis. itaque querenda est causa per quam sit uniuersalis, & assignatur intellectus : non est autem querenda aliqua causa quare forma sit numero una alia à sua essentia, Sed ista opinio falsa est, quia ut patet ex Arist. primo Cæ. 93. & 94. forma est una numero, quia materia est una: si enim inquit ex omnibus carnibus fieret una tantum numero caro, una tantum esset numero forma & non plures, & ista ratio sumpta à materia est per causam, ut notauit Auero. in Comment. 95. igitur forma non est una numero seipsa, sed per causam extrinsecam, quod si forma esset una numero seipsa, tunc Philosophus assignans unitatis numeralis forma materiam pro causa assignasset, non causam pro causa, præterea forma materialis ex se communicabilis est in plura numero, igitur ex seipsa non potest esse numero una: antecedens patet ex superioribus, probatur consequentia, quia uni & eidem nature opposita per se conuenire non possunt. sed esse communicabile, & esse unum numero sunt opposita, quoniam esse unum numero est esse incommunicabile in plura, igitur forma per se conuenire non possunt: cum igitur forma ex seipsa communicabilis sit, ergo ex seipsa non potest esse numero una, & incommunicabilis: sed uide quid respondeat nix iste, inquit enim quod forma communis est ex se communicabilis in



plura, & hæc non est ex se una numero, sed forma singularis dicitur esse ex se una numero, & propterea non sequitur quod idem per se conveniant opposita. Sed hæc signa sunt, & mere nugæ, nam quæso per quid forma communis contrahitur ad esse singulare, aut ex seipsa, aut per aliquod additum suæ naturæ: non primo, quoniam idem non potest esse contrahens & contrahibile, diuidens & diuisum: ergo contrahetur per aliquod additum suæ naturæ, quod etiam Aristotelis verba confirmant primo cæ. 92. dicentis, quod cum duplex sit ratio formæ, alia quidem forma ut forma, alia uero forma ut in materia est, forma non redditur singularis & incommunicabilis per rationem formæ, quia per rationem formæ communicabilis est in plura, & per eandem rationem non potest contrahi ad oppositum, sed redditur singularis, ut in materia; unde inquit, differunt circulus, & hic circulus, quoniam circulus forma est, hic autem circulus forma est cum materia: iam uero per quid forma redditur incommunicabilis & singularis per idem redditur una numero, atqui singularis redditur non ex se, sed per aliquod diuersum à sua natura, igitur non ex se, sed per aliquod diuersum redditur una numero, & in hoc immorari superfluum est.

## Dilucidatio.

**P**ATEFACIAM ego sententiam meam his conclusionibus, quarum prima est, si loquamur de unitate entis quæ eadem est cum essentia rei & ut inquit Auer. 3. disp. in Algaz. fol. 14. dubij nõ dicit supra rei essentiam aliquod additum sicut dicit albedo in ente, sed priuationem diuisionis in entitate tantum, forma seipsa est una, & non per aliquod additum suæ naturæ, quia sicut seipsa, & non alio est formaliter ens, ita etiam seipsa est formaliter una, nec huius unitatis alia est assignanda causa quam suamet essentia. Altera conclusio, si loquamur de unitate numerali quæ ab illa maximè diuersa est, quia hæc accidens est, & supra rem addit dispositionem accidentalem, utpotè in diuisionem & diuisionem accidentalem, forma non est una numero seipsa, sed per aliquod diuersum à sua essentia ut per materiam non quidem præcisè sumptam, sed quatenus signata est, dispositionibusque affecta, unde seclusa materia signata forma nõ manet amplius una unitate numerali, sed tantum unitate entis, & ideo querenda est causa unitatis numeralis ipsius, & assignatur materia, licet modo aliquo concurrat etiam respectus ad agens, non tamen est querenda causa unitatis entis à sua essentia: hinc te colligere uelim communem illam propositionem falsam esse, quam plurimi comprobant Philosophi, quod materia

est una numero positum per formam substantialem dantem sibi unitatem numeralem, cum potius res e contra sese habeat, quod forma substantialis est una numero per materiam signatam, & in illo priori quo materia formam substantialem antecedit propriis dispositionibus affecta, est singularis, & indistincta, siquidem mediantibus illis ante aduentum formae, communis materiae gradum egressa est, quibus ita constitutis, obiecta in oppositum facile diluuntur: & ad primum dicimus, quod Arist. 8. meth. ultimo intelligit de unitate entis, quia sicut simplicia seipsi sunt formaliter entia, ita etiam seipsi sunt formaliter unum ea unitate quae consequitur ad essentiam rei: composita uero quoniam habent causam suae substantiae, habent quoque causam suae unitatis. ad Averrois auctoritatem dicimus, quod si Averroes intelligit de unitate entis, conceditur, nec officit nostrae sententiae: si uero intelligit de unitate numerali à uero peripatetico inficienda est. Ad rationem autem ita responderetur, quod ista uniuersalitas, communicabilitas, unitas entis, & unitas numeralis, uel singularitas non eodem modo sese habent ad ipsam formam, quoniam uniuersalitas non competit ipsi formae secundum esse reale extra animam sed per intellectum, ut habetur tertio de Anima 18. qui abstrahens formam à conditionibus materiae quod nil aliud est nisi intelligere formam non intelligendo materiae conditiones reddit ipsam uniuersalem, ipsam quae hoc modo perinde ac lumen irradiat, & materiae conditiones, quae perinde ac tenebrae impedimento erant, quo minus intelligeretur, depellit ut suo loco declarabitur: communicabilitas autem unitas entis & unitas numeralis conueniunt formae secundum esse extra animam, sed diuersimodè quoniam communicabilitas in plura, & unitas entis conueniunt ipsi formae ex se, unitas autem numeralis non conuenit formae ex se, sed per aliquod contrahens ipsam, tunc ad argumentum dicimus quod cum uniuersalitas non conueniat formae nisi per intellectum, ideo querenda est causa huius, & assignatur in intellectu: communicabilitas autem & unitas entis conueniunt formae ex se, & ideo non est querenda causa horum alia ab essentia formae. Unitas autem numeralis & singularitas licet conueniant formae secundum esse extra animam, non tamen conueniunt ei ex se, sed per aliquod extrinsecum, unde non ualet unitas numeralis conuenire formae ut habet esse extra animam, igitur ex se. quoniam non omne quod conuenit re secundum esse extra animam conuenit ei ex se, sed aliqua ex se, aliqua uero per aliquod extrinsecum.

Qua uia probetur corpora naturalia composita esse ex materia, & forma.



*V*M superius declaratum fuerit qua uia corpora simplicia esse, pariterque ex pluribus corporibus mixta dignoscatur, nunc qua uia corporum naturalium compositio ex materia, & forma cognita sit, considerandum est. quod sanè declarantes dicimus, quod corporum naturalium compositio ex materia, & forma per mutationem, & motum ab Aristotel. cognita fuit. Verum quia corpora naturalia duum generum sunt, alia enim sunt corruptibilia, & caduca, alia uerò sempiterna, ut cælestia corpora, huiusmodi compositio in utrisque non per eandem speciem motus cognita fuit: in corruptibilibus enim per mutationem in substantia cognita fuit: in corporibus autem cælestibus per motum localem, ut etiam testatum reliquit Auer. sub initium primi cap. de sub. orb. ubi ita inquit, Determinatum est enim corpus cæleste componi ex duabus naturis, sicut generabilia, & corruptibilia, sed tamen in istis declaratum est has duas naturas esse per generationem, in cælestibus uerò per motum localem. Ceterum illud considerandum est, ubi, & quomodo per mutationem in substantia corporum corruptibilium compositio inuenta est, & ubi, & quomodo corporum cælestium per motum localem. porro corporum corruptibilium Compositio ex materia & forma ab Aristot. primo phis. cognita fuit, modus autem ille fuit: demonstraturus enim Aristoteles numerum principiorum, in contex. 41. illam enunciationem accepit, quòd principia eorum quæ sunt sunt contraria, quòd sanè & communi priscorum consensu, & ratione comprobauit, uerum quia unum contrarium alterum contrarium recipere minime potest, in contex. 51. præter principia contraria tertium dari oportere probauit quod recipiat contraria, hoc autem materia est, quam obrem tria erunt principia duo contraria, & unum subiectum quod subiicitur contrariis. Ex qua uia illud etiam demonstratur theorema, quòd omne corpus naturale sit, & generatur interuentu materia, forma, & priuationis, quia si in omni mutatione principia contraria reperiuntur ut priuatio, & forma, & præter hæc quia unum reliquum recipere minime potest. requiritur etiam materia, igitur omne corpus naturale generatur, interuentu priuationis, forma, & materie: sed quoniam accedente forma priuatio corrumpitur, cum simul stare non ualeant, & materia manet, quæ in sui gremio aduenientem suscipit formam, igitur in omni corpore naturali quod generatur manent materia, & forma, & consequenter corpus naturale componitur ex materia, & forma: unde corporum corruptibilium compositio ex his propositionibus deducitur,



prima est, quod in omni mutatione principia contraria reperiuntur, ut prius  
 et forma: secunda est, quod idem contrarium non recipit alterum con-  
 trarium, & ex hac deducitur materia: tertia, quod accedente forma priuatio  
 corrumpitur, & materia manet recipiens formam, hinc deducitur in om-  
 ni corpore naturali quod generatur manere. materia & formam, & per cō  
 sequens componi ex materia. & forma. hinc sequitur quod talium corporū  
 compositio ex materia & forma presupponit cognitionem, & inuentionem  
 principiorum, atque cognitio principiorum naturalium necessaria est ei, qui  
 corpora naturalia composita esse ex materia, & forma cogniturus est. & pro-  
 inde Philosophus primo Phisicorum 64 post principiorū inuentionem col-  
 legit corpus naturale quod generatur compositum esse, dicens, quare ex di-  
 ctis manifestum est omne quod fit semper compositum esse, unde Theophras-  
 ti sententia reicienda est, qui principia rerum naturalium probauit ex eo,  
 & corpora naturalia composita sunt, cum tamen res e contra se habeat, quod  
 ex inuentione, & noticia principiorū corpora naturalia composita esse ostēda-  
 tur. nūc uero secūdu explēemus, ubi, & quomodo p motū locale caeleste cor-  
 pus ex materia & forma compositū esse ab Aristotele ostensum fuit, dicimus  
 autem ad hoc, id in octauo Phisicorum libro ab Aristotele hūc in modum  
 ostensum fuisse, Omne quod mouetur ex se compositum est ex duabus uatu-  
 ris, quarum altera est mouens, & altera mota. caeleste corpus ex se moue-  
 tur, igitur ex duabus naturis quarum altera est mouens, & altera mota com-  
 positum est. sed pars mota materia est, pars mouens est forma, igitur caeleste  
 corpus compositum est ex materia, & forma. minor propositio eodem loco  
 demonstrata fuit, maior autem propositio ex his, quae dicta sunt in eodem  
 libro probatur, ubi dictum est, quod omne quod mouetur motorem habet, ne-  
 que idem secundum idē potest esse mouens & motum, quia omne quod mo-  
 uetur ut potentia est, mouetur: motus enim est actus entis in potentia, &  
 omne qd mouet in quantum est actu mouet, iam uero idem secūdu idē actu &  
 potentia esse non potest, quia oppositae rationes & differentia uni & idem  
 conuenire non possunt. igitur idem secundum idem non potest esse mouens,  
 & motum itaque caeleste corpus cum ex se moueatur secundum idem non  
 poterit esse mouens & motum, quapropter ex duabus naturis quarum al-  
 tera mouens est, & forma: & altera mota est, & materia compositum  
 esse necesse est. quo discursu usus etiam est Auerro. sub initium primi cap.  
 de subst. orb. quo in loco de naturis ex quibus caeleste corpus componitur,  
 pertrahatur antea (ut par erat) caeleste corpus ex duabus naturis tan-  
 quam ex materia & forma compositum esse ostendit: quamobrem corpo-  
 ra naturalia composita esse ex materia & forma per mutationem & mo-  
 tum ostenditur, corruptibilia quidem per mutationem in substantia, caelestia

uerò per motum localem. ex quibus illud consequitur, quod aduersus Auer-  
 ram demonstrauit Auerroes primo Phis. com. ultimo. & cum eo tenet  
 Simp. eodem libro com. primo, quod demonstrare corpora naturalia compo-  
 sita esse ex materia & forma, non ad Metaphisicum attinet, sed ad Philo-  
 sophum naturalem, quia cum corpora naturalia composita esse per motum  
 demonstratur, motus autem sit medium naturale, igitur spectat ad Philo-  
 sophum naturalem. Scientia enim & Demonstratio medij naturam insequun-  
 tur, ut plerisque in locis declarauit Arist. & praesertim primo rethor. cap. 2.  
 sub finem, ubi format consequentiam istam, si rethorica demonstraret aliq-  
 uam conclusionem rethoricam per medium poeticum, aut naturale, non erit am-  
 plius rethorica, sed illa per cuius medium demonstrat, aut poetica, aut natu-  
 ralis: quae consequentia ex eo necessitatem hêt, quia scientia sequitur na-  
 turam mediij, & scientia, & demonstratio tales esse dicuntur quale est me-  
 dium, & ideo ualet Aristotelis consequentia, si rethorica demonstraret ali-  
 quam conclusionem rethoricam per medium alterius scientia, non erit am-  
 plius rethorica, sed illa per cuius medium demonstrat. quem Aristotelis lo-  
 cum cupio ut diligenter obseruent studiosi propter quorundam modernorum  
 ignauiam, qui dicere non erubescunt, quod aliqua demonstratio probat ali-  
 quam per medium naturale, non tamen demonstratio illa est naturalis nec  
 attinent ad naturalem sed demonstratio illa insequitur naturam problema-  
 tis, & quæsitum, sicut est de demonstratione illa qua probatur genus abstracto-  
 rum esse per motum æternum: hæc enim, inquiunt, procedit per medium natu-  
 rale nempe per motum, non tamen demonstratio est naturalis, sed metaphi-  
 ca ratione quæsitum quod demonstratur, hoc autem est abstractum esse, quod  
 quidem est secundum ipsos quæsitum metaphisicum, non autem naturale. quo-  
 rum quidem sententia ridicula est; nam si hoc uerum esset, Aristotelis ratio  
 statim collaberetur. nam dum inquit, si rethorica demonstraret aliquam cō-  
 clusionem rethoricam per principia & media alterius scientia ut pote per  
 medium naturale, non erit amplius rethorica, sed illa per cuius media de-  
 monstrabit: negabitur consequentia, quia dicam, quod licet rethorica demō-  
 strete aliquam conclusionem rethoricam per medium alterius scientia, ut per  
 medium naturale, non erit naturalis, sed erit rethorica ratione quæsitum, & cō-  
 clusionis quæ demonstratur quæ rethorica est. Sicut dicunt boni isti philosophi  
 p̄ scientia illa quæ demonstrat genus abstractorum esse p̄ mediū naturale, nō  
 est naturalis, sed est metaphisica ratione illius q̄ demonstratur, q̄ est abstra-  
 ctū ēē, q̄ de ipsorū sententia est quæsitū metaphisicū: si ergo Aristotelis ratio  
 cōsistere debet, dicendum est, & a quouis resoluit̄ tenendum, quod demon-  
 stratio semper insequitur naturam mediij. cum ergo corporum naturalium  
 compositio demonstratur per medium naturale, huiusmodi demonstratio

erit naturalis, & per consequens id attinebit ad Philosophum naturalem. Sed forſe ad hoc dicent alij, quod corporum compositio demonstratur per mutationem, & motum, sed hoc non solum est medium naturale, sed etiam est medium metaphisicum, quoniam motus à Metaphisico quoque consideratur, & proinde talis compositio à metaphisico etiam demonstrari potest: minus à uero declinant isti quàm alij, sed nec horum sententia satisfacit, quia tametsi motus à metaphisico consideretur, tamen ut à metaphisico consideratur medium esse non potest per quod corporum naturalium compositio demonstrari queat. probatur, quia metaphisicus considerat ens inquantum ens, & omnia sub ratione uniuersali, ut legitur quarto Met. & sexto utrobique contex. primo, igitur considerat motum ut ens est, & sub ratione uniuersali, omnia enim sub eadem ratione formali in eadem scientia considerantur: iam uero motus per rationem formalem entis ut ens quod est obiectum metaf. non potest intellectus duci in notitiã huius conclusionis, ut pote compositionis ex materia & forma, igitur motus ut à metaphisico consideratur, medium esse nequit ad demonstrandum conclusionem istam. probatur minor, quia ratio entis communis est simplicibus & compositis, igitur medium esse non potest ad probandum rerum compositionem: adde quod non solum motus, sed unumquodq; aliud quod à Metaphisico consideratur quod participat rationem entis medium esse posset ad probandum corpora naturalia composita esse ex materia & forma, quod tamen communiter inficiantur, concluditur ergo quod corpora naturalia composita esse ex materia & forma demonstratur per mutationem & motum inquantum medium naturale, & per consequens hanc conclusionem probare solum attinet ad Philosophum naturalem, quod erat probandum, sed cum ex iam dictis conspicuum sit celeste corpus compositum esse ex materia & forma, nunc eius materiam & formam consideremus qua in re dilucidanda hæc explicanda proponimus: primum quidem, an materia cæli sit eiusdem uel alterius rationis cum materia sublimarium: secundum, si alterius rationis est, an potentia sit, uel actu: tertium, quæ sit eius forma: postremum quomodo sese habeat respectu cæli, an ei uniatur ut forma, uel ut motor, quibus sic explicatis, quid sit celestis corporis substantia uniusque facile poterit intelligere.



An materia cœli sit eiusdem naturæ cum materia inferiorum.



*P* M cœleste corpus ex materia & forma concretū sit, ut prio-  
re cap. habitum fuit nunc illud ex iis quæ proposita suere, pri-  
mò considerandū occurrit. an eius materia sit eiusdem naturæ  
cum materia inferiorū. quæ in re non est eadem apud oēs opi-  
nio, ex græcis Io. Gram. Auicennas primo libro sue suffic. cap.  
4. ex latinis Egidius in proprio quesito de materia cœli cōcordes asseruerūt  
materiā cœli eandem habere naturā cum mate. ia inferiorum, quā sententiā  
pluribus persuadere conati sunt, et primo sic, In pura potētia nulla reperitur  
distinctione quoniā actus est quī causa distinctionis existit, ex 7. met. contex. 49  
Sed materia cœli & inferiorū sunt pura potentia, igitur in eis secundū essen-  
tiā nulla reperitur distinctio. probatur minor ex Auer. 2. Cæ. cō. 3. ubi ait,  
q̄ ex materia & cœlesti forma sit magis unū quā ex materia & forma infe-  
riorū, igitur ex materia & cœlesti forma sit unū p̄ se atqui unū per se sit, q̄a  
forma est actus, & materia potentia ut scribit Arist. 8. met. contex. 15. igitur  
materia cœli potentia est, præterea si materia cœli & inferiorū essent alte-  
rius rōnis, igitur hæ duæ naturæ non aequaliter distaret à primo ente. deduci-  
tur consequētia, quoniā ex 8. Met. 10. species rerū sunt sicuti numeri, sicut  
igitur numeri non aequaliter distant ab unitate, ita species entium nō aequaliter  
distant à primo, si ergo hæ duæ materia diuersā hēnt naturā, ergo altera erit  
p̄fectior, & primo enti, propinquior, id autē dici non pōt, quoniā tunc altera  
ipsarū actus magis particeps erit, & ita non erit pura potentia, quod falsum  
esse supra ostensū fuit. cū igitur ambæ pura potētia sint, igitur ambæ equali-  
ter distabunt à primo, & equalis erunt p̄fectionis, & p̄ consequens eiusdē na-  
turæ, & rōnis. tertio arguit Egidius hoc pacto, materia, ut testatū reliquit  
Auer. primo de phis. auditu com. 70. est qd mediū inter ens & nihil. igitur  
in ea non reperiuntur gradus. deducitur consequentia, q̄a si materia gradus  
haberet, hoc esset uel ut cōparatur ad ens, uel ut cōparatur ad nihil, hoc est,  
uel q̄a altera materia magis p̄ticipet esset entitatis q̄ reliqua, uel q̄a altera  
tenderet magis ad nihil q̄ reliqua: si primum dicatur, tunc illa quæ sic poni-  
tur esse materia, non erit materia, quia non erit media inter ens, & nihil, sed  
inter ens & materiā: si uerò dicatur secundum, nec illa erit materia, quia non  
erit media inter ens & nihil, sed inter materiam cœli & nihil. præterea si es-  
sent alterius rōnis non essent naturæ simplices sed compositæ, deducitur, quo-  
niā quæ differunt, p̄ aliquam differentiā differunt, igitur compositionē habe-  
bunt differētē i.e. p̄ quā differunt. insuper, quæ inuicem secundū magnitudinē  
cōparantur cōicant in materia, ut legitur 2. de gener. contex. 37. cœlū & in-  
feriora secundū magnitudinē comparantur: dicimus. n. solē maiorem esse to-  
ta terra. igitur cōem habent materiam. postremo rō ista adiicitur, omne cor

pus corruptibile, Cælum corpus est. igitur corruptibile, igitur materiam hē  
 eiusdem natura cū materia inferiorum: probatur maior ex demonstratione  
 Aristotelis 8. phis. contex. 79. quā bmoī est. nullū corpus, aut uirtus in cor-  
 pore potentiā hēt infinitā, primus motor hēt potentiā infinitā, igitur primus  
 motor non est corpus, neque in corpore, uirtus, tunc quaritur, pro quo suppo-  
 nit corpus in maiore propositione, aut .n. supponit uniuersaliter, aut non. si  
 primo, habetur propositū si secundo, igitur Arist. non probauit primū motore  
 nō esse corpus uniuersaliter, sed indefinitē. igitur nō potuit inferre indiuisibīlē  
 & impartibīlē esse. si igitur inferre dēt primū motore impartibīlē esse, necessa-  
 riō corpus uniuersaliter accipi dēt, quāobrem nullū corpus habet potentiā  
 infinitā, cū autē cælū corpus sit, potentiā igitur non hēt infinitā, caducū itaq;  
 erit, & per consequens cū sublunaribus cōem materiā habebit. qua rōne usū  
 fuisse Io. Grammaticum ad probandū cælū corruptibile esse testatur Aue. 8.  
 phis. com. 79. hęc sunt ex quibus probant materiam cæli & inferiorū eandē  
 habere naturam. sed istorum uirorum opinio ab Aristotelis sententia peni-  
 tus dissentit, nam si cæli materiam hēret eiusdem natura cū materia inferio-  
 rum, cælum nō secus ac inferiora corruptibile esset, quod falsum esse primo cæ-  
 li 20. Aristoteles demonstrauit: consequentia est ipsius Philosophi loco ci-  
 tato, pariter consequentia est Auerrois qui ubique hanc consequentiam for-  
 mat. fuit etiam Alexandri Aphrodisæi primo quæst. natural. cap. 15. & Sim-  
 plicij 8. phis. contra Io. Gram. nam cum materia sit causa per quam res po-  
 test esse & non esse, ut habet Arist. 2. de gener. 5. 1. si hęc in cælesti corpo-  
 re reperiretur, igitur in eo reperiretur causa per quam posset non esse. cate-  
 rum huic rationi satisfaciunt interpretes isti, uario tamen modo. Io. Gram-  
 maticus recepit totum argumentum, cōcesitque cælestē corpus sui natura cor-  
 ruptibile esse cū internum habeat corruptionis principium, quod si eternū  
 est, id habet à uoluntate primi mouentis. Sed responsio ista Aristoteli apertissi-  
 mē contradicit, nam ut demonstratum est ab Arist. primo cæli possibile ex se  
 ab alio perpetuari non potest, quonia tūc natura contingens in necessariam  
 commutaretur, quod etiam nō suffus proprio capite demonstrauimus, ad quē  
 locum lectorē reuicimus. præterea Philosophus 1. cæli 20. causam assignās  
 quare cælum sit æternum, inquit, cælum æternum est, quoniā caret materia:  
 quod si cælestē corpus à primo motore eternitatē habet, tūc causa referen-  
 da erat in primū motore, non in carentiā materia: secus nō causam pro cau-  
 sa assignasset. adde quod Aristoteles falsō principio usus esset, cum inquit, cæ-  
 lum æternum est quoniam caret materia, aliquis .n. dicere posset hoc princi-  
 pium falsum est, quoniam secundū Io. Gram. cælum materiā habet. ea propter  
 Egidius alio modo rationē p̄soluere nixus est, illud in primis animaduertēs  
 quod materia nō ē corruptionis cā nisi merito cōtrarietatis repta in formis

ex qua contrarietate oritur priuatio in materia : hoc stante sic respondet , quod licet Cælum commune habeat materiam cum inferioribus , non propterea Cælum corruptibile est, quoniam eius forma non habet contrarium, & ob id non ponit in materia priuationem, & potentiam ad aliam formam, unde causa incorruptibilitatis Cæli non est carentia materiae, sed carentia contrarij. sed & hac Aegidij responsio ab Arist. aliena est, nam cum inquit quod materia non est corruptionis causa nisi ratione contrarij, id Aristoteli aduersatur primo Cæli 20. ubi inquit, quod omne quod corrumpitur ex subiecto, & contrario corrumpitur: igitur non solum contrarium, sed etiam materia ex se corruptionis causa est. secus si materia solum ratione contrarij corruptionis causa esset, falso Philosophus ut distinctam corruptionis causam materiam assignasset, a quo accepit Auer. primo de sub. orb. ubi sic inquit, causa corruptionis entium est contrarietas existens in formis, & commune subiectum quod nullam propria forma habet, itaque secundum Arist. materia non solum ratione contrarij, sed etiam ex se corruptionis causa est. illud insuper falsum est. quod addit, quod licet Cælum commune cum inferioribus habeat materiam, non tamen habet formam habentem contrarium, non legit uir iste Aristotelem in libro de long. & breu. uitæ; ubi inquit, quod ubi materia ibi de necessitate contrarium quem sequutus est Auerroes primo Cæli Com. 95. ubi ita ratiocinatur, si cælestia corpora materiam haberent eiusdem scilicet naturæ cum inferioribus, ergo haberent contrarium, quæ hipotetica ex ea necessitate habet, quoniam ubi materia ibi contrarietas. pariter Com. primo Phis. Com. 79. format consequentiam istam, si cælestia ueræ materiæ haberent, ergo haberent secum annexā priuationē, quoniā impossibile est materiam à priuatione seungi, & à contrarietate, unde illa affirmatiuè, & negatiuè inuicem conuertuntur, ubi non est commune subiectum, ibi non est contrarietas, & uersa uice, ubi non est contrarietas, ibi non est commune subiectum. ut etiam declarauit Auer. primo de sub. orb. inquit, si aliqua corpora simplicia sunt. quorum formæ carent contrariis non sunt corruptibiles, nec habent commune subiectum. pariter affirmatiuè se consequuntur, ubi contrarietas ibi commune subiectum, quoniam contraria commune subiectum exposculant, ut habetur primo Phis. contex. 51. & ubi materia, & commune subiectum, ibi contrarietas, ut patet ex libro illo de long. & breu. uitæ, quo fundamento innititur illa Auerrois propositio Com. 124. omne possibile ab intrinseco est possibile ab extrinseco, quoniam ubi materia ibi contrarium, ideo si possibile est ab intrinseco per materiam, est possibile ab extrinseco per contrarium. nec illud admitti potest quod etiam addit, quod causa quare cælum incorruptibile sit non est carentia aut diuersitas materiae, sed carentia contrarij, quoniam Philosophus primo Cæli 20. red



dens causam quare Cælum est incorruptibile inquit, quoniam caret contrario, & materia: igitur non solum carentia contrarii est causa incorruptibilitatis Cæli, sed etiam carentia materia, quod si solum carentia contrarii causa esset, igitur Philosophus temere præter carentiam contrarii, carentiam quoque materiae assignasset, ex quibus iam satis patere arbitror Aegidii responsionem nullo pacto peripateticam esse: consistit ergo argumentum in robore suo quod si Cælum cum inferioribus communem habeat materiam, & insit inferiorum corruptibile erit quod fuit præcipuum fundamentum quo non solum Auer. Alex. & Simplicius innixi sunt, uerum etiam Aristoteles loco citato. præterea unitas generis & differentia ex materia sunt ut habet Arist. 10. Met. 12. tunc sic arguitur, quæ non habent unitatem generis, non habent unitatem materiae, Cælum & inferiora non habent unitatem generis, quoniam ex 10. Met. contex. 26. corruptibile & incorruptibile genere distinguuntur, igitur Cælum & inferiora non habent unitatem materiae. quo, obsecro, se uertet Aegidius, nam cum dicitur Cælum & inferiora corruptibile & incorruptibile differunt genere, aut intelligit de genere Phisico, aut de genere Logico si primo habetur propositum, quoniam hoc materia est, si secundo, tunc accipio maiorem illam Aristotelis, quæ non habent generis unitatem, non habent unitatem materiae, & quero pro quo supponit genus in hac propositione uel pro genere Logico, uel Phisico, si primo igitur quæ non habent unitatem generis logici non habent unitatem materiae, & ita si per ipsum corruptibile & æternum ut Cælum & inferiora generis logici unitatem non habent, igitur nec unitatem materiae: si secundo, hoc summæ dementiæ est, quoniam idem est ac si dicat, quæ non habent unitatem materiae, non habent unitatem materiae. propterea quouis modo dicatur caelestia & inferiora non habere unitatem materiae, fateri necessarium est. colligitur quoque fundamentum ex Aristotelis dicto primo de Gener. 87. quod est quæ inuicem non transmutantur non habent eandem materiam, Cælum & inferiora inuicem non transmutantur, ergo non habent eandem materiam. sunt postremo duo Aristotelis loca quæ istorum sententiam penitus euertunt. unus quidem est 8. Met. 12. ubi Philosophus ita scribit ad uerbum, in naturalibus quidem sempiternis alia ratio, aut non habent materiam, aut non talem: Sed solum secundum locum mobilem: alter uerò est 12. Met. 10. in quo ita habet quæcunque transmutantur materiam habent, sed aliam sempiternorum quæcunque non generabilia sunt latrone autem mobilia, uerum non generabilem habent. sed unde & quo, hæc Aristoteles in quibus nemo est qui non uideat quod eam materiam reiecit à corporibus sempiternis, qualē inesse affirmat corporibus corruptibilibus, quia dicit æterna illa corpora aut materiam non habent, aut si habent, talē non habent qualem scilicet possident caduca, sed

aliam, uerum nec ista loca pertinuit Aegidius, sed ad hæc quoque responsio-  
nem excogitauit, quòd materia bis. considerari potest, uno modo ut subiectum  
formæ, alio modo ut subiectum transmutationis, tunc inquit, quòd quando  
Philosophus ait, quòd æterna non habent eandem materiam quam habent  
sublunaria, materiam accepit ut est subiectum transmutationis: quia enim  
æterna secundum substantiam non transmutantur ut inferiora, proinde non  
habent eandem materiam, ut est subiectum transmutationis, sed non negat  
quin habeant eandem secundum essentiam, & ut est subiectum formæ. sed  
non cognouit Aegidius propositum Aristotelis in illo contex. 12. octau  
Met. nam ut cæcutientibus etiam notissimum est in illo contex. declarat qd  
in definitione absoluta omnes causæ collocari debent, ut hominis collustrat  
exemplo, in cuius definitione forma, finis, & efficiens, pariter & materia in  
esse debet. cum autem hoc Philosophus declarasset, inquit, in substantiis na-  
turalibus æternis, alia ratio, nam in his aut non reperitur materia, aut in de-  
finitione ipsarum non ponitur talis materia quæ ponitur in definitione cor-  
ruptibilem, ecce quòd loquitur de materia respectu definitionis, ergo negat  
in Cælo tandem esse materiam respectu definitionis: non itaque in eo cõtex.  
negat eandem esse materiam Cæli, & sublunarium respectu transmutatio-  
nis, ut inquit ipse. præterea Philosophus declarans naturam materie Cæli,  
& differentiam inter hanc & illam, habet hæc uerba, In naturalibus sub-  
stantiis sempiternis alia ratio: aut enim in his non reperitur materia, aut nõ  
talis, sed qualis, inquit, solum inest materia mobilis secundum locum, & po-  
tentia, unde et quo, ut asserit libro 12. contex. 10. si igitur solum est materia  
mobilis secundum locum, & potentia unde & quo, ergo non est subiectum for-  
mæ, & potentia ad formam, nam des oppositum, tunc materia illa non solum  
erit subiectum respectu motus, & solum potentia respectu ubi, sed erit e-  
tiam subiectum respectu formæ, & potentia ad formam contra Philosophum  
cum hac exclusiua dicentem, quòd solum est materia mobilis secundum lo-  
cũ, & potentia ad ubi, quare non solum negat esse eandem respectu trans-  
mutationis, sed etiam secundum essentiam, quoniam sublunarium materia est  
subiectum receptiuum formæ, & potentiam ad formam, materia autem Cæ-  
li subiectum solum respectu motus, & solum potentia ad ubi, quod etiam cõ-  
firmo ut hic error è mentibus hominũ penitus auferatur. ex primo de gener.  
87. ubi Philosophus inquit, quod quæ non sunt inuicem transmutabilia non  
habent eandem materiã, ut sanitas, & ars medicatiua. sed hæc non solum  
diuersam habent materiam respectu transmutationis, sed etiam secundũ es-  
sentiã, quoniam subiectum artis medicatiuæ est anima, subiectum uerò sanita-  
tis est corpus, quæ etiam secundum essentia distinguntur, ergo quæ non sunt  
inuiçẽ transmutabilia non habent eandem materiam, nec respectu transmu-  
tatio-

rationis, nec secundum essentiam, iam uero cum caelestia corpora & sublunaria non sint inuicem transmutabilia, ergo non solum diuersam habent materiam respectu transmutationis, sed etiam secundum essentiam.

## Dilucidatio.

**O**B hac itaque statuimus, & hac pro ueritate conclusionem ponimus, quod materia caeli & materia inferiorum sunt alterius rationis, & alterius naturae, quam conclusionem tenuerunt Alexander, Simplicius, Auer. & inter Latinos praecipue B. Doctor: materia. n. est quoddam genus eoe analogum, uel ab uno & ad unum sub quo materia caeli, & materia inferiorum diuersa analogata, diuersique modi materiae continentur, ut dicere uidetur Arist. 2. de Gener. cont. 51. ubi inquit, sunt igitur & numero equalia, & genere eadem principia, quae & in sempiternis & incorruptibilibus, hoc. n. ut materia, hoc autem ut forma, tertium ut agens. unde materia caeli & inferiorum ita sub uno communi genere continentur ut forma & efficiens. certum est autem quod forma & efficiens aeternorum & generabilium non conueniunt genere uniuoco, sed analogo, ergo & materia caeli & inferiorum sub uno communi analogo continentur. qua conclusione ita constituta reliquam est, ut rationes quibus ii propriam tumentur sententiam, persoluatur, & ad primam, quicquid dixerit B. D. negatur illa minor, quod materia caeli sit pura potentia, siquidem materia caeli ut infra magis patebit, ex se actu est, ideo intrinsece distinctui potest a materia sublunarium: & talis distinctio dicitur esse per actum, sicuti cum materia distinguitur a forma, talis distinctio dicitur esse per actum secundum E. idium, quoniam materia est potentia, & forma est actus. ita cum materia caeli actu sit, materia autem inferiorum potentia, huiusmodi distinctio dicitur esse per actum: sed uerius dicuntur primo diuersa quam differentia composita enim propriae differentiae dicuntur, quoniam per aliud distinguuntur, simplicia uero dicuntur pri. diuersa, quoniam seipsis & non alio inter se distincta sunt. Ad illam autem Auerrois autoritatem 2. Ca. com. 3. qua probabatur quod materia caeli potentia sit, quia ex intelligentia & orbe fit magis unum quam ex materia & forma inferiorum, dicimus quod non intelligit Auer. quod ex intelligentia & orbe fiat unum per se ut proprio cap. ostensum fuit. Sed intelligit quod ex intelligentia & orbe fit magis, unum hoc est magis indiuisibile quam ex materia & forma inferiorum, quia cum intelligentia non uniatur orbi mediis antibus dimensionibus indiuisibilis est, ex indiuisibili autem & diuisibili ut ex intelligentia & orbe fit magis indiuisibile, & consequenter magis unum, quam ex materia & forma inferiorum, quarum & una & altera diuisibilis est. Ad secundam cum dicebatur si sunt alterius rationis non aequaliter distarent a primo secundum perfectionem naturae, & ita non erit utraque pura potentia, sed altera erit magis particeps actus. ad hoc concedimus totum argumentum, nec nos ad aliquod



deducit incommodū, immo quæ apud ipsum falsa sunt, nos maxime peripatetici diiudicamus, nā materia Cæli actu est, & ita altioris & perfectioris nature quā materia sublunarium quæ pura potentia est, & sicut in omni alio genere causæ reperitur ordo & gradus secundum maiorem & minorem perfectionem naturæ, ita etiam reperitur in genere causæ materialis, nā una est eminentioris gradus quā altera, quod etiam declarauit Auer. 2. Cap. de subst. orb. ubi inquit, quod materia corporum cælestium est perfectior ceteris modis materia, & reddens causam inquit, quia non est in ea de potentiis nisi potentia tantum ad ubi. quod etiam repetiuit in ult. cap. dicens, materia enim gradus habet, quoniam datur materia quæ pura potentia est, quæ infimi gradus existit. datur autem materia altioris gradus quæ media est inter puram potentiam, & purum actum sicut est materia Cæli, quare in genere causæ materialis gradus reperiuntur, quos etiam innuere uisus est Aristoteles 8. Met. 12. cum uerò addit Aegidius, Materia est quid medium inter ens & nihil, & Auer. primo Phis. 70. igitur in ea non reperiuntur gradus. dicimus quod Auer. in eo loco non loquitur de materia simpliciter, & in sui communitatem secundum omnem modū ipsius, sed loquitur de materia sublunarium tantum: hæc enim cum sit pura potentia est quid medium inter ens & nihil, & propterea in ea non est dare gradus. at materia Cæli est media inter ens uel actum purum & materiam quæ pura potentia est. quod ex ipso met Auer. declarari potest ultimo cap. de subst. orb. ubi ita scribit de materia Cæli, sed ista materia habet esse medium inter materiam quæ est omnino in potentia, & actum purum, scilicet tres dimensiones, in quib. nō est portio oīno, nā non est ut materia inferiorum, quoniam materia cæli actu est, non est sicuti tres dimensiones, quoniam materia cæli habet aliquam potentiam scilicet ad ubi. tres autem dimensiones quæ in ipsa sunt nullam potentiam habent nec ad esse, quoniam actu existunt in materia Cæli. nec potentiam habent ad terminū quoniam terminatæ sunt, & propterea actus puri & sine potentia ab Auer. hæc tres dimensiones nuncupantur. ecce quod Auer. non ponit materiam secundum omnem modum ipsius quid medium inter ens & nihil, ut putauit Aegidius, sed solum materiam inferiorum cum insuper dicebatur si sunt alterius rationis, non erunt nature simplices. negatur cōsequenter, ad probationem autem dicimus ut antea animaduersum est, quod nō est idē esse differens & diuersum, nam quæ propriè differunt per aliquā differentiam differunt, & ideo ista differētia cōpositionē includunt, hæc autē cōposita sunt quæ propriè differētia dicuntur, & differētia & actus per quem distinguuntur compositionem admittunt, sed quæ primo diuersa sunt non per aliud, sed seipsis distinguuntur. iam uerò materia Cæli & inferiorum non dicuntur differentes, sed sunt primo diuersa, & seipsis distincta: & proinde non

sequitur ut composita sint, sicuti à simili materia & forma, & due differentie substantiales inter se distinguuntur, non tamen compositae sunt, quoniam sunt primo diuersae, & seipsis distinctae, cui solutioni aspiulatur Alex. primo naturali. quæst. cap. 15. Ad penultimam concedimus quòd cœlestia & sub-lunaria secundum magnitudinem comparantur, sed sicuti magnitudine conueniunt, ita etiam materia, at secundum magnitudinem conueniunt non uni-uocè, sed analogicè si naturaliter considerentur. ergo etiam materiae analogicè conueniunt. Ad ultimam rationem negatur maior, ad probationem respon-det Auer. in Com. illo 79. quòd subiectum illius maioris supponit uniuersali-ter, sed Aristoteles per potentiam infinitam non intelligit potentiam infinitam extensiuè, & in duratione, sed uigoris, ut sit sensus, Nullum corpus, aut uirtus in corpore habet potentiam infinitam, in uigore, sed ista responsio fal-sa est, quia si potentia infinita acciperetur intensiuè & in uigore, tunc poten-tia infinita in uigore conueniret omnibus intelligentiis, quod dici nequit. pro-batur consequentia, quoniam si in maiore propositione accipitur potentia in-finita in uigore, igitur eodem modo accipitur in minore, secus esset. equiuoca-tio in terminis, sed cum in minore propositione prædicetur de quolibet moto-re cœlesti, quia primus motor qui est subiectum illius minoris supponit confu-sè pro quolibet motore cœlesti, non speciatim pro primo motore simpliciter ut à nobis demonstratum fuit contra communem sententiam in capite de prin-cipio indiuiduationis substantiarum separatarum, ad quem locum lectorem reii-cimus. igitur infinitus uigoris omnibus conueniret intelligentiis, præterea esto quòd primus motor accipiat pro primo motore simpliciter, igitur pri-mus motor haberet potentiam infinitam in uigore, nam cum in maiore secun-dum ipsum accipiat potentia infinita in uigore, igitur eodem modo accipi-tur in minore, & cum in minore affirmetur de primo motore, igitur primus mo-tor erit infiniti uigoris, quòd est contra ipsius sententiam, qui in eo loco & ali-bi determinauit quòd primus motor est finiti uigoris, quare dum se tueri pu-tat Auer. in alium scopulum nauim impingit, ea propter aliter mea sententia dicendum est, quòd in eo loco non intendit Arist. demonstrare primum moto-rem non esse corpus, ut putat Auer. eo modo formando demonstrationē, quia non esse corpus superius demonstrauit, cum probauit immobilem esse & per se & per accidens, sed demonstrare intendit primū motorem (accipiendo sem-per primum motorem, confusè ut est quid commune cuilibet motori cœlesti) non esse uirtutem in corpore, & in magnitudine hoc est non esse uirtutē con-sistutam in esse per magnitudinem & subiectum, & demonstratio huiusmodi est, nulla uirtus in magnitudine habet potentiam infinitam in duratione, pri-mus motor habet potentiam infinitam in duratione, quoniam mouet tempore sempiterno, igitur primus non est uirtus in magnitudine, igitur indiuisibilis

erit & impartibilis. sed statim occurreret aliquis dicens, quòd Aristoteles per potentiam infinitam non intelligit in duratione, sed in uigore, quia paulo infra format consequentiam istam, si uirtus in magnitudine haberet potentiam infinitam, igitur moueret in instanti, hoc autem non sequitur ex infinitate durationis, sed uigoris: igitur per potentiam infinitam non intelligit durationis, sed uigoris, difficili sane uersamur loco. dicimus tamen Aristotelem accipere potentiam Aristotelis ualet ex hoc, quoniam si esset aliqua uirtus in magnitudine quæ aterna esset, aeternoque tempore moueret, tunc esset infiniti uigoris, nam si uirtus est in magnitudine defatigari & deficere potest: si autem aterna est, & mouet tempore aeterno, igitur nunquam defatigabitur, nec unquam deficiet. igitur perpetuo resistet causis defatigationis, & corruptionis: id autem fieri nequit nisi sit uigoris infiniti: non enim uirtus caduca & defatigabilis perpetuo resistere potest causis laboris & interitus, nisi sit infinita uirtutis & uigoris, quamobrem si fuerit uirtus in magnitudine quæ sit durationis infinita, necessario erit infinita uirtutis & uigoris: si sic ergo mouebit in instanti, non tamen sequitur si sit uirtus extra magnitudinem & abstracta, quoniam ut sic insatigabilis est & nunquam defectura, nec habet causas laboris & defectus sibi occurrentes, quibus perpetuo resistere debeat, & propterea non sequitur si sit extra magnitudinem, quòd sit infiniti uigoris, & consequenter quòd moueat in instanti, & in hoc, ni fallor, consistit Aristotelis demonstratio, sed cum materiam Cæli alterius rationis esse à materia sublunarium ostensum sit, an pura potentia sit uel actu, sequenti cap. declarabimus, quòd fuit secundum in ordine propositum.

#### An materia Cæli potentia sit, an actu exacta explicatio.



**C**OELESTIS corporis materiam alterius rationis esse à materia sublunarium superiori capite cumulatissime demonstrauimus, nunc illud à nobis considerandum est, an materia Cæli potentia sit, an actu, quæ etiam in re apud interpretes controuersia est: putauit B. D. quòd materia Cæli quamuis sit alterius rationis à materia sublunarium, nihilominus ex se pura potentia sit, actu autem per propriam formam constitutur. differentia tamen (ut inquit) est inter hanc & inferiorum materiam, quoniam materia Cæli est potentia ad esse tantum, quam etiam uocant ad dimidium contingentis, & unica forma contenta sit, à qua nunquam separari potest. cum nulla sit in ea priuatio alterius formæ: at infe-



reriorum materia potentia est ad esse & ad non esse, nec unica forma contenta est, quoniam in ea semper iuncta est priuatio alterius forme, quam etiam opinionem plures ex modernis sequuti sunt, quæ opinio inde fundamentum sumere uidetur, quoniam omne compositum per se unum constat ex duabus naturis, quarum altera est actus, & reliqua potentia. Cælum est compositum per se unum, ergo constat ex duabus naturis, quarum altera est actus, & reliqua potentia, quare materia Cæli erit pura potentia: probatur insuper ex Aristot. 8. Met. 3. ubi diuisa substantia in materiam, formam, & compositum hunc in modum materiam definit, Materia secundum se potentia est. quod etiam repetiuit 2. de Anima 2. certum est autem quod diuiditur substantia in communi, ergo diuiditur in membra diuidentia in communi, secus non euacuaretur tota natura diuisi. quare definitur materia in communi ad materiam Cæli, & ad materiam inferiorum, igitur utraque materia secundum se potentia est. sed opinio ista ab Aristotelis sententia aliena est, quod ex pluribus Aristotelis locis ualidisimè demonstrari potest, & primo probatur ex octauo Met. contex. 12. ubi Philosophus differentiam ponens inter materiam Cæli, & materiam inferiorum, sic inquit, in sempiternis autem corporibus materia reperitur solum secundum locum mobilis, & solum potentia unde & quod, ut etiam repetiuit in 12. contex. 10. quod si solum est materia mobilis secundum locum, cum subiectum motus sit in actu, ergo materia Cæli secundum se existit in actu, & non est potentia nisi ad ubi. ceterum nonnulli ita respondent, quod cum Philosophus inquit, quod materia Cæli est solum mobilis secundum locum, & potentia ad ubi, non accipit materiam secundum se, quoniam ut sic non est in actu, nec est subiectum motus, sed accipit materiam Cæli, ut est informata propria forma, & hoc pacto actu est, mobilisque solum secundum locum habens potentiam ad ubi. sed ii Aristotelis intentionem in eo loco minime sunt assequuti, nam Aristoteles eo in loco loquitur de materia, ut ponitur in definitione, ut patet legenti textum illum. iam uero materia non ponitur ut informata forma, quoniam tunc est, compositum, sed ponitur ut natura simplex, & natura contradistincta à forma & ab aliis causis, ergo Philosophus loquitur de materia ut est contradistincta à forma, & secundum se. cum ergo dicit quod materia Cæli actu est, uel mobilis secundum locum id intelligi debet de materia Cæli secundum se non considerata forma. insuper Philosophus in eo loco contradistinctum materiam Cæli à materia inferiorum, tunc quæro, aut Philosophus accipit utramque materiam ut utraque informata est, uel ut materia Cæli informata est, & materia inferiorum sine forma, aut accipit utramque secundum se, & ut sine forma est. si primo modo dicatur, id falsum est. quoniam tunc non contradistingueretur materia Cæli à materia inferiorum, quia sicuti materia Cæli ut informata, est

subiectum motus, ita, & materia inferiorum, adde quòd ut informata non ponitur in definitione ut dictum est, seclusa forma, ergo non accipitur utraque ut per propriam formam actuata & formata est, nec dici potest secundum modo, quoniam tunc comparatio esset in equinoco, quia accepisset materiam cæli ut informata est, & materiam inferiorum ut in formis est. igitur utraque accipitur secundum se, & sine forma, ergo materia cæli secundum se seclusa forma erit in actu, & mobilis secundum locum, materia uerò inferiorum erit in potentia, præterea quòd materia cæli non sit potentia probatur ex nono Met. 17. ubi Philosophus probans motionem cæli non esse laboriosam. ita ratiocinatur, causa laboris, & defatigantis est materia in potentia, non autem qua actu: materia cæli est in actu, igitur materia cæli non est causa laboris, in qua ratione duplex supponit dari materiam genus unum quod potentia est quod laboris causa esse dicitur, alterum uerò quod actu est, & quòd materia cæli actu est, quod ex eo confirmari potest, nam omnis potentia ad esse est potentia contradictionis, & ad non esse, si igitur materia cæli est in actu per formam, ab intrinseco autem & ex se est potentia ad esse, igitur erit potentia ad non esse, quare cælum non erit æternum, probatur assumptum ex Aristotele nono Met. context. 17. ubi hac ratione probat æterna non habere potentiam ad esse, si æterna haberent potentiam ad esse, ergo haberent potentiam contradictionis & ad non esse. probat consequentiam, quoniam omnis potentia simpliciter uel ad esse. est potentia contradictionis, qua etiam ratione usus fuit Aristoteles duodecimo libro context. 30. ad probandum intelligentias non esse in potentia, ex qua quidem Aristotelis ratione è medio tollitur potentia illa ad esse tantum, quam etiam uocant ad dimidium contingentis: nam si daretur huiusmodi potentia, Aristotelis consequentia nulla erit, cum inquit, si æterna haberent potentiam ad esse, ergo haberent potentiam ad non esse, quoniam dicam quòd æterna habent potentiam ad esse tantum, negaboq; propositionem illam quam assert probationis loco quòd omnis potentia simpliciter & ad esse est potentia contradictionis, quoniam dicam semper quòd datur aliquid quod habet potentiam ad esse, quod tamen non seruat potentiam ad non esse ut dicunt isti, si ergo Aristotelis ratio necessaria est, dicendum est quòd omnis potentia ad esse est potentia ad non esse, & consequenter materia cæli si ex se potentia est ad esse, igitur erit potentia ad non esse, quare cælum non erit æternum, cum habeat materiam qua est in potentia contradictionis ad esse, & ad non esse. uerum suere nonnulli, & acuti quidem homines ex classe Beati Thomæ qui huic rationi ita respondere conati sunt, quòd potentia duplex est, una quidem alijiciens actum, alia uerò conjuncta actui, tunc dicunt quòd omnis potentia abijiciens actum est potentia

contradictionis, & hanc remouet Aristoteles à substantiis æternis, potentia uerò coniuncta actui non est in potentia ad non esse, & hæc reperitur in materia cæli, & de ista non loquitur Arist. contextu illo 17. Sed isti non perceperunt quamuis grauisissimi sint interpretes Aristotelis intentionem in contex. illo, nam ut patet ex primis uerbis illius contextus intentio est de clarare qd actus secundum substantiam est prior potentia. dicit. n. [secundum hanc rationem palam est qd actus prior est secundum substantiam potentia] quare de illa potentia loquitur quam actus antecedit, sed hoc non solum est potentia abiiciens actum, sed ois potentia quæ est passiva & receptiua actus, ergo non solum Philosophus in eo contextu loquitur de potentia abiiciente actum, sed de quauis potentia passiva sermonem habet, secus non probaret actum priorem esse secundum substantiam omni potentia, sed solum potentia abiiciēte actum, itaque subiectum huius propositionis, omnis potentia ad esse est potentia ad non esse, supponit pro omni potentia passiva & receptiua actus. accedit quòd data responsione ista rueret Aristotelis ratio 12. Met. 30. qua probat quòd substantie ille mouētes cælum nullam potentiam passiuam secum teneant, sed sint actus absoluti: sic. n. ratiocinatur, Si substantia mouentes cælum potentiam haberent ad esse, ergo potentiam haberent ad non esse, igitur non essent æternæ, & consequenter nec motus æternus. iam uerò si datur potentia ad esse tantum, & coniuncta actui, Aristotelis consequentia nulla erit, quoniam dicam quòd habent potentiam coniunctam actui, non autem potentiam abiicientem actum, & propterea non sequitur quòd possint non esse, sequeretur enim si potentiam haberent abiicientem actum, quare Philosophus non demonstraret diuinas illas mentes esse actus puros ut infert, & ab omni potentia immunes, sed tantum à potentia abiiciente actum. quapropter dicendum est, quòd omnis potentia ad esse est potentia contradictionis nulla facta distinctione de potentia abiiciente actum, uel coniuncta actui, & per consequens si materia cæli ex se est in potentia ad esse, erit potentia ad non esse; ultimo & principaliter quòd materia cæli non sit potentia, sed actus, probatur ex methodo & uia qua Aristoteles cognouit materiam, cæli. nam materia cæli ab Arist. inuenta & cognita est ex motu locali, iam uerò motus localis non arguit nisi materiam, & subiectum in actu, cum potentia ad terminum motus, & ad ubi, igitur ab Arist. in cælo non cognita fuit alia materia nisi materia in actu, cum potentia ad ubi, & ideo iuxta banc methodum qua incescit Arist. 8. met. contex. 12.

& ubique dixit in cælo aut non reperiri materiam, aut solum secundum locum mobilem & actum, potentia uerò unde & quo.



**P**ROPOSITAM itaque difficultatem determinantes dicimus, quod materia cæli quæ alterius rationis est à materia sublunarium, ut superius ostensum fuit, non est potentia, ut censuit B. Thomas, sed sui natura actu est, ut nuper ex Arist. demonstrauimus, quod etiã rationi maximè consentaneum esse uidetur. nam cum materia & forma quo quomodo relatiua sint, ut legitur 2. Phis. 26. igitur qualis diuersitas reperitur in formis, eadem in materiis reperiri debet. cum autem dentur formæ quæ indigent materia ut subsistant ut formæ inferiorum, aliæ uerò non indigent materia ut subsistant ut formæ æternæ. igitur & duo materiæ gradus reperiri debent, quorum alter indigeat forma ut actu sit, ut materia inferiorum, alter uerò non indigeat forma ut subsistat, & actu sit sicuti materia cæli. & ita formarum diuersorum ordinum erunt materiæ diuersi ordinis ut uult Arist. 1. Phis. 26. nam formæ cælestes cum motrices sint solum secundum locum, materiam habebunt mobilem secundum locum, & ita in actu: formæ uerò mortales cum generabiles sint materiam habebunt in potentia, & sicut in formis dantur gradus, ita etiam in materiis gradus inueniuntur, quod adeo mihi rationi, & naturæ ordini consentaneum esse uidetur ad Egidium cum oppositum tenuerit, à recta philosophandi methodo recessisse uideatur, quam etiam ueritatē cognoui: Com. Auer. qui ut inquit Doctor subtilis, qui perraro Auerroem laudare solitus est, solus in hoc Arist. mentem. habuisse uidetur: inquit. n. Auer. 2. cap. de Sub. orb. ubi ponit fundamentum ab Arist. desumptum nono Meth. 17. hoc autem est, omnis potentia in substantia est potentia contradictionis, in cælo non reperitur potentia in substantia, igitur in cælo non reperitur materia quæ sit potentia in substantia, sed tantum ab ubi, quod etiam habuit primo Phis. 63. ubi inquit, in cælesti corpore reperitur materia quæ est potentia ad ubi, sed non reperitur materia quæ est in potentia ad formam, quoniam reperiretur forma constituta in esse per subiectum, ecce quod ne latum unguem Auer. ab Arist. recedens uult quod omnis potentia ad esse & ad formam, est potentia ad non esse, idcirco Auerroes semper hoc innixus principio format consequentiam istam, Si in cælesti corpore reperiretur materia in potentia, in actu uerò per formam esset in potentia contradictionis, & forma constituta in esse per subiectum, sed non reperitur potentia contradictionis, ergo non reperitur materia quæ sit in potentia ad esse, actu uerò per formam, ex quo patet quod neq; de Auerrois sententia datur potentia illa ad esse tantum, ut ei imponunt moderni, quoniam si secundum ipsum huiusmodi daretur potentia, argumentum eius peccaret per fallaciã consequentis, & à parte ad totum negatiue, non habet potentiam

contradictionis, ergo nullam habet potentiam quæ respiciat esse, quoniam dicā habere potentiam ad esse tantum insuper & materia Cæli ex se actu sit, declarauit Auer. in Paraphrasi primi de Cælo summa 6. iuxta principium, ubi hæc habet, Cælum est corpus simplex, non compositum ex materia & forma, accipiendo Cælum pro orbe, sed ueluti materia in actu ad formas abstractas, magis quæ simile materia quàm forma, licet neutri horum similitudinem obtineat: adumbrat. n. materiam, tum quia sensibile, tum quia corpus, tum quia potentiam habet ad ubi, asimilatur autem formæ, quia sua natura existentiam possidet actu, ecce quod uult materiam Cæli sui natura actu existere, & proinde habere similitudinem formæ, quam etiam scripsit 1. Cæ. 95. ubi contradistinguens materiam Cæli à materia inferiorum sic inquit, inferiorum materia potentia est: materia autem Cæli actu est, nec dici potest, ut quidā dicunt moderniores, quod Auerroes accipit materiam Cæli ut informata forma, quoniam comparatio esset in æquiuoco, quia fieret comparatio inter materiam inferiorum ut in formis est, & materiam Cæli ut formata: tum etiā quia capit materiam Cæli ut est cognoscibilis secundum analogiam, perinde ac materia inferiorum: talis autem non est materia formata, igitur non capit materiam Cæli ut est formata forma cum dicit eam esse in actu, sed secundum se, hinc error detegitur nonnullorum Auerroistarum qui secundum mentem Auer. dicunt, quod materia Cæli secundum se potentia sit, actu autē constituatur per formam, quod tantum distat ab Auer. sententia, quantum distat uerum à falso, sed licet materia Cæli non habeat potentiam ad esse & ad formam, habet tamen potentiam ad ubi, & proinde inquit Aue. 2. cap. de sub. orb. quod materia Cæli est perfectior cæteris modis materia, quia nō est in ea de potentiis nisi potentia ad ubi. causa uerò quare hanc potentiam habeat, est quoniam potentia intrinsecè spectat ad motum ut patet ex definitione motus, quæ est, motus est actus entis in potentia, ut in potentia, & in contex. 1. 5. eiusdem tertii libri motus in alio genere collocari non potest, quā in genere actus imperfecti, qui semper annexam potentiam habet ad terminum motus, unde habitibus presentibus in materia cessat motus, quoniam cessat potentia quæ est de constituentibus motum: idcirco cum Cælum moueatur, motus autem sit actus entis in potentia ad terminum, propterea in Cælo reperitur potentia ad ubi, tanquam ad terminum motus: hanc autem potentiam perpetuò habet, quoniam si deficeret ista potentia deficeret motus Cæli, qui est actus cum potentia: cum autem motus Cæli æternus sit, ea propter semper cōiunctam habet potentiam ad terminum motus, & ad ubi. itaque materia Cæli naturam concludentes dicimus, quod materia Cæli est alterius rationis à materia sublunarium, per se existens in actu, solum habens potentiam ad ubi, qua conclusione ita constituta, ad ea quæ in

contrarium, adducta fuerunt ita respondeamus, & ad primam rationem dici mus, quod illa minor propositio falsa est, quoniam cælum non est compositum per se unum, ita ut ex materia & forma ipsius resulteret una substantia, quoniam causa quare fiat unum per se, est potentia ad formam, ex 8. Meth. con tex. 15. cum autem materia cæli non sit potentia ad formam, proinde ex tali materia & forma cæli non fit unum per se, sed solum est compositum ex materia & forma, aut ex corpore & anima, tanquam ex mouente & mobili: Et ideo cum sit compositum unum quod ex se mouetur, solum potentiam habet ad terminum motus, & ad ubi. Ad Aristotelis auctoritatem dicendum quod Aristoteles. 8. Met. 3. non definit materiam in cõs, sed materiam generabilem, quæ ex uerbis Aristotelis ostendi potest: inquit. n. materia potentia est, forma autem substantia est sola ratione separabilis, compositum autem eius generatio & corruptio est. ecce quod loquitur de materia quæ est pars compositi generabilis & corruptibilis. similiter secundo de Anima 2. dici potest loqui de materia corruptibilem, uel dato quod loquatur de materia in communi, ut ratio probare uidetur, dicendum quod utraque potentia est, di uersimodè tamen, nam materia corruptibilem dicitur potentia ad formam, materia autem cæli dicitur potentia unde & quo, & hæc sunt quo ad materiam corporis cælestis, qualis uerò sit eius forma, & quomodo sese habeat sequens caput declarabit.

Quæ sit cælestis corporis forma:



**H**ACTENUS naturam materie cælestis corporis abundè satis explicauimus, nunc quæ sit eius forma à nobis cõsiderandum est, qua in re uarij & inter se dissidentes Aristotelis interpretes sunt. Commentator ut apud ipsum legitur 12. Meth. 38. & 2. cap. de sub. orb. censuit, quod forma cælestis corporis sola intelligentia sit, nec in eo præter hanc alia reperiatur forma. ex altera parte fuerunt alij qui duplicem formam in cælesti corpore posuerunt, informantem uiam per quam cælum in esse constituitur, alteram uerò assistentem ut intelligentiam quæ sibi motum & operationem largiatur. Sed ii adhuc inter se uarij ac discrepantes sunt, nam alij posuerunt formam hanc informantem non esse animam ut B. D. in prima parte summae quæst. 7. art. 3. & Simp. 2. cæli, ubi aduersus Alexandrum tenet quod in cælo non sit idem Anima & natura, sed in eo reperiatur natura distincta ab Anima, per quam cælum inclinationem habet ut moueatur: Anima uerò distincta ab hac est principium ætæterni circularis motus. Alii uerò ut Auicennas & nonnulli ex recentioribus dixerunt formam hanc esse de genere animarum, non quidè uegetalem, sed sentientem per quam cælum constituitur in actu, & corpus est ne



que graue neque leue, unde secundum istos in cælo duplex reperitur compositio una quidem ex propria materia, & propria forma, per quam cælum est, & actu existit: altera uero est ex cælo sic in actu & ex intelligentia tanquã ex nauigio & nauta, & ita ex propria forma sit unũ per se, & secundũ substantia: ex intelligentia uero qua cælo unitur in actu p propriam formã sit unũ secundum esse mobile quod à seipso mouetur: tres ergo in summa de forma cæli existere sententia, una fuit quod sola intelligentia sit forma cæli, ut *Auer.* Alia uero quod præter intelligentiam in sit propria forma, sed non *Anima* ut *B. D. & Simp.* Tertia quod propria forma præter intelligentiã sit de genere animarũ qua imaginatiua dicitur, ut *Auic.* & recetiores. ¶ aut qui propriã formã præter intelligentiã cælo accommodarunt, hæc habent fundamenta & primo. *B. D.* primo *Cæli lect. 6.* ita probat, cælum seclusa intelligentia est actus, secus non ageret in ista inferiora, igitur uel est actus, uel habens actum: non primo, quoniam actus & forma non potest esse subiectum motus. ergo est habens actum, ergo seclusa intelligentia compositum est ex materia, & forma, amplius cælum seclusa intelligentia est singulare, & indiniduum, ergo seclusa intelligentia formam habet cum materia. consequentia habetur ex *Aristotele* primo *Cæli* contex. 92. ubi inquit, quod qui dicit hoc cælum dicit formam cum materia, addimus nos & hæc alia duonem *Aristoteles* primo *Cæli* demonstrauit cælum diuersam habere naturam à quatuor elementis. huiusmodi distinctio & diuersitas cæli a quatuor elementis uel erit à natura materia, uel à natura formæ: non primo, quoniam materia non est causa distinctionis, & diuersitatis, ex 7. *Met.* contex. 49. si secundo, uel erit à forma separata & ab intelligentia, uel ab alia forma propria citra intelligentiam, non primo, quoniam cum intelligentia non sit quiditas cælo non potest esse causa diuersitatis eius à quatuor elementis: idem enim est principium distinguendi & constituendi: cum ergo intelligentia non sit principium constituendi, igitur non erit principium distinguendi cælum ab aliis. igitur erit propria forma in materia præter ipsam intelligentiam à qua subiectum ipsam recipit esse, & denominationem, scilicet quod neque graue neque leue appelletur, quamobrem in cælo præter intelligentiam alia reperitur forma, & ista ratio maxime fauet huic opinioni, præterea id ex *Auer.* confirmari potest primo *Cæli* 92. & 95. ubi inquit, impossibile esse aliquid per idem esse sensibile & intelligibile, sed est sensibile per materiam, & intelligibile per formam, iam uero cælum seclusa intelligentia sensibile & intelligibile est, igitur est sensibile per materiam, & intelligibile per formam igitur seclusa intelligentia compositum est ex materia & forma. hæc sunt quibus probatur in cælo præter intelligentiam aliam formã adinueniri. Sed

istorum opinio falsa est, & primo aduersus id in quo conueniunt, quod scilicet cælum citra intelligentiam propriam formam habeat: instabimus, secundo aduersus utranque separatim, quod ad primum ita probatur, si cælo inest alia forma præter intelligentiam, tunc intelligentia erit superflua & ociosa, probatur, quoniam nulla alia est necessitas secundo ipso ponendi intelligentiam, nisi ut ei tribuat operationem, & motum: iam uero si citra intelligentiam habet formam propriam dantem esse, ergo ab hac etiam habebit operationem & motum, si quidem omnis forma dans esse rei, dat omnia accidentia consequentia esse illius rei, & est principium operationum illius rei, igitur non erit necessaria intelligentia ut ipsi tribuat operationem, & motum: nisi fortè dicant quod non omnis forma dans esse rei, habeat rationem agentis, & tribuat propriam operationem rei. Sed hoc est maxime ridiculum, tunc enim eneteretur Aristotelis dictum 2. de Anima 37. ubi inquit, quod Animal quæ est causa ut forma, & actus corporis uiuentis, est quoque causa ut agens & principium operationum corporis animati. nam dicam ego id esse falsum, quia licet sit causa ut forma non tamen est causa ut agens, sed oportet ponere præter hanc aliam formam, quæ uiuenti corpori operationem largiatur & motum, sicut est in cælesti corpore, in quo forma est quæ dat esse cælo, non tamen sibi largitur propriam operationem: sed præter hanc aliam formam ponere oportet, quæ habeat rationem Agentis, & cælo propriam operationem largiatur, & ista ratio præsertim recentiores cogit, qui dicunt quod hæc Anima sentiens quæ est propria forma cæli continetur sub definitione Animæ tradita in secundo libro de Anima, nam si sic est, igitur sicut Anima quæ est causa ut forma, est etiam agens respectu operationum: pariter propria forma cæli erit etiam agens, & principium motus. Amplius si hæc propria forma cæli non est principium motus, quomodo igitur innotuit ipsam in cælesti corpore reperiri cū forma non innotescat nisi ex operationibus, & Aristoteles non alia Methodo demonstrauit cælum esse compositum ex duabus naturis quam ex motu, ut patet ex 8. Phis. itaque omnis forma dans esse rei, ei quinetiam operationem, & accidentia propria largitur, sicut bene dicit Doctor subtilis, quod uera forma tria habet, dat esse rei, facit unum per se, dat operationem, & motum. quare cum ista forma dat esse cælo, ergo ei tribuet operationem & motum, quare superflua erit intelligentia, præterea forma hæc aut erit corruptibilis, aut æterna, mediū non datur. si primo, ergo cælū erit formaliter corruptibile, quod falsum est, si æterna, ergo à materia abstracta, ergo intelligens, deducitur ultima consequentia ex Arist. 3. de Anima 16. ubi inquit quod omne per essentiam abstractū à materia est intelligens: sicut. n. materialitas causa est ut forma sit intelligibilis solum, & non intelligens, ut inquit eodē loco, ita hæc

tas & carentia materia causa est ut forma sit intelligibilis, & intelligens: si ergo huiusmodi forma abstracta est, & non educta de materia, ergo erit intelligens, ergo uniuscuiusque orbis duæ erunt intelligentiæ contra Aristotelis decretum 12. Met. 44. ubi unicuique orbi unicam tantum accommodavit intelligentiam: postremo, tunc Philosophus alias substantias separatas uenari non potuisset. probatur, quoniam ex hoc medio eas uenatur motus æternus, ergo motor æternus, igitur substantia æterna & à materia abstracta, ut patet ex 8. Phis. 12. Met. 30. iam uerò si datur hac forma citrà intelligentiam, dicam quòd hic motor æternus, & hac substantia æterna est propria forma cæli quæ ipsam constituit in esse. & est principium motus æterni, & præter hanc non datur alia substantia separata, quare posita hac forma ablata erit uia uenandi alias substantias separatas, nunc seorsum utranque opinionem consideremus, ut falsitas istarum opinionum magis appareat, & primo opinionem Simplicij & B. doctoris, dicunt isti quòd huiusmodi forma non est de genere animæ, quòd sanè tam falsum est quàm quòd falsissimum, nam si hac forma æterna est, ergo abstracta à materia, ergo intelligens erit, ergo anima, quinimmo supra animam cum gradus intellectiuius supra animam sit, nam repugnantia est, me hercle, asserere, quòd est forma æterna, & non est anima, uel intellectus, quoniam si hoc predicatum stat cum subiecto, quòd sit æterna, & non sit intelligens, tunc Philosophus ex hoc principio quòd substantia mouentes cælum sunt æternæ, nunquam potuisset inferre quòd sunt intelligentes, si dicant isti quòd Philosophus nō demonstrat quòd sint intelligentes ex hoc principio quòd sint æternæ. sed quia sunt actus puri. sed dicant isti (obsecro) unde nam Arist. demonstrauit quòd sint actus puri, nonne ex hoc principio quia sunt æternæ? sic arguens 12. Met. 30. forma cælestes sunt æternæ, ergo omnino à materia, & à potentia abstracta: ergo puri actus, quòd si ex hoc medio quòd sint abstracta à materia, & actus puri probauit quòd sint intelligentes, quòd autem sint abstracta à materia purique actus non intulit nisi ex hoc medio, quia sunt æternæ, igitur esse intelligentes induxit ex hoc quia sunt æternæ, & propterea egregiè dicit Auer. 2. cap. de sub. orb. quòd natura huius formæ æterna est natura anima tantum. Insuper falsum est & ab Arist. alienum, quòd huiusmodi forma æterna sit uere natura, nam cum Philosophus 2. Phis. 12. declarasset quòd natura dicitur de forma, declarans de qua dicitur natura, inquit, natura dicitur de forma quæ inseparabilis est à materia, & quæ terminus generationis est, ut inquit est in contex. 14. quòd etiam confirmauit primo de animalium partibus cap. 1. ubi uolens probare quòd forma æterna & abstracta à materia nō consideratur à naturali, sic ratiocinatur, Philosophus naturalis considerat naturā nō omnis Aia, ut æterna & abstracta est natura, ergo &c. ecce quòd forma



æterna & abiuncta à materia conditionibus non est natura, licet secundum  
 analogiam & proportionem natura dici queat, ut inquit *Auer. 2. C. 3.* quo-  
 niam sicut forma corruptibilis quæ uerè natura est in proprio subiecto, motum  
 producit, ita forma æterna in proprio orbe, & hoc etiam uoluit *Apbrod. A-*  
*lex.* cum dixit, quòd in cælo idem est anima & natura non intelligens quòd  
 sit uerè natura, quoniam si secundum *Alex.* Anima Cæli non est proprie A-  
 nima, ut ipse inquit primo sue Paraph. de Anima libro cap. 9. sed secun-  
 dum analogiam Anima dici debet, multò minus secundum ipsum erit natu-  
 ra, sed Anima dicitur ut est actus corporis cælestis, dicitur uerò natura  
 quatenus in proprio orbe motum producit & grauiter etiam peccat Simpli-  
 cius, cum inquit, quòd huiusmodi forma causa est ut Cælum moueatur, nam  
 forma non est causa, ut res patiatur, sed ut agat actio enim & passio à di-  
 uersis proficiscuntur naturis, actio quidem à forma passio uerò à materia,  
 & cuiusque conuenit passio, conuenit ratione materie, ut testatur reliquit  
*Arist. 1. de Gener. 55. & secundo libro. 53.* quare opinio *Simplicij & Beati*  
*Thoma* nullo pacto peripatetica est. Nec *Aniceana* opinio & recentiorum  
 dicentium quòd huiusmodi forma est Anima sentiens, & imaginatiua *Ari-*  
*stoteli* consentanea est, siquidem ut habetur secundo de anima cortex. 160.  
 imaginatiua est motus factus à sensu secundum actum, sed in Cælo non re-  
 peritur sensus ut sub finem tertij de Anima *Aristo.* declarauit, quia ne-  
 que propter melius Anima, neque propter melius corporis, ergo in cælo  
 non reperitur imaginatiua, nec ualeat si dicant, quòd ibi in secundo de Ani-  
 ma definitur imaginatiua mortalium, & hæc præsupponit sensus externos,  
 non autem imaginatiua coelestis corporis, quoniam de ipsorum sententia, quæ  
 do est una natura communis analoga prius definitur illa natura communis,  
 quàm sua analogata. imaginatiua secundum ipsos dicitur secundum prius &  
 posterius de imaginatiua Cæli et mortalium, ergo prius definitur natura illa  
 communis, & imaginatiua in communi, quàm hæc, aut illa, quare definitio  
 ista erit de imaginatiua in communi, quòd sit motus factus à sensu secundum  
 actum, & consequenter utraque præsupponit sensus exteriores. præterea ubi  
*Philosophus* egit de huiusmodi imaginatiua quæ est quidditas Cæli, nam cum  
 sit forma, & quod quid est ipsius Cæli de ipsa necessario erat agendum, secus  
 pertraxisset de cælo, & non declarasset quod quid est, & formam ipsius, quòd  
 si ea non definitur in secundo de Anima, cum alibi non consideretur, igitur  
 nullibi *Philosophus* de ea pertraxit, itaque purum figmentum est  
 & mera nuga, quòd imaginatiua præter intelligentiam in coelesti corpore  
 reperiatur.

## Dilucidatio.

**N**ON recedentes ergo in huius problematis determinatione ab opinione Averrois, qui hac in reueram Aristotelis mentem est affectus, dicimus quod forma Caeli sola intelligentia est, nec Aristoteles præter intelligentiam ullam aliam in caelesti corpore formam cognouit, quæ habita ueritate quæ in oppositum adducta fuerunt, persoluamus. & primo ad rationem Beati Thomæ dicimus, quod illa ratio bis peccat, primo quidem cum dicit, quod Cælum seclusa intelligentia agit in ista inferiora, quod falsum est, nam Cælum non agit in ista inferiora nisi mediante lumine, & motu: iam uero Cælum seclusa intelligentia non mouetur, nec lumen habet, cum ista habeat ab ipsa intelligentia: igitur seclusa intelligentia non agit in ista inferiora: peccat secundo, quoniam argumentum est ab insufficienti, nam cum dicitur si est actus, uel est actus, uel habens actum, dicimus quod nec est actus, nec habens actum & formam, sed est materia per se existens in actu, itaque argumentum peccat ab insufficienti. Ad secundam autem rationem bis respondetur, & primo negatur antecedens, quoniam Cælum seclusa intelligentia nec singulare, nec indiuiduum est, si quidem ablata intelligentia omnia quinetiam accidentia auferuntur, quibus mediantibus orbis, & Cælum singulare, & indiuiduum efficitur: secundo, de mente Auer. respondendi potest, quoniam Auer. primo. Ca. com. 95. dicere uidetur, quod orbis, & materia per se indiuiduata est. respondetur, negando consequentiam, ad illam autem Arist. auctoritatem dicimus, quod ibi Aristoteles capis Cælum pro mundo, de quo dubitationem mouit aduersus unitatem inibi de eo demonstratam, & illa auctoritas uera est de mundo & non de caelesti corpore: & ratio est quoniam mundus singularis est & indiuiduus per aliud ut per compositionem materie & forme, & proinde qui dicit hunc mundum formam dici cum materia, at Cælum seclusa intelligentia non est singulare, & indiuiduum per aliud, sed per se, & proinde non sequitur formam habere cum materia, unde illa propositio singulare & indiuiduum formam habet cum materia, ueritate non habet in ijs quæ sunt indiuidua per se sicut sunt substantia separata, & corpora celestia. Ad tertiam uero ita respondemus, quod Aristoteles primo libro de coelo demonstrauit cælum diuersam habere naturam à quatuor elementis: cælum autem ibi capis ut est subiectum simplex, quod est actum natum moueri motu circulari, per se existens in actu sine forma. cui autem queritur an talis diuersitas sit à natura forme, uel à natura materie, dicimus, quod provenit à natura materie, quæ per seipsam distinguitur à natura quatuor elementorum, unde in hac propositione, Cælum est alterius natura

ab elementis accipitur Cælum pro subiecto simplici, & pro parte corporea quæ est materia ex se existens in actu, quæ quidem ab intrinseco, & ex sui natura distinguitur à natura quatuor elementorum: hoc enim pacto Cælum considerauit Aristoteles in lib. de Cælo, uidelicet quòd ad partem corpoream tantum quæ in actu sit per se quali motu est apta moueri tali mouetur: Ad ultimam negatur minor propositio, quia Cælum seclusa intelligentia non est sensibile, si quidè non est sensibile nisi mediantebus accidentibus, ut lumine, figura & motu: hæc autem cum non habeat nisi ab ipsa intelligentia ut ipsemet testatur Auer. 2. cap. de sub. orb. igitur seclusa intelligentia non habet huiusmodi accidentia, quare seclusa intelligentia non est sensibile, quinimmo seclusa intelligentia non est intelligibile per se, siquidem eius natura cognoscibilis non est nisi per analogiam & similitudinem ad ista inferiora, nam sicut se habet subiectum motus localis in inferioribus, ita se habet in corpore celesti, sed in inferioribus subiectum motus localis est in actu, igitur & in Cælo subiectum motus localis actu est: discrimen tamen est quòd subiectum motus localis in inferioribus est actu per formam, in celestibus autem est actu per se: utrumque tamen cognoscibile est secundum analogiam: sed differenter, quia materia, & subiectum mortaliū cognoscitur per analogiam: non quidem ad formam, sed ad materiam artificialem, ut legitur apud Arist. primo Phis. 69. subiectum autem celestium corporum cognoscitur per analogiam ad materiam inferiorum. quoniam ergo Cælum seclusa intelligentia nō est intelligibile per se, sed per comparisonem ad aliud; ea propter non sequitur, seclusa intelligentia materie & forme compositionem habere, sed hoc in loco occurreret aliquis aduersus id quòd dictum est quòd cælum seclusa intelligentia, quoniam non habet accidentia secum iuncta sensibile minimè est. nam inquit Auer. primo illo de Cælo 92. & 95. quòd omne sensibile est sensibile per materiam, igitur remotis omnibus accidentibus adhuc Cælum sensibile erit, cum remaneat materia quæ sentiendi ratio est. dicimus ad hoc quòd materia his. considerari potest, uno modo secundum se, alio modo ut sensibilibus qualitatibus affecta, tunc dicendum quòd si primo modo consideretur materia non est causa sentiendi, quoniam si daretur compositum ex materia & forma sine sensibilibus qualitatibus, ut sine colore nō esset uisibile, quoniam ut habetur secundum de Anima contex. 63. substantia per accidens sensibilis est mediantebus qualitatibus ipsis, ut uisibile ut coloratum, gustabile ut saporosum: si uerò secundo modo accipiatur materia ut sic causa est ut res sensibilis sit, uerum ratio formalis sentiendi per quam aliquid dicitur sensibilis est qualitas sensibilis, quæ per seipsam sensibilis est, & cætera per ipsam: color enim per se uisibilis est, & ratio alia sentiendi. materia uerò concurrens ut conditio agentis, cum inquit Auerro. quòd quicquid est sensibile, est



per materiam, non accipit materiam primo sed secundo modo, licet ergo in Coelo seclusa intelligentia remaneat materia, quia tamen non remanet accidentibus affecta, propterea non est sensibile. ex his itaque quae hactenus dicta sunt mihi satis conclusum esse uidetur, in coelesti corpore praeter intelligentiam nullam aliam formam adinueniri, sed nunquid intelligentia ei unia tur ut motor, uel ut forma ne legentium animos nimia prolixitate tadio afficiamus, sequens caput declarabit.

An intelligentia sit forma dans esse  
corpori coelesti.



**V** M in coelesti corpore (ut superius ostensum est) nulla alia reperiatur forma nisi intelligentia, nunc illud considerandum est, an corpori coelesti uniatur ut forma, uel ut motor, hoc est an sit forma informans, uel assistens, perinde ac nauigio nauta, & licet huius problematis resolutio ex superioribus aliquo pacto haberi queat, nihilominus ut magis atque magis ueritas illustretur, & aliorum dicta hac in re omnibus conspicua fiant, id mihi in praesenti capite inuestigandum proposui, in cuius problematis determinatione non est eadem apud omnes opinio, Achilli- nus tertio libro de orbibus dubio primo, Sueffa. & ex modernioribus plurimi alii, de Aristotelis & Auerrois intentione dixerunt, quod intelligentia est forma dans esse formaliter Caelo, quam opinionem pluribus rationibus & autoritatibus persuadere conati sunt: & primo per rationem forma hoc pacto, Forma, ut habetur secundo Phisicor. context. 28. est quod quid est esse rei, igitur intelligentia cum forma sit, est quod quid est ipsius Caeli, quod confirmant ex Aristotele secundo de Anima 37. ubi (ut inquit) ita ratio cinatur. Anima forma est, igitur causa est ut uiuentia sint, à pari intelligentia forma est, igitur causa est, ut coeleste corpus actu sit: Secundo quod intelligentia sit forma dans esse probatur ex ratione Philosophi, secundo de Anima 24. qua probat Animam esse corporis actum, omne id per quod alicui propria operatio inest, corporis actus est, sed per intelligentiam Caeli propria operatio inest, igitur intelligentia coelestis corporis actus est, & forma dans esse: tertio, quod unitatem largitur rei, idem tribuit esse, quoniam ab eodem est esse, & unum esse, ut habetur 2. de Anima context. 7. & quarto Met. 3. sed intelligentia coelesti corpori unitatem largitur, ergo eidem tribuit esse: minor patet ex Auerro. secundo Cael. 3. ubi inquit, quod ex intelligentia & orbe fit magis unum quam ex materia &

forma corruptibilium: Accedit quòd in abstractis idem est forma, finis, & agens, igitur intelligentia quæ abstracta est, cælestis corporis causa erit ut forma, finis, & agens, sed causalitas formæ est dare esse rei, igitur intelligentia dabit esse formaliter Cælo: probant insuper hoc nonnullis Auerrois authoritatibus, & primo ex Auerrois authoritate primo Phisic. 63. ubi inquit, quòd cæleste corpus constituitur per intelligentiam, sed intelligentia non constituitur per corpus cæleste, iam uerò sicut negatur de intelligentia quòd constituatur Cælo, ita affirmatur de ipso, quòd constituatur ab intelligentia, sed negatur, quòd intelligentia secundum esse, constituatur à Cælo, ergo affirmatur de ipso, quòd constituatur ab intelligentia secundum esse. itaque intelligentia constituet Cælum in esse, atque ita erit forma informans. Accedit alia Auerrois autoritas primo Cæli 95. ubi apertissime inquit, qd materia Cæli non est per se exillens in actu, igitur erit in actu per intelligentiam, sed id per quòd res actu est, dicitur esse forma informans, ergo intelligentia dicitur esse forma informans. postremo afferunt Auerrois autoritatem in Paraphr. metef. tract. 4. ubi sic inquit, Substantiæ abstractæ non sunt tantum motores corporum cælestium, immò dant eis formas suas, quibus sunt id quod sunt. hæc sunt ex quibus ostendunt de Aristotelis & Auerrois sententia intelligentiam esse formam dantem esse formaliter Cælo, sed opinio ista nec est ad mentem Aristotelis, nec ad mentem Auerrois. & quamuis summi Aristotelis & Auerrois interpretes & præcipue Zinara in finita adduxerint argumenta, nihilominus non tetigerunt radices, & uera Aristotelis & Auerrois fundamenta, hinc factum est quòd oppositam tenentes partem ipsorum argumenta facillè subterfugere potuerunt. Nos autem multitudinem argumentorum derelinqentes, quoniam perfectio rerum non numero, sed pondere dimetitur, uera Aristotelis, & Auerrois fundamenta inquiremus, & primo horum opinionem non esse ad mentem Aristotelis, mox non esse ad mentem Auerrois ostendemus. quòd autem non sit ad mentem Aristotelis ita probatur, Si intelligentia est forma dans esse, ergo cum orbe facit unum per se, quoniam ut supra ex quarto Meth. 3. & secundo de anima contex. 7. ab eodem est esse, & unum esse, sed non potest fieri unū p se, nisi quia unum est actus, & reliquum potentia ex 8. Meth. contex. 15. igitur si intelligentia est forma dans esse, materia Cæli est in potentia ad esse, atqui materia Cæli non est in potentia ad esse, quoniam tunc esset in potentia contradictionis, & ad non esse, ut superius abunde satis demonstratum fuit. si itaque materia Cæli non est in potentia ad esse, igitur nō potest fieri unum per se. igitur intelligentia non est forma informans, quoniam antecedens non stat cum opposito consequentis: Nec ualet modernorum responsio dicentium, quòd potentia duplex est, una ad esse tantum, & ad diuini-

dium contingentis: alia uero ad utrumque, & quod materia Cæli est in po-  
 tentia ad esse tantum, & per hanc recipit intelligentiam ipsam cum qua fa-  
 cit unum per se, quoniam si illa distinctio esset uera, euerteretur Aristotelis  
 ratio nono Met. 17. ubi probat, quod æterna non habent potentiam ad esse  
 quoniam tunc haberent potentiam ad non esse. & 12. Meth. contex. 30. ubi  
 probat intelligentias in sua substantia potentiam non habere, quoniam tunc  
 haberent potentiam ad non esse. quis enim asserere posset in sua substantia in-  
 telligentias potentiam habere, quæ secundum dimidium contingentis est? &  
 proinde inferre non licet, ipsas contingere non esse. ea propter dixere nonnul-  
 li ut hanc uitarent difficultatem, quod anima Cæli est forma informans. &  
 facit unum per se, non tamen materia Cæli est potentia, quoniam ex materia  
 Cæli & forma unum per se fieri potest. etiam si materia Cæli non sit poten-  
 tia ad esse, responsio ista tam procul abest ab Aristotelis sententia, ut nihil  
 magis, nam si fieri posset unum per se absque potentia, tunc rueret ratio, quam  
 assignat Philosophus 8. Meth. 15. cum inquit, quod ideo sit unum per se, quia  
 unum est actus, & reliquum potentia: dicam enim ego, quod altera causa  
 superflua est, scilicet potentia, quoniam unum per se fieri potest actu solum  
 absque potentia, sicut efficitur ex forma & materia. Cæli: si itaque ratio ab  
 Arist. assignata consistere debet, dicendum, quod unum per se necessario in-  
 cludit actum & potentiam tanquam causam adequatam, nec ullo pacto unio  
 formæ per informationem cum materia fieri potest absque potentia: præterea  
 uelint, nolint isti sateri coguntur, quod si est forma informans, necessario ma-  
 teria est in potentia, quod ita probatur. Si anima Cæli dat, esse & tribuit ac-  
 tum materia, igitur materia Cæli sui natura caret esse, & caret actu: & quo-  
 niam est apta nata perfici, & recipere actu, igitur in materia Cæli reperitur  
 carentia cum aptitudine ad recipiendum actum, sed carentia cum aptitudine  
 priuatio est. ergo materia Cæli secum annexam & comprehensam habet for-  
 mæ priuationem, sed priuationi semper iuncta est potentia ad formam, ut et  
 declarauit Themistius celebri illa digressionem primo Physicorum de poten-  
 tia materia. igitur si in cælo reperitur forma informans, in materia Cæli ne-  
 cessario reperitur potentia ad formam, quod ipsi aufugere uoluerunt, ut ar-  
 gumenta nitarent aduersus primam responsionem adducta: cum autem ma-  
 teria Cæli non sit potentia ad esse, sed natura quedam per se existens in actu  
 igitur ex hac materia & forma non potest fieri unum per se, cum duo actu  
 non sunt unum actu, ut legitur 7. Meth. tex. 49. nec ipsi materie per infor-  
 mationem uniri potest, cum forma informans materiam postulet in potentia:  
 secundo & principaliter utor argumento communi, si intelligentia esset  
 forma informans, igitur moueretur per accidens ad motum subiecti. conse-  
 quens falsum est ex octauo Physic. deducitur consequentia, quoniam omnis



forma recepta in materia, & perficiens materiam mouetur ad motum sui subiecti. Sed ii argumentum hoc facile dilui posse existimauerunt. dicentes quòd forma informans in duplici differentia est: alia enim est forma informans constituens subiectum, & constituta in esse per subiectum, sicut sunt forme materiales. alia uerò est forma informans constituens subiectum, sed non constituta per subiectum, tunc dicunt quòd forma informans constituta in esse per subiectum mouetur per accidens ad motum sui subiecti, non autem forma informans non constituta, quia huiusmodi forma non est extensa in materia: iam uerò intelligentia est forma informans non constituta per subiectum, ea propter non mouetur per accidens ad motum subiecti. fuit distinctio hæc de duplici formarum genere sacra (ut aiunt) anchora, qua isti omnes nodos dissoluere, & omnes scopulos auferere crediderunt. & licet Zimara totis uiribus hoc duplex formarum genus demoliri conatus sit, id tamen ex Aristotele non effecit, & satis debiliter ex Auer. comprobauit, ut unusquisque apud ipsum proprio quesito de triplici causalitate intelligentie perlegere potest. demonstrabimus autem nos distinctionem hanc non esse ad mentem Aristotelis, & suo loco non esse ad mentem Auerrois, quòd non detur forma informans noneducta de materia probatur ex Arist. secundo de Anima 11. ubi tradita animæ definitione infert hoc corollarium, Anima est actus, & quod quid est corporis animati, ergo est à corpore inseparabilis, aut quedam subiectæ animæ partes si partibilis est. ecce quod forma informans, & quæ est quod quid est rei, est à corpore inseparabilis, & consequentereducta de materia, quod si daretur forma informans noneducta, tunc Aristotelis consequentia falsa esset, cum inquit, est quod quid est corporis animati, ergo à corpore inseparabilis, quoniam antecedens stat cum opposito consequentis, nam datur forma quæ est quod quid est corporis, & tamen non est inseparabilis, nec constituta per subiectum. secundo ita probatur, si est forma informans & perficiens materiam, ergo materia sui naturæ actum excludit, & ex se potentia est. ergo si est forma informans recipitur in materia in potentia, hoc statim sic arguo, Omnis forma recepta in materia in potentia educitur de potentia materia, sed per hypotesim omnis forma informans recipitur in materia in potentia, ergo Omnis forma informans educitur de materia. maior propositio probatur, quoniam cum forma recipitur in materia in potentia aut extrinsecus inducitur, aut educitur sed non extrinsecus inducitur: hæc enim opinio Academicis ascribitur, non autem Aristotelis fuit, nam ut scribit Auer. 8. Meth. 15. & 12. Meth. 18. agens non congregat formam cum materia, sed formam extrahit de potentia ad actum. cum itaque secundum Aristotelem forma in materia ab extrinseco non inducatur sed educatur, igitur omnis forma recepta in materia in potentia, & unita materia per informationem de sinn

materia educta est. quod ex eo confirmatur, quia omnis forma que recipi-  
 tur in materia in potentia ad esse recipitur in materia que est in poten-  
 tia ad non esse, ut crebro dictum est. ergo illa forma poterit non esse, ergo cor-  
 ruptibilis, & educta, igitur omnis forma recepta in materia in potentia neces-  
 sario de materia educta est. & quia omnis forma informans recipitur in ma-  
 teria in potentia, igitur omnis forma informans educta est. quare distinctio illa  
 ad quam miseri illi confugiunt de forma informante constituta, & non con-  
 stituta ab Aristotele prorsus aliena est. quamobrem si intelligentia est for-  
 ma informans, igitur reciperetur in materia in potentia. ergo de materia ef-  
 fet educta, igitur extensa, & diuisa ad diuisionem subiecti, igitur per acci-  
 dens mobilis ad motum subiecti, quod probandum erat, præterea si intelligē-  
 tia est forma informans, & quiditas celestis corporis, igitur talis quiditas  
 ab aliquo artifice considerari debet. aut ergo considerabitur à mathemati-  
 co, aut à diuino, aut à naturali Philosopho: non à Mathematico, quoniam  
 Mathematicus substantiam non contempletur, & si aliquis ex Mathematicis  
 de substantia theoriā facit, ut Astrologus, non tamen ita altius sese  
 attollit ut formam, & celi quiditatem contempletur, non à diuino, quoniam  
 diuinus considerat intelligentiam, & animam celi non ea ratione qua est  
 principium determinati entis, sed ea ratione qua est principium entis. hic  
 enim est conueniens considerandi modus primi Philosophi, ut statuit Ari-  
 stoteles sexto Met. contex. primo ubi sic inquit, Queruntur enim princi-  
 pia entium, in quantum entia sunt, non à naturali Philosopho, quoniam  
 uel in octauo Phis. uel in lib. de Cælo, uel. in lib. de Anima, in aliis enim na-  
 turalis scientiæ partibus considerari non potest. Sed non consideratur in o-  
 ctauo Phis. quoniam ibi agitur de primo motore sub ratione mouentis non autem  
 sub ratione formæ, non in lib. de Cælo quoniam ut inuenique patet qui accuratè p-  
 legit & primum & alterum librum de Cælo ibi non agitur de forma celestis  
 corporis, sed duntaxat de parte corporea disputatio habetur: non in libris de  
 Anima, ut ipsis uidetur, quoniam ut superius dictum fuit, in libris de Anima  
 ea anima definitur quæ est actus illius corporis animati, quod ponitur in diu-  
 sione corporis naturalis in tex. 3. secundi libri, sed corpus illud animatum quod  
 est membrum diuisum corporis naturalis, illud est ut ibi describitur. Philosophus  
 quod in se principium habet nutritionis, & incrementi, hoc autem est corpus generabile  
 & corruptibile, igitur in libris de Anima duntaxat definitur & consideratur anima  
 corporis generabilis & corruptibilis, sicut et extat omnium grecorum sententia, itaque  
 nec in libris de Anima celestis corporis quiditas consideratur, cum ergo intelligen-  
 tia ut quiditas celestis corporis à nullo artifice consideretur, igitur non erit for-  
 ma informans et celestis corporis quiditas, postremo si esset intelligentia forma  
 informans celi non diuideretur in partem per se mouentem & partem per se motam,

quod Aristoteli aduersatur, qui 8. Phis. statuit cælum diuidi in partem per se mouentem, & partem per se motam, cum à seipso moueatur, consequentia conspicua est, quoniam si intelligentia est forma constituens materiam in actu, ipsa erit pars per se mouens. pars uero per se mota non potest esse materia, quoniam cum de se non sit in actu, sed in potentia, non potest esse pars per se mota, quoniam subiectum motus localis actu est, ut legitur quinto Phis. contex. 8. si itaque intelligentia esset forma informans, cælum non diuideretur in partem per se mouentem, & partem per se motam quod cum falsum sit, falsum erit id ex quo sequitur. hæc sunt ex quibus iam probatum esse arbitramur opinionem hanc non esse ad mentem Aristotelis. Nunc uero superest ut demonstremus opinionem hanc non esse ad mentem Auerrois, cuius doctrinam ipsi tantopere profitentur, cuius opinionem lubèter perpendimus, tum propter illos qui Auerrois dogmata insequuntur, tum etiam ut ostendamus istos illum authorem non intelligere quem proficetur; accipimus autem in primis principium hoc secundum doctrinam Auerrois, quod omnis forma informanseducta est de potentia materia, cuius principij ueritas ex ipso met ita ostenditur, Si forma dat esse actu materia, igitur materia sui natura nec actu est, nec habet esse, ergo suapte natura potentia est ad recipiendum esse. igitur omnis forma dans esse, perficit, & recipitur in materia, quæ est in potentia ad esse, sed ubi materia est, quæ in potentia est ad esse, ibi est forma constituta per subiectum, ut aperta est Auerrois sententia primo Phis. 63. ubi sic inquit, In cælo reperitur potentia ad ubi non potentia ad formam, quoniam si reperiretur materia quæ sit potentia ad formam ibi reperiretur forma constituta per subiectum: quoniam autem non reperitur materia quæ sit in potentia ad formam, ideo non reperitur forma constituta per subiectum, hæc Auer. si igitur ubi forma dans esse, ibi materia in potentia ad esse, & ubi potentia ad esse, ibi forma constituta per subiectum: igitur de primo ad ultimum, omnis forma dans esse est forma constituta per subiectum, &educta de materia, quamobrem talis discursus in forma erigi potest, Omnis forma recepta in materia quæ sit in potentia ad esse est constituta in esse per subiectum, omnis forma informans recepta est in materia quæ est in potentia ad esse. igitur omnis forma informans est constituta per subiectum, &educta de materia. quod si quis dicat illa maior propositio intelligitur de forma recepta in materia quæ est in potentia ad esse, & ad non esse, non autem de materia quæ est in potentia ad esse tantum, & cum Auer. inquit, quod ubi materia quæ est in potentia ad esse, ibi forma constituta per subiectum intelligit de materia quæ est in potentia ad utrumque contingens, non autem ad esse tantum. responsio ista falsa est, quoniam Auer. ibi, non accipit potentiam in substantia, ut contra distinguitur à potentia ad



esse tantum, sed ut contradistinguitur à potentia ad ubi, quoniam sic inquit, In cælo reperitur potentia ad ubi, sed non reperitur potentia ad formam, ecce quod accipit potentiam ad formam, ut contradistinguitur à potentia ad ubi, & non ab alia potentia ad esse tantum præterea secundum Auerro. omnis potentia in substantia, & ad esse, est potentia ad non esse, ut patet sub initium secundi cap. De sub. orb. ubi ita ratiocinatur, In cælo non reperitur potentia in substantia & ad esse, quoniam si hæc potentia reperiretur, tunc esset potentia contradictionis, & ad non esse iam uero si secundum ipsum daretur potentia ad esse tantum, consequentia, nulla esset, quoniam dicā, quod in cælo reperitur tantum ad esse, & ideo non sequitur quod sit potentia contradictionis, & ad non esse, quare secundum doctrinam Auerrois qui in hoc est Aristotelem infectus, omnis potentia ad esse contradictionis est, & per consequens omnis forma qua unitur materie per informationem, & recepta in materia in potentia constituta est, & deducta de materia. hinc uelim te de Auerrois sententia colligere propositiones istas, Prima est, quod omnis potentia ad esse est contradictionis & ad non esse, quæ fuit etiam Aristotelis nono Met. 17. Altera propositio est, quod ubi potentia ibi forma habens contrarium. Unde semper Auer. format consequentiam istam, si æterna habere potentiam præter potentiam ad ubi haberent contrarium, quæ ratio ex eo necessitatem habent, quoniam ubi potentia, ibi forma habens contrarium. Tertia propositio est, quod omnis forma recepta in materia in potentia ad formam de materiaeducta est. quo principio innititur Auerrois consequentia primo Phis. 63. ubi potentia ad formam, ibi forma constituta per subiectū. Hinc sequitur quarta propositio, quod cum omnis forma dans esse recepta sit in materia in potentia, quod omnis forma dans esse deducta est de materia, in quibus propositionibus cū Beatus Doctor Auerroi contradicit, Aristoteli quoque maximè contradicit, quibus sic explicatis, illoque firmato principio ita arguemur, ois forma informanseducta est de potentia materia, intelligentia non est formaeducta de materia, igitur intelligentia nō est forma informans, Secunda ratio principalis ex Auer. omne cōpositum est nouū, & corruptibile, quo principio utitur ipse 12. Meth. com. 39. sed si intelligentia est forma dans esse cælo, cælum erit cōpositū ex materia & forma dante esse, ergo cælum erit nouum & corruptibile. Sed huic rationi hūc in modū ist. satisfaciunt, dicentes quod illa maior propositio intelligitur de materia quæ est potentia contradictionis, & forma habente contrarium, & constituta per subiectum, iam uero cælum non est cōpositum ex materia quæ sit potentia contradictionis, & forma constituta. ea propter non sequitur cælum esse nouum & corruptibile. Caterum quia ista responsio eo capite reprobata est, quo perpenditur illa propositio, omne cōpositum est no-

um, idē lectōrē ad illū locū reuicimus, ne toties eadē repetamus, ter-  
 tio, si intelligentia est forma dans esse, aut orbi unitur ex se, & sine agentis  
 beneficio, aut orbi unitur mediante agente: si dicatur secundo modo, tunc  
 prima intelligentia non erit simpliciter incausata, quoniam supra se habebit  
 aliud agens. adde quod ut inquit ipsemet Auer. 8. Meth. 15. & libro. 12.  
 com. 18. agens non congregat formam cum materia, sed formam extra-  
 hit de potentia ad actum. si igitur prima, aut quauis alia intelligentia uni-  
 tur orbi mediante agente, igitur extrahetur de potentia ad actum, igitur nō  
 erit aeterna, quam consequentiam etiam formauit Auer. 12. Met. 39. loquēs  
 de compositione primae substantiae contra Saracenos inquiring, quod si in pri-  
 ma substantia una pars alteri componatur mediante agente altera erit edu-  
 cta de potentia ad actum. si uerō dicatur quod per se sine agente orbi unitur.  
 tunc daretur cōpositum aliquod per se sine agente, quod est contra Auer.  
 nona disput. sol. primi dubii, ubi redarguit Algazelē dicentem quod datur  
 corpus antiquum cōpositum per se sine agente, sicut. datur ens à se, ex  
 quo respondebat argumento Philosophorū dicentū, primū motorē non esse  
 corpus cōpositum, quoniam omne cōpositum habet agens. quam proposi-  
 tionem negauit Algaz. dixitque dari corpus cōpositum aeternum sine agē-  
 te. Auerroes autem responsonem istam redarguit dicens, sed non datur ali-  
 quo pacto corpus cōpositum aeternum absque agente, ut scriptum est in li-  
 bro Philosophorum, nec par iudicium est de ente, & de cōposito, quod sicut  
 datur ens à se, ita detur cōpositum à se: si itaque daretur secundum Auer.  
 cōpositum aliquod aeternum absque agente, tunc non esset impugnata Al-  
 gazelis responso, quinimmo Auerroes iret in sententiam Algazelis, quā  
 reprehendit, quod etiam probatur ex Auerro. 12. Meth. 39. ubi redar-  
 guit solutionem illam traditam per Sarracenos, quod substantia illa quae  
 primam intelligentiam componunt per se uniatur, & per se componantur sic  
 inquiring, Si huiusmodi substantiae sunt per se cōpositae, ergo per se sunt  
 de potentia ad actum deductae sine agente, ecce quod pro inconuenienti ha-  
 bet quod aliqua per se componantur absque agente: secus non esset impu-  
 gnata Sarracenorum responso si aliqua per se componi possunt sine concur-  
 su agentis. hinc sequitur quod illa propositio, causalitas causae intrinsecae ne-  
 cessario praesupponit causalitatem causae extrinsecae & efficientis, est uniuersa  
 liter uera, & non solum in materialibus ut limitant moderni. adde etiam  
 quod si intelligentia per se unitur orbi per informationem, ergo per se educi-  
 tur de materia. consequentia est Auerrois loco citato, ubi sic ratiocina-  
 tur, sit substantia illa primam intelligentiam componentes per se in unum  
 componuntur, ergo per se educuntur de potentia, quod si Auerrois ratio con-  
 cludit, itidem & nostra, quare siue intelligentia uniatur materiae mediante  
 agente,

agente, sive per se sine agentis concursu, eadem sequentur inconuenientia: igitur intelligentia nullo modo per informationem orbi copulari potest: postremo Auer. 1. Cæli. 95. postquam declarauit conuenientiam inter materiã cæli & inferiorum, quod utraque cognoscibilis est in ordine ad aliud, differentiam ponens inter utranque, sic inquit, Materia inferiorum potentia est, materia autem cæli actû est, tunc quero aut Auer. accipit utranque materiã informatam, aut materiam inferiorum, accipit secundum se, & materiam cæli in actû per formam, aut accipit utranque secundum se, non consideratis formis, primum quidem dici non potest, quoniam accipit utranque ut cognoscibilis est in ordine ad aliud: dicit enim sicut materia sublunarium cognoscibilis est in ordine ad aliud, ita materia cæli, iam uerò materia ut informata est, & actû per formam non cognoscitur in ordine ad aliud: accedit quod contradistinguit materiam cæli à materia sublunarium, quoniam, materia cæli est natura per se indiuiduata: materia uerò inferiorum non est per se indiuiduata, igitur non accipit utranque materiam ut utraque informata est. nec secundum dici potest, quoniam tunc comparatio esset in equiuoco, adde quod accipit materiam cæli ut est indiuiduata & una numero per se, ergo accipit materiam cæli seclusa forma: quare dicendum est quod accipit utranque materiam secundum se seclusis formis, quod scilicet materia inferiorum secundum se potentia sit, materia autem cæli secundum se sit in actû: si igitur per se actû est, non igitur secundum Auer. indiget intelligentia informante, & actuante, ex quibus superque satis probatum existimo, ut multa alia silentio inuoluam, istorum opinionem non esse ad mentem Aristotelis, nec etiam ad mentem Auerrois.

## Dilucidatio.

**R** E M itaque determinantes dicimus, quod uera & germana Aristotelis. & Auerrois sententia est, quod intelligentia non est forma dans esse, nec cælo unitur ut forma, quemadmodum superius uberrimè demonstratum fuit. sed cælo unitur tanquam motor, & forma est, ut aiunt, assistens perinde ac nauigio nauta ei tribuens motum: neque enim per metho dū qua progressus est Arist. que motus est secundū locū 8. lib. Phis. in cælesti corpore aliã compositionem cognouit ex forma aeterna & orbe quem ut ex mouente & mobili. uerū quia motus secundum locū est unus ex illis quatuor uitæ gradibus ab Arist. 2. de Anima 13. enumeratis, de illo loquor qui à se ipso fit, quoniam talis animatorum est, ut idē testatur 8. Phis. 29. niuere autem uiuentis est esse, ut inquit secundo de Anima contex. 37. & iuxta multiplicem uitæ gradum, multiplex etiam est esse, ideo intelligentia tribuens



motum cælo tribuit sibi uitam; & tribuens sibi uitam, dicitur sibi tribuere aliquo modo esse, sed huiusmodi esse, non est per informationem, aut quia de ducat materiæ potentiam ad actum, sed est esse uiuens secundum hunc uite gradum, qui motus est secundum locum, ex qua determinatione illud consequitur, quod intelligentiæ non sint ueræ formæ, sed potius causæ agentes sunt, formæ namque ratio in eo consistit ut rem constituat in esse, ut patet ex 2. de Anima 37. ubi ex hoc medio probat, quod anima causæ sit ut forma, quoniam causæ est ut res ipsa sit. cum ergo intelligentiæ non sint causæ ut cælestia corpora actu sint, in quo formæ ratio consistit, ideo à ratione formæ deficiunt. quoniam uerò causæ sunt operationis & motus, idcirco agentes sunt, etenim ex hoc medio loco citato concludit Philosophus quod anima est causæ agens, quoniam principium est operationum corporis animati & sumitur ex definitione agentis: agens. n. est principium unde motus, quare intelligentiæ non formæ, sed potius agentes causæ sunt, tametsi formæ dici possint. quatenus cælestia corpora conseruant in esse, non quia suapte natura corruptibilia sint, sed quoniam ut inquit Auer. secundo cap. de sub. orb. si intelligentiæ non esset cælum, non esset, sed hæc non est causalitas formæ, sed potius agentis, uerum quia se habent ad instar formæ, quia positæ ipsis cælestia corpora ponuntur, & ipsis ablatis auferuntur, ideo causæ, modo formæ dicuntur, sicuti interpositio terræ dicitur forma eclipsidis, non quia uera forma sit, quoniam est extra quiditatem eclipsidis, & causæ efficiens ipsius, sed quoniam ipsa posita ponitur eclipsidis, & ipsa ablata aufertur, ea propter causæ dicitur ut forma, ut testis etiam est Auer. primo Post. 35. quibus sic explicatis nunc reliquum esse uidetur, ut rationes in oppositum adductas ppendamus, & reiiciamus. & ad primam quæ sumitur ex definitione formæ, dicimus quod illa definitio non competit omnibus formis, sed solum formis generabilibus, & corruptibilibus, quod ex eo patet, quoniam Philosophus eam formam definit, de qua proposuit agere in ultimo textu primi Phis. Sed ibi seclusa forma à materia separata de formis naturalibus generabilibus per tractare instituit, igitur 2. Phis. solum formam generabilem & corruptibilem definit, & huic duntaxat secundum placita Aristotelis competit uixi materię ut formam. ad confirmationem ex secundo de Anima dicimus, quod isti præposterè accipiunt rationem Aristotelis, nā illud quod est conclusio accipiunt pro medio, nō. n. Philosophus ibi ita ratiocinatur, forma est causæ ut res sit, Anima est forma, ergo est causæ ut res sit: quoniam ibi non intendit concludere, quod sit causæ ut res sit, sed quod sit causæ in triplici genere causæ ut forma, finis, & agens, quare quod forma sit non est medium in ea ratione, sed conclusio: & ratio huiusmodi est, id quod est causæ ut res sit, forma est, Anima est causæ ut uiuens sit, igitur anima est causæ ut forma, ecce quod ha-

bita Aristotelis intentione apertissime constat quòd isti contrario modo  
 Aristotelis rationem accipiunt. Sed dices, Aristoteles secundo de Anima cõ  
 tex. 2. formam definiens inquit, forma est substantia per quam est hoc ali  
 quid & in actu. certum est autem quòd ibi definitur forma in communi ad  
 corruptibilem, & eternam, quoniam definitur forma quæ est membrum di  
 uisuum substantiæ in communi, & quæ est membrum conuidens ipsum ens,  
 atque forma quæ continet animam intellectuam, quoniam ea forma defi  
 nitur quæ ponitur in definitione Anima, atque in ea definitione ponitur a  
 ctus & forma, quæ continet animam intellectuam, igitur in tex. 2. definitur  
 forma quæ etiam animam intellectuam, complectitur, cum autem hæc æ  
 terna sit, & immortalis, igitur complectitur formam eternam, quamobrem  
 forma æterna est substantia per quam aliquid est in actu, tenentibus ani  
 mam intellectuam eternam & immortalem sicuti nos tenemus, & de Ari  
 stotelis sententia teneri debet argumentum aliquam facit difficultatē, Nos  
 tamen ita respondemus, quòd forma quæ definitur contex. illo secundo ambi  
 tu suo complectitur formam corruptibilem & eternam, ut probatum est, cū  
 autem dicitur, igitur forma æterna constituit rem in actu, respondetur quòd  
 constituere aliquid in actu bis intelligi potest, uno modo quo ad esse substan  
 tiale, ita ut potentiam materiæ deducat ad actum. alio modo quo ad per  
 fectum aliquem uitæ gradum, tunc dicimus quòd forma æterna facit hoc ali  
 quid, & constituit rem in actu, non primo modo, quia hoc solum ut prius cā  
 petit forma corruptibili, sed secundo modo, & ita Anima intellectiva dicit  
 tur constituere hominem in actu accipiendo hominem pro gradu illa eminen  
 tiori, & quo ad esse diuinum quo ad gradum uidelicet intellectuam, &  
 similiter intelligentia cælum constituit in actu quia ipsum deducit ad per  
 fectiorem uitæ gradum, utpote ad gradum intellectuam, appetituum, & mo  
 tiuum secundum locum. Ad aliam rationem negatur maior. ad Aristotelem  
 autem dicimus, quòd per illud medium non intendit probare quòd Anima  
 sit forma dans esse, sed solum quòd sit actus & forma, non autem corpus, &  
 materia, quòd patet ex conclusione quā infert dicens, Anima est principium  
 quo uiuimus &c. quare Anima forma est & species, non materia & subie  
 ctum, ecce quòd ex hoc medio nō concludit quòd sit forma dans esse, sed quòd  
 non sit materia, & subiectum, præterea admissa illa maiore adhuc non habe  
 tur intentum, quoniam illa maior propositio intelligitur de eo per quod con  
 uenit operatio ut principium quo, non ut quod, iam uerò intelligentia non est  
 principium quo mouendi, & intelligendi sed principium quòd mouet, & in  
 telligit cū sit natura per se subsistens, idcirco non sequitur quòd intelligentia  
 sit forma dans esse, quare sic intellecta maiore, minor propositio est falsa.  
 Ad alteram negatur minor: ad probationem autē dicimus, quòd Autē, non

intelligit quod ex intelligentia & orbe fiat unū per se, ut ipsi temerè arbitrantur, ut alias ostensum est, sed intelligit quod ex intelligentia & orbe magis unū, hoc est magis indiuisibile quā ex materia & forma materiali: nec officit alia ratio, quia forma abstracta, est causa celestis corporis, ut efficiens, finis, & forma. efficiens quidem quatenus est principium motus: est etiam causa ut finis, quoniam celeste corpus propter intelligentiam est, ut eo uidelicet utatur ad suam bonitatem communicandam, omnia enim phisica corpora Animæ instrumenta sunt pro exercendis eius operationibus: est quoque celestis corporis causa ut forma, non quidem secundum causalitatem ueræ formæ, sed dicitur forma quatenus est agens conseruans cælum, id enim quod alterum conseruans est, modo formæ sese habet, quod etiam declarauit Auer. 4. cæ. Com primo nimic ad Auerrois authoritates me conuerto, & ad authoritatem illam primi Phisico. 63. respondetur, quod celeste corpus dependet ab ipsa intelligentia duobus modis, uno modo quo ad eius dispositiones, alio modo quo ad esse, non quidē formaliter, sed in quātū est agēs conseruans ipsum, unde dependet ab intelligentia in esse conseruatiuo, quoniam si intelligentia non esset, cælum non esset, ut ipsemet inquit 2. cap. de sub. orb. ubi inquit, quod cælum non solum habet uirtutem mouentem, sed agentem, & conseruantem: nec officit autoritas primi de cælo, quia non intelligit quod materia cæli non existat per se in actu sed intelligit quod per se non est in actu, secundo sine intelligentia, quod patet ex uerbis ipsius quæ huiusmodi sunt, sed materia cæli nō operatur nisi in quātū est subiectū formæ] ecce quod cum inquit Auer. materiam cæli non esse in actu, intelligit de actu secundo quatenus per se sine intelligentia non operatur. Nec ipsis fauet ultimā autoritas quæ sumitur ex Epitho. Met. tract. 4. quoniā non inquit Auer. quod substantiæ separatæ sint formæ dantes esse, sed inquit quod dant formas suas corporibus cælestibus, sed p ipsummet Auer. tertia disp. cōtra Algaz sol. 18. dubij dāns formam est agēs, igitur tum intelligentia formā ipsi cælo largiatur, agentes erunt, & non formæ, quod etiam ex eodem loco probatur in quo postquam dixit, quod intelligentiæ dant formas corporibus cælestibus infert, [ & ideo sunt eorum agentia quoquomodo] quare non intelligit Auer. quod sint formæ dantes esse, sed potius agentes. dicuntur autem cælo formā tribuere non quia aliam formam largiantur, cum nulla alia forma præter intelligentiam in orbe, secundum Auer. reperiatur, sed formam tribuere dicuntur, quatenus propria perfectionem largiuntur sicut motus est, qui uita est corporis celestis, & gradus appetitiuus, & intellectiuius, quod Commentator inquit in his uerbis inquiring, nam si tolluntur isti motores nequaquam in erit forma corporum cælestium, quemadmodum si tollitur intellectus non in erit nobis ultima perfectio, quare isti motore, in cælo se se hēnt ut intellectu.



in nobis, & forma, quam isti tribuunt Cælo se habet ut ultima perfectio quæ tribuit nobis intellectus: sicut ergo intellectus non tribuit perfectionem substantialem secundum Auer. igitur nec intelligentia quæ se habent ut intellectus in nobis tribuunt perfectionem substantialem Cælo, & hæc est germana Auerrois sententia, quem isti non intelligunt, solum uerborum superficiem considerantes, & hoc modo rationibus in oppositum satisfactum sit: remanet ergo firma opinio nostra, quod intelligentia non est forma dās esse, ex qua conclusionem & aliis quæ superius declarata fuerunt, quæ sit celestis corporis compositio colligi potest, uidelicet quod celestis corpus compositum est ex duabus naturis, ut ex materia & forma, non tanquam ex materia in potentia, et forma dante esse, sed ut ex subiecto, uel materia per se existente in actu, & forma assistente tanquam ex mouente & mobili.

Posibile ex se ab alio perpetuari non potest.

**P** *VIT* Aristotelis sententia primo libro de Cælo uersus finem, quam Io. Gr. ex grecis, ex Arabibus Algazel & Auicennas ut legitur apud Auer. tertia in Algazelem dissertatione foli. 19. dubij absolute negarunt: uoluit enim Io. Gr. celestis corpus sui natura corruptibile esse, aliunde uero perpetuari. Alij uero omne ens causatum sui natura possibile esse affirmant, ab extrinseco uero consequi eternitatem: quam opinionem quia Aristotelis rationes eo loco adductæ falsam esse apertissime ostendunt, idcirco ut à principiis Peripateticis aliena reicienda est. Auer. autem 12. Metb. Com. 4. tam hunc in modum perpendit, quod propositio uera est in substantiis, non autem in accidentibus, si quidem in accidentibus fieri potest, ut sui natura passibile ab alio perpetuetur, nam motus Cæli sui natura corruptibilis est, quoniam contrariam quietem habet, & tamen ab alio eternitatem consequitur, quod ex eo confirmat, quoniam Philosophus eo in loco sermonem habet de mundo, qui substantia est, propositio igitur in substantiis, non autem in accidentibus intelligenda est, cuius sententiam secutus est Zimara Theoremate 46. & licet Auerro. alibi asserere uideatur, quod propositio neque in substantiis ueritatem habeat, ut secundo cap. de subst. orbis, ubi inquit, quod celestis corpus non solum indiget uirtute largiente sibi motum eternum, sed etiam uirtute largiente in se, & in sua substantia permanentiam eternam, Cælum autem substantia est, igitur tam in substantiis, quam in accidentibus corruptibile permanentiam eternam ab alio adipiscitur. Ad uertendum quod non intelligit ipse, quod cælum sit corruptibile ex se, & ab alio fiat eternum, quoniam ut inquit in eodem loco, Cælum simplex est, & non habet potentiam ad corruptionem cum careat causis corruptionis ut materia, et

contrarietate, & propterea est ex se formaliter aeternum, unde non indiget aliquo sibi largiente aeternitatem, sed illud eo in loco uult Auerrois, quod uirtus Caeli sibi permanentiam aeternam largiatur quatenus motum ipsius conseruat, sine quo Caelum esse non potest: nam ut inquit in eodem loco, si intelligentia non esset, non esset motus, & si non esset motus, non esset Caelum, quia motus, ut habetur 8. Phis. contex. 1. est tanquam uita corporum naturalium, & ab ipso Auer. tertia in Algaz. disp. fol. 10. dubij, esse Caeli quodammodo consistit in motu, unde intelligentia dicitur largiri permanentiam Caelo quatenus motum eius conseruat sine quo Caelum esse non potest. quod autem ista sit eo in loco Auerrois sententia uerba ipsius in medium asferam quae huiusmodi sunt, & debes scire quod corpus caeleste non indiget uirtute mouente semper in loco tantum, sed uirtute largiente in sua substantia permanentiam aeternam, quoniam & si simplex sit, & nullam habeat potentiam in se ad corruptionem, tamen est finita actionis necessarii, & ideo cum intellectus potuerit ipsum existens per se absque eo quod aliud largiatur sibi permanentiam aeternam, necesse est ut ita sit de finitate suae permanentiae in substantia, sicut est de finitate suae actionis. hac Auer. remanet ergo glossa Auerrois quod propositio in substantiis, non autem in accidentibus ueritatem habet, sed licet maxima sit Auerrois auctoritas, tamen si pro ueritate philosophandum est, hac in re Aristoteli, & sibi metipsum isissime aduersatur. Aristoteli quidem ut probatur ex rationibus quibus usus est primo de caelo, et primo sic, Si motus Caeli sui natura possibilis esset, et ab alio aeternus, ergo idem simul erit, & non erit. quod impossibile est, contradictionem implicat, deducitur consequentia, si motus ex se possibilis est, ponatur in esse quod non sit, quoniam posito in esse quod non sit, non sequitur impossibile, tunc igitur non erit, & quoniam est ab alio aeternus, ergo semper erit. igitur in eo instanti in quo posuitur est non esse erit. igitur in eodem instanti erit, & non erit. hoc autem impossibile est, cum autem hoc non sequatur ex eo quod possibile positum est in esse, quoniam ex possibili non sequitur impossibile, ergo sequitur ex eo quod corruptibile sit aeternum. itaque quod corruptibile est, aeternum fieri minime potest. quare ratione usus fuit primo Ca. contex. 120. sed huic rationi respondere uidetur Auer. Com. illo 41. 12. Meth. dicens, quod ratio ista in substantiis ualet, non autem in accidentibus & motu, & ratio, inquit, diuersitatis ea est, quoniam substantia permanentiam habet ex se, motus autem ab alio, & ideo impossibile est inuenire substantiam possibilem ex se, & necessariam ab alio, quod est possibile in motu. quasi dixerit Com. quod ratio diuersitatis quare ratio adducta ualet in substantiis, non autem in motu huiusmodi est, quoniam substantia principium habet in aeternum corruptionis & aeternitatis, nam si substantia possibilis est non esse

hoc est per materiam, quam intrinsecus habet, quæ causa corruptionis est. si uerò æterna est, id est propter carentiam materia quæ est causa æternitatis, ut legitur 1. Cæ. contex. 20. ubi ex carentia materia, & contrarii Cælum probant esse æternum, quare si substantia possibilis fiat æterna cum sit possibilis per materiam, & ab intrinseco, æterna uerò per carentiam materia, & pariter ab intrinseco, ergo simul materiam habebit, & non habebit, & ab intrinseco erit corruptibilis & æterna, quod impossibile est. motus uerò cum accidens sit non habet principium intrinsecum corruptionis cum non habeat materiam ex qua, sed principium corruptionis in eo est contrarietas, nec intrinsecum principium habet æternitatis, quoniam æternitatem habet à motore externo, & ideo si motus corruptibilis est, æternus esse potest, quoniam non eadem ex parte, & ab intrinseco erit corruptibilis & æternus. sicuti substantia est. Sed corruptibilis ex se, æternus uerò ab alio, & hoc ut inquit non est inconueniens, & hoc uult in illis uerbis obscure, & concisè traditis. unde secundum Auer. Aristotelis ratio ad hoc tēdit, si corruptibile fieret æternū, tunc idem ex se, & ab intrinseco simul erit & non erit, & quoniam hoc tantum sequitur in substantiis, non autem in accidentibus, & motu, ideo ratio solum concludit de substantiis, & non de motu, sed hæc Auerrois solutio nulla est. quoniam Aristotelis ratio ad probandum quod possibile ex se non possit fieri æternum ad hoc deducit incommodum, quod tunc idem simul erit, & non erit, iam uerò hoc absurdum non solum sequitur in substantiis quæ principium habent intrinsecum æternitatis, sed etiā in accidentibus, & his quæ ab alio æternitatem habent, quod ita ostenditur, si motus sui natura possibilis est non esse, ponatur in esse quod non sit, tunc igitur non erit, cum autem ab alio sit æternus: igitur semper erit, ergo in eo instanti in quo nō est, erit. itaque simul erit, & non erit, & ita cum hoc absurdum sequatur tam ad id quod est ab alio, quā ad id quod est ab intrinseco æternū, igitur de utrisque ratio concludit. nec diuersitatis ratio ab eo assignata Aristotelis demonstrationem euariat, quod ex eo confirmatur, quoniam Philosophus arguit contra ponentes mundum ex se corruptibilem, & ab alio, nempe à primo motore æternum, igitur ratio etiam ualet in his quæ ab extrinseco æternitatem habent & consequenter in accidentibus, & motu qui secundum ipsum ab alio permanens est. Secundo, & principaliter probatur quod propositio uniuersalis sit tam in accidentibus, quā in substantiis ex Aristot. eodem 1. Cæ. contex. 118. ubi inquit, quod omne corruptibile habet determinatum tēpus ad nō esse, in quo non erit. declarans autem in quibus propositio intelligi debeat, inquit, propositionē ueritatē habere in omni prædicamēto, cuius uerba huiusmodi sunt, his uerò definitis dicēdū est ad ea quæ sequuntur, quod si quædam possibilia sunt esse, & non esse, quoddam tempus maximum essendi & non



essendi definitum esse necesse est. dico autem rem esse posse, & non esse in omni prædicamento, ut hominem, album, aut tricabrum, & id genus, quid clarius? quem locum exponens Auerroes, inquit, quod iste sermo, omne corruptibile habere determinatum tempus in quo non erit, est uniuersalis in omni prædicamento, itaque & de ipsius sententia omne corruptibile cuiuscunque prædicamenti necessario corrumperetur, & ita uniuersaliter nullum corruptibile fiet æternum. Amplius si in accidentibus, ut inquit Auer. corruptibile æternum fieri potest igitur erit aliqua potentia quæ nunquam reducatur ad actum, quod Aristoteli, & ipsimet Auerroï aduersatur: Aristoteli quidem, quoniam in contex. 118. inquit, quod omne possibile non esse in aliquo tempore non erit, quod non ualet nisi supposito quod omne possibile reducatur ad actum, similiter in contex. 120. sic ratiocinatur si est aliquod corruptibile quod perduret tempore infinito, illud corruptibile potentiam habet ut non sit, igitur quandoque non erit, quæ consequutio non ualet nisi supposito, quod omnis potentia reducatur ad actum, de ea potentia loquendo, quæ naturalis est ad differentiam illius potentia, quæ logica nuncupatur, quæ non dicit aliquid reale, sed solum est respectus quidam causatus ex non repugnantia terminorum. Auerroï uerò aduersatur 1. Cal. Com. 20. ubi ait, quod si in cælo materia esset eiusdem rationis cum ea quæ in sublimitatibus reperitur, in ea esset potentia ad non esse, sed cum ista nunquam reducatur ad actum, cum Cælum æternum sit, igitur esset potentia quæ nõ reduceretur ad actum. & ita ociosa in natura, quod impossibile esse affirmat, quam etiam sententiam habet 8. Phis. Com. 64. ubi ita scribit, & fundamentum est, quod omne quod est in potentia aliquando exibat in actum, & si non, tunc natura ageret ociose: postremo Auerrois opinionem falsam esse apertissime demonstratur ex decimo Metaph. contex. 26. ubi Philosophus posita diuisione contrariorum in ea quæ insunt per accidentia, & ea quæ insunt per se, & secundum substantiam, inquit, quod corruptibile, & incorruptibile non secundum accidens insunt rebus, sed per se, & secundum substantiam: quod hac ratione ostendit, quod est secundum accidens potest non esse, corruptibile & incorruptibile non possunt non esse, igitur non secundum accidens, sed secundum substantiam insunt rebus. & licet ratio de corruptibili fiat, ratio tamen ad incorruptibile etiam sese extendit, ut uerba sequentia apertissime ostendunt, quæ huiusmodi sunt. eadē profecto ratio est de incorruptibili, abo. n. ex hisce sunt quæ secundum substantiam insunt. iam uero si motus Cæli sui natura corruptibilis est, extrinsecus autem & ab alio incorruptibilis, igitur non secundum substantiam, sed per accidens incorruptibilis erit, aduersus: Philosophi sententiam, dissentit tandem Auerroes a seipso, quoniam 1. Cal. Com. 118. habet, quod tam in accidentibus, quam in substantiis ista profectio ue-

ra est quod omne corruptibile cuiuscunque generis habet definitum tempus in quo non erit, igitur secundum ipsum corruptibile cuiuscunque generis necessario corrumpetur, & per consequens nullum corruptibile aeternum fieri potest. insuper tertio libro de Anima. Com. 6. inquit, quod intentiones imaginatae non possunt esse aeternae, quoniam tunc natura corruptibilis fieret aeterna, et tamen intentiones imaginatae accidentia sunt, quia sunt qualitates spirituales, quae ipsi Anima obiectum representant: igitur tam in accidentibus, quam in substantiis, impossibile est corruptibile fieri aeternum, & reuera Auerroes à contradictione vindicari non potest, itaque rem ipsam determinantes dicimus, quod tam in accidentibus, quam in substantiis, omne corruptibile necessario corrumpetur, & universaliter nullum corruptibile fieri potest aeternum: quod si quis in contrarium dixerit, aliquod corruptibile, quod tamen aeternum est, sicuti sunt partes ignis in propria sphaera, quae sui natura corruptibiles sunt, cum materiam habeant per quam possunt non esse, nunquam tamen corrumpuntur, cum ibi contrarium non habeant à quo corrumpi queant, cui dubio ita satisfactum iri debet, quod partes ignis in propria sphaera corruptibiles sunt, & quandoque corrumpuntur à contrario quod sibi finitimum & proximum est: igni enim aer contiguus est, qui cum contrariam habeat qualitatem, humiditatem scilicet, ratione cuius igni opponitur qui siccus est. in ipsam ignem agit, ipsamque secundum partes successiue transmutat. unde hac duo elementa cum dimicantes habeant qualitates adinucem generantur, & corrumpuntur, atque ita omne corruptibile necessario corrumpetur, nullumque possibile cuiuscunque generis fuerit, aeternum fieri potest.

Ex intelligentia & orbe fit magis unum, quam ex materia  
& forma, sed secundum dispositionem magis  
diminutam quam sit unio recipien-  
tis, & recepti in forma  
abstracta.



¶ I T hac Auerrois propositio secundo Caeli Comment. 3. tametsi propositio in propria forma quod ad primam partem in commentario minime habeatur, sed duntaxat quod ad postremam partem, in qua compositum ex intelligentia & orbe ad id confert, quod ex abstracto, & abstracto componitur. cuius uerba lubenter subiiciam, ut id quod dicimus uerum esse intelligatur, & ideo forma & formatum in eo sunt unum, sed secundum dispositionem magis diminutam quam sit unio

recipientis & recepti in forma abstracta, ex quibus uerbis nemo est qui non uideat. Auerroem orbis, & intelligentie unionem non ad hac materialia conferre, sed ad abstracta, quomodo autem prima propositionis pars ex eo loco extrahatur. Zimaram præ ceteris adinuenio quippe qui quo nam pacto extrahi possit, declarare conatus est: dicit enim quod si litera legatur affirmatiue ut iacet, procul dubio propositio hic non habetur, sed si litera negatiue legatur, ut dicat, in (forma non abstracta) propositio extrahi posset, sed me hercle tantum abest si litera negatiue legatur, ut hac propositio edici possit, ut eius oppositum potius colligatur: propositio enim huiusmodi esset, si uerba negatiue legantur, forma & formatum in eo sunt unum, sed secundum dispositionem magis diminutam, quam sit unio recipientis, & recepti in forma non abstracta } quare ex intelligentia & orbe non magis unum quam ex materia & forma, sed potius secundum dispositionem magis diminutam fieri Commentator assereret. nec dici debet propositionem extrahi si illa particula, [ & secundum dispositionem magis diminutam ] permutetur ut dicat, (forma & formatum in eo sunt unum, sed secundum dispositionem maiorem quam sit unio recipientis & recepti in forma non abstracta, quoniam hoc esset pervertere & dilacerare uniuersam literam, qua ad hac usque tempora ita legi consuevit. ego autem Auerrois uerba ne latum unguem pervertens, dico, quod licet prima pars propositionis in propria forma minime habeatur, ex ratione tamen quam assignat Auerroes si quis in eam accuratius incubuerit, facile extrahi potest. Auerroes enim causam reddens quare ex intelligentia & orbe unum fiat, causa (inquit) ea est, quoniam intelligentia mediantibus dimensionibus materie non coheret, ut forma generabiles & corruptibiles: ergo cum forma generabiles & corruptibiles materia uniantur secundum ipsum, mediante dimensione, ex ipsis non fiet ita unum, ut ex intelligentia & orbe, ita ut ex hac ratione Auerrois discursus iste erigi possit, intelligentia immediatius unitur orbi, quam forma materia, ergo intelligentia cum orbe uerius facit unum, quam forma cum materia: consequentia ex eo colligitur, quia hoc medio ostendit intelligentiam cum orbe facere unum, quoniam absque ulla dimensione orbi unitur. cum itaque intelligentia orbi immediatius uniatur, quam forma materia, igitur ex intelligentia & orbe unum magis efficitur, quam ex forma & materia, & hunc in modum (meo iudicio) ex eo loco præsens elicitur propositio: iam uero cum ostenderimus quomodo ex hoc loco propositio eliciatur: nunc quomodo alij eam intellexerint, consideremus. arbitrati sunt plerique ex intelligentia & orbe fieri unum per se, & secundum substantiam, unde ex hoc loco inferunt postea secundum Auerroem intelligentiam dare esse orbi per in-formationem, sed hi aut Auerroem hoc loco non uiderunt, aut eius uerba.



minimè considerarunt, si quidem causam reddens quare ex intelligentia & orbe unum fiat, eam inquit esse, quoniam mediantibus dimensionibus orbi minime coheret: hac autem ratio non est quare per se unum efficiatur, cum huius causa actus cum potentia sit, ut ex eodem habetur 8. Meth. 15. quare si per unum intelligat unum per se, aut non, causam pro causa assignabit, aut sibi met pugnancia dicet. cum alibi unum per se fieri affirmauerit, quoniam unum est actus, & reliquum potentia, ea propter dixerunt alii quòd ex intelligentia & orbe sit uerius & magis unum, quàm ex materia & forma, quoniam sit unum æternum quod est uerius unum, quàm id quod est generabile, & caducum. Sed nec istorum sententia probanda est, quoniam tunc ex intelligentia & orbe non fieret minus unum quàm ex abstracto & abstracto, sicut, inquit Auer. quia sicut ex abstracto & abstracto fit unum æternum, ita ex intelligentia & orbe, quinimmo ex intelligentia & orbe fit uerius unum quàm ex aliquo abstracto & abstracto, quoniam ex abstracto & abstracto, ut ex intellectu & intelligibili non fit semper unum æternum, ut legitur apud ipsum tertio de Anima. 5. & 20. ubi inquit, quòd intellectus speculatiuus, & intentiones intellectæ corruptibiles sunt, itaque si propositio hunc in modum intelligeretur, tunc non esset absolutè maior unio recipientis & recepti in forma abstracta, quàm ex intelligentia & orbe, cum ex illis non semper fiat unum æternum, non ergo huius unitatis ratio ab æternitate desumitur.

## Dilucidatio.



**A** M uerò aliorum reiectis opinionibus, quis sit uerus propositio nis intellectus dicendum est. ut autem res fiat conspicua magis, hac animaduertenda sunt, primum quidem quòd compositio triplex est: una ex abstracto & abstracto, hac autem est ex intellectu & intelligibili altera est ex materia & forma abstracta, & ita ex corporeo & abstracto qualis est ex intelligentia & orbe: postrema est ex materia & forma materiali, & ita ex corporeo & corporeo, quam triplicem compositionem eo in loco innuit Com. unam quidem cum ait ex intelligentia & orbe fit unum: alteram uerò cum inquit, sed minus unum quàm sit unio recipientis & recepti in forma abstracta: tertiam innuit in ratione quam assertit dicens, quia intelligentia non unitur orbi media quantitate ut forma generabilis unitur materia. Alterum quod sciendum illud est, quod unum pluralitatis & diuisionis priuationem dicit, ut decimo Meth. habetur tex. 2. unde illud uerius unum dicitur, quod minus particeps est diuisionis, atque quod omnino indiuisibile est, illud

*summum unitatis fastigium possidet, unde Deus opt. quia simpliciter indiuisibilis est, ideo simpliciter unus, quinimmo unitas dicitur. & est, quibus sic explicatis dicimus, quod hic uerus est propositi Theorematis intellectus, quod ex intelligentia & orbe fit magis unum quam ex materia & forma. hoc est fit magis indiuisibile, intelligentia enim cum orbi mediante dimensione minime uniatur indiuisibilis est, forma autem materialis cum mediante dimensione materia uniatur diuisibilis est, iam uero ex indiuisibili & diuisibili magis indiuisibile fit, quam ex utroque diuisibili: cum autem intelligentia in diuisibilis sit, & materia & orbis diuisibilis, forma autem materialis diuisibilis, sicut & materia cui iugata est. igitur ex intelligentia & orbe fit quoddam magis indiuisibile, quam ex materia & forma. & quoniam quod est minus particeps diuisionis, est magis unum, ut dictum est, idcirco cum ex intelligentia & orbe magis indiuisibile fiat, magis unum efficitur quam ex materia & forma, & quod hoc uoluerit Com. ex eius ratione ostenditur, cum inquit, intelligentia cum orbe facit unum, & magis quam forma materialis cum materia, quia intelligentia non unitur orbi mediante quantitate, & consequenter quia indiuisibilis est, forma uero materialis, quoniam materia unitur mediante quantitate diuisibilis est, & proinde diuisibile cum diuisibili materia facit, & proinde minus unum quam illud quod ex intelligentia indiuisibili & orbe diuisibili resultat, ex quo Auerrois dicto illud elicitur quod uariis atque diuersis est ordo materia, forma, & accidentium in diuinis corporibus, & mortalibus. in his enim ista hoc ordine sese consequuntur, in primis enim extat materia, quam immediatè consequitur quantitas interminata, succedit tertio forma substantialis, quam postremo consequuntur accidentia terminata, quem ordinem clarè admodum ponit Auerro. primo cap. de subst. orbis, at in corpore cælesti res secundum ipsum aliter sese habet: in primis enim forma est, mox consequitur materia, succedit tandem quantitas, & cætera accidentia, quæ ut idem secundo de subst. orbis testatè reliquit sunt in Cælo propter materiam, & sunt in materia propter formam: dicuntur enim inesse propter materiam, quatenus per hanc, quæ est ratio patiendi, Cælum ipsum his accidentibus subiicitur, sunt autem propter formam, quatenus ab ipsa forma dependent. sed cum iam primam Theorematis partem superque satis declarauerimus, nunc secundam partem explicemus, quæ est, quod ex abstracto, & abstracto fit magis unum quam ex intelligentia & orbe. Dicimusque ad hoc quod ex abstracto & abstracto utpote ex intelligente & intelligibili, quia huiusmodi est unio, & compositio abstractorum ut alibi dictum fuit, efficitur magis unum, hoc est magis indiuisibile, quam ex intelligentia, & orbe: nam cum abstractum & abstractum indiuisibilia sint, intelligentia uero in*

indivisibilis, orbis autem divisibilis: ex indivisibili autem indivisibili fiante magis indivisibile quam ex uno indivisibili & altero divisibili, ideo ex abstracto, & abstracto fit magis indivisibile, & per consequens magis unum, quam ex intelligentia & orbe. accedit quod cum talis abstractorum compositio spiritalis sit, in ea minor est diversitas, cum intellectus aliquomodo intelligibile fiat, quam in compositione reali ex materia & forma, in qua neque materia, forma, neque hæc materia effici potest, & hæc circa præsentis propositionis expositionem dicta sint, in qua habes quod triplex est initio & compositionis gradus, primus quidem & supremus ex abstracto, & abstracto: secundus ex abstracto & corporeo: tertius & infimus ex corporeo & corporeo, ut ex materia & forma materiali.

Mutatio secundum totum, non manente sensibili ut subiecto eodem, generatio, & corruptio est.




**I**NITUR definitio hæc primo De gene. contex. 23. quæ cum hæcenus ab aliis non rectè fuerit explicata, tã dilucidare decreui. In qua sanè dilucidanda quatuor à nobis perpendenda sunt: primo quidem an definitio hæc sit generationis tantum, an generationis & corruptionis simul: Secundo, an conveniat generationi & corruptioni cuiuslibet substantiæ generabilis & corruptibilis: tertio, tota explicabitur definitio: postremo quedam persolvetur dubitatio. Quod ad primum attinet, mea est sententia, hanc non esse definitionem generationis tantum, ut communiter dicunt interpretes, sed definitionem generationis & corruptionis simul, ut ex ipsomet Aristote. probatur eo loco, ubi inquit, mutatio secundum totum non manente sensibili subiecto eadem generatio, & corruptio est. perpende diligenter verba ista, quoniam non inquit, mutatio secundum totum generatio est, sed inquit mutatio secundum totum, generatio, & corruptio est. ut cum ex semine sanguis, & ex aere fit aqua: mutatio enim secundum totum aeris pariter & seminis non manente subiecto eodem corruptio est. mutatio vero secundum totum aquæ & sanguinis generatio est. igitur definitio ista generationi & corruptioni communis est: præterea si hæc corruptioni communis non est, quæ nam ergo erit definitio corruptionis? huius enim rationem explicare proposuit Aristote. in contex. primo primi libri, & se eam explicasse asseruit in contex. 24. & in epilogo factò contex. primo secundi libri: Nec profectò dici potest hanc esse corruptionis definitionem. corruptio est mutatio non secundum totum, manente sensibili subiecto eodem, quoniam non distingueretur ab alteratione, nam & alteratio est mutatio



non secundum totum, manente eodem sensibili subiecto, erit igitur ista, corruptio est mutatio secundum totum, non manente eodem sensibili subiecto, nam si generatio dicitur mutatio secundum totum, quia est mutatio secundum substantiam, igitur & corruptio cum sit mutatio secundum substantiam, erit mutatio secundum totum, immo quia in corruptione totum esse rei deperditur, ideo in generatione totum esse rei acquiritur. & quoniam in corruptione non manet idem subiectum sensibile, ideo nec in generatione. adeo enim sunt connexa generatio & corruptio, ut generatio unius sit corruptio alterius, & e contra, & mutatio secundum totum unius sit mutatio secundum totum alterius, & per consequens utraque sit mutatio secundum totum, ea propter resolute dicendum est, quod definitio ista communis est generationi & corruptioni, & simul & semel Philosophus definitione hac utranque mutationem complexus est. amba enim sub hac communis ratione conveniunt, quod utraque est mutatio secundum totum, non manente eodem subiecto sensibili, & illa particula, [mutatio secundum totum] communis est mutationi ad esse, & ad non esse: & si dicatur mutatio ad esse fit propria generationi generatio enim est mutatio qua acquiritur totum: si vero dicatur, mutatio ad non esse fit propria corruptioni, hac enim est mutatio qua deperditur totum, unde illud dici potest, quod definitio ista per se primo competit mutationi substantiali, quae est quid commune ad generationem & corruptionem: contrahitur autem ad generationem & corruptionem per esse, & non esse tanquam per differentias, ita dicentes, generatio est mutatio secundum totum ad esse, non remanente sensibili subiecto eodem, Corruptio vero est mutatio secundum totum ad non esse, non manente similiter subiecto eodem, & hac de primo.

An conveniat generationi, & corruptioni cuiuslibet substantiae generabilis & corruptibilis.



**H**AC in re non convenit apud omnes, Zimara ut legitur theor. 20. voluit quod definitio ista non competit generationi & corruptioni cuiuslibet substantiae generabilis, sed duntaxat generationi, & corruptioni elementorum, & ratio est, quia praecipua inquit Aristot. intentio in libro de generatione est agere de generatione, & modo generationis elementorum, unde in 2 de anima contex. 117 & in libro de sensu, & sensibili cap. de sapore appellat illos libros de gener. libros de elementis, & in tali elementorum mutatione fit mutatio secundum totum, non manente eodem sensibili subiecto, sed opinio istius ab Arist. aperta sunt dissentit, quoniam

Philosophus contex. primo primi libri suam ponens intentionem, sic inquit, De generatione & corruptione eorum quæ natura generatur & corrumpuntur, & similiter de omnibus causa distinguenda & rationes ipsorum, in quibus uerbis nemo est, qui non uideat Aristotelem non perstringere intentionem suam ad generationem & corruptionem elementorum, sed ad generationem & corruptionem omnium corporum, quæ natura generantur & corrumpuntur, & in contex. 4. suam clarius patefaciens intentionem, inquit, se non uelle agere de generatione elementorum tantum, ut fecit Plato, sed de generatione elementorum & mixtorum, quid clarius? ita ut talis discursus formari queat, eam generatio & corruptio definitur in contex. 23. de qua proposuit agere in contex. primo, & 4. sed in his contex. agere proposuit de generatione & corruptione elementorum, & mixtorum. igitur definitur generatio & corruptio elementorum, & mixtorum, id præterea confirmant exempla posita in ea definitione: inquit enim, mutatio secundum totum non manente sensibili subiecto eodem generatio & corruptio est, ut cum ex semine & sanguis, & ex aere aqua, affert exempla in generatione & corruptione mixtorum, ut seminis & sanguinis, ex elementorum ut aeris, & aquæ: igitur uult definitionem communem esse generationi & corruptioni elementorum & mixtorum. plura quoque ad hoc adducere possem, sed quoniam superuacaneum esset in re aperta, ideo hæc sufficiant. itaque dicendum est quod definitio generationis & corruptionis quæ tradita est in contex. 23. communis est generationi & corruptioni elementorum, & mixtorum. sicut etiam uoluerunt Ioannes Gram. & Auer. sed præcipua causa quæ Zimarā in hunc errorem mihi impulsisse uidetur, fuit ista, quoniam sese ex hoc laqueo explicare non potuit, quoniam pacto generatio mixtorum potest esse mutatio secundum totum, non manente sensibili subiecto, cum elementa in generatione mixtorum maneant ut subiectum, nam si elementa in generatione mixtorum manent ut subiectum, generatio mixtorum non erit mutatio non manente sensibili subiecto, & si generatio mixtorum erit mutatio non manente sensibili subiecto, elementa non manebunt ut subiectum in generatione mixtorum. cum ergo bonus Zim. ista duo saluare non posset, & quod elementa in generatione mixtorum maneant ut subiectum, & quod mixtorum generatio fiat non manente sensibili subiecto, negauit definitionem istam conuenire generationi & corruptioni mixtorum, quod certe nobis nullum exhibet negocium. tenemus enim secundum Aristo. quod elementa in generatione mixtorum manent ut subiectum, & quod definitio ista conuenit etiam generationi & corruptioni mixtorum, ut nuper ostensum fuit, quod quomodo saluari possit, inferius patebit. Nec officit ratio quæ adducebatur à Zimarâ, assensum enim & nos, quod præcipua intentio in libris de genera-

tione & modo generationis elementorum, quam tractationem inchoatam  
 reliquerat Arist. 3. Cæ. quæ res ut omnibus reddatur conspicua, sciendum,  
 quod cū Philosophus in 3. Cæ. cepisset agere de elementis, ostēdissetque aduer-  
 sus Emped. generabilia, & corruptibilia esse, & quod ex se inuicem generan-  
 tur, in contex. 56. capit. differere de modo mutua generationis elementor-  
 um cum autem aduersus ueterem sapientum opinionem ostēdisset ex se  
 inuicem non generari per segregationem, neque per figuræ mutationem,  
 aut dissolutionem in superficies reliquum erat suam de re hac. asserre sen-  
 tentiam, & uerum declarare modum, quo elementa inuicem generentur.  
 uerum ibi illam reticuit, alibique tanquam opportuniore loco explican-  
 dum reliquit, ut in libris De gener. in quibus, ut ait Alex. initio Me-  
 theo absoluitur, quod tertio Cæli fuerat inchoatum: nam tertium cæli ut ibi no-  
 tat Auer. com. 56. de modo generationis elementorum falsa ueterum reie-  
 cta fuere opiniones, in libris autem De gener. uerus modus & ratio mu-  
 tue generationis elementorum explicatur. & hæc est præcipua Aristotelis  
 intentio in libris de gener. neque in hoc à Zimara discrepamus, & licet res  
 ita se habeat, non tamen sequitur quod definitio generationis tradita in pri-  
 mo libro contex. 23. sit definitio generationis & interitus elementorum,  
 sed est definitio generationis in communi, quæ necessario præmittenda erat:  
 & ratio est, quia cum scopus esset declarare modum generationis elemen-  
 torum, hic autem explicari minime posset, nisi cognita natura generationis  
 in communi, eiusque differentia ab alteratione, cæterisque mutationibus, ea  
 propter prius de generatione in communi agendum fuit, atque eius differen-  
 tia ab alteratione antea explicanda, quod autem modus quo ex se inuicem ge-  
 nerantur elementa cognosci minime posset nisi prius cognita natura altera-  
 tionis, & generationis in communi, ita probatur, inde sumpto principio,  
 elementa ex se inuicem generantur, ut tertio Cæli ostensum fuit. sed  
 ex se inuicem non generantur aut. per segregationem, aut figuræ muta-  
 tionem, aut dissolutionem in superficies ut ibidem aduersus ueteres ab  
 Arist. probatum fuit, igitur elementa inuicem generantur aut per muta-  
 tionem in quali, aut per mutationem in substantia, sed inuicem non ge-  
 nerantur per mutationem factam in quali, quia hæc est alteratio, quæ non  
 est eadem cum generatione, igitur inuicem generantur per mutationem fa-  
 ctam in substantia, quæ uera generatio est: cum itaque probetur quod ele-  
 menta non ex se inuicem generantur per mutationem in quali, quia hæc est  
 alteratio, quæ non est eadem cum generatione, sed per mutationem in sub-  
 stantia quæ uera generatio est, igitur prius cognoscenda erat natura altera-  
 tionis quod est mutatio facta in quali, & natura generationis in communi  
 quod est mutatio secundum substantiam, & consequenter diuersitas inter al-  
 terationem



verationem, & generationem, quibus non cognitis aut explicatis nunquam Philosophus declarare potuisset, quod elementa ex se inuicem non generentur per mutationem factam in quali, sed in substantia: hoc enim supponit declaratam naturam mutationis in quali, quod scilicet talis est alteratio, & naturam mutationis in substantia, quod scilicet talis est uera generatio, & corruptio, quam necessitatem animaduertens diuinus Aristoteles initio librorum De generatio. agere proposuit de generatione, & corruptione in communi, & de differentia inter generationem, & alterationem, quod propositum absoluit in contex. 23. & 24. ubi declarans naturam alterationis, & generationis, & corruptionis in communi, sic inquit, Alteratio est mutatio facta in quali manente eodem sensibili subiecto: generatio uero & corruptio est mutatio secundum substantiam non manente eodem sensibili subiecto: ex quo colligitur latissimum discrimen inter alterationem, & generationem, unde isthac, & omnia alia, quae sunt considerata in primo libro ut contactus, actio & passio, & mixtio, ea non sunt considerata propter se, sed propter generationem elementorum; ut etiam dicere uisus est Aristotel. in eo primo contex. 43. ubi suae intentionis causam assignans, inquit, Ideo de tactu, actione, & passione, & mixtione agendum esse, quoniam de elementis, & de mutua eorum generatione agendum est, ex quo loco patet, quantum à ueritate recedant Iuniores nonnulli, qui asserunt de elementis tractari propter generationem in communi, & propter ea quae sunt considerata in primo libro, cum tamen oppositum ab Arist. dicatur, quod de illis in primo libro agendum erat, quoniam de elementis disputatio futura erat: redeunt ergo ad Zimarae rationem formaliter dicimus, quod licet praecipua intentio sit agere de elementis, & modo generationis eorum, non tamen definitio generationis & corruptionis tracta in contex. 23. est definitio generationis & corruptionis elementorum solum, sed generationis in communi, cuius natura primum cognoscenda erat, uelut fundamentum ad cognoscendum quomodo ex se inuicem fieret generatio elementorum, ut dictum est. Sed hoc in loco occurrit dubium, propter quid cum Philosophus 3. Cap. tractare cepisset de modo mutuae generationis elementorum, uariosque ueterum explicasset dicendi modos, ea in parte dubitationem illam non persoluit, sed ab ea supersedit, eamque distulit ad libros De generat. non sine maxima eorum, qui legunt, confusione, da quo sequenti cap. Dubium hoc, quod ad Aristotelis attinet artificium summa consideratione dignum mihi semper uisum est, cui respondens dico, quod Philosophus ea in parte non potuit hanc dubitationem persolvere, & ratio ea est, quoniam cum elementa ex se inuicem non generentur nisi

per mutationem factam in substantia, hæc autem non pat nisi per mutationem præcedentem primarum qualitatum in quibusdam quidem per mutationem ambarum qualitatum, ut in generatione ignis, & aquæ, in quibusdam uerò per mutationem unius qualitatis tantum, ut in generatione ignis ex ære, operispretium erat prius cognoscere has qualitates, & differentias elementorum ab his qualitatibus desumptas, cum autem hæ qualitates primæ in libris de cælo neque possent, neque considerari deberent, idcirco in his libris considerari non potuit modus generationis elementorum, qui considerationem primarum qualitatum secum necessario iunctam tenet. Sed iterum insurgit dubitatio propter quid primæ qualitates, ut caliditas, frigiditas, siccitas, & humiditas, in libris de cælo considerari non potuerunt, sicut qualitates motiue ut grauitas & leuitas: Ad hoc dicimus eam fuisse causam, quoniam elementa ea in parte considerantur ut una cum cælo hanc mundi uniuersitatem constituunt, ideo ibi eæ qualitates considerari debebant, quibus elementa id efficere possent, iam uerò hæ non sunt primæ qualitates, sed qualitates motiue, quia per has propria sibi determinant loca, suamque habent totalitatem. quibus median- tibus hoc uniuersum constituunt, ea propter ibi qualitates alteratiue considerari non potuerunt sed duntaxat qualitates motiue, & earum opera, unde Philosophus falsis priscorum reiectis opinionibus de modo generationis elementorum, animaduertens ibi suam de re hac non posse explicare sententiam in contex. ultimo illius tertij de Cælo, elementorum differentias cognoscendas proposuit, & quoniam elementorum differentia à pluribus ducuntur fontibus, alia quidem à uirtutibus, scilicet à grauitate & leuitate, has enim ita appellat in contex. primo illius quarti: alia uerò ab affectionibus, hoc est à qualitatibus alteratiuis, alia uerò ab operibus, quæ à uirtutibus, & ab affectionibus proficiuntur. ideo de his erat agendum. uerò quia ille idoneus locus nõ erat pertractandi de qualitatibus alteratiuis, ideo statim agere cepit de qualitatibus motiuis, & earum operibus, de quibus agit in quarto libro, nec proinde post quartum librum agere cepit de qualitatibus alteratiuis, & de mutua elementorum generatione, sed de natura generationis in communi, deque eius differentia ab alteratione, & augmentatione, quoniam absq; huius notitia, quæ ex se inuicem est elementorum generatio minimè deprehendi poterat, & quoniam nonnullis elementorum generatio congregatio esse uidebatur, ut inquit ipse in contex. 43. hæc autem mixtio est. ideo de mixtione agendum erat, & quoniam hæc non est sine affectione & passione: omnes enim, inquit, qui elementa generant, & qui segregatione utuntur & congregatione agere, & pati utuntur, ideo de affectione & passione: & quoniam hæc non est sine contactu, ideo & de contactu,

que omnia considerauit in primo libro, & quoniam elementa inuicem transmutantur mediātibz qualitatibus alteratinis, ideo Philosophus secundum aggrediens librum de qualitatibus alteratinis agere capit, declarans quæ sint qualitates quibus elementa inuicem transmutantur agunt, & patiuntur, quot sint, & quomodo singulis elementis accommodantur, quibus oib. sic explicatis, alia differentia elementorum ab affectionibus desumpta, & mutua generatio elementorum facillè potuit explicari, & hæc est methodus & ordo admirabilis in his ab Arist. seruatus, sed cum iam satis digressi simus, nūc tertium in ordine propositum prosequamur.

### Definitio generationis & interitus explicatur.



**GENERATIO**, inquit Aristotel. & interitus mutatio est secundum totum non manente sensibili ut subiecto, eodem, datur definitio hæc per terminum, & per subiectum, nam sicut his duobus mutatio substantialis constituitur, & ab alteratione distinguitur, ita his duobus definitur, ex quibus enim res constituitur, & ab aliis distinguitur, ipsæ deficitur: datur enim per terminum cum inquit, [mutatio secundum totum] generatio enim est mutatio quæ acquiritur totum, corruptio uero quæ deperditur totum, nec arbitreris quòd dicatur mutatio secundum totum, ita ut etiam materia generetur, & corrumpatur, quoniam materia non generatur, neque corrumpitur ut terminus, sed per totum forma substantialis intelligitur, quæ terminus mutationis substantialis existit. non quidem ut tota formarum uniuersitas, & omnes formæ quæ in re præerant, in generatione, & corruptione mutantur, sed per totum forma substantialis specifica, & perfecta intelligitur, quæ ab Arist. 2. Phys. 3. totum appellatur, quoniam rei totum esse impartitur, atque rei totam essentiam complet, & absolut, ut ipsemet testatur eodem 2. Physico. 1. 1. & penes hoc uno modo ab alteratione seiungitur, nam alteratio est mutatio secundum qualitates, & quoniam qualitates, & accidentia non dant esse simpliciter, sed secundum quid, ideo alteratio non dicitur mutatio secundum totum, sed secundum quid: mutatio uero substantialis quoniam est mutatio secundum formam substantialem à qua totum esse rei proficiscitur, ideo dicitur mutatio secundum totum, uerum quia mutatio substantialis non solum penes terminum ab alteratione seiungitur, sed etiam penes subiectum, ideo deficitur etiam per subiectum, cum inquit, [non manente sensibili, ut subiecto eodem] quæ particula quo modo intelligenda sit, non conuenit apud omnes. Auer. in com. men. 24. ita.



putauit intelligenda esse, quod in mutatione substantiali nō manent aliquod sensibile sub ratione subiecti, licet aliquid remanere possit ut contingens subiecto, uel ut dispositio subiecti, & penes hoc ab alteratione distinguitur, quoniam in alteratione manet aliquod sensibile ut subiectum, in mutatione uerō substantiali non manet. aliquod sensibile ut subiectum, sed ut dispositio subiecti, quoniam si in mutatione substantiali maneret aliquod sensibile ut subiectum, generatio esset alteratio, unde secundum Auerro. alteratio & generatio in hoc conueniunt, quod in utraque manet aliquod sensibile: differunt autem quod in alteratione manet aliquod sensibile ut subiectum, in mutatione uerō substantiali non manet aliquod sensibile ut subiectum, sed ut dispositio subiecti, cui expositioni fauere uidentur uerba illa Aristotelis in context. dicentis, non manente sensibili ut subiecto eodem, quam sententiam plurimi quoque secuti sunt, sed hæc expositio falsa est, & in hoc Auerroes sibi & Aristoteli contradicit: sibi quidem, quoniam ipse uult quod elementa in generatione mixtorum maneat in ratione subiecti, ut patet primo Phisico. 82. & tertio. Cæli 67. ubi inquit, quod materia prima & elementa conueniunt in hoc, quod sunt subiectum ex quo per se aliquid fit, differunt autem quia materia prima est pura potentia, elementa uerō sunt actu, aut medio modo inter potentiam & actum, sed quis fortasse pro Auerro. dicere posset, quod quando Auerroes inquit, quod in generatione & corruptione non manet aliquod sensibile ut subiectum, intelligit in: generatione elementorum, quia uult definitionem istam solum conuenire generationi & corruptioni elementorum. cum uerō inquit in generatione manere aliquod sensibile ut subiectum, intelligit de generatione mixtorum, & ita nulla est contradictio, sed hic defensio nulla est. quoniam ipse secundo De generatio. primo, & primo. Metheo. comm. primo. uult definitionem istam generationis, & corruptionis: conuenire generationi & corruptioni elementorum & mixtorum: uerba sunt hæc, dictum est in primo libro de generatione & corruptione communis simplicibus, & mixtis. & cum in hac neget remanere aliquod sensibile ut subiectum, igitur negat in qualibet generatione, & corruptione. & per consequens in generatione mixtorum, in qua tamen alias dixit remanere aliquod sensibile ut elementa sub ratione subiecti. in ea expositione postea Aristoteli contradicit, quia Aristot. secundo Phisico. 31. declarans quæ conueniunt ut materia & subiectum, inquit, ut elementa syllabarum & materia uersorum. & ignis & aqua respectu corporum: uult igitur Philosophus, & elementa sint materia mixtorum sicut literæ syllabarum, & lapides domus: iam uerō hæc concurrunt ut subiectum, non autem ut dispositio subiecti, igitur & quatuor elementa concurrunt ut subiectum per se, quinimo ipse Auer. locum illum exponens hæc habet ad uerbum, Et omnia ista conueni-

unt in hoc, quòd sunt materia, differunt autem quoniam quedam sunt materia secundum compositionem tantum, ut literæ syllabarum, & lapides domus, & quedam secundum alterationem, ut panis respectu sanguinis, & quedam secundum compositionem & alterationem, ut quatuor elementa respectu corporum mixtorum. & hæc duo sunt fundamenta materie, compositio scilicet & alteratio, quod etiam ibi monuerunt Them. & Simp. cum itaque secundum Arist. elementa concurrant ut materia, & subiectum per se mixtorum, igitur secundum ipsum in mutatione substantiali remanere potest aliquod sensibile ut subiectum per se, quod tamen negavit Auerro. in expositione definitionis. Sed aliquis dicere posset pro Auer. quòd licet secundum Arist. in generatione mixtorum maneant elementa, ut subiectum, non tamen manet aliquod sensibile ut subiectum, quia elementa in mixto cum sint refracta, & castigata, non sunt sensibilia, & hoc est quod negant Aristot. & Auerro. uidelicet permanentiam alicuius subiecti sensibilis, non autem permanentiam alicuius subiecti simpliciter: sed hæc responsio nulla est, quoniam substantia est sensibilis per accidens ratione qualitatum, ut legitur secundo de Anima context. 63. qualitas autem etiam si remissa sit, sensibilis est, igitur & substantia illi subiecta sensibilis erit, quare elementa in mixto quamuis remissas habeant qualitates, sensibilia erunt. præterea Philosophus secundo de Anima 52. querit propter quid elementis existētibz in nobis, & sensibilia sint, non sentiuntur ab ipso sensu, in qua questione unum querit, & aliud præsupponit, elementa quidem præsupponit in nobis esse, & illa sensibilia esse. querit autem propter quid non sentiantur ab ipso sensu, ita que elementa in mixto sensibilia sunt, & cum remaneant concurrant, ut subiectum per se mixtorum, igitur in mutatione substantiali manet aliquod sensibile, ut subiectum per se. Hinc patet etiam falsam esse sententiam Beati Thomæ, dicentis, quòd in mutatione substantiali non manet aliquod sensibile, nec ut subiectum nec ut dispositio subiecti, & in hoc dissentit ab Auerro. quoniam Auerro. uult quòd in mutatione substantiali non manet aliquod sensibile, ut subiectum. manet autem ut dispositio, Beatus Thomas autem uult, quòd non manet aliquod sensibile nec ut subiectum, nec ut dispositio, sed omnia corrumpantur, & formæ, & accidentia omnia. ita ut non remaneat nisi materia nuda, quæ sententia deterior est. quàm ista Auerrois, quia ut nuper ostensum fuit ex Aristot. quatuor elementa in generatione mixtorum manent ut subiectum, sicut literæ respectu syllabarum, & lapides respectu domus. manet etiam aliquod sensibile, ut dispositio subiecti. ut in 24. context. illius primi Aristot. declarauit. & clarius habetur in secundo libro context. 27. ut a nobili suo loco demonstrabitur. ea propter Atchinus secundo libro. de elementis art. 3. aliter exponit dicens, quòd hæc particula, (non

manete sēfibili subiecto] ita intelligenda est. q. in mutatione substantiali subiectū sibi nō determinet aliqd sensibile, & aliquā qualitātē ut talis sit sensus non manente sensibilibusubiecto hoc est, subiecto sibi nō determinante ali quod sensibile, & aliquam qualitatem, quia si determinaret sibi aliquod sensibile, tunc in omni mutatione aporteret manere aliquod sensibile, quod falsum est. quia licet in mutatione elementorum quæ symbola sunt remaneat aliquod sensibile, ut symbola qualitas, non tamen in generatione elementorum, quæ non sunt symbola ut ignis & aqua. potest itaque in mutatione substantiali remanere aliquod sensibile, illud tamen subiectum non debet sibi determinare aliquod sensibile, & aliquod accidens, & talem uult esse sensum illius particulæ, sed inanis est expositio ista: primo enim non consentit uerbis Aristotelis, quia Philosophus negat remanentiam eiusdem subiecti sensibilis, & non negat determinationem alicuius sensibilis qualitatis à subiecto, præterea Philosophi institutum circa hanc particulam est assignare differentiam inter alterationem, & mutationem substantialem penes subiectū, quia in alteratione manet idem sensibile subiectum, in mutatione uerò substantiali non manet idem sensibile subiectum: iam uerò alteratio, & mutatio substantiali non distinguuntur penes subiectum, hoc modo, quia subiectum alterationis sibi determinet aliquod sensibile, subiectum uerò mutationis substantialis sibi non determinet aliquod sensibile, nec unquam Philosophus hanc differentiam assignauit, sed distinguuntur penes subiectum in actu, & subiectum non in actu, quia subiectum alterationis est in actu, subiectum uerò mutationis substantialis non est in actu, & ubi cianque Philosophus assignauit differentiam inter alterationem aut motum proprie dictum, & mutationem substantialem penes subiectum semper assignauit hoc modo, ut patet. 6. Phisic. 8. & alibi, itaque hæc particula non est eo modo intelligenda, ut inquit Acchil. alioquin Philosophus non declarasset naturam, & conditionem subiecti alterationis, & mutationis substantialis, & ita non assignasset ueram differentiam inter alterationem, & mutationem substantialem penes subiectum, quod tamen suum erat propositum, & institutum, quid ergo dicendum?



## Particulæ dilucidatio.

**E**A semper mea fuit sententia, quàm etiam semper mihi detinendam puto, quòd cum Philosophus inquit, non manente sensibili subiecto eodem, hæc particula ita intelligi debet, quòd in mutatione substantiali non manet idem subiectum sensibile in actu specifico, & completo: non enim negat Philosophus quòd non maneat aliquod sensibile sub ratione subiecti, sed negat quòd non debet manere sensibile subiectum sub gradu specifico, quia hoc tollit generationis rationem. & quòd hic uerùs sit sensus, ita ostendo, ponit ibi Philosophus differentiam inter alterationem et mutationem substantialem & penes terminum & penes subiectum: penes terminum, quia alteratio est penes qualitates, mutatio uerò substantialis penes totum, & formam substantialem, penes subiectum autem differentia est. quoniam alteratio fit, inquit, manente eodem sensibili subiecto, mutatio uerò substantialis non manente eodem sensibili subiecto: iam uero sicut remanentia eiusdem subiecti sensibilis affirmatur de alteratione, ita negatur de mutatione substantiali, sed de alteratione ita affirmatur, quòd in hac manet idem subiectum sensibile in actu specifico sub utroque termino alterationis, ut ipsemet Arist. affirmat in contex. dicens, ut cum corpus sanum est, & rursus laborat manens idem, & æs quandoque angulare, quandoq; rotundum manens idem, certum est autem quòd cum corpus de sanitate in languorem mutatur manet idem corpus in actu specifico, et similiter cum æs mutatur de rotundo in angulare, manet æs sub eadem forma specifica: igitur in mutatione substantiali non manet idem subiectum sensibile sub actu specifico, & quòd sit determinata speciei, ut cum ex sanguine fit semen, in tali enim mutatione non manet subiectum sub eodem actu specifico, quia corrumpitur forma sanguinis, & subiectum recipit formam seminis, unde diligenter perpende uerba Philosophi: dicit enim non manente sensibili ut subiecto eodem, & non dicit absolute non manente sensibili ut subiecto, ut ostendat se non negare in mutatione substantiali remanentiam alicuius sensibilis ut subiecti per se, quia alibi statuerat ipse quòd in mutatione substantiali mixtorum remanent quatuor elementa in ratione subiecti sed quòd non debet remanere subiectum sensibile idem, uidelicet sub eodem actu specifico sub utroque termino mutationis sicut in alteratione manet, quia hoc tollit rationem generationis. quinimmo ipsemet Arist. in contex. 24 declarauit, licet satis obscure cum inquit, In his autem si aliqua passio erit eadem contrarietatis ingenito et corrupto, puta quando ex æro fit aqua si ambo diaphana, aut humida non oportet huiusmodi passionem alterari e se: si autem non, erit alteratio, puta cum homo musicus corrumpitur

est, homo autem immisciscus factus est, homo autem manet idem. quæ uerba à nobis perpendenda sunt, ut quod probare intendimus manifestum fiat, & si mul contextus iste qui difficilis semper habitus est, dilucidetur. cum Philosophus in contex. 23. definiuisset mutationem substantialem, dicens, quod mutatio est secundum totum, non manente sensibili subiecto eodem, potuisset quispian suspicari hanc particulam ita intelligendam esse, quod in mutatione substantiali non manet subiectum sensibile idem, hoc est, sub eadem sensibili qualitate, ut ly ( idem ) significet identitatem, & unitatem sensibilis qualitatis, quam suspicionem remouens in contex. 24. inquit, quod hæc particula non ita intelligenda est, quoniam si fuerit aliqua qualitas communis genito & corrupto eadem manet in utroque, nec oportet sensibilem qualitatem quæ est, in genito, diuersam esse ab ea, quæ fuit in corrupto, ut cum ex aere fit aqua symbola qualitas, ut humiditas quæ fuit in aere non corrumpitur, sed eadem manet in aqua, & quod dicitur de elementis, id ipsum intelligi debet de mixtis, quia Aristotelis sententia non perstringitur ad elementa solû, licet afferat exemplum de elementis, quia quæ ratione uerificatur in elementis quod qualitas symbola & communis genito et corrupto eadem manet in utroque, eadem ratione uerificatur in mixtis. & proinde in mutatione substantiali manere potest subiectum sensibile idem, hoc est affectum eadem sensibili qualitate, sed intelligitur quod non manet subiectum sensibile idem secundum eandem formam specificam, ut ly ( idem ) significat identitatem & unitatem formæ specificæ, quia si non corrumpere-tur, sed maneret secundum eandem formam specificam, generatio esset alteratio, & hoc intelligit in illis uerbis cum inquit, ( si autem non, erit alteratio ) hoc est, manere potest subiectum sensibile secundum eandem qualitatem, sed non secundum eandem formam specificam, sed corrumpi debet, quia si non, uel delictet corrumpere-tur generatio esset alteratio, & hæc est uera expositio illorum uerborum contex. 24. & illius particula posita in definitione generationis hinc patet quod illa dictio ( ut ) quæ ponitur in illis uerbis, non manente sensibili ut subiecto eodem, quæ fortè fuit causa erroris Auerrois, & aliorum, non est specificatiua illius dictionis sensibilis, ita ut non maneat aliquod sensibile ut subiectum, sed est specificatiua illius dictionis ( eodem ) ita ut non maneat aliqd sensibile subiectum. ut idem & unum, ut potè sub eodem gradu specifico sub utroque termino mutationis, quoniam hoc est subiectum alterationis, non autem generationis. Ex qua expositione optime saluantur illa duo ex quibus Zimara sese explicare non potuit: primum quidem definitionem hanc conuenire generationi, & corruptioni mixtorum: saluatur etiam illud in generatione mixtorum manere quatuor elementa ut materia, & subiectum, quia licet in generatione maneat sensibile ut subiectum per se. ut totum

nam illud resultans ex materia & formis elementorum, illud tamen non est in actu perfectio, nec alicuius determinata speciei, sed in actu incompleto, & indeterminato, quod adhuc est in potentia ad ulteriorem formam specificam, & hoc non negat Arist. nec id tollit rationem generationis, quamobrem ad saluandam definitionem istam generationis & corruptionis opus non est facere resolutionem usque ad materiam primam, nec ex parte formarum substantialium in mixtis, nec ex parte accidentium, ut in elementis.

## Dubitatio, &amp; eius solutio.



**E** Daduersus nostram hanc expositionem non leuis sese offert dubitatio, nam Philosophus in context. 24. eiusdem libri contradistinguens generationem & corruptionem ab alii speciebus motus ita scribit, Generatio & corruptio fit cum nihil manet cuius alterum sit passio, uel accidens. in quibus uerbis uelle uidetur, quod in mutatione substantiali non maneat aliquod accidens, uel aliqua passio in subiecto; et consequenter non maneat aliqua substantialis forma, quae necessario aliquam qualitatē exposuit, & proinde uelle uidetur quod in mutatione substantia li non maneat aliquod sensibile nec ut subiectum, nec ut dispositio subiecti, quam auctoritatem tanti fecit Pomp. ut cum Diuo Thoma resolute tenendum putarit in mutatione substantiali non manere aliquam formam substantialem, nec aliquod accidens. sed nudam materiam substantiam locum iste prima fronte aliquam apparentiam habere uidetur, attamen si accurate cōsideretur nihil officit, quia cum dicit Philosophus, generatio & corruptio fit cū nihil manet cuius alterum sit passio, uel accidens. illa diffinitio [Nihil] non se tenet ex parte formae, ita ut nulla passio, uel accidens remaneat sed se tenet ex parte subiecti, quod facile ex uerbis ipsis intelligitur, quia inquit, nihil manet cuius alterum sit passio, uel accidens, hoc est, non manet subiectum idē cuius alterum sit passio: sed animaduerte, quod licet se teneat ex parte subiecti, nō propterea sensus est, qd nō maneat subiectum cui insit, aut inhaereat aliqua passio, ut aliq. accidens. sed sensus est, qd in generatione & interitu non manet idē subiectum cuius, illud quod per generationem acquiritur, aut per corruptionem deperditur, sit passio uel accidens, ita qd illa uerba, (cuius alterum sit passio, uel accidens) dicunt terminum ad quem generationis, & interitus, & quod hic sit uerus & germanus horum uerborum sensus, ex eo ostenditur, quia Philosophus ibi contradistinguuit generationem & interitum ab aliis speciebus motus, quae quidem in hoc coniungunt, quod in alteratione, motu locali, incremento, nānet idem



subiectum cuius illud quod aduenit, & per motum acquiritur accidēs est. in alteratione enim manet idem subiectum, cui per motū aduenit qualitas, in augmentatione quantitas, in motu locali locus. generatio autem & corruptio non ita, inquit, fiunt, quia in his non manet idem subiectum cui per generationem adueniat accidens, aut per corruptionem similiter accidens remoueatur, sed illud quod aduenit, aut à subiecto remouetur, est totum, & forma substantialis, cum itaque per ea uerba generatio & corruptio contra distinguantur ab aliis speciebus motus, in illis autem ea uerba dicant terminum ad quem affirmatiue, igitur in generatione & corruptione dicunt terminum ad quem negatiue, & est illud idem quod dixit in contex. 23. nā idem est dicere generatio & corruptio fit cum non manet subiectum idem cuius, illud ad quod est transmutatio fit accidens, sed totum, ac dicere, generatio & corruptio est mutatio non manente subiecto eodem facta secundum totum, & formam substantialem, quem locum si ita obseruasset ille Pomp. in eum errorem non incidisset, & hac satis.

Primæ qualitates elementorum principia sunt.



**D** O B V S in locis Aristoteles sententiam istā pronūciavit secundo de Gener. contex. 6. & quarto Metho. primo quæ cū cōspicue significare uideretur primas qualitates esse formas substantiales elementorum, inter eius interpretes orta controuersia fuit, an primæ qualitates sint formæ elementorum. Aphrod. Alexander, de quo scribit Auerroes octauo Met. Com. 5. in libro de sensu, & sensibili cap. de sapore. & 4. quæstio. natura. cap. 4. uoluit primas qualitates esse formas substantiales elementorū. cuius etiam sententiæ fuit Ammonius in libro cathegoriarum cap. de substantiā, ubi dubitans quomodo substantiā nihil sit contrariū, cum tamen ignis & aqua per caliditatem & frigiditatem, quæ substantiæ sunt sibi inuicem opponantur, concedit ignis caliditatem, & aquæ frigiditatem substantias esse, ac proinde ignem, & aquam secundum formam substantialem sibi inuicem opponi, non tamen totam ignem toti aquæ contrariū esse, cū materia & corpore conueniant, quod si Ammonius uoluisset primas qualitates non esse formas substantiales, negandum erat illud quod acceptū fuit, ignis calorem uidelicet & aquæ frigus substantias esse, quæ tamen ab ipso conceditur, præceptoris Ammonii sententiā secutus fuit Io. Gra. 2. de Gener. super contex. 49. ubi exponens dictum illud Aristotelis quod erat, ignem contrariari aquæ, ut contingit substantiam substantiæ contrariā esse, eandem dubitationem mouet, & eodem modo persoluit, a quorum opinione

non recessit Galenus medicus tractatu primo de elementis, cuius sententiā doctissimus Mathæus Curtius superiori etate constanter eandem esse cū Aristotelis opinione asseruit. ceterum quia de Alexandri opinione dubitarūt iuniores nonnulli, dixeruntque nunquam Alexandrum uoluisse primas qualitates esse formas substantiales elementorum, falsoque sententiam istam ab Auer. Alexandro fuisse adscriptam, quòd si Alexander illas quandoque formas appellauit, hoc intelligendum est quòd ad nos, quia utimur his uice ex loco formarum, quæ nobis ignotæ sunt. ostendimus nos hanc fuisse ueram, & germanam Alexandri sententiam ab Auer. rectè intellectam, si quidem Alexander loco superius citato cap. de sapore, considerans dictum illud Aristotelis, quòd ignis non agit in quantum ignis, nec aqua in quantum aqua, dubitauit, quia cum ignis in calore & siccitate consistat & aqua in frigiditate, et humiditate, quæ substantiæ sunt, & per illas agant, igitur ignis agit in quantum ignis, & aqua in quantum aqua, quoniam agunt per ea quæ eorum substantiæ sunt. huic dubitationi respondens Alexander non negat quod assumit, uidelicet ignē consistere in calore & siccitate, & aquam in frigiditate & humiditate, easque substantias esse, quod tamen sibi negandum erat, si uoluisset has non esse substantias, sed accidentia & qualitates, sed negat consistere in caliditate, & siccitate tantū, cum præter has aliquid aliud intra se teneant. quæ quidem uerba fuerunt causa erroris modernorū, quia uidentes Alexandrum dicere ignem non solum constitui per calorem, & siccitatē, sed aliquid aliud præter has continere, dixerunt Alexandrum uoluisse ignem præter qualitates has, habere propriam formam substantialem: cum tamen Alexander declarans quid sit illud quod ignis præter calorem & siccitatē continet, non inquit hoc esse formam, sed materiam: hinc infert quòd licet ignis agat per calorem & siccitatem quæ substantiæ sunt, non tamen agit ut totus ignis, quoniam totus ignis propter materiam quam contriet, non habet contrarium, ratione cuius actio efficitur, & hoc modo uult intelligendum esse illud Aristotelis dictum, quod ignis non agit in quantum ignis. ex qua solutione satis conspicuum est Alexandrum uoluisse primas qualitates esse formas substantiales elementorum, & præter has in elementis nil aliud præter materiam adinueniri, à quo non recesserunt Ammonius, et Io. Gram. ut dictum est, quorum sententia ita probatur, & primo ex Alexandro hoc pacto probauit Auerro. loco superius citato, id est forma substantialis alicuius ad cuius ablationem tollitur substantia rei, ut habetur secundo de Anima contex. 9. sed ad ablationem caliditatis, & aliarum qualitarum tollitur ignis, & cætera elementa: ergo primæ qualitates sunt forme substantiales elementorum. secundo probatur ex Aristotelis auctoritate secundo de Genera. contex. 6. ubi inquit, quòd materia, &

prima qualitates constituunt, & sunt principia elementorum: cum autem principia, & principata in eadem coordinatione reperiuntur, igitur cum elementa substantia sint, pariter & prima qualitates, quæ elementorum sunt principia, substantia esse debent: secus ex non substantia constitueretur substantia, quod tamen inficias iuit Aristot. primo Phisicorum contex. § 2. sed fortè ad hoc dicet aliquis, quòd primæ qualitates dicuntur ab Aristot. principia elementorum circumscriptiue, quia circumscribunt formas substantiales elementorum nobis ignotas, quæ sunt principia elementorum: quotiescunque enim formæ substantiales & ultima differentia rerum latitant, licet eas circumscribere per ipsarum proprietates, & accidentia: sed responsio ista nulla est, quoniam tunc male Philosophus negasset in tex. octauo grauitatem & leuitatem esse principia elementorum. probatur consequentia, quoniam sicut primæ qualitates circumscribere ualent formas substantiales elementorum; ita etiam grauitas, & leuitas. quoniam sicut primæ qualitates sunt principia alterationis, ita grauitas & leuitas sunt principia motus localis: igitur sicut primæ qualitates principia elementorum dici possunt, ita etiam grauitas, & leuitas: non ergo ratio principij magis primis qualitatibus, quàm grauitati, & leuitati attribuenda erat. si ergo Aristotelis sententia consistere debet, quòd primæ qualitates sint principia, grauitas autem, & leuitas nequaquam. dicere oportet Aristotelem uoluisse primas qualitates esse uera principia elementorum: idem tertio probare conatus est Mathæus Curtius in hunc modum, Forma non innotescit nisi ex operationibus, sed in elementis nulla alia conspicitur operatio præter operationes primarum qualitatum: ergo in elementis nulla alia reperitur forma substantialis præter primas qualitates: consimili ratiocinio & arguendi modo usus fuit Aristoteles ad probandum in plantis nullam aliam uirtutem animalem præter uegetalem animam adinueniri, sic arguens, In plantis nulla alia conspicitur operatio præter operationem animæ uegetalis: ergo in eis nulla alia reperitur uirtus præter animam uegetalem. postremo, idem est principium distinguendi & essendi rei, primæ qualitates sunt principia distinguendi unum elementum ab alio: ignis enim distinguitur ab aqua, quia ignis calidus & siccus est, aqua uero frigida & humida, igitur primæ qualitates sunt principia essendi, atque ita formæ substantiales elementorum. sed quamuis doctissimorum uirorum hæc extiterit opinio, attamen falsa est, & ab Aristotele aliena, & prima probatur ratione qua in Alexandrum usus est Auerroes octauo Meth. Commen. §. quæ huiusmodi est. in his quæ uniuocè dicuntur quòd uni est accidens, alteri non potest esse substantia,



quoniam oppositum prædicati non stat cum subiecto : si enim esset acci-  
dens in uno , & substantia in alio : igitur diuersam haberet rationem ,  
atque naturam : igitur non essent uniuoca , sed primæ qualitates uniuo-  
cè dicuntur in simplicibus , & mixtis , & in mixtis accidentia sunt , er-  
go in elementis substantia esse non possunt . minor probatur quo ad utran-  
que partem , & primo , quod in mixtis accidentia sint , probatur ex A-  
ristotelis autoritate tertio Meth. context. 17. ubi sic inquit , Substantiam  
quæ maximè significare uidentur sunt ignis , aqua , & aer , & terra , ex  
quibus corpora composita constant . horum autem calores , & frigidita-  
tes , & similes passionēs non sunt substantiæ . quod autem uniuocè dican-  
tur in mixtis , & elementis probatur ex sensu tactus , qui rectissimus index  
tangibilium qualitarum , quippè qui eodem modo immutatur ab illis , id  
etiam patet ex definitionibus earum , etenim easdem definitiones habent  
in mixtis , & elementis , sed clarius probatur ex Aristotelis autori-  
tate secundo de anima 41. ubi redarguens opinionem illorum , qui uolue-  
runt , quod calor ignis sit causa præcipua nutritionis , & augmenti , in-  
quit , quod calor ignis non est præcipua causa nutritionis , sed est concan-  
sa , & instrumentum : uult ergo quod idem res sit calor ignis , &  
calor mixti , licet ratione inter se differant , ut penes moderationem , &  
immoderatum , quod quidem est differentia quadam accidentalis , &  
quidam modus caloris . secundo & principaliter , substantia non est ter-  
minus alterationis per se , ex Aristot. quinto Phisico. 10. ubi negat ad  
formam substantialem esse motum , & consequenter alterationem , quia  
à quocunque remouetur genus , remouetur & species . Sed primæ quali-  
tates sunt termini alterationis per se , ut est sententia eiusdem septimo  
Phisico. 11. ubi inquit , quod alteratio per se est ad caliditatem , & fri-  
giditatem , igitur primæ qualitates non sunt substantiæ . Insuper nulla  
substantia est per se sensibilis , & tangibilis qualitas , ut habetur ex  
Aristotel. secundo de Anima 64. ubi contradistinguit substantiam à  
sensibili communi , & proprio , quoniam hæc sunt sensibilia per se ,  
substantia uerò est sensibilis per accidens . sed primæ qualitates sunt  
per se sensibiles , & tangibiles qualitates , siquidem Philosophus se-  
cundo De generatio. 8. primas qualitates connumerat in eodem genere ,  
in quo connumerat durum , & mole , asperum , & lene , quæ qui-  
dem accidentia sunt : itaque primæ qualitates accidentia erunt , &  
non substantiæ , ex altera parte Auerroes quarto cæli commen. 20. &  
secundo de Anima 108. uoluit grauitatem et leuitatem esse formas substan-  
tiales elementorum . cuius sententiam secutus est Acchillinus tertio libro  
de elementis , dubio secundo sed neque opinio ista est Aristoteli consentanea

primo quidem, quoniam Aristoteles secundo de generibus grauitatem, & leuitatem connumerat inter tangibiles qualitates & in eodem genere, in quo connumerat calidum & frigidum, & durum & molle; iam uero hæc sunt qualitates, & non substantia, igitur grauitas & leuitas. Sed ad hoc dicunt nonnulli grauitatem, & leuitatem his capi posse, uno modo pro actu primo, alio modo pro actu secundo, & utar uerbis ipsorum pro grauitatione, & leuitatione: licet enim hisce uocabulis uti pro euidentiari, tunc dicunt quod cum Aristoteles grauitatem & leuitatem connumerat inter qualitates, non accipit grauitatem & leuitatem primo modo, quoniam substantia sunt, sed secundo modo: sed isti in errore uersantur, quoniam ibi Philosophus inquires quænam tangibiles qualitates sint principia elementorum, inquit, quod neque grauitas, neque leuitas, neque durum & molle elementorum sunt principia, quia non sunt æstima & passiva: loquitur ergo Philosophus de ea grauitate & leuitate quæ non est æstima & passiva, iam uero hoc non solum est de grauitate & leuitate secundo modo, sed etiam primo modo pro actu primo, quoniam grauitas, & leuitas non sunt principia alterationis, & actionis & passionis, quemadmodum nec durum, & molle; quamobrem Philosophus accipit grauitatem & leuitatem simpliciter, & uniuersaliter, præterea Philosophus 7. Physicorum. 1. inquit quod ad grauitatem & leuitatem alteratio est. certum est autem quod hoc non intelligitur de grauitate & leuitate secundo modo, quoniam ad motum non est per se motus, sed primo modo: sed illud quod est per se terminus alterationis est qualitas, & non substantia, igitur grauitas & leuitas pro actu primo erit qualitas & non substantia, idque tandem ex ipsomet Auerro comprobatur, nam grauitas & leuitas ex primis qualitatibus fluunt ut inquit ipse quarto Cæli comment. 39 ubi hæc habet ad uerbum, & signum quod aer est magis grauis, quam leuis, est, quia causa leuitatis est calor, & causa grauitatis est humiditas, & omnes conueniunt quod aer est magis humidus, quam calidus, ergo erit magis grauis, quam leuis. igitur grauitas & leuitas substantia esse non possunt, cum substantia non fluat ex qualitatibus. ceterum Zimara hac in parte & plerique Auerro. istæ insurgunt dicentes Auerroem nunquam uoluisse grauitatem & leuitatem esse formas substantiales elementorum, & si quandoque ut locis citatis dixit substantias esse, non intellexit formaliter, sed circumscriptiue prout substantiam ipsam circumscribunt, sed isti hac in re nimis oscitanter Auerroem leuitasse præferunt, quoniam Auer. 4. Cæ. com. 20. inquit, quod sicut in possibile est raritatem & densitatem reponi in prædicamento substantiæ, ita impossibile est grauitatem & leuitatem reponi in prædicamento accidentis. habet ergo Auer. pro impossibili grauitatem & leuitatem reponi in prædicamento accidentis, similiter Auer. secundo de Anima context. illo centesimo octa,

uo uile quod grauitas & leuitas sint formaliter substantie, quod ex eo pa-  
 tet, quia cum accepisset propositionem illam quod obiecta sensus tactus sub  
 diuersis generibus contineantur, eam probauit ex hoc, quia caliditas & fri-  
 giditas continentur in predicamento qualitatibus, grauitas autem & leuitas  
 in predicamento substantie: itaque grauitas & leuitas secundum ipsum  
 sunt formaliter substantie: alioquin si essent formaliter qualitates, tunc ca-  
 liditas, & frigiditas, grauitas & leuitas non essent in diuersis generi-  
 bus, ut inquit, sed in genere qualitatibus, ac proinde non probaret obiecta  
 sensus tactus in diuersis generibus contineri, quod tamen eius proposi-  
 tum erat. unde Achillinus longe melius, quam Zimara Auerroem intelli-  
 gens, ne ab eius doctrina quam sequebatur aut latum unguem recederet,  
 renuit grauitatem & leuitatem esse formas substantiales elementorum,  
 qua in re & ipse claudicauit, cum non substantie, sed qualitates, & acciden-  
 tia sint, ut ostensum est, quid ergo dicendum?

## Dilucidatio.

**R**O resolutione animaduertendum est, quod elementa bis conside-  
 rari possunt, uno modo ut substantie sunt, alio modo ut elemen-  
 ta, differunt. in hac inter se, quoniam ignis, aqua, aer, & terra ut  
 substantie sunt dicunt esse absolutum, ut uero elementa dicunt respectu ad  
 alterum, quia cum elementum sit subiectum ex quo aliquid fit, dicit respec-  
 tum ad id quod fit, unde ignis ut ignis, & ut elementum differunt sicut ab-  
 solutum & respectum, & esse elementum supra ignem, & aquam & alia  
 relationem addit, qua sunt differentia declarauit Arist. 10. Met. ubi in-  
 quit accedit igni elementum esse, a quo accepit Auer. 3. Celi. com. 31. ubi  
 ita scribit ad uerbum, nia ad cognitionem, quod corpora sunt elementa, &  
 hoc est procedere a definitione rei ad suum accedens corpus autem esse ele-  
 mentum est ei accedens, cum elementum dicatur in comparatione eius cuius est ele-  
 mentum. In super elementa primo modo adhuc bis considerari possunt, uno mo-  
 do ut completa sunt, & apice substantiali perfectionis adepti, alio modo quod ad  
 introductionem forme substantialis, his habitis, ponimus conclusiones istas.  
 prima quidem est, si considerentur elementa primo modo, ut substantie sunt,  
 iam perfecta & absoluta, habent propriam formam substantialem; prima  
 uero qualitates, & grauitas & leuitas sicut & in aliis accidentia sunt, & qua-  
 litates sunt que effectus elementorum quatenus ab illis quo ad earum exi-  
 stentia subiectum dependunt, & si quandoque aut formas, aut differentie nun-  
 cupantur, id intelligitur quo ad nos, & quatenus ueras formas non nobis  
 ita conspicuas circumscribunt. secunda enunciatio, si elementa consideren



tur quo ad eductionem formæ substantialis; qualitates primæ principia dicuntur elementorum tanquam materia. nam cum primæ qualitates sint materie dispositiones, quibus mediantibus forma substantialis elementorum in materia introducitur, quoniam actus actiuorum sunt in patiente bene dispositi, ea uerò quæ se tenent ex parte materie ad materiam reducuntur, sicut ea quæ se tenent ex parte agentis reducuntur ad agens ea propter primæ qualitates secundum hanc rationem elementorū principia dici possunt. tertia enunciatio, si corpora simplicia ut miscibilia, & ut elemēta sūt, considerentur, primæ qualitates sunt principia elementorū in genere causæ formalis, quod ex eo probatur, nam de ratione elementi est, ut sit id ex quo aliquid fit, atqui ex elementi non potest aliquid fieri, nisi misceantur, non miscentur nisi alterentur, quia mixtio est miscibilium alteratorum unio, non alterantur nisi per primas qualitates: ergo de primo ad ultimum elemēta non sunt elemēta nisi p primas qualitates, quibus positis ponitur in corporibus simplicibus ratio elemēti, & illis ablati elemēti ratio aufertur, & hoc pacto intellexit Arist. in hac propositione cū dixit, primas qualitates esse principia elementorum. non quidem secundum gradum substantiæ, sed secundum rationem elementi, & quo ad rationem subiecti, quod per rationem Aristotelis quæ ea in parte utitur, demonstrari potest. ratio ea est, principia elementorum debent esse actiua & passiua, primæ qualitates sūt actiua & passiua non autem grauitas & leuitas, igitur primæ qualitates sunt principia, non autem grauitas & leuitas. certum est autem quod maior illa propositio huius discursus non intelligitur de principio substantiali, quoniam de ratione principij & formæ substantialis non est ut sit actiua, & passiua, si quicquid actiua et passiua, ut habetur primo de gener. contex. 5. 1. contraria sunt sed in forma substantiali nō reperitur contrarium, ut 5. Phis. cōtex. 10. icē Arist. testatur reliquit, ubi ex eo probauit ad formam substantialem non esse motum, quoniam in forma substantiali non reperitur contrarium, ex quo etiam fundamento in libro de sensu, & sensili probauit, quod ignis non agit ut ignis, quoniam ut sic non habet contrarium, itaque ad hoc ut aliquid sit forma substantialis, & principium secundum gradum substantiæ, non oportet esse actiuum, & passiuum: ergo cum Philosophus inquit, quod principia elementorum debent esse actiua, & passiua, secundum rationem elementi intelligi debet, & quoniam primæ qualitates sunt actiua & passiua, grauitas & leuitas nequaquam ea propter statuit primas qualitates esse principia elementorum, non autem grauitatem & leuitatem, quod etiam nouit Auer. in commen. 8. illius libri, cum inquit, & non numerauit grauitatem & leuitatem inter principia elementorum, ut elemēta sunt, sed primas qualitates nota illam reduplicatiuam secundum quod elemēta, ad elemēti autem rationem

tionem constituendam duo solum concurrunt materia, & prima qualitas. materia quidem, quoniam cum de ratione elementi sit subiectum esse ex quo aliquid fit, subiectum autem esse non potest nisi ratione materiam cui ratio subiecti comperit, & per ipsam omnibus aliis, ideo materia necessaria est. verum quia ignis, aqua, aer, & terra non sunt subiectum mixtorum per solam compositionem, perinde ac littera syllabarum, & lapides domus subiectum sunt, sed alterata atque ad temperamentum redacta, alterari vero & ad temperamentum reduci minimè possint, nisi per primas qualitates, ea propter primas qualitates. præter materiam ad elementi rationem constituendam tanquam causa formales concurrunt, quibus quidem ablatis, remaneret materia cum actu substantiali neque alterarentur, neque miscerentur, ac proinde mixta ex corporibus simplicibus non secus ac syllaba ex litteris, & domus ex lapidibus per solam compositionem iuxta se positis absque ulla alteratione generarentur, quapropter dicitur in hoc loco, Aristoteles context. illo 6. dixit quod materia, & qualitates primæ constituunt, & sunt principia elementorum, secundum rationem uidelicet principij, & elementi. forma uero substantialis elementorum secundum hanc rationem concurrit ex accidenti, & ut causa sine qua non, unde illud animaduertant studiosi, quod si cut ad constitutionem corporum simplicium secundum gradum substantia per se concurrunt materia, & forma substantialis primæ uero qualitates ut dispositiones concurrunt, ita per oppositum ad constitutionem eorundem secundum rationem elementi materia, & primæ qualitates per se concurrunt, forma uero substantialis ut causa sine qua non, & ex accidenti quatenus & materia, & primis qualitatibus coniuncta est. & proinde mirum non est si summus ille Aristoteles in context. illo 6. inter principia elementorum recensuit solum materiam & primas qualitates, non autem formam substantialem, cum hæc ad rationem elementi solum concurrat ex accidenti, & ut causa sine qua non quibus ita constitutis nunc rationibus in oppositum adductis satisfaciendum est: & primæ quidem rationi satisfaciit Averro. o. flauo Met. com. 5. ubi illius maioris propositionis uerum assertum intellectum dicens, quod illa maior propositio ueritatē habet quotiescunque ad ablationem alicuius primo, & per se tollitur substantia, qua sic intellecta, minor propositio falsa est. siquidem ad ablationem caloris non primo, & per se tollitur ignis, sed primo tollitur ad ablationem formæ substantialis, qua ablata tollitur compositum. Sed dices adhuc, licet compositum primo, & per se tollatur ad ablationem formæ substantialis, & non ad ablationem caloris, attamen forma substantialis ignis primo tollitur ad ablationem caloris, quia in interitu hic est ordo, primo tolluntur qualitates, secundo forma substantialis, qua mediantibus qualitati-

bus in materia conseruatur, tertio compositum, itaque calor substantia  
 erit: responderetur, quod licet ad ablationem caloris immediate tollatur for-  
 ma substantialis ignis, non propterea calor substantia est, quoniam non tol-  
 litur forma substantialis ad ablationem caloris per se, & per uiam cause,  
 sed per accidens, quia qualibet forma substantialis postulat in materia pro-  
 prias dispositiones, quibus ablatis, materia redditur indisposita, nec am-  
 plius forma in materia sustineri aut conseruari potest: iam uero proposi-  
 tio illa per se intelligenda est. Ad secundam uero, quae desimebatur ex  
 propositione Aristotelis, secundo De generatio. contex. 6. fatemur respon-  
 sionem illam non esse, ad Aristotelem eo in loco propter rationem assi-  
 gnatam, sed dicimus Aristotelem intelligere iuxta tertiam conclusionem,  
 quod primae qualitates sunt principia elementorum secundum rationem ele-  
 menti, sub qua ratione elementa non sunt in coordinatione substantiae, sed  
 in coordinatione accidentis. cum ratio elementi in quadam habitudine &  
 relatione consistat ad id cuius est elementum, & proinde per accidentia  
 & qualitates in esse constitui possunt: elementa uero sicut & cetera corpo-  
 ra ex materia constare & forma substantiali ex libro de Phisico auditu,  
 ut explicatum reliquit. Ad tertiam uero negatur assumptum, quia in igne  
 praeter operationes caliditatis & siccitatis alia reperitur operatio, quae est  
 formam substantialem inducere, & ignem parere, quae formae substantialis  
 operatio est, & licet ignis isthac opera per calorem exercere uideatur, id  
 tamen est secundario & instrumentaliter, quoniam forma substantialis ignis  
 caliditate utitur ut instrumento ad generandum ignem, sicut & in animali-  
 bus anima calore utitur ad procreandum animal. Ad ultimam dicimus  
 maiorem ita fore intelligendam, quod id quod est principium distinguendi  
 primo & essentialiter unum ab altero, est principium essendi rei, iam uero  
 primae qualitates non sunt principia distinguendi primo & essentiali-  
 ter unum elementum ab alio, sed per accidens, & quod ad nos,  
 perinde ac risibile & hinnibile dicuntur distinguere ho-  
 minem ab equo, & propterea non sequitur pri-  
 mas qualitates esse principia essendi,  
 & formas substantiales ele-  
 mentorum hac  
 satis.



Cur singulis elementis duæ à natura accomodatæ.  
sunt qualitates.



**D**UAS unicuique elemento inesse qualitates adeo conspi-  
cum esse uidetur, ut probatione non egeat, illud autem  
consideratione dignissimum est propter quid unicuique  
à natura duæ accomodate sunt, Albertus Mag. secun-  
do de gener. tract. pri. cap. 9. huius rei rationē assignās  
ob id factum esse inquit, quia omne actiuum requirit  
proprium passiuum quod est ei sicut propria materia, & quoniam in singulis  
elementis actiue qualitates reperiuntur, ut in igne, & aere calor, in aqua &  
terra frigus, quæ actiue sunt qualitates, idcirco cum illis passiue tanq̃ pro-  
pria materia reperiiri debent, & quoniam materia propria summi, & inter  
si caloris humidum esse non potest, quoniā intensus calor humidū euapora-  
re facit, hinc est quod ignis calor comitem passiuam habet siccitatem: quia  
uero calor cum temperamento fundatur in humido, idcirco calor aeris cū  
temperatus sit, & non ita intensus, ea propter in aere calor cū humiditate  
iungitur, similiter frigus cum temperamento in humido fundatur, quod cū  
in aqua reperiatur, ea propter frigus in aqua humido associatum est. quō-  
niam uero intensum frigus humidum expellit, idcirco terra frigus quod sū-  
mum est, cum siccitate iungitur, & hæc est ratio assignata ab Alberto qua  
re geminas elementa habeant qualitates, & actiue diuersis iunctæ sint  
qualitatibus passiuis, sed ratio hæc assignata ab Alberto nulla est, quoniā  
tunc sequeretur quod contrariorum in esse summo esset idem subiectum &  
materia propria, quod falsum est. quia alterius actus alia est materia pro-  
pria ut inquit Philosophus secundo Phis. 26. deducitur consequentia, quo-  
niam siccum est materia propria intensi frigoris in terra, & intensi caloris  
in igne: ergo contrariorum in esse summo erit idem passiuum, eademque ma-  
teria propria, prætered in ratione assignata supponit Albertus calorem  
ignis, & frigus terra humiditatem consumere, & ita supponit in materia  
ignis, & terra humiditatem reperiiri, quod quidem falsum est, quoniam  
in materia prima non reperitur humiditas consumenda: illud præterea ab-  
surdum est, caliditatem & frigiditatem in elementis humiditatem  
absorbere, quoniam caliditas & frigiditas id non efficiunt nisi in  
mixtis, ut habet Aristot. quarto libro Metheo. uariè tamen, cali-  
ditas enim exiccat & humorem absorbit per resolutionem & euapora-  
tionem tenuium partium à crasioribus, atque terrestribus. frigiditas ue-  
rò comprimendo, quod quidem in elementis esse non potest nec tandem

uitare potest Albertus quin fateri cogatur in elementis in sui puritate cōsideratis tres qualitates adinueniri aduersus Aristotelem in secundo libro de Gener. ubi elementis duas tantum qualitates accomodauit, quod quidē incommodum nonit doctissimus ille Alexand. primo Metheo. cap. quarto, ubi inquit, quod si in elementis tres reperirentur qualitates nullum elementum simplex esset. deducitur consequentia quoniam si summus ignis calor totam humiditatem absumpsit, & proinde siccus absque humiditate remansit, aeris uero calor quoniam temperatior est non potuit totam humiditatem absumere, & proinde humidus remansit, igitur aeris calor aliquam portionem & c. humiditatis absumpsit, & aliquem gradum siccitatis induxit igitur in aere tres essent qualitates calor absumens, humiditas, & portio siccitatis genita.

## Dilucidatio.

**M**ELIVS itaque dicendum est, quod ideo singula elementa duas à natura sortita sunt qualitates, quoniam elementa duo habent, unum quidem quod inuicem trāsmutantur, reliquum uero quod cum partes sint uniuersi, determinatamque sedem habeant, unum alterius locus existit. iam uero quatenus habent ut inuicem transmutentur contrariis qualitatibus prædita esse necesse fuit, siquidem omnis transmutatio sit ratione contrarii, quatenus uero unum alterius locus est in aliqua qualitate communicare oportuit, quia cum locus sit conseruatiuus locati, conseruatio autem fiat à simili, nō à contrario, idcirco prout unum est locus alterius similitudinem & affinem habere qualitatem necessarium fuit, ea propter quæ finitima, & sibi uicina sunt elementa hoc ordine distributa sunt, ut unam similem, alteram uero contrariam habeant qualitatem, ut ratione similis qualitatis unum alterius locus esse possit, pro uniuersi integritate, ratione uero contraria, inuicem transmutentur. quod si communem tantum haberent qualitatem. unum quidem alterius locus existeret, sed inuicem non transmutarentur, quoniam contrarietas deesset quæ ad transmutationem requiritur. si uero contrariam tantum haberent, transmutarentur utique, sed unum alterius locus esse non posset, ut itaque isthæc duo haberent elementa quæ ad uniuersi conseruationem & integritatem necessaria sunt, singula duabus à natura insigniri qualitatibus operæpretium fuit. unde aer igni finitimus, propter locationem, consimilem habet qualitatem propter actionem, & transmutationem contraria hēt humiditatem, cum aeris humiditate conuenit aqua, dissidet aut frigiditate, aqua uero secundum frigiditatem tellus amica est. secundum siccitatem uero digladiatur: & hæc est uera ratio quare singulis elementis duæ à natura accomodate sunt qualitates, & hoc ordine distributa, quæ et nouit Io. Gra. secundo de Gener. super cōtex. 23. ex qua

terminatione illud cōsequitur, quòd aer sui natura calidus et humidus est, non aut frigidus, & humidus, ut Stoici, & Empedocles uniuersi ordinem nō perpendentes temerè sunt arbitrati. quia cum sedes, & naturalis locus aeris ignis, sit naturalis autem locus sit conseruatiuus locati, conseruatio autem fiat à simili, non a contrario: igitur ignis & aer similem & communem aliquam debent habere qualitatem. cum autem hac humiditas non sit, quoniam ignis humidus non est, neque siccitas, quoniam aer siccus non est: igitur communis utrique qualitas caliditas erit. accedit, quòd si aer sui natura frigidus esset, inter aerem & aquam generatio minimè fieri posset. de ducitur consequentia, quia cum transmutatio fiet, ratione contrarii, si aer ex aqua frigiditate & humiditate conuenirent. inter ea non reperiretur contrarium: igitur inter ea neque generatio, neque transmutatio reperiretur, caterum Empedocles dabit manus huic argumento, dicetque neq; falsum, neque absurdum esse id ad quod deducit argumentum, quia elementa non sunt secundum substantiam transmutabilia sed hæc Empedocles sententia falsa est, quia ut contra ipsum 2. de Gene. scribit Aristoteles, si elementa essent secundum substantiam intransmutabilia, tunc essent inalterabilia, & secundum qualitates intransmutabilia quod affirmari nequit. de ducitur consequentia, quia cum antecedenti non fiat oppositum consequentis, quoniam si essent secundum qualitates transmutabilia, aut ad transmutationem qualitatum elementa secundum substantiam transmutarentur, aut non, secundum dici non potest. quia tunc elementorum substantia in rerū natura sine qualitatibus superstes reperiri ualeret, quod a ueritate alienū est. primum igitur dicendum est: igitur stare non potest, quòd sint intransmutabilia secundum substantiam, ex alterabilia, & transmutabilia secundum qualitates, itaque si erunt intransmutabilia secundum substantiam, ergo erunt etiam inalterabilia, ut rectè concludit Aristoteles. insuper aerem natura calidum esse ex leuitate conuincitur, quæ ad caliditatem refertur, nec non id persuadet ratio illa quæ utitur Arist. 2. de Gene 16. quia aer est sicut euaporatio quædam, cum extenuata solutaque à calore aqua, aer efficiatur, neque huic ueritati officit ratio quæ Stoici utebantur ad probandum aerem sua natura frigidum esse, quæ huiusmodi est. oleum etiam de Aristotelis sententia à prædominio æreum est, cum supernatet terra, & aque, sed oleum frigidum est, ergo & aer. probatur minor, quia oleum etiam à paruo frigore celerius congelatur quàm aqua, ergo frigidum est. siquidem, ut etiam respondere uisus est Galenus. 2. de simplicium medicamentorum facultatibus cap. 20. oleum non congelatur, sed potius consistit, & incrassatur, & licet celerius uicatur à frigore quàm aqua, id nō est quia frigidum, sed quia crassum, & uiscosum est, quòd facilius cōse-



Stentiam acquirit quàm id, quòd non ita se habet, unde ex celeri congelatio  
ne, aut consistentia, non licet absolute inferre aliquid frigidum esse, q̄ tamē  
Stoici contendunt: est enim praua temperamentum inueniendi ratio, sed  
quòd aut frigidum, aut crassum, & uiscosum est quòd quidem in oleo repe  
ritur, & proinde ocius quàm aqua consistit, & condensatur, & hac satis.

Ex duobus elementis tertium generatur, ut ex igne &  
aqua efficitur.



**R**ISTOTELIS extat sententia secundo de Gener.  
cōtex. 27. ubi cum declarasset quomodo unum elementū  
ex altero generetur siue symbola sint, siue ambabus quali  
tatibus, contraria, declarauit quomodo ex duobus elemē  
tis tertium generatur: uerum quia tertium elementum  
ex duob. generari posse bis. intelligi poterat, aut ex duo  
bus elementis symbolam qualitatem habentibus, ut ex igne & aere, aut  
ex duobus elemētis ābas dimicātes, & contrarias habentibus qualitates, ut  
ex igne, & aqua: uel ex aere, & terra, statuit ex duobus elemētis solū symbo  
lū nō habentibus tertium generari posse, ex duobus autem symbolum ha  
bētibus nequaquā, q̄ ea ratione probauit, quia si ex duobus elementis symbo  
lum habentibus ut ex igne, & aere tertium generari posset, aut hoc esset  
corruptis ambabus contrariis ut humiditate aeris, & siccitate ignis, & re  
lictis symbolis ut calore ignis, & aeris: aut e contra corruptis symbolis, &  
relictis contrariis, primū quidē dici non potest, quoniā ex simplici calore nō  
cōsurgit elementū, sed coniugatione quadam singula elementa efformentur:  
neque secundum admitti potest, quoniam ex duabus contrariis qualitatibus  
elementum constitui nequit, quòd si quis dixerit remanere unam symbo  
lam, & alteram contrariam utpotē caliditatem ignis, & humiditatem ae  
ris, ex his non generabitur tertium & diuersum elementum ab illis, sed ge  
nerabitur aer: relinquitur ergo quòd ex duobus elementis penitus opposi  
tis tertiū elemētū duntaxat generari potest. huius autem generationis mo  
dum declarans Arist. inquit, quòd ex duobus elementis ut ex igne, & aqua  
generatur aer in hunc modū: corrupta. n. frigiditate aqua, remanente humi  
ditate, & corrupta siccitate ignis, remanente caliditate consurgit aer: simi  
liter ex aere, & terra efficitur ignis: corrupta enim frigiditate terra, rema  
nēte siccitate, & corrupta humiditate aeris remanente caliditate efficitur  
ignis sed quomodo id fiat, & à quo non, satis conspicuum est. nec ab Aristotē  
tele explicatū habetur, q̄ cōmunis erroris in causa fuit, communiter Phi  
losophi huius extitere sententia quòd tertiū elementum ex duobus genere

tur per actionem mutuam illorum duorum, ex quibus tertium generari debet. utpotè si ex igne, & aqua aer generari debet, per mutuam actionem ignis, & aquæ generatur aer, igne enim dominante per calorem frigiditati aquæ, corrumpit frigiditatem aquæ, & econtra aqua per humidum dominante siccitati ignis, corrumpit siccitatem ignis, porro unum elementum per unam qualitatem uni qualitati alterius elementi dominari potest, & per alteram uinci ei ab altera alterius elementi, gr. ex. ignis per caliditatem dominari potest frigiditati aquæ, per siccitatem autem uinci ab humiditate aquæ, unde corrupta frigiditate aquæ, remanente humiditate, & corrupta siccitate ignis remanente caliditate oritur aer, qui ex coniugatione caliditatis, & humiditatis consurgit. sed communis hæc sententia falsa est, & à veritate aliena, quia impossibile est unum elementum per unam qualitatem alteri dominari, & per alteram uinci & superari, quia si id fieri posset, tunc nunquam fieri posset perfecta generatio, et transmutatio unius in alterum inter elementa penitus contraria ut inter ignem, & aquam, & aerem & terram, deducitur consequentia, quoniam si ignis per caliditatem aquæ frigiditati dominari potest, & ab aquæ humiditate uinci, & superari, tunc cum ignis ex aqua generari debet, non poterit perfecte corrumpere, & transmutare aquam in sui naturam, quoniam corrumpet quidem frigiditatem cum ei per caliditatem dominetur, humiditatem autem non corrumpet. quoniam dicam semper, quod cum dominio & uictoria caliditatis supra frigiditatem aquæ, stat dominium & uictoria humiditatis supra siccitatem ignis, sicut contingit in generatione aeris ex igne & aqua, secundum communem sententiam. quod si quis dixerit quod in alia proportionem accipitur ignis cum ex eo & aqua tertium generatur, & in alia proportionem accipitur cum ignis ipse ex aqua generari debet: cum enim ex igne & aqua tertium generari debet, ignis in ea proportionem accipitur, ut per caliditatem simpliciter dominetur frigiditati aquæ, & per siccitatem uincatur ab humiditate aquæ: & similiter aqua in ea proportionem accipitur, ut per frigiditatem uincatur à caliditate ignis, & per humiditatem simpliciter dominetur siccitati illius, sed cum ignis ex aqua generari debet in ea proportionem accipitur ignis ut per caliditatem, & siccitatem simpliciter dominetur frigiditati, et humiditati aquæ, & tunc corrumpet utramque, & ex aqua ignem generabit, sed ista euasio nulla est, quoniam si cum ignis ex aqua generari debet in ea proportionem accipitur ignis ut per caliditatem simpliciter dominetur frigiditati aquæ, & tunc per siccitatem et simpliciter dominatur humiditati eiusdem aquæ. igitur cum dominio simpliciter, & uictoria caliditatis supra frigiditatem, stat etiam uictoria, et dominium simpliciter siccitatis supra humiditatem, quare & in generatione aeris ex igne, & aqua, si ignis per caliditatem simpliciter domi-

natur frigiditati aqua, igitur & p siccitate simpliciter dominabitur humiditati eiusdem, alioquin si in generatione tertij ipse ignis per calorem simpliciter dominari potest frigiditati aqua, & non p siccitate, sed potius econtra ab humiditate aqua uinci, & superari, non uideo quare in generatione ignis ex aqua non possit per caliditatem simpliciter dominari frigiditati, et non dominari, sed potius uinci, & superari ab humiditate aqua, quare mera nugæ sūt, & purum figmentum quod communis imaginatur sententia, unum elementum per unam qualitatem simpliciter dominari, & per alteram uinci, & superari, & per consequens figmentum est tertium elementum ex duobus per actionem illorum inter se generari posse, praterca si generatio aeris ex igne & aqua per actionem illorum inter se efficeretur, ita ut ignis sua caliditate corrumpere frigiditatem aqua, et ex altera parte aqua sua humiditate corrumpere siccitatem ignis, tunc cum omne agens communicans in materia cum passio in agendo reparatur per eadem qualitatem, ut est aperta Aristotelis sententia 4. de Animal. gener. cap. 3. ubi inquit, quod omne agens communicans in materia in agendo reparatur, ut calefaciens a calefaciente refrigeratur igitur caliditas ignis agens in frigiditatem aqua a frigiditate remittetur, & humiditas aqua agens in siccitatem ignis similiter remittetur, igitur utraque qualitas remanens, ut caliditas in igne, et humiditas in aqua, remissa erit. ergo ex illis non poterit generari aer, quoniam aer, & cetera elementa uel requirunt ambas qualitates in summo, uel unam in summo; & alteram remissam prout secundum se considerantur, quod autem ambas habeant remissas, nullaque illarum summum impleat latitudinis gradum a nemine concessum est. nec dici potest ut quibusdam fatuis uisum est, quod uel utraque, uel una tantum intendatur a forma substantiali generanda, quæ summam aliquam qualitatem exposcit, quoniam forma substantialis non inducit dispositiones nisi in genere cause finalis, quatenus est id cuius gratia materia disponitur, sed supponit materiam ab agente dispositam secundum illum gradum quem forma illa exposcitat, nec dici potest ut quibusdam etiam latinorum placuit quod intendatur a Caelo, quia Caelum est agens uniuersale quod non determinatur ad effectum particularem, et determinatum dispositionis gradum nisi per causam particularem. praterca Caelum frigiditatem, & humiditatem inuendere nequit, ut cum generatur aqua ex aere, & terra, quia cum Caelum agat mediante lumine, & motu, ut habet Philosophus 2. Cæ. 42. ex his frigiditatem & humiditatem producere non potest, sed caliditatem tantum. itaque utraque qualitas remissa manebit, neque pro generatione tertij conueniens erit, quamobrem tertium elementum ex duobus extremis per actionem illorum inter se nullo modo generari potest. quid ergo dicendum?



## Dilucidatio .

**E**XPLICABIMVS nos ( fauente Deo ) huius problematis ueritatem, dicimusque quòd tertium elementum ex duobus extremis generatur , non quidem tanquam ex efficientibus , sed tanquam ex materia alterationis, ut cum dicimus ex parte fit Chilus, & ex Chilo sanguis, generans autem et efficiens est consimile illi secundum speciem quod generari debet, ut si ex igne, & aqua aer generari debet, generans est aer: hic enim cum duo illa elementa coniuncta fuerint suo calore aquæ frigiditatem corrumpit. quoniam autem secundum humiditatem similis est, aquæ humiditatem non corrumpit, sed illam in materia derelinquit. sua autem humiditate ignis siccitatem corrumpit, caliditatem autem, quoniam secundum illam persimilis est, non corrumpit, remanente autem ignis caliditate, et aquæ humiditate, quæ dispositiones sunt pro forma aeris, tunc aer generans de potentia materiæ sibi similem secundum speciem aeris formam educit, & similiter si ex aere, & terra ignis generari debet, generans est ignis: hic enim suo calore terræ frigiditatem corrumpit, siccitatem autem tanquam suo operi inferuentem derelinquit, sua autem siccitatem aeris humiditatem corrumpit, caliditatem autem derelinquit. quibus duabus qualitatibus remanentibus ignis de potentia materiæ formam substantialem ignis sibi similem secundum speciem educit, ad quam ueritatem non ea sequuntur incommoda quæ sequebantur ad communem opinionem, quòd unum elementum per unam qualitatem simpliciter dominetur, & per alteram simpliciter superetur, sed sicuti unum elementum simpliciter dominatur per unam, ita simpliciter dominatur per alteram: ignis enim generans ignem ex aere: & terra, sicut per caliditatem simpliciter dominatur frigiditati terræ, ita per siccitatem simpliciter dominatur humiditati aeris. neque illud sequitur incommodum, quòd utraque qualitas quæ remanet pro generatione tertij remissa, & castigata sit, sed utraque manet sub eodem gradu quo erat in utrisque: cum enim ignis ex aere, & terra ignem generat, terræ frigiditatem corrumpit, & siccitatem sub eodem gradu derelinquit: similiter cum aeris humiditatem destruit, caliditatem nulla remissione facta sub eodem gradu derelinquit. bene uerum est, quòd remissio fit in qualitatibus agentis, ut cum ignis agit in frigiditatem terræ, ab ea repatitur, & secundum calorem reprimatur, & cum agit in humiditatem aeris secundum siccitatem remittitur neque tandem ea dubitatio perturbat, quæ communem opinionem perturbare solet, quòd cum ex igne & aqua fit terra, ignis &

aqua magis condensent, quàm eorum natura conueniat, & cum ex aere, et terra sit ignis, terra maximè rarefaciat pro generatione ignis, quia non ponimus tertium ex illis duobus tanquam ex efficientibus generari, sed generas, & efficiens est simile ei quod ex illis duobus generari debet, quod rarefacit, & condensat, disponitque materiam secundum exigentiam formæ generandæ, ex. gr. si ex igne, & aqua, terra fieri debet, terra est generans, & utrâque materia portionem condensans secundum quod postulat forma terre: & similiter si ex aere, & terra ignis fieri debet, ignis generans est, quia utrâque portionem materia disponit, & rarefacit usque ad eum gradum quæ postulat forma ignis. sed quoniam communis opinio ueritatem istam non nouit, mirum non est si tot ambagibus implicata fuit, sed quoniam dictum est tertium elementum ex duobus generari, ut ignem ex aere, & terra corrupta frigidityte, remanente siccitate, & corrupta aeris humiditate, remanente caliditate: illud autem hac in re considerandum est, an corrupta una qualitate altera ei opposita generetur, ut corrupta frigidityte terra generetur caliditas, & corrupta aeris humiditate generetur siccitas.

An, cum tertium elementum ex duobus generatur, corrupta una differentia, & qualitate altera generetur.



De partē negatiuam, quam sustinere uisi sunt Auerro. 2. de Gener. Com. 29. & Alex. Aphrod. referente Io. Gr. eodē loco, uidetur quod cum ignis ex aere, & terra generatur corrupta frigidityte terra non generetur caliditas, et corrupta aeris humiditate non generetur siccitas: et ratio ē quoniam tunc generatio tertij ex duobus nō esset facilior, quàm generatio unius elementi ex alio symbolum non habente, ut dicere uidetur Arist. deducitur consequentia, quoniam sicut in generatione unius elementi ex alio symbolum non habente ut ignis ex aqua duo corruptūtur, & duo generantur, ita in generatione tertij ex duobus duo corrumperentur, & duo generarentur, & proinde esset difficilis sicut illa, præterea si corrupta frigidityte terræ de nouo generaretur caliditas, cum de Aristotelis sententia remaneat etiam caliditas in aere, igitur ex caliditate remanente, & caliditate de nouo genita fieret caliditas nimis intensa, quæ caliditatis latitudinē egredierentur, ex qua tertium minimè generari posset: si ergo ex duobus elementis tertij generari debet, dicendum est corrupta una qualitate alteram minimè generari, & fortè propter hoc Alex. ut saluaret faciliorem generationem, atque ex duobus tertium, unum secundū numerum generari cum Auer. tenuit, corrupta una differentia, alteram non generari. Cæterum

opinio ista nullo pacto probanda est, quia si corrupta frigidity terrae, non generatur caliditas, tunc cum in ea parte materiae p Aristotelem remaneat siccitas, igitur ea portio materiae habebit siccitatem sine caliditate, & si corrupta humiditate aeris non generatur siccitas, cum in ea parte materiae remaneat caliditas, igitur illa portio materiae habebit caliditatem sine siccitate, & cum in utraque materiae portione recipiatur forma ignis qui ex aere, & terra generatur, igitur forma ignis in illa portione materiae terrae erit cū siccitate sine caliditate, & in altera portione materiae aeris erit cum caliditate sine siccitate, & ita forma ignis non erit in tota illa materia. quae resultat ex illis duabus materiae portionibus aeris & terrae secundum caliditatem, & siccitatem, sed in una parte secundum siccum, tantum, & in altera secundum calidum tantum, quod cum impossibile sit, impossibile igitur erit corrupta frigidity non generari caliditatem, & corrupta humiditate aeris non generari siccitatem, praeterea fieri nequit frigidity corruptam iri, & caliditatem non generari, si quidem corruptio frigidity fieri non potest sine inductione caliditatis, nisi enim calidum inducatur nunquam frigidum corrumpetur, igitur non potest corrumpi unum, quin alterum generetur. sed forte dicent ad hoc quod phisicè, & naturaliter verum est, quod corruptio frigidity sine generatione caliditatis fieri nequit secundum rationem autem fieri potest, quia concipi potest frigidity corruptam iri non genita caliditate, & hoc pacto Aristotelem intellexisse, cum dixit corrupta frigidity terrae, remanente siccitate, & corrupta aeris humiditate remanente caliditate ignem generari ex sola animi intellectu. sed responsio ista ab Arist. dissentit, quia tunc Philosophus non docuisset modum generationis reali elementorum, sed secundum rationem tantum, quod absurdissimum est, quia cum aduersus Emped. statuisse elementa realiter generari, atque ex se inuicem, cum omnia aliquam habeant contrarietatem. declarare capit modum generationis eorum: & cum declarasset quomodo elementa symbola, & quae non sunt symbola ex se inuicem realiter generentur declarauit quomodo tertium elementum ex duobus generetur, quod etiam confirmant illa Aristotelis verba in contex. 28. ubi inquit, confessa autem ad sensum ignis generatio, maxime enim ignis flamma, haec autem fons ardens, fumus autem ex aere, & terra, certum est autem quod haec est generatio realis, non autem secundum rationem, & intellectu-

ctum.



## Dilucidatio.



*A* propter (meo iudicio) dicendum est, quod cum tertium elementum ex duobus generatur, sicut duæ differentie, & qualitates corrumuntur. ita etiam duæ generantur, ut gr. ex. cum. ex aere & terra ignis generatur corrupta frigidityte terra à calore ignis generant, is generatur caliditas in ea portione materiae, & corrupta humiditate aeris in ea portione materiae, siccitas generatur. unde postea forma ignis ab igne generante introducitur in utraq; partē materiae un. isformiter disposita p caliditate, & siccitate. in eā quidē partē materiae terra, disposita per siccitatem remanentem, & caliditatem de nouo genitam per corruptionem frigiditytis, ia eam uerò partem materiae aeris dispositam per caliditatem remanentem, & siccitatem de nouo genitam per corruptionem humiditatis, & cum hoc stat, quod tertium elementum, quod ex duobus generatur est unum secundum numerum, non autem secundum speciem, ut putauit Io. Gram. quia ex duabus illis materiae portionibus fit una materia, cuius una pars est disposita per siccitatem remanentem, & caliditatem de nouo genitam, ut quæ subiecta erat forma terræ, altera uerò disposita est per caliditatem remanentē, & siccitatem de nouo genitam, ut quæ subiecta erat formæ aeris, ex qua tota materia ita uniformiter disposita educitur forma ignis, ex qua unus ignis secundum numerum constituitur: ad rationes autem quæ in contrarium adductæ fuerunt, facile respondetur, & ad primam negatur consequentia, ad probationem autem dicimus, quod licet in generatione tertii elementi ex duobus duæ qualitates intereant, & duæ oriuntur, sicut in generatione unius elementi ex alio symbolum non habente, non tamen est eodem modo, quia in generatione unius elementi ex alio non simbolo ut ignis ex aqua duæ corrumuntur ut frigiditytas, & humiditas aquæ, & duæ oriuntur, ut caliditas & siccitas in tota materia ex qua ignis generari debet, sed in generatione tertii ex duobus duæ quidem corrumuntur, & duæ generantur, sed non in tota materia generationis, sed una qualitas in una parte materiae, & alia in alia parte. ex gr. tum ignis generatur ex aere, & terra, in parte materiae terræ corrumuntur frigiditytas, & introducitur caliditas, in parte uerò materiae aeris corrumuntur humiditas, & introducitur siccitas. unde non in omni parte materiae duæ generantur, & duæ corrumuntur, sicut in generatione unius ex alio symbolum non habente & proinde generatio tertii ex duobus faciliior est quàm illa, etenim generatio tertii ex duobus media est inter generationem unius elementi ex alio symbolum habente, ut ignis ex

aere, & generationem unius ex alio non symbolo: illa enim quæ fit inter  
duo elementa symbolum habentia, facillima est, quæ uerò inter duo elemen-  
ta symbolum non habentia difficillima est, generatio uerò tertii ex duobus  
inter utranque media est. respectu enim primæ difficilis est, respectu uerò  
secundæ facilis est. Illud autem animaduerte, quod facilitas, & difficultas,  
uelocitas, & tarditas, quæ in his modis generationis reperiuntur, penes  
tempus intelligi minime debet, ut falso multi imaginati sunt, sed penes plu-  
rium, & pauciorum transmutationem, & generationem, ut inquit Aristote-  
le. in contex. 26. illius secundi, cuius uerba sunt hæc, ex igne autem aqua,  
& ex aere terram generari: difficilius autem, quoniam plurium genera-  
tio: illa enim generatio in qua pauciora generantur, ut est generatio ele-  
mentorum quæ symbola sunt, facilis dicitur, & uelox. illa uero in qua plura  
generantur, sicut est generatio elementorum, quæ non sunt symbola, diffi-  
lis dicitur & tarda: Nec officit ratio quæ secundo loco adducebatur, quia  
caliditas quæ de nouo generatur in corruptione frigiditatis terræ, non re-  
cipitur in ea parte materiæ quæ subiecta erat formæ aeris, quia cum in ea  
remaneat caliditas illa, quæ erat in aere corrupto, iam satis disposita est  
pro receptione formæ ignis, & proinde non eget noua generatione calidita-  
tis, sed recipitur in alia parte materiæ, quæ subiecta erat formæ terræ: hæc  
enim licet partem habeat dispositionis utpote siccitatem, quæ remansit in  
corruptione terræ, non tamen caliditatem habet, & propterea in corruptio-  
ne frigiditatis terræ caliditas de nouo generatur, per quam idonea, & habi-  
lis fiat ad receptionem formæ ignis: cum itaque caliditas quæ de no-  
uo generatur non recipiatur in ea parte materiæ, in qua rema-  
net caliditas quæ fuit in aere, sed in diuersa materiæ por-  
tione, ut in pedali quantitate terræ, ea propter non  
sequitur, quod caliditas quæ remanet fiat ni-  
mum intensa, & caliditatis latitudinē  
egredietur, sed illa suos retinet ca-  
liditatis numeros, & gra-  
dus, & alia pari gra-  
dum interuallo  
in alia proportionem materiæ generatur, ut ambæ par-  
tes materiæ sint uniformiter disposita  
pro receptione formæ  
ignis, & hæc satis.

Primarum qualitarum duæ sunt actiue, ut caliditas & frigiditas, duo uero passiuæ ut siccitas, & humiditas.



**F. G. I. T. V. R.** propositio ista apud Aristotelem duobus in locis 2. de Gener. 8. & quarto Metheo. primo, in cuius expositione uaria fuit apud interpretes opinio, Marsilius, & alii quamplurimi dixerunt, quod ista propositio non est absolute intelligenda, ita ut duæ sint agentes tantum, duæ uero patientes tantum, siquidem omnes agentes, & patientes sunt, siue in elementis, siue in mixtis considerentur: sicut enim in mutua generatione ignis, & aqua calidum agit in frigidum, & è contra, & humidum agit in siccum, & è contra, similiter in procreandis mixtis omnes in excellentiis suis corrumpi debent, ut inquit Philosophus secundo de Gener. 48. & ad quandam mediocritatem reduci, hoc autem fieri minime potest, nisi per mutuam actionem, & passionem: sicut. n. in mixtione à frigore calor, & à calore frigus, ita humor à siccitate, siccitas ab humore reprimitur. sed ita, inquit, intelligenda est, quod duæ sunt magis actiue ut calor & frigus, duæ uero magis passiuæ, & minus actiue ut siccitas, & humiditas, hoc sane ordine. dicunt, hæ primæ qualitates à natura distributæ sunt, ut duæ maiore ui agendi prædita sint ut caliditas & frigiditas, duæ uero minore ut siccitas & humiditas, licet quod ad resistantiam opposito modo sese habeant, siquidem siccitas & humiditas quæ minorem uim habent agendi, maiorem resistantiam habent quàm caliditas, & frigiditas: quoniam ergo caliditas & frigiditas maiorem uim habent agendi, minorem uero siccitas & humiditas, proinde illæ actiue, hæ uero passiuæ qualitates ab Aristotele dictæ sunt. Sed opinio ista falsa est, siquidem Philosophus quarto Metheo. cōtex. primo inductione probas duas actiuas esse, duas uero passiuas, inquit, Caliditas, & frigiditas actiue sūt, quia terminant, & uniunt: siccitas uero & humiditas passiuæ, quia terminantur, & copulantur. uult ergo Philosophus quod caliditas, et frigiditas sint actiue quia terminant, & uniunt passiuas, siccitas uero & humiditas passiuæ, quia terminantur ab illis: iam uero caliditas et frigiditas terminant, & non terminantur à passiuis, siccitas uero & humiditas terminantur, & non terminant, neque copulantur à passiuis, siccitas uero & humiditas sunt absolute actiue, siccitas uero & humiditas absolute passiuæ. præterea Philosophus inibi, & secundo de Gener. 8. ex earum definitionibus id ipsum confirmans, inquit, caliditas & frigiditas dicuntur actiue, quoniam definiuntur per congregare, quod est agere, caliditas enim est quæ congregat homogenea, fecer



nit uerò & separat atherogenea, frigiditas uerò congregat utrunque: siccitas uerò & humiditas passiuæ dicuntur, quoniam definiuntur per terminari, quod est pati: humidum enim est quod alieno termino terminatur. Sic cum uerò termino proprio cohibetur, iam uerò caliditas & frigiditas definiuntur per congregare, & non per congregari: ergo definiuntur per agere, & non per pati. igitur sunt absolute actiuæ, & non passiuæ. siccitas uerò & humiditas definiuntur per terminari, et non per terminare, ergo definiuntur per pati, et non per agere, igitur sunt absolute passiuæ, & non actiuæ. nõ itaque secundum Aristotelem caliditas & frigiditas dicuntur actiuæ, quia sint magis actiuæ, siccitas uerò & humiditas quia sint minus actiuæ, & magis passiuæ. Aristoteli præterea in hoc aduersantur, quoniam Aristoteles non comparat unam qualitatem ut caliditatem alteri ut caliditatem frigiditati & humiditatem siccitati, uel è contra, sed comparat unam oppositio nem alteri, ut caliditatem & frigiditatem ut agentem causam, humiditati & siccitati tanquam materiæ. unde generationem definiens quarto illo Metheo. contex. 2. inquit, generatio est transmutatio ab his uirtutibus utpote à caliditate, & frigiditate cum rationem habuerint ex subiecta materia unicuique naturæ, materia autem sunt dictæ uirtutes passiuæ, siccitas & humiditas. Insuper Arist. non considerat has qualitates in ordine ad primas operationes ut caliditatem, et frigiditatem in ordine ad calefacere, & frigefacere, & siccitatem & humiditatem in ordine ad humectare, & exiccare, quæ sunt primæ harum qualitatum operationes, sed considerat has qualitates in ordine ad posteriores, & secundarias operationes, quod ex eo patet, quia Philosophus probans quod caliditas, & frigiditas sint actiuæ, inquit, quia terminant, & congregant, & definiuntur per congregare, siccitas uerò & humiditas passiuæ, quia terminantur, et definiuntur per terminari: iam uerò terminare & congregare, terminari & congregari sunt operationes posteriores, & secundariæ istarum qualitatum. Isti uerò comparant unam qualitatem alteri ut caliditatem frigiditati, & siccitatem humiditati, & è contra. Insuper considerant istas qualitates in ordine ad primas operationes quod est contra sententiam Philosophi, ea propter Ioan. Grammatic. secundum de Gener. super contex. 88. & Auer. in paraf. & commen. primo quarti Metheo. concordēs dixere, quod huiusmodi qualitates bif. considerari possunt: primo, quo ad mutuam permutationem & actionem earum, & prout una alteri comparatur: Secundo, quo ad generationem mixtorum, tunc dicunt, quod si primo modo considerentur omnes sunt actiuæ, & omnes passiuæ: sicut enim calidum agit in frigidum, & e contra, ita humidum agit in siccum, & e contra: si uerò secundo modo considerentur, duæ sunt actiuæ ut caliditas, & frigiditas: duæ uerò passiuæ, ut siccitas, & humiditas, & hunc

in modū inquirunt, intelligenda est Aristotelis propositio, quod due qualitates sunt actiua, dua uerò passiua uidelicet in ordine ad generationē mixtorum, cuius ē sententiā uisus est esse Galenus primo de facultatibus naturalibus. cap. 3. nisi quod ipsam non intelligit in ordine ad generationē mixtorum uniuersaliter, ut Io. Gr. & Auer. sed ipsam perstringit ad animalia, & plantas, dicens, quod in his due sunt actiua, et dua passiua, atque hoc si quis pronunciet Hippocrate consentiētem habiturum, sed si uniuersaliter ita sese habere existimauerit, non solum Hippocratem, sed etiam Aristotelem negaturum. Caterum hac Ioannis Gram. & Auer. sententia uidetur habere difficultatem, quia non solum in generatione mixtorum dua actiua, & dua passiua esse dicuntur, sed uniuersaliter atque in omnibus, quoniam Philosophus 4. Meteo. contex. 1. ita scribit, siccitas et humiditas passiua sunt non solum ut ex his concreta corpora sunt, sed et secundum se igitur non solum in generatione mixtorū, dua actiua et dua passiua sunt, sed uniuersaliter, et si secundū se ipsas, considerentur. altera difficultas huiusmodi est, quia in generatione mixtorum non solum dua actiua, & dua passiua esse dicuntur, sed omnes actiua & similiter omnes passiua, quandoquidem in procreandis mixtis ad quandam symetriad, & mediocritatē omnes reduci debent: hoc autem fieri minimē potest nisi inuicem agant, & patiantur, unde Auer. 2. de Genera. com. 49. inquit, quod si calidum non esset in mixto, frigidum esset in fine, & in gradu summo, similiter si non reperiretur in eodem humidum, siccum esset in summo, quia talia non reducuntur ad temperiem nisi a suo contrario. Bucas. super. 4. Meteo. huic argumento pro istorum salute ita respondet, quod uerum est ut argumentū demonstrat, quod in generatione mixtorum oēs sunt actiua & omnes passiua. cū uerò cum Arist. Io. Gram. et Auerro. dicunt quod dua actiua sunt, & dua passiua, non intelligunt quod dua sint absolute actiua, dua uerò absolute passiua, ut siccitas & humiditas, quoniam hæc agunt & ipse, sed nolunt duod dua dicantur actiua, quia principaliter agūt, dua uerò passiua, quia minus principaliter agunt: siccitas enim & humiditas, inquit, non agunt nisi beneficio caliditatis, & frigiditatis, quia nō agūt, nisi misceantur, non miscentur nisi beneficio caliditatis, et frigiditatis, igitur nō agūt nisi beneficio istarū: quoniam ergo caliditas et frigiditas principaliter agūt. siccitas uerò & humiditas minus principaliter proinde caliditas & frigiditas actiua, siccitas uerò & humiditas passiua qualitates ab istis dicuntur. & hæc Aristotelis, Ioannis Gram. & Auerrois extitisse sententiā arbitratratur. Sed parcat mihi uir iste, nec Aristotelem, nec Ioan. Gram. nec Auerro. intelligit. Aristotelem quidem non intelligit, quoniam ut aduersus primā opinionem ostēsum fuit. Aristoteles uoluit quod dua sint absolute actiua, ut caliditas & frigiditas, quia terminant, & non terminantur, definiunturque

p agere & non p pati, siccitas uerò & humiditas absolutè passiuæ, quoniam terminantur, & non termināt, definiunturq; p pati, & non per agere. prætereā nūc iste cōparat unā qualitātē alteri: Arist. aut cōparat unā oppositiōnē alteri, ut caliditatem & frigiditātē, siccitati, humiditati: inquit. n. in cōtex. 1. caliditas & frigiditas sunt actiuæ, quia terminant passiuas, & siccitas & humiditas passiuæ, quia terminantur ab actiuis. ecce quōd comparat caliditātē & frigiditātē siccitati, & humiditati tanquā materiae, nec Io. Gra. nec Auerroē intellexit, quoniā hi, ut accuratus. Lector apud ipsos perlegere potest, uoluerunt quōd duæ sint absolutè actiuæ, & duæ absolutè passiuæ: nā Io. Gram. 2. de Gener. 8. sic inquit, mixta indigent calido & frigido cōiungente, & formante, subiecti quidē & materiae rationem tenente, humido & sicco. etenim in fictiliū opificiū humidum & siccum congressa, materia sunt, frigidū uerò cōpingit, calidū uerò mutat & facit fictile. hac Io. Gra. in quib. uerbis nemo est qui non intelligat. Io. an. Gram. uelle duas esse absolutè actiuas, caliditatem scilicet, & frigiditatem: duas uero absolutè passiuas, nā inquit q caliditas & frigiditas cōpulāt, & transmutāt passiuas humidū & siccū, hac aut ut subiectū & materia transmutantur ab illis, certū est autem q materia non format neq; transmutat, sed formatur, & transmutatur ab agente: igitur secundum Io. Gram. caliditas & frigiditas sunt absolutè actiuæ, siccitas uerò & humiditas sunt absolutè passiuæ: ab errauit insuper, quoniā censuit Ioannem Gram. comparare unam qualitatem alteri, & considerare istas qualitates in ordine ad primas operationes, cū tamē cōparet unā oppositiōnē alteri, consideret quā qualitates istas in ordine ad secundas operationes: sic enim inquit Io. Gram. meminisse autem oportet uniuersaliter dicta in mixtorū generatione passiuā quidē existens altera oppositiō, reliqua uero actiuā. humidum enim & siccum materiae sunt calidum in unum coniungit & format, frigidum uero humidum & siccum cōpingit, quid clarius? cuius præcise sententiæ fuit Auerroes locis citatis, quippe qui in hoc Ioannē Gram. secutus fuit, nec profecto ejusdem hominis inconstantiā subtercere possum, nā paulo superius illorum sententiā redarguēs, qui assercbant quōd duæ qualitates sunt actiuæ, idest magis actiuæ: duæ uero passiuæ, idest minus actiuæ, & magis passiuæ, probauit qd propositio nō erat ita itelligēda, sed q duæ absolutè actiuæ, duæ uero absolutè passiuæ dicendæ sunt, postea uero quasi suimet oblitus aut potius uī argumenti coactus, dixit, quōd non dicuntur duæ absolutè actiuæ, & duæ absolutè passiuæ, sed duæ dicuntur actiuæ, idest principaliter actiuæ: duæ uero passiuæ, i. minus principaliter actiuæ, sed quomodo Io. Gra. & Auc. sententiā intelligenda sit, quomodo ne rationes contra ipsos allatæ sint persoluenda, post determinationē nostrā explicabitur. Interī quorūdam nostrī tēpis Philosophorū sententiā cōsidēro, quippe qui propo



sitionem istam exponentes p quēdā dicta dilucidare uoluerūt, primū obiectū est hoc, quōd quando dicimus duas qualitates actiua, & duas passiuas nō comparatur una qualitas alteri, sed duae qualitates aliis duabus qualitatib. cōparantur. Alterum dictum est, quōd in mixti constitutione duae sunt actiuae, ut caliditas & frigiditas, duae uerō passivae ut siccitas, & humiditas, declarans aut quomodo caliditas & frigiditas sint actiuae, inquirunt, quōd caliditas dicitur qualitas actiua quia concoquit, & terminat: frigiditas uerō dicitur actiua, quia calorem contemperat, & eius feruorem reprimat, nā cū calor sit nimis potens non potest concoquere, aut mixtū generare, nisi sit tēperatus: non sit autē tēperatus nisi à frigiditate, quare frigiditas est qualitas actiua pro ut calorem contēperat: postremum eorū dictum est, q̄ ha qualitates ad duplicem operationem comparari possunt, ad operationem uniuocam, & aequiuocam ut utar uerbis eorum. uniuocas appellāt ut calefacere, frigescere, humectare, & exiccare: aequiuocas uerō ut terminare, congregare, terminari, & congregari, tunc dicunt quōd si considerentur quōd ad operationes aequiuocas duae sunt actiuae, ut caliditas & frigiditas, duae uerō passivae ut siccitas & humiditas. & hoc modo intelligitur Aristotelis propositio dicēs, q̄ primarum qualitatū duae sunt actiuae & duae passivae. tamen si distinctio de duplici operatione uniuoca, & aequiuoca uera sit, pariter & conclusio quae ponitur in ultimo dicto, neque in hoc ab ipsis dissentiam, in dictis tamen ipsorum contradictio est, summaque inconstantia, & in quibusdam falsitas. q̄ aut contradictio sit, ita ostendo. & primo, inter primū & secundū dictū, dicunt in primo dicto quōd cum dicimus duas qualitates esse actiuas, & duas passiuas, non debemus comparare unam qualitatem alteri, & tamen in secundo dicto comparant unam qualitatem alteri ut frigidum calido, nam declarantes quomodo caliditas & frigiditas dicuntur actiuae, inquirunt, q̄ caliditas dicitur actiua quia concoquit, & terminat. frigiditas uerō dicitur actiua quia calorem contemperat, igitur frigiditas cōparatur caliditati. quare secundum ipsas duae dicuntur actiuae, & una comparatur alteri qualitati, quod tamen negant in primo dicto: est quoque contradictio inter secundū & ultimum dictum, dicunt .n. in ultimo dicto quōd cum dicitur quōd duae qualitates sunt actiuae, hoc intelligitur quo ad operationes aequiuocas non uniuocas, ut calefacere, & frigescere: tamen in secundo dicto dicunt opositum, nam declarantes quomodo duae dicuntur actiuae, dicunt quōd caliditas dicitur actiua, quia terminat & concoquit, frigiditas uerō dicitur actiua quia calorem contēperat, & remittit: ita uerō contēperare, & remittere non est actio aequiuoca, quia non est terminare, uel congregare. sed est frigescere, ut excessum caloris corrumpere. hoc autem est actio uniuoca. igitur frigiditas dicitur qualitas actiua quo ad actionem uniuocam. cum itaque in

ultimo dicto asserant ipsi, quod duae sunt actiuae qualitates respectu actionis uniformis, ut respectu actionis equiuocae, in secundo autem dicto quod duae sunt actiuae respectu actionis difformis, una ut caliditas respectu actionis equiuocae, frigiditas uero respectu actionis uniuocae, igitur inter secundum & ultimum dictum apertissima etiam est repugnantia, & praeter id quod in his dictis repugnantia est, illud secundum dictum in quo asserunt, quod in mixti constitutione frigiditas actiue concurret, quatenus calorem contemperat, falsum est, & ab Aristotele alienum, ut paulo inferius demonstrabitur a nobis in explicatione generationis mixtorum, ad quem locum Lectorem reuicimus & delegamus.

## Propositionis dilucidatio.

**C**um superius in aliorum explicandis opinionibus satis uersati simus, nunc nostra est asserenda sententia, atque ipsa propositio dilucidanda. sed illud antea animaduertendum est, quod qualitates istae pluribus modis considerari possunt. primo quidem in ordine ad formam substantialem, prout sunt materiae dispositiones pro introductione ipsius formae. secundo possunt considerari in ordine ad suas operationes: & quoniam istae in duplici ordine sunt, aliae quidem primae, & propriae magis: aliae uero posteriores, & minus propriae: primae sunt ut calidi calefacere, frigidi frigefacere, humidi humectare, & sicci exicare: posteriores uero ut terminare, & congregare, & id genus aliae, quae Arist. enumerauit 4. Meteo. contex. 1. similiter terminari, et congregari, ideo in ordine ad has duas operationes considerari possunt, et in ordine ad primas operationes, & in ordine ad posteriores. quibus modò sic constitutis, ponimus has conclusiones ex quibus praesens dilucidabitur propositio, & Arist. sententia quae ante hac nec rectè, nec plenè explicata fuit. Prima conclusio huiusmodi est, si considerentur primae qualitates in ordine ad formam substantialem introducendam oēs sunt passivae, & se habent ut materia, & in elementis, & in mixtis: quae conclusio ita probatur, Quae se tenet ex parte materiae cōcurrunt ut materia, sicut quae se tenet ex parte agentis, cōcurrunt ut agēs: sed qualitates istae respectu formae substantialis introducendae se tenet ex parte materia, quia sunt materiae dispositiones pro forma introducenda: igitur respectu formae introducendae tam in elementis, quam in mixtis oēs sunt passivae, & se habent ut materia: praeterea ut Themistius & Auer. dicunt tertio de Anima super contex. 36. hic naturae ordo est ut imperfectioribus, & ordinatis in finem utatur loco materiae, perfectioribus uero & sine loco formae. cum autem qualitates istae imperfectiores sint, & ordinatae ad formam substantialem introducendam tanquam ad finem, igitur respectu formae introducendae se habent ut materia, unde Auer. 2. collig. cap. 11.

loquens de uegetali sic inquit. *Anima uegetalis, quia ordinata est ad Animā sentientē, stat loco materie, sentiens aut loco forme.* & hunc in modum intelligitur illa Aristotelis autoritas secundo de part. animi cap. primo, ubi inquit, quod caliditas, frigiditas, siccitas, & humiditas passivæ sunt, & se habent ut materia, uidelicet respectu forme introducendæ. Secunda conclusio, si considerentur eadē qualitates in ordine ad primas earum operationes, oēs sunt actiue, & oēs passivæ & in elementis & in mixtis, etenim paulo superius dictum fuit quod primæ earum operationes sunt calefacere, frigefacere, humectare, & exicare: iam uero sicut calidum calefacit, & frigidum frigefacit, ita humidum humectat, & siccum exicat, & hoc tum in elementis, tum in mixtis. in elementis quidē quia in mutuā generatione ignis, & aque sicut calidum calefacit & generat calidū corrumpendo frigidum, & e contra frigidū frigefacit, & generat frigidū corrumpendo calidū, ita siccū exicat, & generat siccitatē corrumpendo humiditatē, & e contra humidū humectat, & generat humidū corrumpendo siccitatē. in mixtis uero, quoniam cū in mixtis in gradu summo reperiri non possint, oēs remitti, & in excellentiis suis corrumpi debent, sed non remittuntur nisi per mutuā actionē & passionē earū. Secundū quā mutuā actionē, & passionem oēs ad quandam mediocritatem, & æqualitatem quam secundum iustitiam uocant, reducuntur. itaque quo ad primas earū operationes, & in elementis, & in mixtis oēs actiue sunt, & oēs passivæ. Tertiā enunciatio est, si considerentur qualitates istæ in ordine ad posteriores earum operationes duæ tantum sunt actiue, ut caliditas & frigiditas, duæ uero tantum passivæ, ut siccitas & humiditas, tam secundum se, & ut in elementis sunt, quā in mixti cōstitutione. probatur conclusio hæc quod ad oēs partes, & primò quod ad primā partē, nā eo modo duæ dicuntur actiue, et duæ passivæ sicut inductione, et earū definitionibus ab Arist. 2. de Gene. 8. & 4. Meteo. 1. probatū fuit, atqui ab Arist. probatū fuit duas esse actiuas, duas uero passivas, quia duæ in oibus terminantur, et duæ terminantur, & duæ definiuntur per terminare, & congregare, et duæ definiuntur per terminari, sed hæ sunt operationes posteriores, & secundariæ, igitur duæ sunt actiue & duæ passivæ quo ad operationes posteriores, & secundarias. quod aut hoc modo duæ sunt actiue, & duæ passivæ secundū se, & ut in elementis reperiuntur, est aperta Arist. sententia 4. illo Meteo. contex. 1. ubi sic inquit, siccitas & humiditas passivæ sunt siue secundum se, siue ut ex his concreta corpora sunt: præterea id probatur considerando fundamentum dicti Arist. nam duæ, inquit, dicuntur actiue, quia duæ definiuntur per congregare, quod est agere: duæ uero passivæ, quia duæ definiuntur per terminari, quod est pati. iam uero definitiones istæ uerificantur de qualitatibus secundum se, & ut elementis insunt, quia caliditas etiam secundum se, & ut elementis



ineſt, dicitur congregare homogēnea, & ſeparare etherogēnea, frigidiſas etiam ſecundum ſe dicitur congregare homogēnea, & etherogēnea, ſimiliter humidum & ſecundum ſe, & ut in elementis dicitur eſſe quod terminatur termino alieno, ſiccum uerò termino proprio: ſimiliter in mixti conſtitutione due aſſiue ſunt, & due paſſiue, tum quia definitiones illarum qualitarum uerificantur de illis in mixti conſtitutione, & aliis paſſionibus mixti: tum quia generatio mixti ab Ariſt. definita 4. Met. 2. id apertiſſimè oſtēdit. ea n. talis eſt, generatio eſt trāſmutatio paſſiuarū, ut humidi et ſicci à calore, & frigore dominantibus ſupra paſſiuas, uerum enim uerò circa hoc, unum eſt admittendum, quod maximi momenti eſt, quod in mixtorum generatione duo conſideranda ſunt. alterum eſt mixtio, reliquū uerò eſt ipſa generatio, quæ inter ſe diſcrepant, ut patet ex definitionibus earum. nam mixtio eſt miſcibilitū alteratorum unio, ut patet ſub ſinem primi libri de Gener. generatio uerò mixtorum eſt illa quæ nuper tradita eſt: iā uerò cū dicitur quod in mixtorum generatione due ſunt aſſiue, et due paſſiue, non accipitur generatio pro mixtione precedente, ſed pro generatione per ſe, & abſolute ut eſcludit mixtionē ipſam, quoniā in his diuerſimodè ſeſe habent qualitates: in mixtione n. oēs agunt & patiuntur, quoniam in mixtione oēs reprimuntur, & remittuntur, quod non fit niſi per mutuam earum aſſionē, & paſſionem, & quoniam non reprimuntur niſi per primas earum operationes, ideo in mixtione concurrunt quo ad primas earum operationes, & quoniam cum inuicē agunt una alteri comparatur, ideo in mixtione una qualitas alteri comparatur, ſed in ipſa mixti generatione due ſunt aſſiue tantum, ut calor & frigus: due uerò paſſiue tantum, ut ſiccitas, & humiditas, in generatione quinetiam concurrunt quod ad poſteriores operationes quod ad terminare, & terminari, ut patet quarto illo Mēteō. contex. 5. ubi Philoſophus ſic inquit, ex his enim facta erant, et terminatum fuit humidum ſiccō, operantibus aſſiuis. cum igitur in præſenti Theoremate dicitur, quod primarum qualitarum due ſunt aſſiue, due uerò paſſiue, id intelligitur quod ad operationes poſteriores, et hoc tam ut in elementis ſint, quā in mixtis, ut à nobis declaratum eſt. cuius quoque opinionis fuisse Io. Gram. et Auer. ut patet ex diſtis eorum à nobis ſuperius conſideratis, in quam ſententiam ſi ire uoluit Galenus conſentientem habet Ariſtotelem, ſed ſolum in hoc redarguendus erit, quod propoſitionem ipſam perſtringit ad animalia, & plantas, cum non ſolum in generatione animalium, & plantarum due ſint aſſiue, & due paſſiue, ſed etiam in generatione mixtorum inanimatorum, utpote metallorum, cum & talium generatio ſit terminatio humidi, & ſicci, facta à calore, & frigore, quibus modò ſic conſtitutis, diluuntur modò argumenta contra Ioan. Grammaticum & Auerro. ſuperius adducta, & primò cum

dicebatur quod non solum in generatione mixtorum due actiue sunt, & due passiuæ, sed etiam ut in elementis sunt: dicendum, quod cum summi isti inter pretes dixerunt quod due sunt actiue & due passiuæ in generatione mixtorum non intellexerunt hoc præcisè, ut solum in generatione mixtorum due sint actiue, & due passiuæ: non autem ut in elementis sunt, quoniam uoluerunt duas esse actiuas, et duas passiuas, ut etiam in elementis sint, quod ex eo patet, quia ipsi considerantes definitiones illarum qualitatum traditas secundo de Gener. 8. & 4. Meteo. primo, dubitarunt circa definitionem sicci, quæ erat, siccum est quod terminatur termino proprio, quoniam ignis siccus est, & tamen non terminatur termino proprio, sed alieno, & difficultatem persoluentes Io. Gra. quidem secundo de Gener. 8. Auer. autem in paraf. quarti Meteo. dixerunt, quod definitio sicci conuenit etiam igni, & per consequens definitiones illarum qualitatum conuenire illis, ut in elementis sunt, & quod si uolunt definitiones primarum qualitatum, ut due sunt actiue, & due passiuæ uerificari de illis, ut in elementis sunt, igitur uolunt quod due sint actiue, & due passiuæ ut etiam in elementis sunt, & non solum in generatione mixtorum sed eatenus dixerunt duas esse actiuas, et duas passiuas in generatione mixtorum, quia respexerunt finem, & præcipuam Aristotelis intentionem, nam finis, & præcipua Aristotelis intentio erat de his qualitatibus agere in ordine ad generationem mixtorum. quarto enim Meteo. cum dixit duas actiuas, et duas passiuas respexit generationem, et alias passiones mixtorum, de quibus agit ea in parte. & similiter secundo de Genera. 8. Aristoteles finem, & generationem mixtorum ad quam istæ qualitates ordinatæ sunt, quod ex eo patet quia probans duas esse actiuas, et duas passiuas probauit per eas operationes secundum quas principaliter concurrunt ad generationem mixtorum, & proinde isti respicientes, & præcipuam Aristotelis dixerunt duas actiuas, & duas passiuas in generatione mixtorum. Ad secundum autem cum dicebatur in generatione mixtorum omnes sunt actiue, & omnes passiuæ, quia omnes remittuntur: respondetur, quod in generatione mixtorum, ut superius dictum est, duo sunt considerata: unum est mixtio, alterum uero est ipsa generatio. tunc dicimus, quod ad mixtionem omnes sunt actiue, & omnes passiuæ. & in hac omnes remittuntur, & omnes ad temperiem reducuntur, in ipsa uero generatione due sunt actiue, et due passiuæ, & hoc modo intellexerunt Io. Gr. & Aue. acceperunt. n. generationem non quo ad mixtionem præcedentem, sed ipsam generationem seclusa mixtione, ut patet legentibus uerba ipsorum. propter cuius distinctionis ignorantiam Buccaf. nesciuit soluere hoc argumentum, & moderniores nostri in eam deuenire dictorum inconstantiam. Sed circa ea quæ superius à nobis determinata sunt, quedam occurrunt dubitationes. prima est, quia siccitas respectu passio-

num mixti non uidetur esse tantum qualitas passiuæ, sed etiam actiua si quidem ab Arist. 4. Meteo. 36. inter effectrices coagulationis causas connumeratur: inquit enim, coagulantur autem quaecumque coagulantur à calido, sicco, atque à frigido, neque dici posse uidetur Aristotelem intelligere coagulationem fieri à sicco concurrente, ut materia coagulationis, à calore autem & frigore, ut à causa effectrice, quia cum non solum siccitas sit materia coagulationis, sed etiam humiditas, Aristoteles non solum enumerasset siccitatem, sed etiam humiditatem. cum igitur non enumeret humiditatem, sed siccitatem tantum, igitur uult siccitatem in coagulatione concurrere in genere causae efficientis. altera difficultas est, quia calor & frigus non uidentur agere posse in humidum & siccum, siquidem omnis actio sit ratione contrarietatis, ut habetur libro de sensu, & sensibili: iam uero calor & frigus non sunt contraria humido & sicco, igitur in humidum & siccum agere minime possunt. quò ad primam difficultatem nullo modo probanda est. Alexandri sententia, qui quarto Met. Com. 25. concedit quòd siccitas sit causa efficiens coagulationis, & consequenter quòd siccitas non solum est qualitas passiuæ, sed etiam actiua, si quidem, ut patet ex dictis siccitas & humiditas in passionibus mixtorum sunt tantum passiuæ, & ut materiae concurrunt, sicut calor & frigus agentes sunt qualitates. sed dicendum est, quòd siccitas non est qualitas actiua, sed passiuæ tantum iuxta tertiam conclusionem. & cum dicebatur, siccitas ponitur ab Aristotele efficiens causa coagulationis. negatur, quia caliditas, & frigiditas tantum coagulationis effectrices causae sunt, ut patet in context. 30. ubi hæc scribit. agit agens duabus uirtutibus, & declarans quæ sint istae uirtutes, inquit, agit quidem calido, & frigido. cum autem inquit quòd coagulatio sit à sicco, non intelligit, ut à causa efficiente. sed intelligit tanquam coadiuuante, & conferente ad coagulationem, & ad actionem calidi coagulantis. nam & materia plurimum confert ad actionem agentis, & pro materiae uarietate agentis actio quandoque etiam uariatur. confert autem siccum ad coagulationem, quatenus facit ad retentionem humiditatis, & prohibitionem fluxus, & ideo dixit Philosophus à calido sicco, & non dixit quòd fiat à calido humido, quia humidum potius confert ad oppositum scilicet ad liquefactionem: ecce quomodo pro uarietate materiae uariatur actio agentis. & hæc est causa quare Philosophus mentionem fecit de siccitate, non autem de humiditate, licet humiditas sit materia coagulationis sicut & siccitas, quia humiditas non confert ad coagulationem sicut & siccitas, sed potius ad oppositum, hæc de prima. Ad secundam autem dicitur, quòd id quod primo, & principaliter in alterum agit, in contrarium agit, & id quod primo ab altero patitur, à contrario patitur, & hoc pacto intelligitur illa maior propositio, si uero unum in alterum secundario agit, inter illa contrarietas non requiritur.



iam uerò calor & frigus non agunt primo, & principaliter in humidum & sic cum, sed secundario, & ueluti per modum sequela: nam calidum primo agit in frigidum coniunctum humido & sicco, consequenter autem agit in humidum ipsum terminando, quatenus calefaciendo resoluit partes humidiores, quibus resolutis remanet humidum magis consistens, & magis crassum, similiter frigidum pri. frigesfacit, & agit in calidum coniunctum cum humido & sicco, consequenter autem humidum terminat, quatenus frigesfaciendo condensat & exprimit partes humidiores, quibus eductis, atque expressi remanet humidum magis consistens, & magis crassum, ut uidemus hiberno tempore lutum à frigore terminari, & hæc pro dilucidatione huius Theorematis dicta sint.

Calidum est quod congregat homogenea, & disgregat  
etherogenea.



**S**CRIBITUR hæc calidi definitio ab Aristotele duobus in locis secundo de Gene. 8. & quarto Mete. primo, que utrobique posita est ad probandum quod calidum sit qualitas actiua, in cuius proposito definitionis dilucidatione, perpendam primo, an definitio ista sit conuenienter tradita: dubitabo secundo an sit uera, & quomodo intelligenda sit, explicabo: quod ad primum non uidetur definitio hæc conuenienter tradita, quoniam quotiescunque aliqua definitio datur à posteriori, & per operationes, illa dari debet per operationes primas, & principales, non autem per operationes posteriores & secundarias, atqui definitio ista calidi datur per operationes posteriores: igitur non est congruè, & conuenienter tradita. probatur minor, quia calefacere est operatio prima, & principalis calidi: congregare autem est operatio posterior, & secundaria, quia calidum non congregat nisi quia primò calefacit, iam uerò definitio hæc non datur per calefacere, sed per congregare, igitur datur per operationes posteriores, & secundarias. Pro solutione animaduertendum est, quod calidum bis. considerari potest, uno modo ut calidum est, & secundum propriam eius naturam: alio modo, ut ordinatum ab agente principali ad generationem mixtorum tanquam ad finem. si primo modo consideretur, tunc prima & principalis eius operatio est calefacere, secundaria autem est congregare homogenea, & terminare: si uerò secundo modo consideretur res econtra se habet, nū prima & principalis eius operatio est congregare homogenea, & terminare humidum cum sicco, quod ex eo patet, quia si consideretur calidum in ordine ad generationem mixti, debet primò & principaliter agere operationes, in quibus consistit generatio mixti, atqui generatio mixti consistit in congregatione. eorum, que heterogenea

na sunt, et terminatione humidi cum sicco, ut inquit Philosophus 4. Meteo. contex. 5. dicens, ex his enim facta erant, et terminatum fuit humidum sicco operantibus alius, itaque in ordine ad generationem mixti prima & principalis eius operatio est congregare homogenea, & terminare humidum cum sicco. sed quoniam nec homogenea congregari possunt, nec terminari humidum cum sicco nisi mediante calefacere, ideo quod ad mixti generationem calefacere est secundaria, & quasi per accidens operatio calidi, prout inferuit, & est conditio necessarii requisita ad congregandum, & terminandum in quibus principaliter consistit generatio mixti: Secundum animaduertendum est, quod hac definitio data est de calido praesertim in ordine ad finem, ut potest ad mixtum, quoniam quarto illo Meteo. calidum, & cetera qualitates primae considerantur in ordine ad generationem, & alias mixti passiones. similiter cum Philosophus secundo de Gener. 8. definiuit calidum maxime respexit finem, & mixtum ipsum, quibus ita constitutis dico, quod hac definitio calidi data est per primam, et principalem operationem, quoniam data est in ordine ad mixti constitutionem, in qua prima, & principalis eius operatio non est calefacere, sed congregare homogenea, & terminare, quia immo si definitio hac data fuisset per calefacere, data fuisset per operationem secundariam, quoniam secundum hanc operationem concurrat secundario prout inferuit ad congregandum, & terminandum quae est operatio primo intenta. ad argumentum ergo formaliter negatur minor, & ad probationem dicitur, quod calefacere est prima & principalis operatio considerando calidum ut calidum est, & secundum intentionem propriam: sed secundo modo in ordine ad mixtum reecontra se habet, ut declaravi. Quo ad secundum uidetur definitio hac de ueritate suspecta, quia calidum non tantum homogenea, sed etiam etherogenea congregare uidetur. nam in generatione mixti calidum unit, & congregat humidum cum sicco, quoniam generati mixti non fit ex humido solo, nec ex sicco solo. sed ex permixtione humidi cum sicco, hac autem etherogenea sunt, & diuersae speciei: similiter in concoctione, quae a calido celebratur, calidum simul unit, et congregat humidum cum sicco, quia humidum solum dirigeri, & terminari non potest. atque diuersa simul congregat alimenta, ex quibus in uentriculo conficitur chylus, qui ex diuersis rebus permixtus est. calidum igitur non tantum congregat homogenea, sed etiam etherogenea. Buccaf. super 4. Meteo. his rationibus coactus concedit, quod calidum non solum congregat homogenea sed etiam etherogenea. ad definitionem autem traditam de calido ab Aristo. inquit, quod hac calidi definitio ut in pluribus intelligenda est, non autem uniuersaliter, quoniam quandoque calidum congregat homogenea & etherogenea simul, ut in generatione mixtorum, & in concoctione probatum est. sed responsio ista ab Aristotele apertissime dissentit, quoniam

niam Philosophus quarto Mete. contex. 1. inductione probans quòd calidum & frigidum sint qualitates actiue, hac habet, fides autem horum ex inductione, uidemus enim in omnibus calidum, & frigidum terminantia, & copulantia, hac homogenea, ut calidum: hac uerò etherogenea ut frigidum, Aristoteles inquit, in omnibus calidum congregare homogenea, & disgregare etherogenea, igitur uult quòd definitio ista uniuersaliter intelligatur, & non ut frequenter, unde asserere quòd definitio ista non est uera uniuersaliter, & in omnibus, est destruere uerba Aristotelis tam apertè dicentis id in omnibus uerum esse, præterea definitio & definitum conuertuntur, igitur calidum, & definitio calidi conuerti debent, si conuertuntur, igitur definitio hac debet esse uniuersaliter uera, alioquin si non esset uniuersaliter uera, definitio, & definitum non conuerterentur, quod dici nequit, ea propter Albertus Magi quarto Mete. cap. 4. & Zimara in Theorematis, quos & complures alij secuti sunt: alio modo respondent, dicentes, quòd calidum bis. considerari potest, uno modo ut calidum est, & secundum naturam propriam: alio modo ut naturale, & alterius instrumentum, tunc inquirunt quòd si calidum primo modo consideretur, ut sic congregat homogenea, & secernit etherogenea, & hunc in modum hac definitio calidi intelligenda est. si uero secundo modo calidum congregat homogenea, & etherogenea, ut contingit in generatione mixtorum, & in concoctione in quibus calidum non agit ut calidum, & secundum naturam propriam, sed ut naturale, & regulatum ab alio agente principali. Caterum nec horum sententia uera est, quoniam definitio ista competit calido ut regulatum est ab agente principali, quòd ita probatur. definitio ista competit calido prout etiam est causa generationis mixtorum, & concoctionis, sed calidum quod est causa generationis mixtorum, & concoctionis est calidum ut naturale, & alterius instrumentum, non autem ut calidum est, quia ut calidum non agit ultra proprium gradum, nec generat substantiam, sed calidum tantum, igitur definitio ista competit calido etiam ut alterius instrumentum est. et per consequens calidum, ut alterius instrumentum congregat homogenea, & disgregat etherogenea: probatur maior, nam cum Philosophus contex. 1. quarti Mete. statuisset quòd quatuor sunt qualitates primæ, & ex earum definitionibus probasset, quòd duo agentes sunt, duo uero patientes, in contex. 2. sic inquit, Determinatis autem his. agendum est de operibus harum primarum qualitarum, declarans autem quæ sint istarum opera, inquit, simplex generatio & opposita mutatio. proponit igitur Aristoteles defferere de generatione, & est effectus primarum qualitarum, ut duo agentes sunt, & duo patientes: igitur ibi in contex. 1. definit calidum quòd est qualitas actiua prout est causa generationis mixtorum, & concoctionis, sed hoc est calidum ut naturale est, & alterius instrumentum: ergo definitio ista



competit calido prout est alterius instrumentum, quod erat probandum, ac proinde calidum non solum ut calidum, sed etiam ut alterius instrumentum congregat homogenea, & secernit etherogenea.

## Definitionis dilucidatio.

**A**L I O R K M reiectis opinionibus, assero ego uerum huius definitionis intellectum, & dico, quod quando Philosophus inquit, quod calidum congregat homogenea, & secernit etherogenea, per homogenea non intelligit ea quae sunt unius & eiusdem speciei, nec per etherogenea quae sunt diuersarum specierum, quoniam tam calor ut igneus, quam ut alterius instrumentum congregat ea quae diuersarum sunt specierum, ut patet in mixtura ex diuersis rebus apud ignem apposita, & in generatione mixtorum, & in concoctione, in quibus humidum, & siccum quae alterius sunt speciei simul iuniuntur, & congregantur: sed per homogenea intelligit ea quae homogeneam & similem habent complexionem, & qualitatem, ut quae sunt consimiliter liquabilia, uel grauiora, & lenia, atque intelligit ea quae in unam naturam homogeneam conuerti possunt. per etherogenea uero quae dissimilis sunt complexionis, & qualitatis, & quae in unam naturam conuerti non possunt, ut gr. exempli, in generatione mixtorum humidum & siccum simul unita prout apta sunt conuerti in unam naturam mixti, homogenea dicuntur, licet specie distinguantur: illa uero partes humidi, & sicci quae aptae non sunt conuerti in unam mixti naturam etherogenea, & dissimilis natura dicuntur, & proinde separantur & secernuntur, similiter in concoctione illa alimenta quae apta sunt conuerti in uentriculo in unam naturam Chili homogenea dicuntur, licet specie distinguantur: illa uero quae in naturam Chili conuerti apta non sunt, ut sunt faeces, & excrementa etherogenea dicuntur, & proinde secernuntur, & similiter in generatione sanguinis, & membrorum, quae in eorum naturam apta sunt conuerti homogenea, quae uero minime, etherogenea dicuntur. cum ergo dicitur calidum est quod congregat homogenea, & secernit etherogenea, sensus est. calidum congregat quae sunt similis naturae, & complexionis, & quae in unam conuerti possunt: disgregat uero etherogenea, hoc est, quae sunt dissimilis naturae & complexionis, nec in unam naturam conuerti apta sunt. quae sane definitio uniuersaliter, & in omnibus ueritatem habet, ut ipsemet inquit Arist. atque de calido siue secundum propriam naturam fuerit consideratum siue ut alterius instrumentum, uerificatur: hinc ruunt rationes contra definitionem superius adducta, quoniam ii termini non significant ea, quae sunt eiusdem, uel alterius speciei, sed quae similis sunt complexionis, & in unam naturam conuerti apta sunt, & in hoc distinguitur calidum a frigido, quo-

niam frigidum indifferenter congregat quæ sunt similis & dissimilis complexionis, ut patet in miscella ex plumis, paleis, lapillis, & ferro, & quæ in uanam naturam conuerti, uel non conuerti possunt, & ob id frigidum ab Aristoteli ita definitum fuit, frigidum congregat homogenea, & etherogenea.

Generatio simplex, & naturalis, est mutatio ab his uirtutibus, cum habuerint rationem ex subiecta materia unicuique naturæ.



**C**RIBITVR hæc generationis definitio ab Aristoteli quarto Meteo. contex. 2. in cuius dilucidatione quatuor consideranda sunt, primo, quidem an hæc definitio sit generatio nis in communi simplicium, & mixtorum, an mixtorum tantum: secundo quæ Methodo definitio ista inuenta fuerit: tertio, tota explicabitur definitio: postremo nonnulla soluentur dubia quæ huic definitioni officere uidentur. ut autem ad id quod primo propositum fuit redeamus, dicendum, quod definitio ista non est generationis in communi, uidelicet elementorum & mixtorum, sed mixtorum perfectorum tantum, quod ex eo patet, quoniam definitio quarto Meteo. definita est mutatio passiuarum ut humidæ & sicci ab actiuis qualitatibus ut à calore, & frigore, igitur generatio ibi definita est quæ sit interuentu omnium qualitatum prout duæ agentes sunt, duæ uerò patientes, iam uerò elementorum generatio non est huiusmodi, non enim generatio ignis est mutatio humidæ & sicci cum predominio calidi, & frigidi, & ita de aliis. igitur definitio ista non competit generationi elementorum, nec per eandem rationem competit generationi mixtorum imperfectorum, quia nec talium generatio fit interuentu omnium qualitatum prout duæ sunt actiue, & duæ passiue, sed potius hæc est alteratio quedam elementorum, quia mixta imperfecta, ut pluuia, nix, & grando & id genus alia non uidentur esse nisi elementa alterata prout recedunt à propria ipsorum natura, solum itaque hæc generationis definitio competit generationi mixtorum perfectorum: generationem enim & corruptionem communem simplicibus & mixtis definiuit Aristoteles 1. de Gene. contex. 23. cuius definitio explicata fuit, sed aduertendum quod licet definitio ista conueniat generationi mixtorum animatorum, non competit generationi mixtorum animatorum ut animata sunt, quia generatio animatorum, ut animata sunt, est illa quæ ab Aristoteli definita fuit in libro de mor. & uita, cum inquit, generatio est participatio Animæ à calida naturali, & uita est eius permansio, sed conuenit ge-

nerationi mixtorum animatorum, ut mixta sunt, & hoc modo intelligenda sunt illa Aristotelis uerba in contex. 2. cum inquit, haec enim ut generatio corruptio & alia insunt animalibus & plantis & partibus ipsorum ut mixta sunt, itaque definitio haec conuenit generationi substantiarum, quae ex perfecta elementorum commixtione oriuntur ut mixta sunt, quae generatio nis definitio praere debebat definitionem generationis animatorum ut animata sunt, quia ratio mixti est prior, & communiter quam sit ratio animati, prior quidem quia mixti constitutio est dispositio ad esse animati, neque enim animatum generari potest nisi post mixti constitutionem, communior uero quoniam mixtum infertur, sed non infert animatum. unde Philosophus in pertractando de generatione eam legem seruauit & ordinem, quem proposuit primo Phis. 4. & 57. uidelicet à communioribus ad minus communia: primo enim 5. Phis. definiuit generationem in communi ad substantiam: ibi enim definiuit generationem prout est mutatio inter contradictoria contradistincta ab ea mutatione, quae sit de subiecto in subiectum, & de termino positino, in terminum positiuum, atque mutatio inter contradictoria prout est contradistincta ab ea mutatione quae sit inter terminos positinos est generatio in communi ad substantiam, & accidens igitur eo in loco huiusmodi generatio definita fuit, postea ad minus communia descendens egit solum de generatione substantiae in communi ad simplicia & mixta, quam sane. definiuit primo de Gener. 23. postea absoluto sermone de simplicibus & mixtis imperfectis egit de generatione mixtorum perfectiorum ut mixta sunt, quarto Meteo. & est hac quam praemanibus habemus considerandam: postremo tradidit definitionem generationis animatorum tantum in libro de mor. & uita. iam ergo habes quibus haec generationis definitio conueniat, & quae ratione conueniat. Nunc qua ratione, & methodo inuenta sit, consideremus. hoc modo & uia, ni fallor, Hac generationis definitio inuenta fuit, nam mixta & aurum, & argentum, & animantia quaeque neque ex solo humido, neque ex solo sicco generari possunt: non ex solo humido, quia humidum fluxibile est atque interminatum, neque ex solo sicco, quoniam, consistentiam non habet. igitur generantur ex humido & sicco, sed ex his generari minime possunt nisi congruè permisceantur, & terminentur, ut patet exemplo fœtuum, & panis quae generari non possunt nisi ea ex quibus fiunt debitam habeant consistentiam, & terminationem: humidum igitur & siccum congruè misceri, & terminari debent, sed humidum & siccum non terminantur, neque miscentur nisi à calido, & frigido, quae miscere uire, ac terminare dicuntur. Caterum quia calidum, & frigidum neque miscere, neque perfecte terminare possunt humidum & siccum nisi humido & sicco dominantur, quoniam agens si patiens transmutare det, patiens



dominari debet, igitur calidum & frigidum humido & sicco dominari debent, quare mixta non generantur nisi per mutationem & unionem humidi & sicci factam a calido & frigido dominantibus supra humidum, & siccum: itaque mixtorum generatio est mutatio ab actiuis, calido scilicet & frigido dominantibus supra passiuas, & hæc est uia qua hæc generationis definitio inueniri potest, & meo iudicio ab Arist. inuenta fuit, qua sequenti cap. explicabitur.

### Definitio generationis explicatur.



**Q**UIBUS conueniat proposita generationis definitio, & qua ratione conueniat, quare ratione & uia inuenta sit, superiori cap. explicatum fuit, nunc definitionem ipsam persequimur, in cuius explicatione illud in primis sciendum, quod per generationem simplicem non intelligit generationem rei simplicis, uel generationem in communi, ut censuit Alber. Mag. sed generationem ut recte exposuerunt Alex. & Olimp. qua dicitur generatio simplex ei comparata, qua accidentium existit, qua non est generatio simpliciter sed secundum quid, nec ita communiter capitur sicut dicebamus prius, sicut in primo libro de Gener. sed solum pro generatione mixtorum perfectorum, qua dicitur generatio simplex, utendo nomine generis pro nomine speciei, quia nomen speciei non habemus, quo mixti generationem nuncupare ualeamus, sicuti corruptionis naturalis mixtorum qua generationi contraria est, speciale nomen habemus, & appellatur putredo. per naturalem autem intelligit generationem perfectam, & absolutam, quod ex eo patet, quia accipit generationem naturalem ut contradistinguitur ab ea qua dicitur Molynsis, & generatio imperfecta, inquit enim generatio naturalis fit cum actiue perfecte dominantur passiuis: cum autem non perfecte dominantur passiuis, fit Molynsis, hæc autem est generatio imperfecta, itaque per generationem naturalem intelligit generationem perfectam. Insuper animaduerte quod generatio hoc in loco definita alio modo sumitur, ac sumatur in primo lib. de Gener. nam ibi sumitur generatio pro introductione forme substantialis, quod ex eo patet, quoniam ibi accipitur generatio ut contradistinguitur ab alteratione: etenim in contex. illo. 23. differentiam ponit inter generationem & alterationem, igitur accipit ibi generationem seclusa alteratione, hic uero capitur pro aggregato ex alteratione precedente, & introductione forme, quibus sic declaratis, dicit Philosophus, quod hæc generatio est mutatio a qualitatibus actiuis, sed quare mutatio sit ista a qualitatibus actiuis non ita conspicuum est, nam ut alias monuimus, duplex

primarum qualitarum operatio, una quidem prima, & propria magis ut calefacere, & frigesacere, alia uero est secundaria, ut terminare, & terminari, iam uero dubium est, an mutatio hac sit quoad primam operationem, an quo ad secundariam. ad quod dicimus resolute, quod mutatio hac intelligitur quo ad operationem secundariam, ut terminare, & terminari, quod ex ipsomet ostendimus Aristot. sumpto fundamento ex contex. 2. illius quarsi, ubi inquit, quod ea in parte agitur de generatione, & de operibus primarum qualitarum, ut due sunt actiue, & due passiue, tunc sic arguitur, Generatio est mutatio primarum qualitarum, ut due sunt actiue & due passiue, sed due dicuntur actiue ex contex. primo, quia terminant, & copulant, due uero passiue quia terminantur, & copulantur. igitur generatio est mutatio primarum qualitarum ut due terminant. & due terminantur. quod confirmatur ex tex. 6. ubi hac habentur uerba, ex his enim facta erant, & terminatum fuit humidum sicco operantibus actiuis. ex quibus uerbis facile intelligitur, quod generatio est mutatio penes terminare, & terminari, & ita penes secundarias operationes, licet ista respectu generationis sint prima, & principales. itaque generatio est mutatio, hoc est unio, & terminatio passiuarum qualitarum facta ab actiuis qualitatibus, haec autem sunt calidum & frigidum, [ cum habuerint, inquit, rationem ex subiecta materia unicuique naturae. ] declarat in his uerbis quando hac mutatio fiat ab actiuis qualitatibus, fit, inquit, cum actiue qualitates habuerint rationem ex subiecta materia unicuique naturae, quam partem exponens Suesanus, inquit, quod actiue qualitates rationem habere dicuntur ex subiecta materia, quatenus a passiuis qualitatibus agendi rationem acquirunt, ex illis autem agendi rationem acquirunt, quatenus ab illis repatiuntur, & ad temperamentum reducuntur, quae cum fuerint temperata generantis rationem acquirunt. sed ista expositio falsissima est, quoniam uult Philosophus quod generatio sit, actus calidi, & frigidi ut agentis, & motoris, passiuarum uero ut humidi, & sicci tanquam materiae. unde inquit, mutatio fit a qualitatibus actiuis cum habuerint rationem ex subiecta materia, haec autem sunt dicta uirtutes passiue, tunc ita ratiocinamur, materia secundum quod materia passiuum est, & non habet rationem agentis, ut habetur primo de Gener. 55. & in secundo libro contex. 53. passiue qualitates in generatione concurrunt ut materia, igitur in generatione mixtorum non habent rationem agentis, & consequenter non reagent in actiuas qualitates, consimili ratione usus est Alex. 4. Met. 25. ad probandum, quod humiditas non potest in coagulatione, & aliis passionibus mixti habere rationem agentis, praeterea actio & reactio fit inter qualitates unius oppositionis, & comparando unam qualitatem alteri, ut calidum frigido, & humido sicco, &

fit secundum primas operationes ut habetur ex Arist. 3. de animal. Gener. cap. 4. ubi utrumque tangere uidetur, dicens, agens in agendo repatitur, ut calidum a calefcente frigido refrigeratur, refrigerare uero est operatio prima, sed in generatione mixtorum non comparatur una qualitas alteri, sed una oppositio alteri oppositioni, ut calidum & frigidum humido & sicco, nec actio calidi & frigidi in humidum & siccum fit quod ad operationes primas, sed quo ad secundarias: igitur in generatione mixtorum inter actiuis & passiuas non reperitur actio, & reactio, nec cum actiuis agunt in passiuas ab illis repatiuntur: ut inquit Suesst. sed actio & reactio fit in mixtione, in qua re mittuntur & in excellentius suis corrumpuntur, ut inquit Philosophus 2. de Gener. 48. & consequenter in mixtione generandi rationem acquirunt, non autem in generatione mixtorum: etenim in hac humidum & siccum nullam actionem habent, sed solum ab actiuis patiuntur quatenus ab actiuis miscentur, & terminantur ab illis, Dicamus ergo nos cum Aristotele qui seipsum interpretatur, nam cum dixisset quod calidum & frigidum generant cum habuerint rationem ex subiecta materia, quasi seipsum declaras, subdit [generant autem calidum & frigidum cum uincunt materiam, in quibus uerbis ostendit quod calidum et frigidum eam rationem debent habere supra passiuas, ita ut uincant et dominantur passiuis: hac. n. est ratio, & proportio quam agens supra patiens habere debet, ut agens dominetur patienti, aliter si non dominetur non poterit patiens transmutare, et tunc sensus erit, generatio fit a qualitatibus actiuis cum habuerint rationem supra materiam, & supra passiuas, hoc est cum uincunt, & dominantur passiuis, quam et expositionem tradidit Olimp. in eo loco. sed animaduerte, quod licet actiue passiuis dominari debeant, hoc non intelligitur pro quolibet excessu, quia si quoquomodo dominantur, non poterunt perfecte transmutare passiuas ad formam mixti sicut in elixatione contingit, in qua si calor non perfecte dominetur humido, non fit perfecta elixatio, sed Molybdis, & diminuta concoctio. quod tangit Philosophus in context. dicens, cum autem non dominantur, scilicet perfecte, sed quoquomodo fit Molybdis & indigestio, quare actiue qualitates perfecte passiuis dominari debent. Nec propterea debet esse summus, & maximus excessus, quoniam potius destruerent, quam generaret, sed esse debet excessus in tali mensura & gradu, ut passiuas qualitates ab actiuis sufficienter transmutari queant pro generanda mixti forma. Amplius animaduerte quod etiam si actiue qualitates proportionem perfecte dominantis supra passiuas habere debeant, hoc intelligi non debet secundum proportionem Arithmeticam ita ut aequale sit dominium actiuarum supra passiuas respectu omnium mixtorum. quia non omnes mixtorum forme eandem requirunt proportionem actiuarum supra passiuas, nec omnes eandem requirunt dispositionem in passiuis, ut-



pote humidum secundum eandem quantitatem, eandem subtilitatem, & eandem humidi commixtionem cum sicco: aliam enim proportionem, & dispositionem requirunt aurum, & argentum, aliam stirpes, & aliam animalia, sed dominari debent secundum exigentiam formae generandae, & talis est proportio geometrica, quae ab ipsa forma desumitur, haec enim est quae imponit necessitatem agentis, & materia, quoniam haec est finis, & id cuius gratia agens agit, & materia disponitur & transmutatur. quibus omnibus sic explicatis, propositae definitionis hic erit sensus, Simplex generatio est unio, & terminatio passiuarum qualitatuum ab actiuis qualitatibus dominantibus supra passiuas, ex qua definitione tres apparent causae formae, materia, agens, & agentis conditio, forma est transmutatio, quoniam in definitione accidentium genus formae rationem habet, materia, passiuas, qualitates sunt, ut ipsemet inquit Arist. nec abiteris quod uera materia sint ex qua substantiae generantur, quoniam uera materia substantia est, & substantiae nascentis particula, sed materia dicuntur, quatenus in generatione mixtorum ab actiuis qualitatibus patiuntur, & terminantur, pro forma mixti generanda; agens actiue qualitates sunt agentis conditio dominium & uictoria actiuarum supra passiuas, & haec quo ad definitionis explicationem, quod erat tertium in ordine propositum.

### Dubia aduersus definitionem generationis.



**E**D aduersus hanc generationis definitionem nonnullae occurrunt difficultates, & prima quidem est aduersus illud quod dictum est, quod in generatione duae qualitates concurrunt ut actiue, duae uero ut passiuas, si quidem omnes elementorum qualitates concurrunt ut materia mixtorum, ut est Aristotelis sententia 2. de animal. par. cap. pri-

mo igitur omnes ut passiuas, confirmatur, elementa omnia concurrunt, ut materia mixtorum, ut testatum reliquit Aristote. secundo Phisico. 3. 1. igitur & omnes elementorum qualitates ut materia, & passiuas concurrunt: non ergo duae ut actiue, & duae ut passiuas. Secunda dubitatio est aduersus illud quod actiue qualitates passiuas dominari debent, nam si id uerum est, ergo omne mixtum erit à prae dominio calidum & frigidum, & ita mixtum declinabit ab aequalitate ponderis per actiuas qualitates, quod falsum est, cum detur mixtum à prae dominio humidum, & à prae dominio siccum. deducitur consequentia quoniam cuiuslibet mixti complexio sequitur qualitatem in generatione prae dominantem. Insuper est difficultas de frigido quod inter efficientes, generationis causas ab Ari-

Etotel. connumeratur eum frigidum non ingrediatur opus Nature, sitque de ipsius sententia corruptionis causa, siquidem inter effectrices putredinis causas cap. de putredine connumeratur itaque effectrix generationis causa esse non potest, cum idem non possit esse causa contrariorum effectuum. Hæc sunt quæ definitionem istam perturbare videntur.

## Dubiorum Solutiones.



**ÆT E R V M** hæc è medio tolli possunt, Et ad primā ille Vico mercatus ita respondet, quod uerum est q̄ prima qualitates concurrunt oēs ut materia, sed magis humidū & siccū, q̄ calidū, & frigidū: cū autē dicit Aristot. quod calidū & frigidū concurrunt actiue, non intelligit q̄ absolute cōcurrant actiue, & non passiue & materialiter, sed intelligit quod magis concurrant, actiue, q̄ passiue, sed responsio ista Aristot. contradicit, quoniam eo modo calidū & frigidū dicuntur in generatione mixtorum qualitates actiue, & siccitas & humiditas passiue, ut context. 1. ab Aristot. declarata fuerunt, sed eo in loco calidū & frigidū dicta sunt actiue, quia terminant & non terminantur, & q̄a definiuntur p̄ terminare, & non per terminari, siue secundum se, siue in mixtis, ut dicit textus. ergo in generatione mixtorum calidū & frigidū solum concurrunt actiue, & non passiue, ut inquit ipse: ea propter Bucaf. 4. Meteo. secus huic dubio satisfacit dicens. uerum esse q̄ omnes qualitates primæ in generatione mixtorum concurrunt passiue, & tanquam materia. cum autem Aristot. inquit quod calor ut efficiens in generatione concurrat, respondet, q̄ calor bis. sumitur, uno modo pro qualitate, alio modo pro substantia quadam calida uaporosa quæ ex tenuiori sanguinis parte ortum habet, aut sanguini proportio nato: tunc, inquit, quod cum Philosophus dicit, quod calor actiue in generatione concurrat, non accipit calorem pro calida qualitate, quoniam hæc passiue concurrat, sed accipit calorem pro substantia illa uaporosa, & hæc est quæ in generatione actiue concurrat. Non possum non satis mirari istorum negligentiam in considerando Aristotelis dicta, nam & ista ab Aristot. dissentit, quod ex eo ostenditur. nam cum Philosophus in context. primo accepisset illa duo dicta, primum, quod quatuor sunt qualitates quæ sūt cause elementorum: alterum, quod primarum qualitatum due sunt actiue, due uero passiue, sequitur in context. 2. dicens. his determinatis, agamus de operibus primarum qualitatum, opera autem sunt generatio, & corruptio, & alia: proponit ergo Philosophus agere de generatione, & aliis ut sūt effectus, & opera primarum qualitatum quæ sunt causa elementorum. igitur

calor qui in generatione actiue concurrir, est qualitas elementaris, non autem substantia calida uaporosa, quoniam hæc non est causa elementorum, sed potius orta ex elementis. Sed posteaquã clarissimi isti Philosophi ex hoc modo sese explicare non potuerunt, soluamus nos. dicimusque quod qualitates his. considerari possunt, uno modo respectu formæ mixti, alio modo respectu generationis: si considerentur primo modo omnes concurrunt ut materia, quia quæcunque se tenent ex parte materiæ, dispositionesque ad aliquam formam, materiæ rationem habent, sicut quæ se tenent ex parte agentis, rationem habent agentis. igitur qualitates primæ ut materiæ dispositiones sunt, ordinanturque ad formam mixti materiæ rationem habent, & hoc pacto intellexit Philosophus 2. de part. si uerò considerentur respectu generationis duæ habent rationem agentis ut calor, & frigus, quia terminantur: duæ uerò habent rationem materiæ, ut siccitas, & humiditas, quia terminantur, & permiscentur; & hoc pacto intellexit Philosophus in definitione generationis. ad confirmationem autem dicimus quod diuersa est ratio elementorum, & primarum qualitatum, quoniam elementa tam respectu generationis, quàm respectu formæ mixti uera materia sunt, 2. Phys. contex. 31. primæ uerò qualitates neque respectu generationis, neque respectu formæ generandæ sunt uera materia, quoniam actui, & formæ repugnant ratio subiecti ex quo aliquid fit. sed ea ratione solum se habent ut materia respectu formæ mixti, quatenus sunt materiæ dispositiones, & ad mixti formam ordinantur tanquam ad finem. Caterum ut nullus supersit dubitandi locus aduersus illud quod dictum est, quod calor elementaris ut efficiens causa in generatione concurrir, duplex occurrit difficultas persoluenda: prima est, quia id uidetur Aristoteli apertissimè aduersari: secundo de animal. gener. cap. 3. ubi inquit, quod calor qui in semine reperitur, quiue generationis author est, non est ignis, nec igneus, quoniam talis corrumpit, & destruit, sed est facultas quædam, quæ proportionem respondet elemento stellarum: secunda difficultas est, quoniam si calor concurreret ut efficiens causa generationis, cum per generationem substantialis forma acquiratur, igitur calor concideret ad productionem formæ substantialis, quod dici nequit, quia nihil agit ultra proprias uires, & ultra propriam speciem. Soluimus ista, & ad propriam dicimus, quod calor qui in semine reperitur, & qui opifex est generationis mixtorum realiter non distinguitur à calore elementari, ut paulo superius ex contex. illo primo quarti Meteoro. ostensum fuit. atque ex secundo de Anima contex. 41. ostendi potest, ubi Philosophus reiiciens illorum sententiam qui affirmabant calorem igneum præcipuam causam esse nutritionis, & augmenti, sic inquit, Hic uidelicet calor igneus non est causa præcipua, ut dicebant seniores illi, sed



est cōcausa nutritionis, et augmētū igitur calor naturalis qui est causa generationis, & nutritionis nō distinguitur essentialiter à calore elementari, sed sicut unū & idē essentialiter, sicut idē sunt calor ignis, & calor artis, distinguuntur autē rōne prout sunt instrumēta diuersorū agētū, quicquid dixerit hac in re Fernelius ille, & quidam nostri tēporis medicastri, qui multiplicant entia sine necessitate cum autem Arist. inquit loco citato, quōd calor qui generationis causa est, non est ignis, nec igneus, non intelligit quōd essentialiter distinguatur à calore igneo, sed intelligit quōd non est ignis, nec igneus, hoc est, non regulatus à forma ignis, nec est in eo gradu qui competit igni, quoniā ut sic comburit, & destruit, sed est commensuratus, & regulatus ab alio agente principali, & ut sic generat, & proportionē respondet calori caelesti, & caloris artis. Ad secundam autem dicimus, quōd calor bis. considerari pōt, uno modo secundum se, & ut calor est. alio modo ut instrumentum substantiæ: si primo modo consideretur, calor calorem tantum producit, & non substantiā, cum nihil uirtute propria agat ultra propriam speciem: si uerō secundo modo consideretur, ut sic substantiam producere potest, sicut calor ut Anima instrumentum carnem generat & sanguinem. & tunc ad difficultatem cum dicebatur, si calor est efficiens causa generationis ergo ageret ad productionem substantiæ, conceditur ut instrumentum substantiæ, nec id est inconueniens, sed animaduerte quōd calor non solum ut instrumentum agit ad productionē substantiæ, sed et ad dispositionem materiæ: duo. n. facit calor in generatione producit formam substantiāle, & disponit materiā pro generatione illius formæ: ut terminat, permiscet humidum cum sicco, indurāt, & emollit usque ad certum terminum, iam uerō calor non solum producit formam substantialem ut instrumentum substantiæ, sed etiam ut sic disponit materiam, ut terminat, & permiscet humidum cum sicco usque ad talem mensuram secundum quod conuenit formæ generandæ: id enim non facit ut calor, quia non magis disponit ad unam quā ad aliam formam, unde talis dispositio materiæ quæ fit à calore composita est ex actione caloris, & aliqua intentione, & uirtute superaddita calori: terminare enim humidam, congregare, indurare calori attribui debent, certus autem terminus, certa quæ mensura superiori uirtuti attribui debet, sicut emollire ferrum ab igne ad faciendum aliquod instrumentum secundum quod est emollire attribuitur igni, secundum quod autem illud emollire terminum habet in unoquoque instrumento attribuitur uirtutis artis. Nunc secundam principalem persoluimus, & cum dicebatur, si generatio fit à calido, & à frigido predominantibus. ergo in quolibet mixto predominantur calidum, & frigidum, respondemus quōd qualitatum dominium & exuberantia bis. considerari potest, uno modo quō ad gradum, alio modo quō ad uirtutem, tunc dicimus quod cum Philosophus in-

quit quòd actiue passiuus prædominari debent, non intelligit secundum inter-  
 sionem graduum, quoniam mixtum quandoque recedit ab æqualitate ponde-  
 ris per humidum, & quandoque per siccum, sed intelligit quòd calidum &  
 frigidum in generatione passiuus dominari debent secundum uirtutem, ita ut  
 sufficienter passiuas transmutare queant pro forma mixti, quia si secundum uir-  
 tutē non dominantur non fiet generatio naturalis & perfecta. quòd si queras  
 cōparando calidū frigidū utrū calidū secundum gradū semper frigidū domine-  
 tur: respondetur, quòd non, sed quandoque calidū, & quandoque frigidum, ut  
 habetur ex Arist. secundo de Gener. 48. ubi inquit, quòd datur mixtum cali-  
 dum frigidum, idest, à prædominio frigidum, & datur, inquit, mixtum frigi-  
 dum calidum, idest à prædominio calidum, nam semper terminus additus à  
 parte post prædominium dicit, additus autem à parte ante subdominium signi-  
 ficat, quare non semper calidum in generatione secundum gradum frigidū do-  
 minatur, semper autem frigidū secundum uirtutem dominatur, quia ēt exul-  
 berante frigidū, ut si frigidum fuerit, ut quinque, & calidum ut tria, calidum  
 operatur ad formam, et ceteras uite functiones. superest ultima dubitatio  
 de frigiditate, quam sequenti cap. perpendemus.

Quomodo frigiditas actiue in generatione  
 concurrat, explicatur.



**R**AT ultima dubitatio de frigiditate quomodo, ut efficiēs  
 causa generationis ab Arist. statuatur, cum frigiditas non  
 ingrediatur naturæ opus, sitque de ipsius sentētia putredi-  
 nis, et corruptionis causa, cōmuniter ad hoc respondent in-  
 terpretes dicentes, quòd frigiditas cōcurrit ut efficiens ge-  
 nationis causa, non quidem per se, sed per accidens qua-  
 tenus caloris feruorem refrenat, atque contemperat, tametsi opinio ista com-  
 munis sit, & ad hæc usque tempora percrebuerit, attamen falsa est, & ab  
 Aristotele aliena, quoniam si frigiditas in generatione concurreret quate-  
 nus calorem contemperat, tunc in generatione una qualitas actiua compara-  
 retur ad alteram actiuam, quod falsum esse superius ostensum fuit: non enim  
 una qualitas actiua ad alteram actiuam comparatur, sed ambæ actiue ad  
 passiuas, unde Philosophus in contex. primo illius quarti probans, quòd frigi-  
 ditas sit qualitas actiua, non inquit, quòd sit qualitas actiua, quia calidum  
 contemperat, nec ad calidum comparat, sed quia passiuas terminat, &  
 transmutat, præterea frigidum non reprimat, neque calorem contemperat nisi  
 per refrigerare, sed in generatione mixtorū non concurrat quòd ad istam ope-

rationē, ut superius ostensum fuit. igitur frigiditas in generatione non habet hunc usum ut calorem contemperet. quemadmodum neque calor in generatione assidue concurrat ut frigiditatem reprimat, atque contemperet. postremo in mixtione qua ab ipsa generatione distinguitur corrumpuntur in excel-  
lentiis suis, & consequenter contemperantur ut scribit Arist. 2. de Gen. 48. non igitur id in generatione efficitur. sed causa communis huius erroris fuit quia non considerantur discrimen inter mixtionem & generationem: in mixtione enim una ad alteram comparatur, inuicem agunt & patiuntur, & per mutuam actionem ad temperamentum, & mediocritatem reducuntur. quibus temperatis non amplius una cum alia certamen habet, sed caliditas & frigiditas ueluti concordēs & amica suam actionem exercent in passivas qualitates, quae & ipsa concordēs, ut materia aëtiarum actionem recipiunt pro generatione mixti. Nos itaq; aliter respōdemus, hac posita distinctione, quod generatio bis. capi potest, uno modo pro introductione formae, alio modo pro alteratione praeuia ut potest pro unione, & pro constantia partium: tūc dicimus, quod si generatio primo modo accipiatur, frigidum nullam in generatione efficientiā habet, quoniam introductio formae in omnibus mixtis siue mineralia sint, siue uegetabilia, siue animalia sint, fit à calido, non autem à frigido: si uerò secundo modo accipiatur, frigidum per se ut efficiens causa generationis concurrat, quia facit ad constantiam partium, terminat, & unit humidum cum sicco, quod etiam facit calidum, sed praeter id calidum operatur etiam & agit ad introductionem formae, quod non facit frigidum: et quoniam frigidum facit ad constantiam & unionem partium, proinde in generatione aliud praestat inuamentum, quod intrinsecus calorem detinet, ne euanescat, & dissoluatur. Sed animaduerte quod licet frigidum in generatione mixtorum non concurrat quod ad introductionem formae, in generatione tamē elementorum utroque modo concurrat, & quod ad dispositionem materiae, & quod ad introductionem formae, ut patet in generatione aquae, & terrae: cum autem dicebatur contrarium, frigidum non ingreditur naturae opus, dicimus quod illa propositio debet intelligi in mixtis, et hoc primario, et quod ad introductionem formae, quia quod ad materiā ingreditur per se, ut declaratum est. soluitur & alia, cum enim dicebatur frigiditas est causa putredinis, ergo non est causa generationis, quia idem non est causa contrariorum: respondetur, quod frigiditas quae est putredinis causa, alia est secundum rationem à frigiditate quae est causa generationis, frigiditas enim quae est causa putredinis est exuberans, & incommensurata, frigiditas uerò quae est causa generationis est moderata, & secundum proportionem naturae, & substantiae mixti, iam uerò non inconuenit, quod idem diuersimodè sese habens sit causa contrariorum effectuum. ut habetur 2. de Gen. contex. 56. ubi Arist. inquit, quod idem similiter sese ha-



bens semper est natum facere idem, sed diuersimodè se habens contrariorū causa esse potest. Sed licet quæ dicta sunt, uerissima sint, non desunt tamen difficultates quæ probare uidentur, quòd frigidum in generatione concurrat quòd ad introductionem formæ, & prima huiusmodi est, si animal immergatur in aquam, & corrumpatur, generatur cadauer, queritur à quo generatur, uel à calido, uel à frigido: non à calido, quia in aqua frigidissima non reperitur calor qui id efficere possit, igitur à frigido, ergo frigidum operatur etiam ad formā. præterea in putredine generantur uermes, hi uel à calido, uel à frigido generantur: non à calido, quoniam calidum in putredine corrumpitur, putredo enim est corruptio caloris proprii, igitur à frigido, igitur frigidum concurret etiā respectu formæ. soluimus hac, & ne quauis in re circa aliorū dicta solliciti esse uideamur, propriam sententiam asseremus. dicimus ergo quòd cum Animal immersum in aquam corrumpitur nihil generatur de nouo, sed forma mixti quæ erat ante aduentum animæ remanet post corruptionem ipsius, quia remanet in eo gradu calidum quo est sufficiens conseruare formam mixti: est. n. forma mixti contenta inferiore gradu caloris. sed si dicitur generari forma mixti post corruptionem formæ animalis, id est per accidens, & secundum denominationem, si quidem dum erat coniuncta anima, erat ueluti potestate, & terminabatur ab anima, nec ipsum mixtum denominabat, sed intereunte anima non amplius terminatur, sed fit terminus materiae, & mixtum ipsum denominat: sed quoniam id acquirit post corruptionem animalis quæ fit à frigido, ideo per accidens dicitur à frigido generari. quare cum dicebatur, post corruptionem animalis in aqua forma cadaueris quæ est forma mixti, uel generatur à calido, uel à frigido: dicendum, quòd per se nec à calido, nec à frigido, quia talis forma non generatur de nouo, sed per accidens dicitur à frigido generari, quatenus frigidum est causa corruptionis formæ animalis, ad cuius interitum forma incipit esse terminus materiae, & mixtum denominare. Soluitur & alia, & cū dicebatur, in putredine oriuntur uermes, hi aut à calido, aut à frigido generantur, dicimus, quod generantur à calido, ad instantiam, in putredine calidum corrumpitur. respondetur, quòd in putredine calidum non corrumpitur simpliciter, sed corrumpitur pro ea mensura, & gradu quo erat sufficiens terminare, & seruare unionem humidum cum sicco: illud autem quod relinquitur est causa generationis illorum animalium, licet enim illud calidum quod relinquitur non sit naturale mixtum quod putrescit, nec amplius sufficiens sit ut terminet humidum cū sicco illius mixti. est tamen naturale, & sufficiens, ut terminet & uniat portionem humidum & sicci, quæ ex putrescente corpore dissoluitur pro generatione illorum animalium, sententia hac est Aristotelis cap. de putred. in fine, ubi hæc habet, & animalia fiunt ex his quæ putrescunt, propterea quòd segregata ca-

litas naturalis facit constare segregata; itaque de Aristotelis sententia animalia illa que à putredine oriuntur à putrescentis mixti calido generantur, non autem à caliditate ambientis, ut remerè quidem arbitrati sunt, quod ex eo patere potest, quia ex eo ultimo signo intendit Philosophus, quod corruptio caloris naturalis fiat à calore ambientis cum superius pluribus aliis signis id ostendisset: & inquit, in his que putrescunt animalia generantur, propterea quod segregata, & dispersa caliditas facit constare humidum, quod etiam in putredine segregatum est, quod si segregata caliditas id efficit, cum caliditas non sit disgregata, neque dispersa, nisi à caliditate ambientis: igitur in putredine corruptio caloris naturalis fit à caliditate ambientis, quod si quis accipere uelit Olimpiodori sententiam, quod Philosophi intentio sit probare quod putredo fiat caloris inopia, adhuc habetur intentum. & tunc sensus erit, in his que putrescunt animalia generantur, propterea quod disgregata caliditas facit constare humidum, sed disgregata caliditas est diminuta, ergo putredo fit ex imbecilla, & diminuta caliditate: sed prima intentio mihi magis probatur, quia magis consentit cum aliis signis superius positis, ex quo illud etiam patet quod non omnia animalia que ex putri materia oriuntur, generantur à calore caelesti diffuso in terra, & aqua, sed etiam à calore interno rei putrescentis, qui in putredine dissoluitur, ut inquit Aristoteles, quibus sic explicatis, iam finē facimus, & decursa & planissimè exposita iam uideantur omnia que ad hanc generationis definitionem at tenere uidebantur.

Simplici generationi contrarium maximè commune putredo est.



**P**ROPOSITIO est Aristotelis eodem quarto Meteo. cōtex. 3. que ob eam causam ea in parte adducta fuit, ut ex ea naturalis interitus, & putredinis naturam adinueneret, atque ostenderet: cum enim superius de generatione egisset, reliquum erat agere de naturali corruptione sebi opposita, que putredo est, sed quia putredinis ratio & natura non alia aptiore Methodo inueniri poterat, quam ex hoc q̄ simplici generationi opponitur putredo, idē Philosophus iecit propositionem istā ueluti principium ad naturam putredinis explicandam, unde cū probasset propositionē istā in ultima parte contex. putredinis rationem deduxit, dicens, ex his. n. facta erant, & terminatū fuit humidū siccō operantibus actiuis. sic autem corruptio cum id quod terminatur, dominatur calori terminanti propter ambiens, quasi dixerit, cum generatio fiat per terminationem humidū cū siccō calore supra humidū dominante, putredo ei opposita sit opposito modo nō aptius dominare calore, sed e contra humido supra calore dominante propter


propter ambiens, & proinde quæ putrescunt primò sunt humida, deinde sic  
 ea, et arida: hæc autem propositione ea ratione probantur, quod est ultimū per quod  
 mixtū dissolvitur: illud simplici generationi, maxime cōiter opponitur, quia  
 illud per quod aliquid dissolvitur, opponitur ei per quod fit, et oritur. sed hoc  
 est generatio, igitur ultimū per quod mixtum dissolvitur generationi cōiter  
 opponitur, sed putredo est finis, & ultimum per quod mixtū dissolvatur, quā  
 minorem ponit his verbis, Finis autem horū omnium putredo est. &c. igitur  
 simplici generationi maxime communiter opponitur putredo, per simplicem  
 eam intelligit, quæ superius definita fuit, eā uerò est generatio mixtorum per  
 factorum ut mixta sunt. Sed circa hoc nonnullæ occurrunt difficultates. pri-  
 ma est, quæ non solum putredo communiter opponitur generationi, sed et com-  
 bustio, quia sicut mixta per putredinem corrumpuntur, ita et per combustio-  
 nem: adde, quod illud quod est commune putredini & combustioni est commu-  
 nis finis generationis contrarium, quia omne modum corruptionis mixtorum  
 continet, atque completitur. Insuper putredo non opponitur generationi, sed  
 mixtioni. nam putredo est dissolutio elementorum. dissolutio autem elementorum  
 opponitur unioni eorū, sed unio elementorum alteratorū est mixtio, ut legitur  
 1. de Gener. in fine, igitur putredo non opponitur generationi sed mixtioni. po-  
 stremo motus opponitur motui, non mutationi, putredo motus est quia putre-  
 do est corruptio caloris proprii. generatio autem est mutatio, igitur putredo non  
 opponitur generationi. hæc sunt quæ Arist. sententiā perturbare videntur. cæ-  
 terū hæc dubitationes dilui, atque solui possunt, et ad primā dicimus, quod putre-  
 do maxime cōiter opponitur generationi mixtorum, quoniam putredo cōpetit  
 mixto secundum naturā & inquantum mixtū est. quia mixtum habilitatē et in-  
 clinationē hēt, ut per putredinē corrumpatur. nam cum mixtum genitum sit  
 per unionem, & mixtionē humidi cum sicco ex prædominio calidi supra humi-  
 dum & siccum, aptum natura est corrumpi opposito modo per dissolutionem  
 humidi & sicci ex defectu calidi: combustio uerò quia non cōpetit mixto ut  
 mixtum est, quia mixtū inclinationem non hēt ut per combustionē corrumpa-  
 tur, et per conversionē eius in naturā alterius agentis, quia unumquodq; secun-  
 dum naturā dissolvitur in ea ex quibus componitur, ea propter cōbustio non  
 maxime cōiter opponitur generationi mixtorum. quia ergo quæ per combu-  
 sionem corrumpuntur sunt apta nata per putredinē corrūpi, quæ uerò per putre-  
 dinē intereunt, non sunt apta nata corrumpi per cōbustionē, ea propter putredo  
 dicitur esse contrarium maxime cōe generationi mixtorum, et non combustio:  
 illud. n. cōius dicitur à quo non convertitur consequentia, & hoc est quod in-  
 quit Philosophus in contextu, ubi probans putredinem maxime cōiter oppo-  
 ni generationi mixtorum, hæc hēt: Finis. n. horum omium putredo est, nisi ali-  
 quid violētia corrumpatur: est. n. carnē, & ossa cōburere, &c. quasi dixeris.



putredo maximè communiter opponitur generationi mixtorum, quia competit mixto secundum naturam, & in quantum mixtum, combustio uerò non opponitur maximè communiter, quia non competit mixto secundum naturam, sed uolenter, & præter naturam, nec profectò ab hoc diuino Philosopho melius dici potuit. Ad secundam autem dicimus, quòd id quod est commune putredini, & combustionì est contrarium communissimum quatenus continet id quod est commune contrarium generationi mixtorum, sed Aristoteles non accepit contrarium communissimum, ut imprudenter censuit ille Argentearius, qui non intelligens Arist. in hoc sicut in multis aliis eum redarguere ausus est. sed accepit contrarium communissimum pro eo quod competit mixto genito secundum naturam, & in quantum mixtum est. quia uerò hoc est putredo non autem id quod est commune putredini, & combustionì, quia combustio (ut inquit) est accidentalìs mixto, propterea contrarium communissimū generationi mixtorum statuit putredinem esse, non autem id quod putredini, & combustionì commune est. Ad tertiam, quæ non est ab aliis, quos ipse legerim, animaduersa, negatur assumptum: ad probationē sciendum, quòd sicue in generatione mixtorum tria reperiuntur, primo quidem unio omnium elementorum alteratorum, & crasis, & complexio in omnibus primis qualitatibus secundum primas earum operationes, & hæc est mixtio. Secundo reperiatur complexio in passiuis qualitatibus tantum, utpote cōgrua terminatio humidi cum sicco ex prædominio calidi terminantis: & hæc dicitur ab Arist. generatio, accipiendo generationem pro uia iuncta termino, quæ formaliter distinguitur à mixtione, quoniam mixtio significat unionem omnium elementorum, & complexionem omnium qualitatū secundum primas earum operationes: generatio uerò significat unionem, & complexionem in passiuis qualitatibus tantum, quò ad secundas earū operationes. Tertio esteductio formæ substantialis, quæ necessario supponit et complexionem omnium qualitatū: quò ad primas operationes, & complexionem passiuarum tantum quò ad secundas ita in naturali mixtorum interitu qui putredo est, hæc tria reperiuntur, est. n. dissolutio omnium elementorum, & hæc opponitur mixtioni, reperiatur etiam dissolutio passiuarum, ut dissolutio humidi à sicco, & hæc dicitur putredo, et naturalis corruptio, accipiendo similiter corruptionem pro uia iuncta termino, quæ formaliter distinguitur à dissoluzione omnium elementorum: & talis dissolutio passiuarum opponitur formaliter generationi mixtorum, quia cum generatio sit unio humidi cum sicco, ita putredo quæ ei formaliter opponitur, est dissolutio passiuarum, tertio est corruptio formæ substantialis, quæ opponitur termino generationis, eductioni uidelicet formæ substantialis: quamobrem cum dicebat argumentum, putredo est dissolutio omnium elementorum, id est falsum, quia putredo non est formaliter dissolutio omnium

elementorum, sed formaliter est dissolutio passuarum, & hac formaliter opponitur generationi, non mixtioni, ut declaratum est. Ad ultimam dicendum quoddam putredo accipitur tribus modis, primo pro alteratione procedente, quod nil aliud est nisi dissolutio passuarum propter defectum caloris secundo pro termino, ut pro interitu forma substantialis: tertio, pro aggregato ex utrisque totidemque modis accipitur generatio ei opposita, tunc dicendum est, quod si accipitur putredo primo modo opponitur generationi primo modo sumpta, ut pro uia, & alteratione procedente, & ita motus opponitur motui, quoniam utraque motus est & alteratio, si uero secundo modo mutatio opponitur mutationi, quoniam utraque mutatio est, si uero tertio modo aggregatum ex motu & ex mutatione opponitur similiter aggregato ex motu & ex mutatione, & ita referendo singula singulis putredo semper opponitur generationi. Aristoteles autem accepit putredinem tertio modo, & hac opponitur generationi eodem modo accepta, ut extremum extremo: hinc patet quod generatio & putredo penes tria sibi inuicem opponuntur, primum quidem penes terminum, quia generatio est ad esse formae, putredo uero ad non esse: secundo penes causas, quia generatio fit actiuis qualitativibus dominantibus supra passivas, putredo uero fit passivis dominantibus supra activas, & hoc declarat Philosophus in hoc context. tertio opponuntur, quia generatio est terminatio, & unio humidi cum sicco, putredo uero est interminatio, & dissolutio humidi a sicco, quamobrem non solum penes causas generatio, & putredo opponuntur, ut temere sentit Buccas, sed etiam formaliter, sed quoniam Philosophus in contextu ponit propositionem hanc, omnis secundum naturam corruptio in putredinem uia est, ut senectus, & ariditas, quae non omnibus ita conspicua est, propterea sequenti capite breuiter dilucidabitur.

Omnis secundum naturam corruptio in putredinem uia est, ut senectus, & ariditas.



**P**LRIMI ex expositoribus propositionem istam exponentes dixerunt, quod per corruptionem naturalem quae dicit uiam esse in putredinem non intelligit Philosophus corruptionem quae transitus est de esse ad non esse, quoniam hac non praecedit putredinem, sed potius eam insequitur, sed intelligit diminutionem quandam, & (ut eorum uerbis utar) deteriorationem, quae putredinem antecedit, sicut est senectus in animalibus, & ariditas in plantis. atque ita uolunt nullam formae substantialis corruptionem ipsam putredinem antecire, sed putredinem immedia-

tē sequi ad diminutionem illam, & imbecillitatem, quæ communi uocabulo  
 in animalibus senium appellatur, ad putredinem autem sequi corruptionem  
 formæ substantialis mixtorum animatorum. sed istorum sententia ab Aristotele  
 & à ueritate recedit, si quidem putredo non immediate sequitur ad dimi-  
 nutionem illam animatorum, nec est finis putredo, & terminus in quem se-  
 cundum naturam desinunt animantia, quia putredo terminatur in cineres,  
 & terram, ut inquit Philosophus, animata uerò cum desinunt post dimi-  
 nutionem illam non resoluntur in cineres, & terram, quoniam post corruptio-  
 nem animatorum relinquitur mixtum, ut in corruptione substantiali anima-  
 liū relinquitur cadauer, & corpus mixtum. itaque putredo non insequitur di-  
 minutionem illam, nec est finis & terminus animatorum: præterea Philoso-  
 phus declarans quid per corruptionem naturalem intelligat quæ nia est in  
 putredinem, inquit, ut senectus in animalibus; & ariditas in plantis. sed ari-  
 ditas in plantis est corruptio substantialis, ut patet ex ipsomet in libello  
 de mor. & uita cap. 14. ubi cum diuisisset corruptionem animatorū in natura-  
 lem, & uolentam, sic inquit, Violenta quidem est quando principium extrin-  
 secū fuerit, secundū naturā uerò quando in ipso, sed non aduentitia aliqua pas-  
 sio, in plantis igitur ariditas, in animalibus autem hæc uocatur senectus:  
 igitur per corruptionem naturalem intelligit corruptionem substantialem,  
 quod etiam confirmant uerba Arist. eodem lib. cap. 3. ubi diuisa morte in  
 naturalem & uolentam: naturalis mors, inquit, in animalibus senectus uo-  
 catur. Dicendum itaque est, quod cum Philosophus inquit hoc in loco,  
 quod corruptio secundum naturam, ut senectus, & ariditas in putredinem  
 uia est, per corruptionem naturalem non intelligit diminutionem: & reces-  
 sum à nigore, sed corruptionem substantialem: Sed aduertendum, quod  
 corruptio naturalis in duplici ordine est. alia enim animatorum est, alia  
 uerò mixtorum, corruptio naturalis animatorum in animalibus dicitur  
 mors naturalis, senectus, & impotentia respirandi: in stirpibus uerò aridi-  
 tas. naturalis uerò mixtorum corruptio putredo dicitur, de qua Ari-  
 stoteles quarto Meteo. agit. cum ergo inquit quod naturalis corruptio in pu-  
 tredinem uia est, intelligit de naturali corruptione animatorum, quæ putre-  
 dinem & naturalem mixtorum antecedit, si quidem animato corpore  
 corrupto mixtum relinquitur, quod postea putrescit, & in pulueres dissolu-  
 tur, neque uerum est quod omnis corruptio secundum naturam caloris  
 proprii in humido sit putredo, sed quæ fit à calore externo. & ad quam  
 sequitur incineratio, & dissolutio humidi à sicco. sed circa determinationem  
 factam due occurrunt difficultates: prima est, quia si naturalis animatorū  
 corruptio putredinem antecedit, cum omnis mixtorum corruptio fiat pro-  
 pter corruptionem caloris, ut habet Philosophus libro de mort. & uita.



igitur in naturali animatorum corruptione calor corrumpitur, igitur putredo non erit corruptio caloris naturalis, quia iam corruptus fuit in naturali animatorum interitu. alia dubitatio est, quoniam si naturalis animatorum corruptio putredinem antecedit, ergo prius ab Aristotel. de animatorum corruptione, quam de putredine agendum erat. sed hac persolui possunt & ad primam diceret B. D. quod in naturali animatorum interitu, generatur mixtum de nouo, & consequenter calor naturalis, qui postea corrumpitur in corruptione illius mixti, & ita putredo est corruptio caloris naturalis qui de nouo genitus est, post corruptionem animati. sed hac responsio falsa est, quis certum est, quod ante generationem animati quod corrumpitur, genitum fuit mixtum, r. ex. si Socrates generari debet, ante generationem Socratis prius genitum fuit mixtum, quia animatum supponit generationem mixti: tunc quero aut illud mixtum quod præcedit generationem animati, aut remanet idem numero post corruptionem Socratis, aut corrumpitur ante corruptionem Socratis: si primo, igitur post corruptionem animati non generatur mixtum, neque calor de nouo: si secundo, cum corruptio naturalis illius mixti sit putredo, igitur putredo non erit finis, & terminus corruptionis naturalis animatorum, ut senectutis in animalibus, & ariditatis in plantis, ut inquit Philosophus: propterea melius dicamus nos, quod in naturali animatorum interitu corrumpitur quidem naturalis calor, sed non secundum totum. ita ut nihil remaneat caloris, sed corrumpitur secundum illam mensuram, & gradum qui necessarius erat pro conseruatione anime in corpore: postulat enim anima, & unaqueque forma mixti determinatam caloris mensuram, quæ ablata, & ipsa forma corrumpitur. remanet tamen calor in corruptione animatorum secundum illum gradum qui sufficiens est pro conseruatione mixti, si quidem forma mixti inferiore caloris gradu contenta est. & hic calor in putredine corrumpitur, in qua nec etiam calor secundum totum corrumpitur, sed ut naturalis, & proprius, & prout idoneus ad retinendum humidum cum sicco. remanet autem in ea mensura, quæ sufficiens est pro generatione illorum animalium quæ in putredine oriuntur ut est aperta Arist. sententia cap. de putre. in fine, ubi sic inquit, & animalia fiunt in his quæ putrescunt, propterea quod segregata caliditas naturalis existens facit constare segregata, ut potest humidum, & siccum quæ in putredine disjunguntur. Ad secundam autem dicimus, quod licet naturalis animatorum interitus tempore putredinem antecedit, quia tamen putredo est passio mixti quod prius, & communius est animato: ideo prius agendum fuit de putredine, & de mixtorum interitu in quarto Mete. in quo agitur de passionibus mixti ut mixtum est, quam de naturali animatorum interitu, de quo agitur in lib. de mor. & nit. & hac satis. sed quoniam, ut nideo, ad

sui quoque explicationem me uocat illa propositio, quæ ponitur in eodem loco, quæ huiusmodi est. Putredo corruptio naturalis est, combustio uero uiolenta, ideo sequenti cap. dilucidabitur.

Putredo est corruptio secundum naturam,  
combustio uero uiolenta.



**H** A B E T. V R. propositio ista in eodem contex. ubi Philo-  
sophus sic inquit, Finis omnium est putredo si corrup-  
tur secundum naturam, & non uiolenter: est. n. carnem, &  
ossa cōburere &c. quæ propositio maximè dubia est. quia  
cum utraque unum habeat finem, quia utraque termina-  
tur ad cineres, & terram, & utraque fiat à principio ex-  
terno: cōbustio quidem à calore ignis, putredo uero à calore ambientis. non  
uidetur quare cōbustio sit uiolenta, & putredo secundum naturā. & comagis  
q̃ Philosophus in lib. de mor. & uir. distinguens corruptionem in naturalem,  
& uiolentam, inquit, quodd naturalis est, quæ sit à principio interno, uiolen-  
ta uero ab externo: cum autem putredo ab externo fiat principio, igitur ui-  
olenta erit sicut combustio. A plurimis propositio hæc exposita fuit, hæte-  
nus tamen non rectè intellecta fuit. Albertus Maz. quarto Meteo. cap. 6. et  
Vgo ille Senensis in primam quarti canonis in tractatu de febribus putridis  
conueniunt in hoc quod putredo sit naturalis, quia fit ab agente, & à calo-  
re interno, combustio uero uiolenta quia fit ab agente & à calore externo.  
sed discrepant in hoc, quia uoluit Albertus q̃ putredo fiat à naturali ca-  
lore mixti adaucto & intenso à calore ambientis, uoluit autem Vgo quod pu-  
trede fiat à calore ambientis impresso in humidum mixti, quod est subie-  
ctum caloris naturalis: sed ut studiosis iuuenibus utriusque sententia conspi-  
cua fiat, sciendum, quodd putauit Albertus quodd in putredine calore ambi-  
entis qui est primum agens augatur, & intendatur calor naturalis mixti,  
qui adauctus & intensior factus, dissoluat humidum, ipsumque euaporare  
faciat, ad cuius dissolutionem & ipse calor dissoluatur. & ita fiat putre-  
do, unde secundum ipsam licet putredo remotè fiat à principio externo  
ut à calore ambientis, proximè tantum à calore interno mixti adauc-  
to humidum dissolvente: combustio uero, inquit, non ita se habet, quo-  
niam in combustione calor naturalis mixti non uitiatur, neque in-  
tenditur à calore comburentis, sed in sui naturali dispositione persi-  
stet, & nihil agit, & cooperatur combustioni, immo resistit, & relucta-  
tur in quantum potest, unde totum combustionis principium extrinsecum  
est, nihil coagente calore naturali mixti, & proinde combustio est uiolenta,

ac præter naturā, quā alberti opinionē insecutus est contreraneus meus Sebastianus Paparella, quem honoris gratia nomino, in eo libello quem nuper edidit de calido naturali. cap. 14. tertij libri. ex altera parte putauit Vgo, quod putredo fiat à calore ambientis impresso in humidum, quia ita impressas in humidum agat, ipsumque dissoluat, ad cuius dissolutionem, dissoluatur & calor naturalis mixti, quamobrem de utriusque sententia putredo fit à calore interno, & proinde est naturalis: Sed utriusque sententia falsa est, & ab Aristoteli aliena, & primo Alberti opinio, si quidem putredo non fit per auctiōnem, & intensiōnem caloris naturalis à calore ambientis, ut patet ex ipso met Aristoteli. cap. de putredine, ubi cum statuisset, quod putredo est corruptio caloris naturalis à calore ambientis, declarans modum quo calor naturalis corrumpatur à calore ambientis, sic inquit: exeunte enim calore proprio secum euaporat humidum] in quibus uerbis nemo est qui non uideat Aristotelem uelle quod calor naturalis corrumpatur à calore ambientis per exitū, & euaporationem, sed cum calor naturalis egreditur & euaporat, non augeatur, sed diminuitur. igitur calor naturalis mixti à calore ambientis non augeatur, ut ait Albertus, sed diminuitur. præterea ex eadem propositione, quæ maximi momenti est, patet etiam falsum esse in putredine humidum dissolui per actionem caloris adaucti, quoniam, inquit, humidum dissolui non per actionem caloris naturalis, sed per exitum & euaporationem ipsius caloris, præterea ridiculum est quod dicit Alb. quod in combustionē calor proprius mixti in sui naturali dispositione seruetur, & persistat: tunc enim sequeretur quod in combustionē calor non corrumpetur, quia calor non corrumpitur quandiu in sui naturali dispositione seruetur. Insuper non apparet ratio quare in putredine calor naturalis mixti augeatur à calore ambientis, & non augeatur à calore ignis, & propterea causa quam assignauit Albertus falsa est & præter omnem rationem adducta. falsa quin etiam est opinio Vgonis dicentis quod putredo fiat à calore ambientis in humidum impresso, ipsumque dissoluentē siquidem calor ambientis non est proximum, & immediatum dissoluens, & corripuens bihumidum, sed est immediatum dissoluens calorem naturalem mixti: putredo enim, inquit Aristoteles est corruptio caloris naturalis à calore ambientis, præterea inquit, quod exeunte calore naturali dissoluitur humidum, itaque non dissoluitur humidum à calore ambientis impresso in ipsum humidum, neque per uerba Aristotelis talis humidi dissolutio habet causam positiuam, sed solam causam priuatiuam, quæ est euaporatio caloris naturalis, quamobrem putredo non dicitur naturalis ex hoc quod fiat à calore ambientis impresso, atque intrinseco ipsi humido, præterea non potest uirare Vgo quin combustio sit naturalis, quia combustio fit à calore ignis comburentis. aut igitur fit à ca



lore ignis impresso in humidum mixti, aut à calore naturali mixti adaptato à calore comburentis, & quodcunque detur fiet à calore interno, & per consequens erit naturalis sicut putredo, ea propter dixere alij quòd putredo non dicitur naturalis ratione principij ætini, quoniã fit à principio externo, sed dicitur naturalis rōne materiæ, & rōne principij passivi, quoniã materia in putredine inclinationē hēt ad aliā formā, sed et ista opinio falsa est, quoniã tunc etiam combustio esset naturalis sicuti putredo, quia in combustionē etiam, et in qualibet mutatione materia confert nimis, & inclinationem habet ad aliā formā, Vicomercatus, & quidam alij recentiores dixerunt, quòd putredo est naturalis, et combustio uiolenta, quia putredo fit paulatim à calore ambientis: combustio uerò fit celeriter, & quia Natura opus non est uelox, ideo dixerunt quòd putredo est naturalis, & combustio uiolenta. Sed opinio ista, quia antiqua fuit. ante nos ab Alberto cap. 6. hac ratione reiecta fuit. modus rei consequitur rem, cuius est modus, idē non potest esse causa rei, uelox & tardum sunt modi qui consequuntur naturale, & uiolentum, igitur uelox, & tardum non possunt esse causa mutationis naturalis, & uiolentæ. probatur minor, nam motus localis naturalis elementorum quandoque uelox, quandoque tardus est. similiter & uiolentus. quòd si fieri uelociter, uel tarde esset causa naturalitatis uel uiolentiæ in motu, tunc motus naturalis cum fieret celeriter, esset uiolentus & cum motus uiolentus fieret tarde, & paulatim esset naturalis, præterea si hac opinio esset uera, sequeretur quòd combustio quandoque esset naturalis cum fieret tardē, & paulatim. Pomponatius & Bucas. & ipsi suam asserentes opinionem dixerunt quòd putredo ab Aristotele dicitur naturalis, non quia fiat à principio interno, sed dicitur naturalis propter hoc, quoniam mixta suæ naturæ derelicta per putredinem corrumpuntur, sed isti clarissimi Philosophi dubio non satisfaciunt. quoniam cum dicunt quòd mixta suæ naturæ derelicta per putredinem corrumpuntur, aut intelligunt quòd putrescant sine agente externo, aut ab agente externo: si primo Aristoteli aduersantur, qui nulle putredinem fieri à calore ambientis: si secundo, asserenda est causa quare putredo est naturalis, & combustio uiolenta, cum utraque fiat ab agente externo.


#### Propositionis dilucidatio.

**C**UM itaque clarissimi tot Philosophi ueritatem huius propositionis minime sint affecti, sententiam nostram in medium afferamus, & in primis ad hoc dici posset, quòd putredo ab Arist. dicitur naturalis, quia putredo non fit absolute à principio externo, sed partim à principio externo, & partim à principio interno: fit. n. putredo à caliditate externa,

externa, & à frigiditate interna, ita quod causa adequata putredinis constet ex causa interna, & externa: & propterea quia fit aliquò pacto à principio interno sit naturalis, combustio uerò quia absolute fit à principio externo utpote à calore comburentis, sit uiolenta. Sed licet hunc in modum satis subtiliter dici posset, hæc tamen non fuit uera, & germana Aristotelis sententia, quia statuens putredinem naturalem esse & combustionem uiolentam non respexit ad hoc, ut una fieret à principio interno, altera uerò à principio externo, sed uoluit quòd putredo sit naturalis, quia compositum mixtum ut mixtum est, & secundum eius naturalem dispositionem, quia cum mixtum genitum sit per unionem, & mixturem humidi cum secco dominante calore, aptum natum est corrumpi per dissolutionem humidi à secco, deficiente calore: unumquodque enim naturaliter dissoluitur in sua compositione: combustio uerò uiolenta est, et præter naturam, quia non fit secundum habilitatem & inclinationem mixti, quia mixtum inclinationem non habet ut corrumpatur per conuersionem in naturam alterius agentis, sed aduertendum quòd licet putredo hac ratione naturalis sit, potest tamen dici uiolenta, & præter naturam, quatenus rei naturam destruit, & non fit secundum intentionem Nature: quæ rei corruptionem, & destructionem abhorret, nec inconueniens est, ut una mutatio uaria ratione dicatur naturalis & uiolenta. quibus sic explicatis illud minimè silentio prætereundum est. Aristotelem cum statuit mixta aut putredine naturaliter, aut combustionis uiolenter corrumpi tetigisse omnes modos corruptionis mixtorum, contra illum Argenterium, qui cum aut Aristotelem non legerit, aut ipsum non intellexerit ipsum redarguere ausus est, quod non declarauerit quot modis mixta corrumpi possint: his enim duobus modis solum putredine scilicet, & combustionis mixta corrumpi possunt, quos Aristoteles explicauit, dicens, Finis omnium mixtorum est putredo nisi aliquid uiolentia corrumpatur: est enim carnem & ossa comburere, & licet sint alij modi corruptionis præter naturam, quos Argenterius enumerat, ut gladio, suspendio, aut morbo in partibus similaribus & instrumentariis, conformatio ne, magnitudine, & numero hi, ecquis est obsecro qui hoc non uideat? non sunt modi corruptionis mixtorum ut mixta sunt: non enim cadauer corripitur gladio, uel suspendio, uel morbo, sed sunt modi corruptionis animalium de quibus cum non loquatur Aristoteles quarto Meteo. sed de mixtis ut mixta sunt, ideo modi illi corruptionis non fuerunt ab Aristotele enumerati. nunc uerò rationes in oppositum persoluamus, & ad primam nos dicimus, quòd licet putredo, & combustio in pulueres & terram terminentur, et amba ab externo principio fiant, putredo est naturalis quia compositum mixtum ut mixtum est, & fit secundum habilitatem ipsius: combustio uerò non ut dicitur

est. Ad secundam autem dicimus quod Philosophus ibi loquitur de corruptione animatorum, asseritque quod horum corruptio secundum naturam fit secundum naturalem calidi & humidum resolutionem absque aliqua uiolenta occurrente passione: sed, ut inquit, propter temporis longitudinem, & perfectionem, nam temporis longitudine arefactis in piscibus branchiis, in aliis uero pulmone fit impotentia respirandi, ex qua tandem deficit calor cum humido naturali, & hac dicitur mors à senectute, & naturalis corruptio, quæ periodica est, & fatalis etiam s. Phis. contex. 57. ab Aristotele nuncupatur. uiolenta uero dicitur, quia non fit secundum naturalem calidi & humidum dissolutionem, sed ex aliqua occurrente passione ut in animalibus morbo, gladio, aut combustione, in stirpibus uero extinctione, quæ quidem corruptio est accidentali animato, unde non dicitur corruptio uiolenta animati, quia absolutè fiat à principio externo, sed quia non fit secundum naturalem calidi, & humidum resolutionem, nec secundum habilitatem corporis animati, sed ab aliqua passione uim inferentem, uero putredo quæ mixtorum est, licet ab externo fiat principio, quia tamen fit secundum mixtæ habilitatem & inclinationem proinde dicitur naturalis: combustio uero quia non fit secundum mixtæ habilitatem proinde non est naturalis, sed præter naturam, & accidentalis mixto, & hæc satis.

At qui putredo propriè dicitur in his quæ secundum partem corrumpuntur, cum à natura recedunt, quapropter cætera omnia, uno excepto igne, putrescunt, nam terra, aqua, & aer, putrescunt, omnia enim hæc sunt materia igni.



¶ Si superius statuisset Philosophus quod simplici generationi putredo contrarium maximè commune est, atque finis naturalis interitus, putredinis uero duo sint genera, & differentia, una quidem quæ est corruptio secundum partem, altera uero secundum totum. in hac particula declarare intendit, quod non omne putredinis genus simplici generationi aduersatur, & naturalis interitus finis est. sed ita tantum putredo quæ corruptio est secundum totum, illa uero quæ corruptio est secundum partem & recessus à sua natura, neque simplici generationi opponitur, neque naturalis interitus finis est, dicit ergo, putredo propriè dicitur in his etc. quasi dicere uoluerit superius dictum est, quod simplici generationi opponitur putredo, atque putredo propriè dicitur quæ secundum partem corrumpuntur, & à propria natura recedunt, sed hæc non opponitur simplici generationi: pu-



credo autem inquit in tex. 6. est corruptio caloris proprii & naturalis, hoc est, putredo autem quæ opponitur se simplici generationi, est corruptio caloris proprii & naturalis in unoquoque humido, & hic est uerus nexus, & Aristotelis institutum, ex quo loco nemo est qui non uideat quantum defecerit ille Argenterius, qui Aristotelem accusare ausus fuit, quod putredinis differentias non assignauit, cum tamen ex contex. 5. & 6. satis euidenter appareat oculatissimum Aristotelem duo putredinis genera, uel differentias assignasse, unam quæ dicitur corruptio secundum partem, alteram uero secundum totum quæ proprie mixtorum perfectorum est: in hac autem dilucidanda particula tria à nobis peragenda sunt, primo quidem quid sit hæc putredo quæ dicitur corruptio secundum partem, & recessus à propria natura, & quomodo proprie dicatur putredo: secundo, quod hæc putredinis differentia, competit elementis excepto igne, & quomodo: tertio, propter quid non competit igni, quod ad primam fuit opinio illius Argenterii, quod putredo quæ dicitur corruptio secundum partem, & recessus à propria natura nil aliud sit nisi segregatio, & dissolutio humidi à sicco: etenim cum generatio, inquit, fiat per unionem humidi cum sicco, putredo quæ ei opponitur fit per dissolutionem, & secretionem humidi à sicco: & quoniam humidum & siccum dicuntur esse materia compositorum, ea propter talis dissolutio humidi & siccum dicitur esse corruptio secundum partem, id est secundum materiam, dicitur quæ recessus à propria natura, quia tunc natura, & materia separatur, ob quam separationem fit putredo, & corruptio, sed hæc profecto summa dementia est. quia secundum Aristotelem in hoc contex. hæc putredinis differentia competit elementis, iam uero putredo elementorum non fit per dissolutionem humidi à sicco, quoniam cum dissoluitur humidum à sicco fit puluis, & terra, modo cum putrescunt aer & aqua non remanet puluis, & terra ita quæ putredo hæc quæ dicitur corruptio secundum partem non fit per dissolutionem humidi à sicco, præterea tantum adest ut per dissolutionem humidi à sicco elementa putrescant, & recedant à sua natura, ut potius ad suam naturam maxime reuertantur, quod de terra ipsa facile probatur, nam cum in terra ipsa dissoluitur, & disungitur humidum à sicco remanet propria natura terra, & cum miscetur terra cum aliena qualitate ut pote cum calido & humido, tunc degenerat, & à sua natura secedit, quia sua natura consistit in frigido & sicco, præterea decipitur uir iste, quia supponit hanc putredinis differentiam simplici generationi aduersari, quod tam falsum est, quam quod falsissimum, quia hæc putredo competit elementis, sed putredo quæ competit elementis non opponitur generationi simplici inibi definita, quia sub ea definitione non continetur generatio elementorum ut proprio cap. probatum fuit, ea propter quod alii moderniores dixerunt quod huiusmodi putredo nil aliud est, nisi cor-

ruptio caloris naturalis in humido in parte rei: verba enim eorum sunt hæc, scilicet secundum partem dixit, quando pars quæpiam mixti aliqua ex causa corrumpitur, reliquis non statim corruptis partibus, & quod intantū corrupta pars ea pars ut à natura discedat, quæ nil aliud est, quam calidum ipsum nativum in unoquoque humido, hæc isti. quæ sententia & Alexandri, & Olimpiodori extitisse videtur, nam ea verba exponens Olimpiod. quæ dicunt, [atqui putrescunt cum à propria natura recedunt] inquit, idest cum caliditas domestica, & familiaris seclusa fuerit à composito caterum, & ista opinio ab Aristotele dissentit, quoniam huiusmodi putredo competit elementis, atqui putredo quæ competit elementis non est corruptio proprii & naturalis caloris, quia non in omnibus elementis reperitur proprius, & naturalis calor, ut in terra, & aqua: quare huiusmodi putredo non dicitur recessus à propria natura, quia recedat à proprio, & naturali calore. præterea ut dicebamus supra, elementa quæ hac putredinis differentia putrescunt, tantum abest ut per recessum à calore putrescant, & intereant, ut potius ad propriam naturam, & temperamentum accedant, ut patet de terra, & aqua, à quibus cum caliditas secluditur, ad puritatem, & temperiem suam accedunt. quinimmo cum aliena caliditate & humiditate commiscantur, tunc recedunt à propria natura, & consequenter putrescunt.

#### Dilucidatio primi capituli.

**N**OSTRÆ autem sententia ea est, quod hæc putredinis differentia est corruptio secundum partem, declarans autem Philosophus quid per hoc intelligat, inquit, recessum à propria natura, ita ut idem sit corrupti secundum partem, & recedere à propria natura, & hoc sit expositivum illius, per recessum autem à propria natura non intelligitur dissolutio humidi à sicco, nec recessus proprii, & naturalis caloris, sed recessus à proprio temperamento quodcumque illud fuerit, siue fuerit frigidum & siccum, ut terra, siue frigidum & humidum, ut aqua, siue calidum & humidum ut aeris: cum enim hæc à suo temperamento recedunt, secundum partem corrumpi dicuntur, nomine partis non intelligendo aut partem substantialem, aut quantitativam, sed (ut ita loquar) qualitativam, & tunc putrescere dicuntur. talis autem putredo propriæ ab Arist. dicitur, non quia vera, & propriæ putredinis sit, ut temere dicunt nonnulli, male diffinitionem illam (propriæ) intelligentes, quia vera & propria putredo mixtorum perfectorum passio est. & quæ contrarium est commune generationi mixtorum, quæ de hac putredinis differentia verificari non possunt, sed accipitur (propriæ) pro eo quod est peculiariter, unde nonnulli textus legunt, singulariter, ut sit sensus, atqui in his

quæ corrumpuntur secundum partem, & recedunt à propria natura, & à proprio temperamento reperitur quidam proprius, & peculiaris modus putredinis diuersus à modo putredinis eorum, quæ corrumpuntur secundum totum. qui quidem modus subintelligito neque generationi opponitur, neque est, passio mixti, ut mixtum de quo, sermo habetur, nunc ad secundum & tertium caput accedamus.

### Secundi, & tertii capitis dilucidatio.

**C**OMPETIT autem modus iste putredinis elementis, nam inquit, quia propter & cetera omnia elementa putrescunt excepto igne, & sane hunc in modum ab Arist. insertur, quæ secundum partem corrumpuntur, & à propria natura recedunt, talia putrescunt, sed elementa uno excepto igne secundum partem corrumpuntur, & à sua natura recedunt, quia propter elementa omnia, igne excepto, putrescunt. similiter & animalium humores ex quibus febres ortum habent hoc modo dicuntur putrescere, cum à propria natura, & temperamento recedunt. & quò magis atque magis à sua conditione, & temperamento declinant, eo magis putrescunt. ita ut quandoque ad suam temperiem & naturam uix reduci queant: unde in febribus pestilentibus ingens illa putredo nil aliud est nisi summus humorum recessus à proprio temperamento, qui interitus etiam dicitur secundum partem: huius autem putredinis ratio maximè diuersa est à ratione & modo illius putredinis, quæ mixtorum generationi opponitur, si quidem elementorum putredo sit per commixtionem alienæ caliditatis, & per commixtionem maiorum uaporum: aer enim putrescit per commixtionem maiorum uaporum. pariter, & aqua per commixtionem alienæ caliditatis, & humiditatis, & secretio, & dissolutio ab his est reditus eorum ad propriam naturam, atque temperiem. & hoc est quod Arist. inquit, in tex. aer enim, aqua, & terra putrescunt, quia sunt materia ignis, hoc est, quia commixtionem igneæ portionis, & alienæ caliditatis recipiunt, & patiuntur. putredo uerò quæ corruptio est secundum totum, & generationi mixtorum opponitur fit per dissolutionem humidi à sicco propter defectum caloris naturalis, sicuti generatio ei opposita fit per unionem, & mixtionem humidi cū sicco ex prae dominio caloris. Ignis uerò, nunc ad tertium deuenio, inter cetera elementa non putrescit, quia nec alienæ caliditatis, nec aliorum uaporum commixtionem admittit, & patitur, sed omnia dissipat, & consumit: nam sicut cetera elementa ut inquit Philosophus, ideo putrescunt, quia sunt igneæ portionis materia, igitur per oppositum ignis non putrescit, quia non est materia aliorum, hoc est, quia aliorum commixtionem secum non admittit, & proinde à naturali constitutione, & temperamento non rece-



dit, sed dicitur, non solum ignis non putrescit inter elementa, sed etiam aer ex Aristotelis autoritate in lib. de lon. & bre. vita, ubi inquit, quod ideo pingua non putrescunt, quia aeris sunt, igitur non putrescit: respondetur quod illa Aristotelis autoritas non dicit impossibilitatem, ita ut aer nullo modo putrescat similiter & quae pingua sunt, sed dicit difficultatem, quia difficilius putrescit aer, quam cetera duo elementa, ut terra, & aqua: quia cum & ipse caloris particeps sit sicut & ignis, aliquo pacto resoluit alienos vapores, sed quoniam non ita potens est sicut ignis calor, non potest illos unde quaque dissolvere, atque consumere, & proinde à putredine ut ignis omnino liberari, & vindicari non potest. iam ergo habes quid sit putredo quae dicitur corruptio secundum partem, & quomodo proprie dicatur putredo, quod competit elementis, igne excepto: & quomodo, & quare ignis non putrescit, quid autem sit putredo quae generationi mixtorum opponitur, & quae corruptio est secundum totum, his explicat verbis.

Putredo autem est corruptio propria, & naturalis caliditatis in unoquoque humido ab aliena caliditate, haec autem ambientis est.



**V** M eã superius explicasset putredinis differentiam, quae corruptio est secundum partem modo in hac contextus particula de ea agit putredine quae naturalis interitus finis est, & quae mixtorum generationi opponitur, de qua libro quarto Meteo. praecipua est intentio, dicitque, putredo autem est corruptio caloris &c. quasi dixerit, nisi est & putredo, quae est corruptio secundum partem generationi minimè opponitur: putredo autem, quae scilicet mixtorum generationi opponitur, est corruptio caloris proprii, & naturalis &c. cuius sanè putredinis definitio, & natura celebrata plurimum est, sed adeò perobscura, & concisis verbis ab Arist. explicata ut Graeci: & Com. eam potius subodorarint, quàm exactè explicarint: alii autem posteriores Philosophi, & Medici ad hac usque tempora licet de ea copiosè tractare voluerint, adeò tamen confusè, & malè, ut errandi potius occasiorem, & tenebras magis, quàm lucè aliquā attulisse videantur. ea propter decrevimus nos eandem causam agere, conabimurque (sacrauto Deo) ut eius natura aperiat, & Aristotelis sententia conspicua reddatur, quae in re dilucidanda, quatuor à nobis peragenda sunt: primo, quidem, quae uia huiusmodi definitio inuenta sit: secundo, definitio ipsa explicabitur, & dubitationes aduersus eam persoluentur: tertio, modus putredinis aperietur. postremo causae à quibus dependet, considerabuntur, sed ut ad id redeamus & à prin

cipio propositum fuit, sciendum, quod hæc putredinis definitio duas habet prin-  
 cipes partes, prima est, putredo est corruptio caloris proprii, & naturalis in  
 unoquoque humido: secunda est, ab aliena caliditate qua ambientis est, prima  
 quidem pars inuenta est, atque deducta ex eo principio quod ab Aristotele  
 acceptum fuit in contex. 3. illud autem est, simplici generationi opponitur pu-  
 tredio: iam uero cum generatio mixtorum fiat ex predominio caloris supra hu-  
 midum, igitur putredo que ei opposita est, fit propter defectum caloris in hu-  
 mido, opposita enim mutationes oppositis modis fiunt: et sicut in generatione  
 mixtorum & predominio caloris fit terminatio, & humidi cum sicco, ita per  
 oppositum in putredine propter defectum caloris fit dissolutio humidi à sicco,  
 & propterea que putrescunt primo fiunt humida, deinde sicca & arida, un-  
 de cum Philosophus in tex. 3. iecisset hoc principium, simplici generationi op-  
 ponitur putredo, ex hoc inferebat naturam putredinis, dicens, fit autem cor-  
 ruptio, & putredo cum id quod terminatur, quod humidum est, dominatur, et  
 superat. terminantem calorem propter ambiens, ex his enim facta erant, &  
 terminatum fuit humidum sicco operantibus, & dominantibus actiuis: ita-  
 que ex hoc principio, atque ita per uiam à contrario inuenta, atque deducta  
 fuit prima pars definitionis: secunda uero pars inuenta, & deducta fuit per  
 uiam signi, nam fieri à calore ambientis pluribus signis demonstratum fuit,  
 quorum primum fuit ex temporibus anni, quia per hiemem, frigidioraque  
 tempora mixta minus putrescunt, quam per æstatem, quia ex ignis est per hie-  
 mem calor in continente aere, & aqua, quare modicum, aut nihil pollet, æsta-  
 te autem maior, & ex aliis sequentibus signis, & ex his hæc putredinis defi-  
 nitio deducta est. ex quo sequitur quod definitio ista non est formalis, sed  
 causalis, nam cum ex hoc principio deducta sit, [simplici generationi oppo-  
 nitur putredo] sicut uictoria, & dominium caloris supra humidum est defi-  
 nitio causalis, hoc est generatio mixti fit propter dominium caloris, ita ista  
 putredo est corruptio, caloris est definitio causalis, hoc est, putredo fit propter  
 corruptionem, & defectum caloris. ceterum animaduertant studiosi quod non  
 est causalis eo modo quo dicunt quidam huius Academiæ Philosophi qui no-  
 lunt quod sit causalis immediatè respectu termini, utpotè respectu interitus  
 forme substantialis mixti, si quidem non solum est causalis respectu termini,  
 sed etiam respectu uis ad terminum: uia autem hæc est dissolutio humidi à  
 sicco, que corruptionem substantie antecedit, & ad corruptionem & defe-  
 ctum proprii caloris immediatè sequitur. nam sicut in generatione cui oppo-  
 sita est putredo tria hæc per ordinem sese consequuntur dominium caloris su-  
 pra humidum, & est dispositio agentis: ad dominium autem caloris sequitur  
 terminatio. & unio humidi cum sicco, que est dispositio materie, ad hanc au-  
 tem sequitur introductio forme substantialis, ita in putredine, & naturali

mixtorum interitu generationi oppositio tria hæc reperiuntur, et seinuicem p ordinē consequuntur. primo quidem est corruptio, et defectus caloris proprii, & est opposita dispositio caloris agentis in generatione, ad defectum proprii caloris sequitur dissolutio passiuarum ut humidi à sicco, quæ est opposita dispositio materie, & passiuarum qualitarum in generatione: & proinde, notet studiosi, quia hæc supponit corruptionem & caloris defectum. Aristoteles deficiens putredinem non definiuit eam uel per dominium humidi, uel per dissolutionem humidi à sicco, sed per interitum caloris naturalis, ex quo sequitur dominium humidi aut dissolutio eius à sicco: ad hanc aut sequitur corruptio substantie mixti, ita quod sicut in generatione uictoria, & dominium caloris supra passiuas est definitio causalis non solum respectu termini, sed etiam respectu uia ad terminum, quæ uia, est terminatio passiuarum. ita in putredine corruptio caloris proprii non solum est causalis respectu termini, sed etiam respectu uia ad terminum, quia ad defectum caloris immediatè sequitur dissolutio passiuarum: & ex utraque definitione ut ex illa quæ est dispositio agentis, & defectus caloris, & ex illa quæ est dispositio passiuarum, & dissolutio humidi à sicco fit una totalis definitio causalis & propter quid respectu corruptionis substantie mixta, quæ est definitio dicens quid, & proinde sicuti generationis definitio tradita fuit ab Aristot. pro uia iuncta termino, pariter & putredinis definitio quæ ei opposita est. quibus sic explicatis, nunc secundum aggrediamur.

### Putredinis definitio explicatur.



**E**X quibus putredinis definitio deducatur, qualisue sit, superiori capite declaratum fuit, nunc superest ut singulas definitionis particulas explicemus, quæ sanè opus habent, cum non rectè hactenus fuerint explicata. et primo occurrat illa particula explicanda, putredo est corruptio caloris, quid per corruptionem caloris intelligatur: aut enim per corruptionem caloris intelligitur corruptio simpliciter, aut mutatio caloris ab esse naturali ad esse præter naturale. cui dubio respondentes, dicimus, quod per corruptionem caloris non intelligitur corruptio simpliciter, nec ea mouemur ratione qua mouetur Bucas. quia corruptio quæ ab esse ad non esse fit subito, hæc autem caloris corruptio non fit subito, sed in tempore, quia cum subiecto maioris fiat oppositum prædicati: primæ enim qualitates elementorum in mutua eorum transmutatione simpliciter, & absolute corrumpuntur, & tamen illarum qualitarum corruptio non fit subito, sed in tempore, sed mouemur ipsius Aristotelis testimonio sub finem capitis



capitis de putredine, ubi ita scribit, In his quæ putrescunt animalia fiunt, propterea quoddam segregata caliditas naturalis existens facit constare segregata in quibus uerbis apertissime indicat, quod in putredine remaneat caliditas quæ congregat, & unit humidum quod dissoluitur cum sicco pro generatione illorum animalium, & licet sit præter naturalis respectu mixti quod putrescit, quia non potest amplius illud humidum terminare, & quasi manu tenere pro conseruatione mixti, est tamen naturalis, & potens respectu illius humidum quod dissoluitur, quod illorum animalium quæ oriuntur materia est. itaque corruptio caloris non est corruptio simpliciter: erit ergo mutatio caloris ab esse naturali, ad esse præter naturale, unde non male (meo iudicio) nonnulli textus ita legunt, Putredo est corruptio quedam caloris, hoc est non corruptio simpliciter caloris, sed mutatio ab esse naturali ad esse præter naturale. sed quoniam mutatio ista bis. fieri potest, uel quo ad intensionem, uel quo ad diminutionem, dubium est, an ista caloris mutatio sit quo ad intensionem, uel quo ad diminutionem. communis extat opinio quoddam caloris corruptio sit mutatio ad maius, & quod ad intensionem, ut sit sensus proprii. cuius ea sanè ratio esse potuit, quia corruptio hæc caloris, ut inquit Philosophus, sit à calore ambientis, sed calor non diminuitur à calore, sed potius intenditur, & augetur: quoniam simile non diminuitur à simili sed potius adaugetur: igitur corruptio caloris à calore ambientis non est diminutio, sed intentio; tamen opinio ista communis sit, & quasi omnium, attamen falsa est, & ab Aristotele aliena, quod in primis ex eo probatur principio, ex quo pars ista deducta fuit, nam ut dictum fuit pars hæc ex eo principio deducta fuit, simplici generationi opponitur putredo, iam uerò generatio est uictoria, & dominium caloris humidum terminantis, igitur putredo generationi opposita est in potentia, & defectus caloris qui iam pridem humidum terminabat, quinimodò hoc apertissime declarauit Aristoteles in context. 3. eodem innixus principio dicens. putredo fit humido dominante supra calorem propter ambiens. igitur corruptio caloris supponit dominium humidum, sed corruptio caloris quæ supponit dominium humidum non est intentio, & adauctio caloris supra humidum, sed diminutio, etenim si corruptio caloris ab ambiente calore esset intentio caloris proprii supra humidum, tunc putredo non fieret humido dominante supra calorem, sed e contra, calore dominante, & supra humidum maxime adauctio, præterea id probatur ex uerbis Aristoteles. qui ita scribit, exente. n. calore secum attracto humidum naturale. quibus uerbis ostendit quoddam corruptio caloris fiat per exitum, & euaporationem, atqui exitus, & euaporatio caloris proprii à centro ad circumferentiam, non est intentio, sed diminutio: igitur corruptio calo-

ris proprij non est intensio caloris, sed diminutio: postremo probans Aristoteles putredinē, et corruptionē caloris proprij fieri à frigiditate interna, hoc utitur ratiocinio, putredo est corruptio caloris proprij, sed corruptio caloris est intensio frigidi, igitur putredo fit à frigido, uerba Aristotelis hac sunt, in quibus stat discursus, quoniam indigentiam patitur calidi, indigens autem tali uirtute frigidum est. amba utique cause erunt, & putredo communis passio est externa caliditatis, & internæ frigiditatis, hæc Aristoteles. iam uero si corruptio caloris proprij est intensio caloris, tunc illa propositio Aristotelis quæ dicit, corruptio caloris proprij est intensio frigidi, erit falsa, quia ad intensiorem caloris sequitur remissio & diminutio frigidi, non autem intensio: & ita Aristotelis potius probaret oppositum, quam propositum, quia si corruptio caloris à calore ambientis est intensio caloris, cum intensio caloris sit remissio frigidi, igitur internus calor mixti corrumpere frigidum, non autem frigidum corrumpere calidum, quod tamen Aristoteles probare instituit. Concludimus itaque contra communem opinionem quod corruptio caloris sit defectus, & diminutio, non autem intensio: sed quoniam hæc caloris corruptio fit, ut inquit Philosophus, à caliditate externa, & à frigiditate interna, à calore autem externo non fiat nisi secundum quantitatem, quia cum fiat exeunte calore à centro ad circumferentiā per exitum, & egressum non corrumpatur secundum gradum: sed secundum quantitatem, ut si in mixto sit calor igneus quatuor unciarum si exeat unanctia, dicitur diminui secundum quantitatem. igitur huiusmodi corruptio & diminutio caloris à calore ambientis est secundum quantitatem: & quoniam fit etiam à frigiditate interna, calor autem à frigiditate secundum gradum corrumpatur, & diminuitur, igitur huiusmodi diminutio caloris est etiam secundum gradum: quare putredo est corruptio, hoc est diminutio, & defectus & secundum quantitatem, et secundum gradum: secundum quantitatem à calore ambientis, secundum gradum à frigiditate interna, quæ concurrit in genere cause efficientis ut infra demonstrabimus: nec officit ratio in contrarium allata, nam cum dicebatur, calor à calore non diminuitur, sed augetur. respondetur, quod calor per se augetur à calore, per accidens autem diminuitur per extractionem à centro ad circumferentiā, ut contingit per astatem in animalibus, in quibus internus calor diminuitur à calore ambientis, quia extrahitur ab internis ad externas corporis partes, uel per consumptionem nutrimenti sicuti contingit in extinctione minoris flammæ à maiore flamma: dum enim maior candelæ accensa adiuuetur minori candelæ maior extinguit minorem, quia maior absumit ei pabulum, et nutrimentum quod preparatum est, ad cuius defectum deficit & calor: in putredine autem calor internus diminuitur ex accidenti à calore ambientis, quoniam ab eo extrahitur, & egreditur, quod sanè egredien-

te diminiuitur, & intrinsecus imbecillior redditur, nomine autem caloris nō intelligitur substantia calida uaporoſa ex ſanguinis tenuiore parte genita, ut temere cenſuit ille Buccaf. quia putredo eſt corruptio illius caloris qui in generatione humido dominatur, ſed calor qui in generatione dominatur, humidumque terminat, eſt calor, qui eſt qualitas elementaris, quia generatio eſt opus actiuarum qualitatum quæ ſunt cauſa elementorum, ut inquit Philoſophus in text. illo primo quarti Meteo. igitur putredo eſt corruptio caloris, qui qualitas eſt, non autem ſubſtantia illa calida ex tenui ſanguinis parte genita.

Quid per proprium, naturalemque calorem.  
Philoſophus intelligat.




N horum uerborum expoſitione uarij ſunt d'cendi modi, ſed ne minima quaque in re aliorum dicta perpendere uideamur, Conteranei mei Sebaſtiani Paparella expoſitionem ſolum in medium afferemus, qui tertio ſuo libro de calore præter naturali cap. 5. hæc uerba exponens, inquit, Ariſtotelem per calorem propriū intelligere propriam uniūſcuiusque membri calidā cōplexionē in qualitatis prædicamento repositam, p̄ naturālē uerō calorē formā ſubſtantialem mixti corporis uiuentis. ſed cum ſupportatione expoſitio iſta non eſt ad Ariſtotele, quia ut nuper diximus aduerſus Buccaf. in putredine calor ille naturalis corripitur, qui iam pridem in generatione humidum terminabat, ſed ille qualitas eſt, igitur nomine caloris proprii, & naturalis qualitas intelligitur: præterea eſt quod nomine caloris naturalis forma ſubſtantialis intelligeretur, non tamen accipi poteſt pro forma ſubſtantiali mixti uiuentis, ut inquit, quoniā putredo non eſt paſſio mixti uiuentis, ſed mixti ut mixti ut mixtum eſt. non. n. uiuentia, ſed quæ iam uita orbatæ fuerunt p̄ putre dinem intereunt. Nos itaque ſententiam noſtram afferamus, quæ ut conſpicua fiat, illud ad memoriam reuocare oportet, quod generatio eſt tranſmutatio paſſiuarum qualitatum à calore dominante. generant. n. calor, & frigus, dicebat Ariſt. cum dominantur, ſed licet calor in generatione paſſiuis dominari debeat, non tamen ſub æquali gradu in omnibus mixtis paſſiuis dominatur, ſed ſub aliâ, & alia proportionē, & menſura: nam ſub aliâ menſura dominatur in oſſe, & ſub aliâ in carne, & ita de alijs, ut in auro, & argento: iam uerō quatenus calor dominatur paſſiuis qualitibus, dicitur naturalis, ne eſt ipſuſmet Ariſtotelis ſententia eo quarto Meteo. cap. de coctione in genere, ubi ita ſcribit: Humiditas enim eſt quæ terminatur



à naturali calore: quandiu autem in eo est ratio, & proportio supra humidum, naturalis est. ex quibus uerbis clarum est, quod calor dicitur naturalis quatenus supra humidum dominium habet, quod à calore terminari debet: cum autem amplius humidum nec superat, nec terminare ualet, præter naturalis dicitur, quatenus uero sub tali determinata mensura, & gradu diminuitur passiuus in hoc, & illo mixto proprius dicitur huic, & illi mixto: in putredine uero corrumpitur calor naturalis, & proprius: naturalis quidem, quia non amplius dominatur humido sicut in generatione, sed potius e contra humidum dominatur calori: proprius uero quia non manet amplius sub ea mensura, quæ erit illi mixto proportionata. Sed dicitur, cur Aristotele in definitione putredinis præmittit proprium naturali, dicens, Putredo est corruptio caloris proprii, & naturalis, in definitione uero coctionis præmittit naturalem proprio, dicens, Concoctio est perfectio à calore naturali, & proprio: scito, id maxima cum ratione, & non fortuito ab Aristotele factum fuisse, quia in putredine prius corrumpitur calor, ut proprius: deinde ut naturalis, ideo præmisit proprium naturali. quod autem in putredine prius corrumpatur ut proprius & commensuratus, ex eo patet, quia si sit mixtum aliquod, cuius calor proprius & proportionatus sit, ut quinque, si duo gradus, aut tres illius caloris corrumpantur, calor non est amplius illi proprius, & proportionatus, quia per casum erat, ut quinque, & cum corruptus fuerit secundum illos tres gradus non amplius dominatur passiuus, & tunc corruptus est, ut naturalis. & ita in putredine prius corrumpitur, ut proprius, deinde ut naturalis. in generatione autem & coctione opposito modo sese habet, quia prius est naturalis, deinde proprius, quia prius calor passiuus dominari debet, & postea fieri debet commensuratus, & proinde in definitione concoctionis proprio naturalis præmittitur: talis autem corruptio caloris proprii, & naturalis fit, inquit, in unoquoque humido siue sit aerium, siue aqueum: nam sicut in generatione calor domiatur, & potens est ad terminandum unumquodque humidum, & aerium, & aqueum, ita per oppositum in putredine fit diminutio, & impotentia caloris respectu uniuscuiusque humidi, ita ut amplius nec humidum aerium, nec aqueum terminare queat. Et quoniam declarandum erat à quo fiat hæc caloris naturalis corruptio, ideo subdit dicens, ab aliena caliditate, hæc autem ambigens est, qua in parte declarat primam putredinis efficientem causam, dico primam, quoniam ambientis caliditas non est totalis, & adæquata putredinis causa, quia ut inquit ipsemet, putredo est communis effectus externa caliditatis, & interna frigiditatis, sed est præcipua, & origine prior, quæ sit interna frigiditas: per hanc autem particulam distinguitur putredo à naturali annuatorum interitum, quia putredo fit ab extrinseco, ut à calo

re ambientis. Adde, & per actionem internam frigiditatis in calorem naturalem, naturalis autem animatorum interitus, ut mors naturalis animalium non fit ab extrinseco, neque fit per actionem contrarie qualitatis in calorem naturalem, quicquid dixerit Auer. 3. Ca. 31. sed solum fit per impotentiam refrigerandi calorem arefactis propter temporis longitudinem in piscibus branchiis & pulmone in aliis animalibus, in stirpibus uero & plantis fit ariditas propter humidam resolutionem, ad cuius defectum dissoluitur, & narcescit calor, abque concursu agentis externi, aut actionis contrarie qualitatis internae, sicut contingit in putredine, sed quid per calorem ambientis intelligat considerandum est,

Quid per alienam caliditatem quae ambientis est,  
Philosophus intelligat.



**O** M M V N I T E R Philosophi, & Medici arbitrati sunt per calorem ambientis non solum intelligere calorem aeris aut aquae, sed calorem cuiuscumque rei ambientis corpus sicut sunt uapores, & fuligines, quae à corporibus nostris eleuantur: quae quidem cum non sint propriae humoris quem ambiunt, sed tanquam res externae, unum habent ambientis, atque externi calidi: sed hic est alius communis error, ad haec usque tempora per manum traditus. quia Philosophus partem istam pluribus signis probans, quid per calorem ambientis intelligat seipsum exponit: & primo id probans ex temporibus anni, sic inquit, Mixta minus per hiemem quam per aetatem putrescunt, quia per hiemem exiguus est calor in ambiente aere. & aqua: itaque per ambientis calorem solum intelligit calorem aeris, & aquae, non autem fuligines, & calidos uapores in corpore clausos. quod si per calorem non solum intelligeret calorem aeris, & aquae, sed etiam fuligines, & calidos illos uapores, tunc Philosophus in assignando causam quare mixta minus hieme, magis autem aestate putrescant, non assignasset causam communem & adequatam, nempe praeter calorem aeris, & aquae concurrant etiam fuligines, & calidi uapores. quod utique confirmat secundum signum à concretis corporibus desumptum, in quo sic inquit, [ & neque quod congelatum, magis enim frigidum, quam aer calidus, non igitur obtinet, mouens autem abtinet, ] addit & tertium, dicens (neque feruens, aut calidum ) minor enim quae in aere caliditas, quam quae in re, & simili-

Et in alijs signis, cum itaque Philosophus per calorem ambientis semper  
 exponat calorem aeris, & aque, & ad isthac duo putredinis causam refe-  
 rat, igitur per calorem ambientis solum intelligit calorem aeris, & aque,  
 quæ ex accidenti calida est, non autem fuligines, & calidos illos vapores  
 in corpore retentos, ut dicit communis opinio ad Aristotelis probationem  
 non respiciens. præterea à fuliginibus, calidisque vaporibus non fit remissio,  
 neque diminutio caloris naturalis neque secundum quantitatem, neque se-  
 cundum gradum, sed potius intensio, & adauclio ut patet in febribus putri-  
 dis, in quibus, ut inquit Galenus, igneus efficitur, & plus iusto augetur. sed  
 corruptio caloris naturalis à calore ambientis, est diminutio, & mutatio ad  
 minus: igitur hæc corruptio caloris naturalis à calore ambientis non fit  
 à fuliginib., calidisque vaporibus, & per consequens sub caliditate ambien-  
 tis neque fuligines, neque calidi vapores continentur. adde, qd corruptio ca-  
 loris naturalis à fuliginib. eleuatis fit p prohibita transpirationem, quia cū  
 fuligines que in nostro sunt corpore perspiratum non hēnt: alterant calorē  
 naturalem, & igneum reddunt, ut inde febres exoriantur, sed putredo ab  
 Aristotele definita fit per exitum, & uaporationem caloris naturalis, ut  
 supra dictum fuit, & infra magis patebit. igitur non fit à calidis illis uapo-  
 rib., & p cōsequens, ut supra, sub aliena ambientis caliditate non conti-  
 nentur. illud bene uerum est, qd putredo illa quæ dicitur corruptio secundū  
 partem, & recessus à propria natura quæ humorib. competit ex qua pu-  
 tride febres oriuntur, à calidis uaporib., & fuliginibus efficitur: sed hæc  
 maximè diuersa est à putredine ab Arist. definita, quia hæc est corruptio  
 secundum totum, & opposita generationi mixtorum: illa uerò nequaquam.  
 sed isti omnia confundunt. cæterum hæc in parte ab Argenterio redargui-  
 tur Arist., quod non declarauit naturam, & qualitatem huius alienæ ca-  
 liditatis putrefacientis. Addimus nos quod ex eo quoque redarguendus ui-  
 detur, qd non declarauit proportionem huius caloris putrefacientis sicut  
 fecit in generatione, sed ab his Aristoteles facillè iudicari potest. Et ad pri-  
 mam Argenterii nos dicimus, quod utique declarauit qualitatem caloris pu-  
 trefacientis, nam cum dixit, quæ putrescunt primo fiunt humida, deinde sic-  
 ca, & arida, & quod corruptio caloris naturalis fit per exitum, & euapora-  
 tionem, quis est tam mentis impos, qui non uideat Aristotelem uoluisse  
 quod caliditas putrefaciens sit caliditas humida, quæ aperit, & relaxat, &  
 proinde reddit corpus aptū exhalationi caloris naturalis, & recessui eius  
 ab humido: nec opus fuit ut declararet præter naturale esse ut optat. Argē-  
 terius, quia cum sit calorem naturalem corrumpeus, & faciens recedere à  
 suo naturali statu, quis dubitat quod est præter naturā, & modum excedēs.  
 Soluitur & alia, quod Aristoteles uirtute quadam huius alienæ caliditatis



proportionem declarauit, nam cum sit corrumpens proportionem dominantis habere debet, non enim corrumpens est, nisi alteri dominetur uel dicito Aristotelem proportionem huius aliena caliditatis declarasse in probatione illius particule, nam causam reddens quare minus per hiemem corpora putrescant, magis autem per aestatem, causa inquit, est, quia minor per hiemem calor est in ambiente, maior autem per aestatem, & similiter in aliis sequentibus signis, & hac est putredinis definitio ab Arist. tradita, quae tres causas continet, formam, cum dicit corruptio caloris, materiā in unoquoque humido, efficientem primam, ab aliena caliditate.

### Quid putredo sit apud Galenum.



**GALENVS** 11. Metheo. cap. 8. hunc in modum putredine definit, putredo est mutatio ad corruptelam totius substantie putrescentis ab externa caliditate, dixit corruptio totius substantie ad differentiam corruptionis secundum partem, et recessus a proprio temperamento quae humoribus competit, ex quibus putride exoritur: huiusmodi enim non est corruptio secundum totum cum ad propriam naturam redigantur, dixit, [substantia putrescentis] ut censet, ut ostenderet quod putredo non est corruptio totius substantie ut limens est, sed mixti, quod est substantia putrescens, (ab aliena caliditate) ut ostenderet effectricem putredinis causam. Quae sane definitio, ab ea quae ab Arist. tradita est, non distinguitur nisi per res hoc, quia putredo a Galeno definita est putredo pro termino, quae uero ab Aristotele definita, est pro alteratione & pro uia iuncta termino, ex quibus fit una integra & perfecta putredinis comprehensens definitionem pro uia, & pro termino, & dicentia Quid, & propter Quid, quae huiusmodi est, putredo est corruptio totius substantie putrescentis facta propter corruptionem caloris proprii, et naturalis in unoquoque humido ab aliena caliditate, hinc soluitur temeraria Argenterij in Aristotelem accusatio, quod dixerit putredinem caloris corruptionem esse, cum tamen non caloris, sed substantie corruptio sit. soluitur inquam, quia Aristoteles non definiuit putredinem pro termino, ut fecit Galenus, sed pro uia iuncta termino, atque praua alteratione, & promde dixit esse corruptionem caloris, quae est definitio causalis, & propter quid respectu definitionis tradita a Galeno: non enim adeo stupidus fuit Aristoteles quin uouerit, quod putredo est substantia mixta corruptio, sed quia uidebat substantiam corruptionem supponere, & dependere ex dissolutione passiuarum, hanc autem dependere ex caloris naturalis terminantis interitu, ea propter per caloris interitum defini-

nitionem totam, si putredinis definitio uera esset, sequeretur quòd putredo nò distingueretur à combustione aduersus Aristotelem ipsum. deducitur consequentia, quia combustio etiam est corruptio caloris proprii, & naturalis in unoquoque humido ab aliena caliditate: igitur eadem erit combustionis, & putredinis definitio, sed quæ definitione conueniunt eadem sunt: igitur combustio & putredo unum & idem erunt; hæc sunt quæ putredinis euertere & demoliri uidentur. Caterum isthac quæ aduersus Aristotelem afferuntur nullo quidem negotio à nobis persolui possunt. & prima illa ratio Argenterij leui profecto hominè digna est: non enim est idem calor qui corrumpit, & qui corrumpitur: qui enim corrumpit externus est, atque ambientis: qui uero corrumpitur internus est. proprius, & naturalis. et quòd nam absurdum est obsecro si ab externo internus, si ab immoderato moderatus corrumpatur? solum ergo concludit argumentum quòd cum putredo sit à calore ambientis non est eiusdem corruptio, sed alterius, utpotè interni, & naturalis. Ad secundam autem dicimus, quòd putrescere, & corrumpi utique passionem significant. & cum dicebatur calorem esse qualitatem actiuam, & non passiuam. respondetur, quòd ista propositio non est ita ad inuicem rescandenda, ut intelligatur, quòd caliditas ita agat ut nullo modo patiatur, quia caliditas in frigiditatem agens in agendo repatitur, & aliquando à frigiditate corrumpitur: si enim esset, scribit Aristoteles primò de Generatio. 5. 5. caliditas abiuncta à materia, ageret, & nihil pateretur, sed cum materia concreta sit, quæ radix est, & causa passionis, ut in eodem loco scribit, dicens, materia secundum quòd materia passiuum est, patitur, & corrumpitur, sed propositio illa ita ab Aristotele intelligitur, quòd caliditas una cum frigiditate agens est, & non patiens. quò ad secundarias operationes, utpotè quo ad terminare, & copulare, nam hæc terminant, & non terminantur, sicut contrà siccitas, & humiditas patientes sunt & non agentes: quia terminantur, & non terminant: & hæc est germana Aristotelis sententia circa propositionem illam, quam non intellexit Argenterius, nec Remigius Aristotelem defendens. tertia autem dubitatio tanti momenti fuit ut Zimara in eam uenerit dementiam, ut dixerit, mixta adæquatum principium actiuum suæ naturalis corruptionis intrinsecus habere, seclusa quauis actione agentis exterioris, non animaduertens Aristotelis uerba dicentis, putredinem & naturalem mixtorum interitum fieri ab aliena caliditate, quæ ambientis est. nobis autem nullum facescit negotium, & licet aliàs soluta fuerit, soluitur breuiter & nunc. & cum dicebatur, si putredo fieret ab aliena caliditate, igitur mixtum positum in uacuo non corrumpere, sed esset æternum. conceditur argumentum: ad falsitatem autem consequentis, respondetur, quòd aliqua propositio potest.

esse uera per se, quæ falsa est per accidens ex aliqua hypotesi, nam propositio ista, corruptibile non potest esse æternum est uera per se, potest tamen reddi falsa per accidens ex hac data hypotesi, nam admissio uacuo in rerum natura mixtum erit æternum: aliqua enim conditionalis potest esse uera, cuius antecedens, & consequens sunt impossibilia: impossibile enim est uacuum esse, fieri nequit corruptibile æternum esse, de Arist. sn̄a, illa tamen data hypotesi corruptibile æternū erit, quia ex impossibili sequitur quodlibet. Ad quartā autē dicimus, quod mixtum constat ex contrariis, & pugnantis qualitatibus, minimè tamen corrumpi potest per actionem contraria qualitatis ut internæ frigiditatis in internam caliditatem absq; præcedente ambientis caliditate: et ratio est ista, quæ internæ frigiditas propriā et naturalem mixti caliditatem corrumpere minimè potest nisi ei dominetur: sed internæ frigiditas internæ mixti caliditati dominari minimè potest, nisi ab ambientis caliditate prius fuerit diminuta, quæ ita diminuta, internæ frigiditas adaugetur, & supra caliditatem oppositionem acquirit. atque ita eam corrumpit, quam obrem mixta per actionem internæ frigiditatis in internam caliditatem corrumpi minimè possunt, absque præsentia ambientis caliditate. quod sanè declarauit Aristoteles his uerbis, dicens, quoniam indigentiam patitur calidi, indigens autem tali uirtute frigidum est. amba erunt putredinis causæ externa caliditas, & interna frigiditas, quorum uerborum is sensus est. quoniam putredo est indigentia, & inopia calidi, inopia uerò calidi est interfectio frigiditatis, igitur putredo fit ab internæ frigiditate: ecce quod internæ frigiditas supponit inopiam, & indigentiam caloris naturalis factam à calore ambientis. & consequenter non potest esse causa corruptionis naturalis mixti absque ambientis caliditate. Ad argumentum autem de nucibus & castaneis quicquid alii comminiscantur. nos ita respondemus, quod licet in his internæ partes putrefactæ sint, externa uerò integra, & illasæ, illa tamen putredo facta est ab externa caliditate. & pro intelligentia aduertendum, quod nucum, & castanearum, & id genus consimilium, extima partes non sunt uniformes in raritate, & densitate, sed quædam sunt rariores, quædam uerò densiores, & compactæ magis, tunc dicimus quod caliditas ambientis extimas partes calefacit, & calefaciendo partem rariorem referat, atque aperit, quæ ita referata calorem internum euocat, & extrahit, ad cuius extractionem secum quoque extrahitur, & egreditur humidum, quo exeunte intrinsecus remanet puluis per recessum humidi à sicco, & proinde in his fructibus, quæ putrescunt, nos orificum quoddam spectamus, per quod naturalis calor unā cum humido euaporat. cetera corticis extimæ partes quia sunt compactæ magis, nec rarefactioni, & dissolutioni ita perhabiles integra manent et illasæ, quæ postea temporis intervallo putrescunt, et in pul-



aeres reuertuntur. Vltima similiter dubitatio parum nos perturbat, licet semper difficilis uisa fuerit. Et cum dicebatur, si putredinis definitio esset uera, tunc putredo non distingueretur à combustione. negatur consequentia, ad probationem, eadem putredinis & combustionis definitio est, id est falsum, quin immo inter se maxime discriminantur. primo quidem: quia putredo fit deficiente, & diminuto calore interno à calore ambientis: combustio uero fit adaucto & intenso à calore ignis. secundo putredo non fit per conuersionem in naturam agentis exterioris: combustio uero fit per conuersionem in naturam ignis comburentis. tertio, putredo fit à calido humido, combustio uero fit à calido sicco: tandem putredo fit non solum à caliditate externa, sed etiam à frigiditate interna: combustio uero nequaquam, sed solum à caliditate externa: iam ergo uides quam maxima sit inter utraque differentia, quibus omnibus difficultatibus sic solutis, accusationibusque reiectis, nunc modum putredinis explicemus, quod fuit aliud in ordine propositum.

## De modo putredinis.



T quæ proposuimus ordinem teneamus, explicata putredinis definitione, dubiisque solutis, nunc superest ut putredinis modum explicemus, qua in re non conuenit apud omnes. Albertus Mag. & plurimi alii qui postea ipsum secuti sunt, huius extirere sententiæ, quod putredo fiat per intensiorem caloris naturalis supra humidum, qui adauctus, & intensior factus à calore ambientis, agit in humidum, ipsumque dissoluit, ad cuius dissolutionem, quod caloris naturalis pabulum & alimentum est, calor & ipse dissoluitur, quo dissoluto & consumpto fit putredo, & naturalis mixtorum corruptio, ita ut secundum istos in putredine isti motus concurrant, & talis sit ordo. primo quidem externus calor qui mixtum corpus ambit suam uim exercens calefacit, & calefaciendo rarefacit, & relaxat, qua relaxatione partium facta intus penetrat, & penetrando internum calorem adauget & intendit, quo intenso & ultra modum adaucto agit in humidum, ipsumque absorbet, ita ut nihil supersit alimenti idonei & preparati ad calorem nutriendum, quo absorpto deficit naturalis calor & euane citè & inde sequitur mixti corruptio. Addidere autè Buccas & Argenterius quod intensio caloris naturalis fit etiam per concentrationem & prohibitionem transpirationem caloris naturalis ratione externa frigiditytis, qua mixtum ambiens calorem naturalem intrinsecus fugat, atque propellit & mixti corporis meatus densas, & obstruens caloris naturalis & fuliginosorum uaporum pro-

habet perspiratum, ex quo fit ut calor naturalis alteretur, & plus iusto augeatur, quo ita adaucto in humidum agit. Sed horum sententia est Aristoteli omnino contraria, & primo fiet communis incurfus aduersus oēs, mox seorsum aduersus Buccaf. & Argenterium. primò quidem istorum omnium opinio falsa est, quo ad id quòd putredo fiat calore naturali adaucto, ut supra humidū dominante. quinimmo putredo fit opposito modo nempe humido supra calorem naturalem dominante, ut patet ex context. illo. 4. in quo Philosophus hæc habet, Fit autem putredo quæ generationi appositæ est, cū id quod terminatur quod humidum est, dominatur supra calorem terminantem propter ambiens. quod etiam luce clarius ostendunt, uerba illa in context. 6. ubi sic inquit: exenite enim calore proprio secum attrahit humidum naturale, ad quem locum nos sæpè recurrimus, quoniam is est qui horum dementiam ostendit, & patefacit. cum itaque corruptio caloris naturalis à calore ambientis fiat per exitum & egressum illius. cum autem egreditur calor naturalis non augeatur, sed diminuatur: igitur putredo non fit per intensiōem, sed diminutiōem caloris à calore ambientis. ex quibus Aristotelis uerbis illud quoque apertè falsum esse ostenditur humidum dissolui per actionem caloris naturalis adaucti: pariterque calorem naturalem dissolui, atque diminui ad dissolutionem humidi. siquidem Philosophus inquit humidum dissolui non per actionem caloris naturalis, sed per exitum, & euaporationem ipsius caloris, ita ut talis humidi dissolutio non habeat causam positiuam, sed priuatiuam solum, quæ est recessus caloris naturalis ab humido, ex eisdem etiam uerbis quis est tam mentis impos qui non nideat Aristotelem non uelle calorem dissolui ad dissolutionem humidi, sed potius contra humidum dissolui ad dissolutionem caloris naturalis, atque caloris naturalis dissolutionem non supponere diminutionem, sed potius humidi diminutionem: Buccaf. autem & Argenterius ab Arist. omnino dissentiunt. quia cum putredo, & corruptio naturalis corruptio fiat, ut dictum est, exenite calore: igitur non fit per concentrationem, & prohibitam transpirationem caloris: pugnant. n. ista putredinem fieri per concentrationem caloris naturalis. & fieri per exitum, & euaporationem caloris, ut dicit Arist. ex quo sequitur non fieri à frigiditate externa, quia hæc impedit & arcet euaporationem & exitum caloris. cum condenset, & obstruat: in cuius confirmatiōem accedit Aristotelis authoritas in context. 6. ubi sic inquit, putredo est communis effectus externæ caliditatis, & internæ frigiditatis, quæ sequitur inopiam & indigentiam caloris naturalis. sed isti putredinis differentias confundunt, ut illam quæ est corruptio secundum partem cum illa quæ mixtorum generationi opponitur, & quæ naturalis interitus finis est: illa. n. fieri potest per prohibitam transpirationem ab externa frigiditate ut con-

tingit in febribus putridis, hæc uerò per exitum & euaporationem caloris naturalis. Ex altera parte dixerunt alii putredinem fieri per actionem caloris ambientis in humidum : ille .n. in humidum agens ipsum attenuat, & rarefacit, quo attenuato egreditur, & euaporat. ad cuius euaporationem secum quoque euaporat, & dissoluitur naturalis calor, ad cuius dissolutionem sequitur corruptio mixti. Caterum & ista opinio falsa est. siquidem calor ambientis non est proximum & immediatum dissoluens, & corrumpens humidum, sed est immediatum dissoluens calorem naturalem : putredo .n. , inquit, est corruptio caloris naturalis à calore ambientis. præterea humidum non dissoluitur neque euaporat per actionem caloris ambientis, sed per exitum, & recessum caloris naturalis. In eo pariter errore uersantur isti, quòd calor naturalis dissoluatur, & deficiat ad defectum humidi, qua in re studiosos iuuenes commonefacimus, ut posthac communem hunc errorem aufugiant, quem etiam his temporibus publicè edoceri animaduertimus non sine maxima admiratione, quòd uidelicet in putredine calor naturalis deficiat ad defectum humidi. cuius communis erroris causa ea fuit, quia arbitrati sunt calorem naturalem bis tantum diminui atque dissolui posse. uno modo à contrario: alio modo ob defectum humidi, & alimenti: quam sententiam approbavit etiam ille Remigius in apologia Aristotelis aduersus Argenterium, quod tamè ab Aristotele apertissime dissentit, quia calor naturalis non solum diminuitur à contrario, & ob defectum humidi, sed etiam à calore ambientis per exitum & euaporationem ipsius, ut in putredine, sicut patet ex uerbis Aristotelis superius citatis. Nec offit si quis in contrarium Aristotelis auctoritatem adducat in libro de resp. morte & uita, ubi inquit calorem bis deficere, & corrumpi posse. uno modo à contrario, alio modo ob humidi defectum, quia Aristoteles intelligit in corruptione animatorum, de qua ibi sermonem habet : in hac enim illis duobus tantum modis calor naturalis deficit, & corrumpitur. uel dicas alio modo, quòd intelligit de corruptione, & diminutione caloris naturalis secundum gradum, sed secundum gradum.

&

quantitatem si solum illis duobus modis deficit, & diminuitur, sed per exitum etiam & euaporationem ut in putredine, & naturali mixtorum interitu contingit.




## De modo putredinis opinio propria.



**R**E I E C T I S aliorum opinionibus, nunc uerum, & Aristoteli consentaneum putredinis modum explicemus, dicimusque putredinem hunc in modum effici: primo. n. ambientis calor calefaciendo corpus mixtum aperit, & relaxat: relaxatione facta interius egreditur, & foras trahitur, atque ita diminuitur: calore autem egrediente secum quoque trahit, & allicit humidum naturale: cum autem per exitum calor naturalis diminuitur interna frigiditas incipit augeri & supra calorem dominari, qua dominante in calorem naturalem agit, ipsumque usque aded remittit, quod non potest amplius retinere humidum cum sicco, unde humidum quasi sui iuris factum diffluit, & a sicco disiungitur. ad hanc autem humidi secretionem, passuarumque dissolutionem sequitur corruptio mixti, & solum manet pulvis, & terra, & hic est uerus putredinis modus, his uerbis ab Aristotele assignatus [excurrent enim calore proprio secum trahit humidum naturale] unde in putredine multe mutationes concurrunt, uidelicet calefactio, raritas, & relaxatio partium, egressus, & diminutio caloris naturalis, actio interna frigiditatis in calorem naturalem, euaporatio humidi, atque ita dissolutio passuarum tandem interitus ipsius substantiae: & licet ad putredinem multe mutationes concurrant, attamen una tantum mutatio est, quia ultimus terminus ad quem terminatur, unus tantum est, a quo mutatio specificatur: hinc patet quam temere, & impudenter ille Argenterius Aristotelem accusarit, quod putredinis modum non explicarit, cum tamen id praestitisse tam clarum sit, quam quod clarissimum, saltem dicet in hoc accusandus erit, quod non omnem putredinis modum explicarit, quia datur alius modus putredinis, qui fit per prohibitam transpirationem, quem ipse non declarauit. concedimus utro non omnem putredinis modum explicasse, quia cum non omnes putredinis differentias perpendat, suoque subiiciat negotio, sed eam dumtaxat, que mixtorum generationi opponitur, quae ad Philosophum attinet, illius naturam, modum & causas explicauit: illa uero putredinis differentia, quae per prohibitam transpirationem efficitur, ex qua febres putridae exoriuntur. quae humorum corruptio dicitur secundum partem, & recessus a propria natura, non attinet ad Philosophum, sed ad Medicum, & proinde illius putredinis modum, & causas ad medicum demandauit, & haec de putredinis modo dicta sint, nunc eius causas perpendamus.

Putredo est communis passio externæ caliditatis, &  
internæ frigiditatis.



**P**ORO his uerbis duas putredinis effectrices causas Aristotelem statuere externam caliditatem unam, internam frigiditatem alteram hactenus, in confesso fuit, neque in re hac immorandum esset, nisi doctissimi quidam uiri de nouo insurrexissent, qui contrariū affirmare ausi sunt, dixeruntque internam frigiditatem putredinem non ut effectricem causam ingredi, sed ut subiectum, eo fundamento persuasi, quia effectrix causa non est posterior re cuius est causa, interna frigiditas est putredine posterior: igitur putredinis causa effectrix esse non potest. probatur minor ex uia & methodo qua usus est Aristoteles ad probandum internam frigiditatem putredinis causam esse, quæ huiusmodi est. Putredo est defectus, & corruptio caloris naturalis, sed ad defectum caloris sequitur interna frigiditas, igitur putredo est passio, & effectus internæ frigiditatis. quare interna frigiditas caloris defectum, & putredinem consequitur, i. itur effectrix putredinis causa esse nequit. alioquin effectrix causa suo esset posterior effectui. Sed horum opinio falsa est, quia cum Philosophus in contex. 1. quarti Meteor. illam hypotesin accepisset, quod primarum qualitatum due sunt agentes ut caliditas, et frigiditas: due uero patientes ut siccitas & humiditas, in contex. 2. de operibus agentium qualitatum agere proposuit, isthac autem opera di numerans, inquit, ut simplex generatio, & naturalis corruptio ei opposita, tunc ita arguitur, Aristoteles proposuit agere de generatione simplici, & de putredine ei opposita ut sunt effectus & opera caliditatis, et frigiditatis, ut sunt qualitates actiue, igitur caliditas & frigiditas in simplici generatione & putredine concurrunt ut actiue, igitur interna frigiditas in putredine concurret, ut qualitas agens, non autem ut passiuæ est, atque ut materia: & profecto asserere quod interna frigiditas in putredine concurrat ut materia, est dicere, quod frigiditas sit qualitas passiuæ, non autem actiua, quod est conuolere Aristotelis sententiam: præterea putredo non solum esset communis affectione externæ caliditatis, & internæ frigiditatis, sed etiam internæ siccitatis, aduersus Aristotelem, qui illarum duarum qualitatum tantum putredinem communem affectionem esse asseruit. probatur consequentia, quia non solum interna frigiditas concurret ut subiectum, sed etiam siccitas, & magis quia qualitas passiuæ est. & in his operibus ut materia, & subiectum concurret, ut testatur in contex. 2. eiusdem quarti, quod si internam frigiditatem solum, ut subiectum assignasset, tunc maxime culpandus esset, quia siccitatem reli-

quisset, quæ ita in putredine derelinquitur, sicut interna frigiditas. ea propter dicendum est, quod externa caliditas, & interna frigiditas cum actiue sint qualitates in putredine conciorunt in genere causæ efficientis, non autem una, ut agens, & altera ut patiens: & materia, ut dicunt quomodo autem in terna frigiditas id efficiat ex superioribus patere potest. Ad rationem autem cū dicebatur, interna frigiditas sequitur putredinem, & corruptionem caloris naturalis. respondetur, quod interna frigiditas non sequitur omnimodam corruptionem, & diminutionem caloris, sed inchoatam, & incompletam factam à calore ambientis: ipsa uero putredinem complet, & diminutionem caloris usque ad eum gradum deducit, quo humidum cum sicco amplius terminare non potest. ratio autem supponit internam frigiditatem sequi completam putredinem, & diminutionem caloris naturalis, quod falsum est.

An externa caliditas, & interna frigiditas eodem modo effectrices causæ sint.



**N**unc illud considerandum est an externa caliditas, et interna frigiditas eodem modo effectrices causæ sint, cui dubio moderniores quidam respondent es, dicunt, quod non eodem modo effectrices causæ sunt, sed externa caliditas est causa per se, interna uero frigiditas est causa per accidens: sed ista opinio quod ad utrumque falsa est, et à ueritate aliena: quo ad primum quidem, quia simile non corrumpitur, neque dissoluitur per se à simili, sed per accidens, ut est Aristotelis sententia in libro de resp. calor naturalis est similis calori ambientis, igitur ab eo non corrumpitur, neque dissoluitur per se, sed per accidens. quod ad secundum uero quia contrarium per se agit in contrarium, & non per accidens. ergo illud per se corrumpit, non autem per accidens. interna frigiditas est contraria calori naturali, ergo in illum per se agit, & per consequens illum per se corrumpit, & non per accidens: nescio enim apud quem authorem legerint doctissimi isti uiri, quod simile per se corrumpit simile, & contrarium per accidens agit, & corrumpit contrarium. sed fortasse dicent ipsi, quod rationes istæ supponunt quod corruptio caloris naturalis sit defectus, & diminutio ipsius quod minimè uerum est, quia est intensio, & adauctio caloris: iam uero intensio caloris per se fit à simili, & per accidens à contrario. sed ista quoque sententia falsa est, ut patet ex superius dictis, quibus probatum est, quod corruptio caloris non est intensio, sed defectus, atque caloris remissio: præterea dato etiam quod corruptio caloris sit intensio caloris, saluari non potest, quomodo fiat ab interna frigiditate per accidens. nam licet ab externa frigiditate calorem intrinsecus



trinsecus propellente caloris intensio per accidens fieri queat, ab interna tamen frigiditate nequaquam, quia interna frigiditas non intrò, sed potius extra calorem naturalem propellit, & propterea potius ipsum dimittit, quàm intendat.

## Dilucidatio.

**D**I C A M V S ergo nos, quòd externa caliditas, & interna frigiditas putredinis effectrices cause sunt, diuersa quidem ratione, & modo, ac dixerint ipsi: externa enim caliditas est causa putredinis, & defectus caloris per accidens, prout ipsum egredi, & euaporare facit: interna uerò frigiditas per se, prout in ipsum agit, & secundum gradum corrumpit. præterea externa caliditas est causa origine prior, & præcipua magis: interna uerò frigiditas est causa secundaria, & posterior, quia supponit diminutionem, & defectum caloris naturalis à calore ambientis, ut scribit Philosophus his uerbis, Putredo est corruptio, & indigentia caloris, ad indigentiam autem caloris sequitur intensio frigiditatis: ergo putredo est effectus frigiditatis, ecce quòd uult internam frigiditatem supponere defectum caloris naturalis ab externa caliditate, ex quo patet in maximo errore uersari illos, qui asserunt primum efficiens, esse qualitatum contrarietatem: externam autem ambientis caliditatem secundariam, & quasi actioni contrariæ qualitatis suffragantem causam esse, cum tamen ex Aristotele uerbis res econtra sese habeat. Neque inconueniens aut absurdum est, ut idem effectus à contrariis causis proueniat secundum diuersam rationem & modum. sed quispiam quæret hoc in loco, cur putredo non sit à frigiditate externa sicut à frigiditate interna, cum externa ita sit contraria calori naturali. ipsumq; remittere queat, sicut & interna. respondetur, quòd causa ea est, quia putredo fit per egressum, & euaporationem caloris naturalis una cum humido: iam uerò externa frigiditas tantum abest ut faciat ad euaporationem caloris naturalis, & humidi, ut potius calorem naturalem intro compellat. & ad unionem partium faciat, & proinde putredinem potius impediat, quàm efficiat, & propterea dicebat Philosophus iuxta temporibus, locisque frigidioribus minus putrescere propter ambientis frigiditatem quæ corpora densat, & ita caloris naturalis euaporationem prohibet, & arcet. interna uerò frigiditas calorem potius extra propellit, illud bene uerum est, quòd humorum putredo ex qua putride febres oriuntur, quæ fit per intensionem caloris naturalis ab externa frigiditate fieri potest. sed de hac non loquitur Aristoteles

*Et hæc de putredine dicta sint, in qua pertractanda adeo solers, & diligens fuit Aristoteles, licet concisis uerbis eam explicarit, ut nihil quidem præterierit quod ad eius naturam, modum, & causas attineret, quicquid aduersus eum ignari quidam affirmare ausi sint.*

Dilucidatio rationum Aristotelis primo de partibus animalium capi te primo: & primo de qua Anima sit dubitatio ibi ab Aristotele mota.



**D**E C R E V E R A T Aristoteles post rudem illam, & confusam animalium doctrinam, quæ in libris de historia tractata fuit, perfectè ac distinctè ipsorum naturam, ac substantiam cõtemplari: uerum quia ipsorum substantia ex duabus partibus nimirum ex materia & forma constituitur, de duabus hisce naturis se uerba facturum necessarium diiudicauit, & magis de forma, cum ad rei notitiã magis facere uideatur, & naturali Philosopho sit magis cõueniens, cū ipsa natura nomine dignior quàm ipsa materia habeatur. quoniam uerò animalium forma anima est, cum recedente à corpore anima, animal esse desinat, neque membrum ullum nisi ratione suæ figuræ idem relinquatur, ea propter de anima disputare proposuit: cum autem naturali ob perfectam animalium doctrinam animæ cognitionem necessariam esse ostendisset, dubitauit Arist. utrum ad naturalem Philosophum pertineat de omni anima disputare, aut de quadam, quæ sanè dubitatio prius quàm Aristotelis rationes perpendamus à nobis diligenter consideranda est. An scilicet hæc dubitatio ab Arist. mota sit de anima ipsorum animalium tantum, hoc est, an ad naturalem attineat differere de omni animalium anima, aut de quadam: aut dubitatio sit de anima simpliciter, & in uniuersum ex hoc enim manifestum fiet quid nomine intellectus, qui pro subiecto in rationib. istis accipitur, intelligere debeamus. arbitratu sunt qui Alexandri doctrinam insequuntur Aristotelis dubitationem non esse de anima animalium tantum, quoniam de hac non dubitauit an in uniuersum à naturali considerari debeat, sed dubitationem esse de anima simpliciter, an scilicet quemadmodum naturalis eã animam cõtemplatur quæ animalium est, ita etiam de animabus illis separatim disputare queat, ac proinde uolunt intellectum quem paulo post Philosophus à naturali consideratione seiungit, non capi pro intellectu humano, sed pro substantiis separatim, uel ut posteriores dicunt pro intellectu in cõmuni ad intellectum humanum, & ad substantias separatas. quorum sententia ab Arist. omnino dissentit, quod ex eo probatur.

Philosophus dubitationē mouens sic inquit, Sed quæret quispiam animaduertens ad id quod modo dixi, utrum naturalis intersit de omni anima disputare, aut de quadam: mouet igitur Arist. dubitationem propter id quod proxime dixi, proxime autem dixerat, ac posuerat istam disiunctiuam, anima aut omnis, aut quedam nempe qua tale animal est à naturali considerari debet: iam uerò hæc disiunctiua est de anima animalium tantum, non de anima simpliciter. igitur proposita ab Arist. dubitatio est de anima animalium tantum, non de anima simpliciter. etenim cum Philosophus ex declaratis collegisset conclusionem istam, si hæc ita se habent natura studiosi sanè interest de anima differere, & scire aut omni, aut si non de omni. tamen de ea ipsa qua tale animal est, quærere inquit quispiam posset hanc disiunctiuam animaduertens utrum naturalis de omni anima agere debeat, aut de quadam: itaque dubitatio ista orta est ex illa disiunctiua superius posita, cum autem illa duntaxat sit de anima animalium, igitur & proposita quæstio de hac duntaxat anima erit, quòd autem illa disiunctiua sit de anima animalium tantum, ex Aristotelis processu facile ostendi potest. proposuerat, ut dixi, Aristoteles exactè naturam ac substantiam animalium contemplari, sed quoniam due sunt principales partes ex quibus animalium substantia constituitur, materia scilicet, & forma, iccirco materie & forme notitiam naturali necessariam esse diiudicauit. cum autem animalium forma anima sit, idèd conclusionem quæ animalium forma est, à naturali Philosopho cognoscendam esse, aut omnem, aut aliquam nempe qua tale animal est. ita quòd Aristotelis discursus est iste, forma animalium pro ipsorum notitia à naturali Philosopho cognoscenda est. Anima est forma animalium, igitur anima aut omnis aut quedam qua tale animal est, à naturali cognoscenda est. iam uerò anima quæ accipitur in conclusione ea est, quæ accipitur in minori propositione: anima uerò quæ in minori propositione accipitur, est forma animalium: igitur eadem est, quæ in ipsa conclusione desumitur, igitur ista disiunctiua quæ in conclusione profertur, anima aut omnis, aut quedam à naturali consideranda est, de anima animalium tantum est, & non de anima simpliciter, ut dicunt isti. quod sanè confirmatur ex his quæ inferius subiunxit, nolens enim probare quòd anima animalium à naturali cognosci debeat, & magis quàm materia, tali utitur discursu. Philosophus naturalis debet naturam cognoscere, & magis, quod est magis natura. sed anima, inquit, animalium aut omnis aut quedam est natura, & magis quàm materia, ergo anima animalium aut omnis, aut quedam à naturali cognoscenda est, & magis quàm materia: sequitur postea dicens sed quispiam quæret, id quod modo dixi animaduertens nimirum hanc disiunctiuam, uerum omnis anima, aut aliqua à naturali considerari debeat. refert igitur dubitationem ad id quòd



immediatè dixit, atqui immediatè posuit illam rationem cuius propositiones sunt de anima animalium tantum, igitur dubitatio mota est de anima ipsorum animalium tantum, quòd si dubitatio esset de anima simpliciter, ut dicunt, tunc dubitatio non referretur ad id quod immediatè dictum fuit, ut vult Arist. quamobrem concludimus quòd proposita dubitatio non est de anima simpliciter, sed de anima ipsorum animalium, qua dubitatione sic explicata, nunc Aristotelis rationes consideremus.

( Perpenditur prima ratio Aristotelis. )



**M**OT A dubitatione probauit Aristoteles naturalem Philosophiam non omnem animam contemplari, ut intellectum, & prima ratio huiusmodi est: si naturalis ageret de intellectu, præter naturalem scientiam nulla relinqueretur Philosophia. probatur consequentia, quoniam si naturalis consideraret intellectum, consideraret omnia intelligibilia. deducitur, quia relatiuorum, & omnium inter se coniunctorum eadem est scientia, intellectus & intelligibilia sunt relatiua, igitur intellectus & intelligibilium eadem est scientia, quare si naturalis consideraret intellectum consideraret omnia intelligibilia, ergo nihil remaneret quod ab aliis scientiis consideraretur. ergo præter naturalem scientiam nulla relinqueretur Philosophia, id est absurdum, ergo & illud ex quo sequitur, at sequitur ex hoc quòd dicitur naturalem Philosophum intellectum considerare, ergo id minime dicendum est. quam sanè rationem considerantes nonnulli, ut Antonius Mirandulanus 18. libro sue monomachia, & quidam alij, dixerunt rationē hanc non esse necessariam, nec ab Arist. ut necessariam adductam esse, sed ut probabilem, & apparentem ad hominum ingenia exercenda, quòd plerumque Aristoteles facere solitus est, et quòd hoc verum sit, ostendit Mirandul. & primo sic, Si Aristotelis ratio esset necessaria, sequeretur intellectum à nulla scientia considerari, quòd falsum esse nemo est qui dubitet. probatur consequentia, quia si aliqua scientia quacunque illa sit, ut Metaphisica consideraret intellectum, igitur consideraret omnia intelligibilia, igitur præter ipsam, aut aliam, si ponatur aliam ipsum considerare, nulla relinqueretur Philosophia, hoc est falsum: ergo falsum erit asserere ipsum ab aliqua scientia considerari, igitur à nulla considerabitur, at cum id absurdum sit, ergo & id ex quo sequitur, at sequitur ex hoc quòd Aristotelis ratio ponitur necessaria, ergo dicendum est nullo modo necessariam esse. Secundò, quòd ratio non sit concludens, & necessaria ex eo ostendit, quia cum Philosophus inquit, si naturalis consideraret intellectum, ergo & omnia intelligibilia cū sint re

latius, solū cōcludit, quòd naturalis consideraret oīa ut intelligibilia sunt, & quatenus referuntur ad intellectum, non tamen concludit, quòd naturalis cōsideraret omnia intelligibilia simpliciter, & omnibus modis. cum itaque infertur, ergo præter naturalem nulla relinqueretur Philosophia, negatur consequentia, quia remanebunt res aliis modis consideranda, & consequenter alia scientie, quæ non considerabunt res ipsas ut intelligibiles sunt, sed quòd ad propriam earum naturam. unde ratio non concludit propositum, & propterea non est dicendum Aristotelem ea ut necessaria usum fuisse. Quæ Mirandulani ratione persuasi quidam recentiores dixerunt rationem hanc non in niti illo principio, relatiua pertinent ad eandem scientiam, quoniam tunc ratio nullum haberet momentum, quia nil aliud concluderet, nisi quòd naturalis consideraret omnia intelligibilia, ut referuntur ad intellectum, non tamē simpliciter, & omnibus modis, & propterea non sequeretur præter naturalem nullam remanere Philosophiam, quam instantiam plurimi faciunt. Sed Mirandulanus, & qui cum eo rationem hanc non ut necessariam & demonstratiuam adductam fuisse, affirmant, in maximo errore versantur, quòd ita probatur. nam cum Philosophus posuisset conclusionem illam disiunctiuam dicens, anima aut omnis, aut quedam à naturali consideranda est. huius occasionem mouit illā dubitationem, ut determinaret illam disiunctiuam, & ostenderet secundum quam partem ueritatem haberet, quòd ex illis uerbis Aristotelis manifestum est, quæ sunt, sed quispiam animaduertens ad id quòd modo dixi, queret, quæ nam pars istius propositionis est uera utrum omnis, aut quedam à naturali consideranda est: est enim ista conclusio ad aliquam partem determinanda. persoluens autem dubitationem Philosophus determinauit: quòd non omnis anima à naturali consideranda est. quòd hac ratione, & sequentibus demonstrauit, quòd si Philosophus dubitationem illam secundum ueritatem non persoluit, nec rationes ut necessarias, sed solum ut probabiles, & apparentes adduxit. igitur proposita dubitationi non satisfecisset, nec secundum quam partem illa disiunctiua ueritatem habeat determinasset, quòd tamen apprimè necessarium erat. & eo magis quòd propter hanc causam dubitationē illam proposuit, & rationes illas ob hanc quoque adduxit. Accedit quòd id apud Arist. cōpertum est, quòd quotiescūq; ex intētiōe, et in proprio loco aliquā dubitationē proponit, eā secundū ueritatē determinat, & ad conclusionē probandā rōnes, ut necessarias, & concludētes adducit, ut cuius qui ē in Arist. mediocriter uersatus sit, satis apertū est. etenim cū 3. & 4. de Phis. auditu de infinito, de loco, tempore, & uacuo dubitationes proponit, an sit, et quid ipsorum unumquodque sit. illas secundum ueritatem determinat, et rationes ut necessarias, & demonstratiuas adducit, similiter cū 8. Phis. de motus eternitate dubitationem proponit, & primo Cali de unitate mundi, &

omnibus alijs in locis idipsum facit. cum ergo Aristoteles hoc in loco ex intentione, & in proprio loco: erat enim hic proprius locus hanc difficultatem examinandi, cū hic à naturali de anima agendū esse proposuisset, hanc dubitationem proponat, & ipsam satis diffuse examinet. igitur dicendum est Aristotelem dubitationem hanc secundum ueritatem determinare, et rationes ut necessarias, & demonstratiuas adducere, quòd si Aristote. hoc in loco id non facit, dicant obsecro, ubi hanc dubitationem persoluit? ubi illam disiunctiuam determinat? ubi rationes ut necessarias, & demonstratiuas adducit? quòd si dixerint id sexto primæ Philosophiæ contex. 2. ab Arist. determinari. porro eandem conclusionem eodem modo determinat, & eadem ratione, qua primo de partibus postremo utitur loco, eandem confirmat: sexto enim prima Philosophia sic inquit Manifestum est quòd naturalis Philosophi non interest de omni anima disputare, sed de quadam: ratio autem, inquit, ea est, quoniam naturalis Philosophus non considerat ea que se habent ut concuūm, sed ea que se habent ut simum: differunt autem hæc, quoniam simum quidem una acceptum est cum materia, concuūm uerò absque materia, discursus consistit in hoc. naturalis non considerat id quod se habet ut concuūm, hoc autem est, quod absque materia est: igitur naturalis non considerat intellectum qui omnino est abstractus à materia, eadem præcisè utitur ratione primo de partibus postremo loco, dicens, ad hæc, rem nullā abstractā à materia considerat naturalis, igitur nec intellectum quòd si sexto Met. eam conclusionem secundum ueritatem determinat, & ratione illa utitur ut necessaria, ut re uera utitur: cum inibi inter scientias ipsas differentiam ponat. ergo & primo de part. eandem conclusionem secundum ueritatem determinat, & ratione utitur ut demonstratiua, quòd si ea ut necessaria, & demonstratiua usus est: igitur & alijs prioribus, cum de omnibus idem sit iudicium. ex iis ergo concludimus rationem hanc ut necessariam ab Arist. adductam fore, non autem ut probabilem, ut isti ad pauca respicientes, enunciant.

Quomodo ratio necessaria sit, dilucidatur.



**A**ETERYM ut intelligatur quomodo ratio hæc necessaria sit, est aduertendum, quòd intellectus bis considerari potest. uno modo ut intellectus est. secūdo modo ut anima: differunt autem hæc, si quidem intellectus primo modo est nis absoluta, et non respicit corpus. at secundo modo respectum includit, & habitudinem a corpore. tunc dicimus, quòd intellectus ut intellectus est, & quiditatiuè non consideratur à Phil.



sopho naturalis; & id probat hac Aristotelis ratio, quoniam si intellectus hoc modo à naturali consideraretur, nulla præter naturalem relinqueretur philosophia; ratio est, quia relatiua ad eandem pertinent scientiam: si igitur naturalis consideraret intellectum, ergo & omnia intelligibilia: sed quoniam relatiuorum in eadem scientia idē est considerandi modus, quinimmo nō solū relatiuorū, sed oīum que in eadē scientia considerantur. ea propter si naturalis consideraret intellectum ut intellectus est, & quiditatiuē, cū intellectus ut sic abstrahat à materia & secundum esse & secundū rationē: ergo consideraret oīa intelligibilia eodem modo, nimirum ut abstracta sunt à materia & secundum esse, & secundam rationem. & si naturalis res hoc modo consideraret, igitur res ipsas consideraret ut sunt abstracta à materia secundam rationem tantum, quia si de quo minus uidetur, & est, ergo & de quo magis. & cum naturalis proprio considerandi modo omnia consideret ut in materia sunt, igitur Philosophus naturalis consideraret omnia secundum omnem considerandi modum: tribus. n. modis scibilia considerari possunt, uel ut sunt in materia uel ut sunt abstracta à materia, & hoc dup. uel ut sunt abstracta à materia secundum esse, & secundum rationem. uel ut sunt abstracta secundum rationem tantum. iuxta quos tres modos Aristoteles sexto Metaph. contex. 2. tres statuit scientias naturalem, mathematicam, & diuinam, undē si naturalis omnia consideraret iis tribus modis consideraret ipsa omnibus modis; igitur præter naturalem nulla relinqueretur philosophia, quia nullus remaneret considerandi modus, quo res scientificè considerari possent, & in hoc Aristotelis ratio consistit, & in hunc sensum necessaria est, atq; demonstratiua, quam ii Aristotelis dicta intinuis non considerantes, minimè intellexerunt, uerum tamen intellectus ut Anima, atq; ut iunctus corpori à naturali consideratur, quoniam ut sic sub naturalis philosophi considerandi modo comprehenditur, cuius est rem ut in materia contemplari. sed hæc non est propria, & quiditatiua eius consideratio, quemadmodum substantia separata ut anime sunt, atq; propriis ingata orbibus a naturali considerantur, sed hæc non est propria, & quiditatiua earum consideratio, nec in hunc sensum Aristoteles intellectum à naturali consideratione seiungit. nec ita probat Aristotelis ratio, sed duntaxat quod intellectus quiditatiuē à naturali considerari minimè possit, propter illud quod sequitur inconueniens, sed hic dubitatio est, quoniam Aristotelis ratio probare quoq; uidetur, quod intellectus ut iunctus corpori non consideretur à naturali, si quidem intellectus ut corpori iunctus omnium intelligibilium est. hoc enim principium tertio libro de anima contex. 4. accepit Aristoteles ad declarandam naturam intellectus possibilis, dicens. Intellectus omnia intelligit, certum est autem q. ibi sumitur intellectus ut corpori iunctus. igitur si naturalis consideraret intel-

Etum ut corpori coniunctus est, consideraret etiam omnia intelligibilia, ergo præter naturalem nulla relinqueretur Philosophia, ergo siue hoc, siue illo modo sumatur intellectus per hanc rationem à naturali consideratione relictur, pulchra quidem dubitatio est, non tamen nostram demolitur sententiam: concedimus enim quòd intellectus ut corpori coniunctus omnium intelligibilium est. cum tamen dicitur, si naturalis consideraret intellectum ut corpori iunctus est, ergo consideraret omnia intelligibilia: uerum est, ut iuncta sunt materiae, quia relativa, ut diximus, eodem considerandi modo in eadem scientia considerantur: qua enim ratione consideratur intellectus, eadem quoque ratione considerantur intelligibilia: si ergo consideratur intellectus ut est iunctus materiae, pariter & intelligibilia considerabuntur ut sunt iuncta materiae, unde non sequitur præter naturalem nullam remanere Philosophiam, quia remanebunt intellectus, & intelligibilia consideranda ut à materia abstracta sunt. & ita remanebunt aliae scientiae, quae illa sub hac ratione contempletur, qua propter Aristotelis ratio non ualet de intellectu ut iungitur corpori, nec ad hoc probandum ab ipso allata est, sed ualet de intellectu intellectus est, atque ut abstrahit à materia, sicut superius declaratum est. sed priusquam rationes in contrarium persoluamus, nonnulla uerba quae in hac ratione ponuntur, à nobis consideranda sunt: & primo quid per intelligibilia accipiat Arist. cum inquit, intellectus rerum intelligibilium est, arbitrantur nonnulli Aristotelem per intelligibilia accipere substantias illas separatas, quod ea ratione ostendunt: per intelligibile illud accipit Aristoteles quod est contradistinctum à sensibili, sed sensibile non capitur pro particulari, quoniam scientia circa particularia non uersatur, ergo capitur pro uniuersali ex sensibilibus collecto. intelligibile autem quod ab hoc contradistinguitur est genus substantiarum separatarum: igitur nomine intelligibilium genus substantiarum separatarum intelligitur. Sed boni isti uiri hac in re ab Arist. aperte dissentiunt, quod ostendo, & in primis considero illationem Aristotelis: uolens enim probare Aristoteles quomodo ualeat consequentia illa, si naturalis ageret de intellectu, ergo præter naturalem nulla relinqueretur Philosophia, ualet inquit, quia intellectus est rerum intelligibilium. ergo naturalis omnia intelligibilia, & rerum omnium notiones una tenebit, uerba sunt haec. intellectus enim siue mens rerum intelligibilium est, itaque naturalis rerum omnium notiones una tenebit, &c. iam uerò sicut intelligibile accipitur in consequente, ita accipitur in antecedente, sed in consequente accipitur pro intelligibili in uniuersali, quia inquit: ergo rerum omnium notiones una tenebit, igitur eodem modo accipitur in antecedente, quòd si in antecedente sumatur pro substantiis separatis, cum in consequente accipitur pro notionibus.

omnium rerum, erit equinocatio in terminis: præterea utor eodem medio quo utuntur ipsi, per intelligibile accipitur illud quod est contradistinctum à sensibili, uideamus quid per sensibile intelligatur; porro per sensibile non intelligitur particulare cum non cadat sub scientiam, nec intelligitur uniuersale, & commune ad omnia sensibilia, quod ipsis uidetur, quod probatur ex uerbis Aristotelis dicentis relatiuorum, & omnium inter se coniunctorum eadem est scientia, sicut sensus & sensibilis: quibus uerbis apertissime ostendit per sensibile illud intelligere, quod sub eandem scientiam cadit cum sensus hoc autem non est commune ad omnia sensibilia, quoniam scientia quæ considerat aliquem sensum, non considerat quodlibet sensibile, sed sensibile illius sensus: scientia enim quæ considerat usum, non considerat quodlibet sensibile ut sonum et odorem, sed sensibile quod est correlatiuum ipsius ut porro colorem, igitur per sensibile intelligitur quod est determinati generis sensibile: ergo per intelligibile quod contradistinguitur à sensibili accipitur uniuersale, & commune, & generis indeterminati ad omnia intelligibilia, hoc autem non est genus substantiarum separatarum, igitur nomine intelligibilium genus substantiarum abstractarum non accipitur, sed quid commune ad omnia intelligibilia, sed grauius, meo iudicio, aberrant illi, qui cum hoc quod per intelligibilia exponunt substantias abstractas, per intellectum etiam exponunt quid commune omnibus abstractis, & ita faciunt quod in hac propositione, intellectus rerum intelligibilium est, pro eodem supponant subiectum & predicatum: nam si intellectus supponit pro quodam communi ad omnia abstracta & similiter intelligibilia: ergo pro eodem supponunt subiectum, & predicatum illius propositionis, quod minime dici potest, cum subiectum & predicatum in illa propositione importent relationem, quæ est inter extrema diuersa, sicut & relatio quæ est inter sensum & sensibile. Ad fundamentum autem ipsorum dicimus, quod per intelligibile accipitur illud quod est contradistinctum à sensibili, sed sicut per sensibile accipitur illud quod est determinati generis sensibile, ita per intelligibile quod est generis indeterminati, & commune ad omnia intelligibilia. quibus sic explicatis, nunc rationes illorum persoluamus, qui rationem hanc probabilem esse affirmarunt. nec officit prima, nam cum dicebatur, sequeretur quod intellectus à nulla scientia consideraretur. negatur consequentia; consideratur enim sub ea ratione à Metaphisica, ad probationem dicimus, quod ratio ab Aristotele adducta ualet de naturali, non autem de Metaphisica, & ratio est; quia scientia naturalis est scientia specialis, quæ considerat entia in particulari nempe ut in materia sunt: iam uero si naturalis consideraret intellectum quiditatem, & ut abstractus est à materia



secundum esse, & secundum rationem consideraret omnia intelligibilia eo modo quo superius declaratum fuit. & si consideraret omnia ut sunt abstracta à materia secundum esse, & secundum rationem; consideraret quoque entia ut sunt abstracta à materia secundum rationem tantum. quia si de quo minus videtur, & est, & de quo magis: & si considerat extrema ut pote entia ut sunt in materia, & ut sunt abstracta secundum esse, & secundum rationem, consideraret etiam media nimirum ut abstracta sunt secundum rationem, tantum: quare naturalis consideraret omnia secundum omnem considerandi modum, unde præter naturalem nulla relinqueretur scientia. non valet autem ratio de Metaphisica, quoniam hac est scientia universalis quæ considerat entia sub ratione communi, & transcendenti ut legitur. 4. & 6. Meth. utrobique contex. primo, & consequenter ut abstracta sunt à materia secundum esse, & secundum rationem, ut 6. Met. habetur. 2. etenim ratio entis, substantiæ actus, & id genus materiam non concernit, unde si Metaphisica considerat intellectum quiditativè, & ut abstractus est. igitur considerabit intelligibilia eodem modo ut sunt abstracta. Nec propterea sequitur, quòd aliæ tollantur scientiæ, quia remanent alii considerandi modi res, sub ratione propria, & ut in materia sunt, & est naturalis & ex ablatione à materia, & est Mathe. itaq; ratio non concludit de Metaphisica, sed de naturali. seu solutio ista patitur instantiam: quia si Metaphisica considerabit intellectum quiditativè saltem rueret Mathematica. deducitur, quia si consideraret intellectum quiditativè, & ut abstractus est à materia secundum esse, & rationem, igitur consideraret omnia intelligibilia eodem modo, ergo cōsideraret etiam ut sunt abstracta secundum rationem tantum: hæc enim erat ratio ad probandum præter naturalem non remanere Mathematicam: respondetur, negando consequentiam, quia ut dixi Metaphisica est scientia universalis quæ sub ratione communi, & transcendenti res ipsas contemplantur, & ideo licet consideret entia ut sunt abstracta à materia secundum esse, & secundum rationem, non tamen considerat res ut sunt abstracta secundum rationem tantum, ut entia Mathematica, quia hæc est consideratio propria, & particularis, quæ non est Metaphisica: valet autem de naturali, quia naturalis est scientia specialis quæ considerat entia sub ratione propria, & particulari: & ideo si consideraret entia ut abstracta sunt secundum esse, & rationem, consideraret etiam entia ut abstracta secundum rationem tantum, & propterea Mathematica scientia tolleretur. diversa est itaque utriusque ratio, cum autem dicunt secundo loco, quòd etiam si ratio ut demonstrativa ab Aristotele adducta esset. non tamen concludit, quoniam cum dicitur, si naturalis consideraret intellectum, ergo & omnia intelligibilia, solum concludit, quòd consideraret illa ut intelligibilia.

sant, & ut referuntur ad intellectum, non tamen simpliciter, & omnibus modis, & propterea non sequi, præter naturalem nullam remanere scientiam. non intelligunt isti summam nim. Aristotelica rationis, quia ratio non solum concludit, quod naturalis consideraret intelligibilia, ut dicunt ipsi, sed simpliciter, & omnibus modis: quia si naturalis consideraret intellectum quiditativè, & ut abstractus est à materia, tunc consideraret intelligibilia non solum ut referuntur ad intellectum, sed etiam quiditativè, & ut abstracta sunt à materia: nam sicut naturalis non solum consideraret intellectum & ratione qua refertur ad intelligibilia, sed quiditativè, & ut abstractus est à materia, eodem modo consideraret ipsa intelligibilia, & non solum ut referuntur ad intellectum, & cum ipse naturalis omnia consideret, ut in materia, igitur omnia consideraret secundum omnem considerandi modum, igitur non remaneret alius modus quo scibilia considerari possent, atque ita nulla alia præter naturalem relinqueretur scientia, & in hoc Aristotelis ratio consistit, quod si animadvertissent clarissimi quidam Alexandri sectatores, non affirmassent Aristotelis rationem non inniti hoc principio, relatiua ad eandem pertinent scientiam, cum etiam cæco manifestissimum sit, & hæc de prima ratione.

### Perpenditur secunda Aristotelis ratio.



**S**ECOND A ratio, qua Aristoteles ad eandem utitur conclusionem huiusmodi est. Naturalis considerat naturam intellectus non est natura, ergo intellectus non consideratur à naturali, & per consequens non omnis Anima: quam secundam rationem parum accuratè considerantes Mirandulanus libro 19. suæ Monomachia, & Butcas. sub initium primi libri de Anima, dixerunt non solum probabilem esse, quinimmo falsis propositionibus inniti, si quidem propositio illa ab Arist. accepta, intellectus non est principium motus, falsa est, cum tertio libro de Anima 48. statuerit intellectum esse principium motus. similiter illa propositio, intellectus non est natura, falsa est. nam cum de eiusdem sententia intellectus sit principium motus, igitur erit natura, etenim natura est principium motus in eo in quo est. pariter substantia separata, inquit Mirandulanus, naturæ sunt, igitur & intellectus noster. quare ratio ista non solum probabilis est, quinimmo falsis innititur propositionibus: hæc profectò summa hominum dementia est, nam ut superius diximus, quotiescunque Aristoteles ex intentione, & in proprio

loco aliquam dubitationem mouet, illam secundum veritatem persoluit, & ad conclusionem probandam sophisticis rationibus non utitur, nec propositionibus falsis: cum ergo primo de part. ex intentione, & in proprio loco illam dubitationem moueat, ergo illam secundum veritatem determinat, & ad conclusionem probandam non utitur propositionibus sophisticis, & falsis. sunt & ille rationes superius adductæ, ad quas lectorem reuicimus. Nec eorum rationes aliquod habent momentum, & ad primas dicimus, quod cum Philosophus inquit 3. lib. de Anima 48. intellectum esse principium motus, per intellectum non intelligit intellectum proprium, sed per intellectum accipit phantasiam, quæ etiam eodem 3. de Anima 20. ab ipso intellectus passius nuncupatur. et quod hoc verum sit ostendunt verba illius contex. 48. quæ ita se habent, videntur hæc duo momentia, aut appetitus, aut intellectus, si quis phantasiam uocauerit intellectum, quibus uerbis aperit ostenditur per intellectum accipere phantasiam, quam statuit esse principium commune motus. quia in aliis animalibus in quibus reperitur motus non reperitur intellectus, sed phantasia: intellectus uero, nec principium commune motus est, nec proximum in homine in quo reperitur, & hoc modo intelligit Aristotel. primo de part. cum inquit, Intellectus non est principium motus, sed quid aliud, quia in aliis animalibus reperitur motus in quibus non est intellectus, quare tantum abest ut in dictis Aristot. repugnantia sit, ut eadem potius utrobique dicatur. nam primo de part. inquit, intellectus non est principium motus, sed quid aliud, quod sane 3. de Anima 48. phantasiam esse affirmat, & rationem assignat inquit, quia in aliis animalibus reperitur motus, in quibus non reperitur intellectus sed phantasia, quam eandem rationem assignat primo de part. hinc ergo cognoscent studiosi an hæc sit contradictio, aut potius dictorum suorum confirmatio, ex qua probatione Aristotelis. qua utitur ad probandum intellectum non esse principium motus, nemo est qui non intelligat Aristotelem & principium non intelligere principium proximum motus, ut nonnulli ex iunioribus arbitrantur, sed intelligere principium commune, & adequatum motus, ut sensus sit, intellectus non est principium motus commune, & adequatum motus. quod ostenditur per rationem quam ipse assignat: intellectus enim inquit non est principium motus, quia non est principium motus in aliis animalibus. cuius uerba libenter subiiciam, ut rem hanc intelligant omnes, uerba sunt hæc intellectus non est principium motus, sed quid aliud, quia motum uel in ceteris animalibus esse nominamus, intellectum uero in nullis. hæc Aristot. quare cum Philosophus probet intellectum non esse principium motus, quia non est principium motus in aliis animalibus, in quibus reperitur motus: ergo per principium motus intelligit principium com-



mune ipsius motus. quod sanè dicit esse quid aliud, nimirum phantasiã,  
 ut ipsemet declarauit 3. de Anima 48. quam probationem si animaduer-  
 tissent recentiores isti, per principium non exposuissent principium pro-  
 ximum motus licet uerum sit, quòd intellectus non est principium pro-  
 ximum motus in homine in quo reperitur. sed ad hoc non tendit Ari-  
 stotelis probatio. Nec officit secunda, nam cum dicunt intellectus est  
 principium motus, ergo natura. illud assumptum falsum est, intellectus  
 enim neque est principium commune motus, neque proximum in homine,  
 & proinde non sequitur quòd sit natura: praterea esto quòd esset prin-  
 cipium proximum motus in homine in quò est, non tamen sequitur  
 quòd sit natura, si quidem non quodlibet principium motus est natura,  
 sed quòd dependenter, & inseparabiliter est in materia, ut ipsemet A-  
 ristotel. declarauit secundo Phisic. 121. ubi declarans de qua forma  
 dicatur natura, ita scriptum reliquit, *Alia modo dicitur natura for-  
 ma & species inseparabilis à materia existens, principium igitur mo-  
 tus quòd à materia inseparabile est, dicitur natura, & hoc modo na-  
 tura definitio intelligenda est: quid enim melius est quàm Aristotelem  
 per Aristotel. interpretari: similiter intelligentia quamuis sint prin-  
 cipia proxima motus, non propterea sunt natura, quia separate sunt;  
 & à materia independentes, unde peccat ratio per fallaciam conse-  
 quentis, cum dicitur est principium per se motus. ergo natura, sed uo-  
 let, est principium per se motus à materia dependens, ergo natura, ideo  
 Aristoteles, sibi ipsi maxime constans cum se dixisse recordaretur si cum-  
 do Physico. quòd natura dicitur de forma, quæ est terminus generatio-  
 nis & à materia inseparabilis, primo de part. dixit, non omnis A-  
 nima est natura, sed aliqua, utpòte à materia dependens. intellectus  
 uerò & quæuis forma abstracta à materia non est natura. illud bene  
 uerum est, quòd ut inquit Auerr. secundo Cæli 3. forme abstracte di-  
 cuntur natura secundum quandam analogiam, quia sicuti forme ma-  
 teriales quæ uerè sunt natura, sunt principia motus in his, in quibus  
 sunt. ita forme abstracte in proprio subiecto suam operationem pro-  
 ducunt, & quatenus ita operantur, assimilantur naturæ, attamen re-  
 uerè nec natura, neque animæ sunt, sed supra animæ, & naturæ  
 gradum, ut testatur Auerr. duodecima in Algaz. disp. sol. primi du-  
 bij, & Alexand. primo de Anima cap. 9. ubi ait. enimuèrò forme ab-  
 stractæ secundum quandam analogiam animæ dicendæ sunt, nunc at-  
 tem illud à nobis considerandum est, quid nomine intellectus acci-  
 piat Aristoteles, cum inquit intellectus non est natura. qui à  
 Alexandri sectatores uoluerunt Aristotelem nomine intellectus non*

intelligere intellectum humanum sed diuinas illas mentes, ac substantias separatas, quas à naturali consideratione seiungit, easque negat esse naturas, sed isti grauiter hallucinati sunt, quia de eo intellectu est solutio, de quo est dubitatio: non enim dubitatio potest esse de uno, & solutio de alio, sed dubitatio mota fuit de anima animalium tantum, & de intellectu humano, ut superius probatum fuit, ergo & solutio est de intellectu humano, & non de substantiis separatis. præterea considero dictū illud Arist. in eo loco, quod est, Intellectus non est principium motus, quia non est principium motus in aliis animalibus, tūc ego quæro, aut sub hoc termino intellectus continetur intellectus humanus, aut non: si primo, igitur nomine intellectus non solum accipiuntur intelligentia, sed et intellectus humanus. si secundo, id est falsum, quia sicuti substantia separata nō sunt principia motus localis in omnibus animalibus, pariter nec intellectus humanus. quamobrem istorum expositio penitus reicienda est, sed causa erroris fuit quia uidebant ex hoc loco aduersus ipsorum sententiam apertissime colligi humani intellectus æternitatem. cum Aristoteles eū neget esse naturam, uelutque liberam esse formam, atque à materia separatam, sed uideant obsecro quod per secundam rationem contra ipsos adductam coguntur in eum scopulum nauim impingere, quem euitare conati sunt. idcirco posteriores dixerunt nomine intellectus Aristotelem non accipere substantias separatas tantum, nec intellectum humanum tantum, sed aggregatum ex intellectu humano: & substantiis separatis: sed licet i<sup>n</sup> ad Aristotel. magis accedere uideantur, tamen & horum sententia ab Aristotele aliena est, quia cum dubitatio mota ab Aristotele fuerit de anima animalium tantum, & de intellectu humano, ut supra probatum est: igitur & solutio solum est de intellectu humano: concludimus ergo, quod uoce intellectus Aristoteles intelligit intellectum humanum, quem à naturali consideratione seiungit sub ea scilicet ratione, qua diximus: bene uerum est quod corrolariæ rationes ista probant etiam de substantiis separatis, sed ad hoc principaliter non tendunt rationes istæ, sed ad intellectum humanum de quo ex intentione mota dubitatio fuit. ex qua secunda ratione uelim nos colligere aduersus Simplicium, & eius sectatores, quod natura sub se etiam animam cōprehendit, si quidem Philosophus inquit, non omnis anima est natura, sed aliqua una, aut plures, quare uult quandam animam non esse naturam, ut intellectum, uult autem quasdam sub naturæ ambitu contineri ut uegetalem, & sentientem, atque ob id à naturali Philosopho considerari, sed ad hoc fortasse dicent Aristotelem eo in loco esse in parte argumentatina, atque ita rem non determinare pro ueritate: sed uideant obsecro Aristotelem eandem confirmare sententiam 2. Phys. contex. primo, ubi uenaturus naturæ definitionem ex differentia inter artefacta, & naturalia, inquit, artefacta non ha-

bent in seipsis principium motus. naturalia uerò in seipsis habent principium motus, & ita illa quidem secundum locum, hæc uerò secundum augmen-  
tum, quedam uerò secundum alterationem, hinc colligit natura definitio-  
nem, dicens, igitur natura est principium motus localis, & augmenti, &c.  
Sed principium motus augmenti est anima, igitur natura ibi definita conti-  
net animam quod etiam confirmat in contex. 13. eiusdem libri: declarans au-  
tē de qua forma, & de qua anima dicatur natura, de ea forma inquit, & de  
ea anima que à materia inseparabilis est, & terminus generationis, & cum ea  
dem præcisè sententia ponatur primo de par. cap. primo, ergo si secundo Phil.  
illud secundum ueritatem determinauit. id ipsum fecisse primo de par. dicen-  
dum est. & hæc de secunda ratione.

## Tertia Aristotelis ratio dilucidatur.



**O**STREMO Arist. ad eandem conclusionem hac nititur  
ratione, dicens: ad hæc, rem nullam à materia abstractā  
considerat naturalis, cum natura, rei alicuius gratia om-  
nia faciat, rebus autem abstractis abiunctum est id quod  
sub hoc uerbo cuius gratia intelligimus, quæ ratio dup. ex-  
poni potest. & primo sic Nulla forma abstracta à mate-  
ria à naturali considerari potest, intellectus est huiusmodi, ergo intellectus  
à naturali considerari minime potest, & per consequens non omnis anima  
maior illa propositio ab Arist. ita probatur, naturalis eam formā conside-  
rat quæ agit propter finē, quæ considerat naturā quæ quidem propter finē oīa  
facit, forma abstracta à materia non agit propter finem: igitur forma ab-  
stracta non consideratur à naturali, sed si hoc modo intelligatur ratio, propo-  
sitiones ita exponi debeat, naturalis considerat formam, quæ agit propter  
finem, qui per motum acquiritur, quia naturalis quiditatinē considerat natu-  
ram, quæ agit propter finem qui p actionē, & motum acquiritur. forma ab-  
stracta non agit propter hunc finem, qui per motum acquiritur, ita illa mi-  
nor intelligenda est, quia censendum non est Aristotelem à forma abstracta  
ademisse finem simpliciter, cum 1. 2. primæ Philosophiæ Deum opt. substantia-  
rū separatarū supremum finem esse, propter quem agunt, determinauerit, sed  
à formis abstractis illum finem negauit, qui est terminus motus. Potest, &  
alio modo ratio ista intelligi, ut sit per locū à maiori negatiuē in hunc modū.  
scientia naturalis nullam rē abstractam à materia secundum definitionē cō-  
tēplatur. ut sunt entia Mathematica, ergo multo minus formam abstractam  
à materia secundum esse, & secundum rationem considerare potest, cum an-  
tem intellectus sit huiusmodi, ergo intellectus à naturali considerari non po-



reſt. probatur illud aſſumptum, quia naturalis conſiderat ea in quibus reperitur finis, ſi quidem naturalis conſiderat naturam que propter finem agit, reb. autem abſtractis, ut Mathematicis non ineſt finis, ergo huiusmodi abſtracta non conſiderantur à naturali, quod autem talium abſtractorum non ſit finis, declarauit Ariſtoteles tertio Met. 3. ubi ait, finis autem, & id cuius gratia cetera ſunt, actionis cuiusdam finis eſt. actiones uerò omnes cum motu, quare fieri nequit ut in immobilibus hoc principium ſit, aut ullum per ſe bonum, quia propter in Mathematicis nihil per hanc oſtenditur cauſam: quod etiam eodem primo de part. declarare uidetur, ubi hæc habet, rem autem hanc eſſe illius gratia ubique aſſerere ſolemus, quotieſcunque finem intelligimus, in quem terminatur motus. quibus uerbis oſtendit ſe à rebus abſtractis, ut Mathematicis illum finem ademiſſe, qui finis eſt actionis, & qui per motum acquiritur, qualis in rebus naturalibus aduenit. cum ergo naturalis ea quiditatem conſideret in quibus reperitur finis, qui per motum acquiritur, in rebus autem ex abſtractione à materia non reperiatur hic finis, ergo que in abſtractione conſiſtunt, ut Mathematica non conſiderantur à naturali, ergo multo minus intellectus qui à concretionem materia, & ſecundum eſſe, & ſecundum rationem ſciuntus eſt, hæc ſecunda expoſitio mihi magis probatur, tum quia uerbis Ariſtotelis conuenientior, eſt qui inquit: amplius autem, nullum eorum quæ ex abſtractione ſunt naturalis ſciētia cōtemplari poteſt. illa autē dictio ex abſtractione, Mathematicis attribuitur, ut apud eundem Ariſt. legitur pri. de Anima 17. ubi habet, ipſarum autem non ſeparabilem quidem, in quantum autem non talis corporis paſſiones, ſed ex abſtractione, Mathematicus, quod etiam habetur tertio de Anima 11. & 35. ubi inquit. que uerò ex abſtractione dicuntur, per hæc Mathematica intelligens. tum quia ſexto Met. 2. eadem præciſe ratione uti uidetur, inquit enim, Naturalis non conſiderat id quod ſe habet ut concavum, hoc autem abſtractum eſt. certum eſt autem quod concavum abſtractum eſt à materia ſecundum rationem tantum, & ex hoc inferit quod naturalis non debet omnem animam contemplari ut intellectū, queſi utatur loco à maiori negatiue, ſi naturalis conſiderare non poteſt id quod ſe habet ut concavum, quod eſt abſtractum à materia ſecundum rationem tantum, ergo multo minus conſiderare poterit intellectum qui & ſecundum eſſe, & ſecundum rationem à materia ſolutus eſt. iis itaq; de cauſis ſecundam expoſitionem que non ita animaduerſa eſt uerio rem cenſeo, & magis ad Ariſt. quam ſi cognouiſſet Mirandulanus de neceſſitate huius rationis minimè dubitaſſet, & hæc circa Ariſtotelis rationes dicta ſint ſatis.

Actus duplex est, primus ut scientia, secundus ut considerare.



**D**ISTINCTIO hæc de duplici actu ab Arist. 2. lib. de Anima contex. 2. & 5. qui cum non satis uerbis quid uterque foret, explicarit, nõ paruam eius interpretũ animis ambiguitatem reliquit, fuit ferẽ omnium expositorũ consensus, quòd actus primus substantia sit, actus autẽ secundus finctio, & operatio, quæ ab ipsa substantia proficiscitur, quæ opinio ad hæc usque tẽpora percrebuit. Sed quamuis grauisimorum uirorum hæc extiterit opinio, attamen falsa est, & ab Aristot. aliena, quod ita probatur, indagaturus Aristoteles communem animæ definitionẽ substantiam in materiam, formam, & ex utrisque compositum diuisit, cum autẽ materiam potentiam esse, formam autem actum declarauerit, mox actum subdivisit in primum & secundum. iam uerò ille actus diuiditur qui substantia est, quoniam is diuiditur, qui est membrum condidens substantiã, sed substantia in substantiam & accidens minime distribuitur, cum membra diuidentia participare debeant naturam diuisi: ergo uterque actus & primus & secundus substantia est, & consequenter actus secundus non est operatio et accidens ut cõter aiunt, ceterum moderniores quidã ut communem tueantur errorem huic rationi ita respondent, quòd actus qui ab Arist. diuiditur non est actus substantialis, sed est actus in communi ad substantiam & accidens, siquidem formam substantialem describens inquit, quòd actus est, qui latior, & fusior est quàm sit forma substantialis, unde actum qui forme substantialis genus est in primum & secundum diuisit, & hic in substantiam & accidens bene partiri potest. sed quòd isti hallucinentur, & quæ ab Aristotele dicuntur parum intelligant ex contex. 5. ita probatur, cum in tex. quarto Philosophus probasset, quòd anima non est corpus, quoniam corpus non est in subiecto, Anima uerò in subiecto est, in principio cõtextus quinti Anima colligens definitionem, inquit, Anima substantia est, substantia autem actus, actus autem qui huiusmodi corporis est, hic autem duplex est, primus & secundus, perpendo hæc Aristotelis uerba, cum inquit, Anima substantia est substantia autem actus, hic autem duplex, ergo diuiditur ille actus qui substantia est. quoniam inquit, substantia actus, hic autem qui substantia est diuiditur in primum, & secundum, actus itaque substantialis, non autem qui communis est hoc in loco diuiditur: perpendo insuper uerba sequentia, cum dicit, Actus autem est corporis organici, hic autem duplex est. unde

ille actus diuiditur, qui est actus corporis organici, sed hic nō est actus in cōmuni ad substantiam et accidens, sed actus substantialis: ergo hic et non qui communis est, ut aiunt, ab Arist. diuiditur. cum itaque actus substantialis diuidatur in primum & secundum, ergo & primus & secundus substantia est: accedit quòd si actus secundus operatio est, & accidens, tunc diuisio actus facta ab Arist. in primum, & secundum minimè necessaria fuit. probatur consequentia, quia diuisio actus in primum & secundum non ob aliam causam necessaria erat, & ab Arist. facta fuit, nisi ut determinaretur, quòd anima est actus primus, & non secundus: iam uerò si actus secundus operatio est, tunc cognito et habito in prima diuisione quòd anima est substantia, cognitū fuit quod anima non est accidens, & per consequens operatio, et ita & est actus primus, & non secundus. & proinde diuisio actus in primum et secundum superuacanea fuisset: melius ergo cum Auer. dicendū qui solus hac in re Aristotelis sententiā est assequutus, quòd & actus primus, et actus secundus est forma substantialis à seipsa duntaxat ratione distincta: dicitur enim actus primus quatenus non operatur, et propterea Aristoteles ipsum describens assimilaui somno qui est habere et non operari, ut cum quis scientiā habet & non operatur. Secundus autem dicitur, ut operatur, propterea Aristoteles ipsum uigiliis assimilaui, et contemplari, ut cum quis scientiā habet, et contemplatur, quare actus primus est forma non operans, actus autē secundus est forma operans: et hac est uera & germana Aristotelis sententiā, ex quo sequitur quòd substantia illa separata, calique motrices non sunt actus primus, quia nunquam à suo opere feriantur, aut quiescunt, & cōsequenter sub communi animæ definitione tradita in secundo libro, quæ est actus primus corporis potentia uitam habentis, minimè continentur, quicquid dixerit Achillinus & nonnulli recentiores, quod ex eo confirmari potest, quoniam ea anima definitur quæ est actus illius corporis habentis uitam, quod ponitur in diuisione corporū naturalium in tex. 3. ubi Philosophus posita diuisione in contex. 2. entis, pariter et substantia in materiā, formā, et compositū ex utrisque, in contex. 3. diuisionem ponit corporis naturalis in non habens uitā, & habens uitam, sed huiusmodi corpus uitam habens illud est, quod per seipsam nutritur, et augetur ut ab Arist. eodem loco describitur, tale uerò est corruptibile, & cui ad uitā cibi præsidio opus est. igitur definitur anima corporis uiuentis corruptibilis. et quoniā ut inquit in tex. 6. idem est uitam habens, et organicū: igitur definitur anima, quæ est actus corporis corruptibilis organici, quāuis neq; celeste corpus, corpus organicū dici possit, quia ut ex eodē contex. 6. colligitur corpus organicū illud est, & diuersas habet partes destinatas ad exercendas diuersas animæ functiones, et opera: unde ex hoc frustrices et plantas corpora organica esse ostē-



dit, quia differentes atque diuersas habent partes ad diuersa obeunda munera destinatas, ut solum gratia fructiferi, hoc autem gratia fructus, radices uero ori per similes ad alliciendum nutrimentum à terra, quo etiam modo corpus organicum definiuit Alex. Aphrod. primo de Anima cap. 4. neque diuersitas partium secundum rarum & densum in caelesti corpore existens corpus organicum facit, ut censuit Achill. alioquin & simplicia corpora cum secundum rarum & densum diuersas habent partes, corpora organica dici deberent: solum itaque sub ea animæ definitione, ut etiam Græci omnes tenuere interpretes, generabilium & corruptibilium anima continetur, quæ est actus primus, & quandoque à suo opere conquiescit. ceterum hoc in loco dubitatio sese offert, quia si anima est actus primus corporis organici, actus autem primus est forma non operans: igitur anima uegetalis cum sæp operetur, nec unquam à suo munere conquiescat, sub definitione animæ non continebitur, quod Arist. aduersatur in tex. 7. ubi sic inquit, si autem aliquod commune in omni anima dicere oportet, erit utique actus primus corporis naturalis organici. quæ dubitationem animaduertens Auerroes in Com. 5. ita respondet, quod anima uegetalis non semper operatur, nec semper nutrit, ut in his animalibus contingit, quæ hiberno tempore in latebris degunt, quæ quæ cum extrinsecus nutrimentum non assumant, non uidentur nutriri, idcirco cum & ipsa uegetalis quandoque à propria operatione uacet, sicut & alia anima partes, propterea actus primus est, & sub definitione animæ continetur. uerò solutionem hanc falsam esse percipiens cum ex Arist. primo de Gener. 4. t. animal nutriatur quousque uiuit, licet non sæp augeatur, & quies anima nutrientis à sua operatione est mors. ea propter secundam tradidit resolutionem quæ huiusmodi est, quod actus in definitione animæ non dicitur uniuersalis, sed æquiuocè: respectu enim sensitivæ, & intellectivæ dicitur actus primus, respectu autem uegetalis dicitur actus secundus, unde actus primus indefinite accipitur respectu quarundam uidelicet animæ partium, sed ista quoque responsio falsa est, quoniam Philosophus in text. 7. inquit, quod si aliquod in omni anima dicere oportet, erit utique actus primus corporis Phisici organici, uult itaque quod actus primus omni animæ communis sit, & proinde actus in definitione animæ non accipitur æquiuocè, uel ut est communis actui pri. & secundum, ut inquit Auer. sed contractus ad actum primum qui cõpetit oibus anima partibus, ut inquit Aristoteles. secus itaque dubitatio persoluenda est, uerum ut solutio planior fiat, sciendum, quod uegetalis anima tres habet operationes, nutrire, augere, & sibi simile procreare, ad quas non eodem modo sese habet: nam respectu nutritionis semper operatur, sed respectu aliarum non semper; non enim semper augeat, nec semper generat, sed ad certum, statutumque tempus. tunc dicit

dū q̄ licet respectu nutritionis actus secundus sit, respectu tamen aliarū ut generationis, & incrementi est actus primus cum isthac non semper exerceat opera, & id satis est ad hoc, ut sub animæ definitione contineatur, cum etiam actus primus de vegetali anima uerificetur: quod si quispiam instet ab his animalibus argumento desumpto quæ hiberno tempore in latebris degunt, & ex morbo illo qui atrophia, hoc est nutritionis privatio dicitur, vegetalem animam a nutritione quandoque seruari, ac proinde respectu nutritionis etiam actum primum esse. respondemus, & primum quidem sic dirimitur, quod huiusmodi animalia quæ per hiemem in latebris degunt, licet nutrimentum extrinsecum non assumant, nutriuntur tamen nutrimento interno, quod quidem astino tempore uoracius acceperunt, quod præ caloris imbecillitate digerere non potuerunt, undè in ipsis colluuiēs quædam indigesti humoris colligitur, in cuius coctionem dum in latebris iacent, innatus calor potissimum incumbit, & concoquit, id autem pro eo tempore satis esse uidetur, quoniam naturalis calor eorum qui etiā ingruente frigore imbecillior redditur, non nisi longiore tempore illud conficere, & in corporis substantiam commutare potest & hunc in modum Aristotelis dictum secundo de Anima 14, intelligi uolo, cum inquit, quod animalia tandiu nutriuntur, quandiu nutrimentum habent, uidelicet tam intrinsecum, quàm extrinsecum. Secundum quē etiam de atrophia facile explicatum habet: nutritio. n. bis. capi potest uno modo pro integra & perfecta alimenti conuersione in substantiam eius quod nutritur: alio modo pro qualibet alimenti mutatione, & conuersione, tunc dicimus quod si nutritio primo modo accipitur, animantia non semper nutriuntur ut in atrophia contingit, & in extremo, si uerò secundo modo, nutritio ab initio uitæ ad postremam usque diē animantia prosequitur, & in atrophia perdurat, & de hac intelligitur illa Aristotelis propositio, animal quousque uiuit, nutritur. Sed quoniā de nutritione, & nutrimento mentio facta ē, nec satis cōspicuum sit, quando nutrimentum actu nutrimentum est, aut actu nutrit, uel quando dissimile est, uel quando iam simile factum est: ideo res ista sequenti cap. dilucidabitur.

Quando nutrimentum actu nutrit, & actu nutrimentum est.



**P** R I M U M L C H R A quidem, & non levis dubitatio est, an nutrimentum sit actu nutrimentum cum dissimile est, uel cum tam simile factum est, & in uiuentis substantiam, commutatum: non enim actu nutrimentum dici potest cum dissimile est. quia tunc contrarium est ei quod alitur, & proinde mutatione opus habet, nec actu nutrimentum dici potest cum simile factum est, quoniam tunc uiuentis pars effectum est: pars autem nutrimentum dici non potest, nec propterea actu nutrimentum dici potest cum conuertitur & mutatur, quia cum conuertitur, & mutatur adhuc dissimile est & contrarium, alioquin non mutaretur: in mutato autem esse, iam simile est, & pars, & ita ut prius. quid ergo dicendum? Dubitatio ista (mea sententia) ita persoluenda est, quod nutrimentum dicitur actu nutrimentum cum simile factum est, & in uiuentis substantiam commutationis, si quidem tunc actu nutrimentum est, cum actu reparat quod effluxum, & deperditum est: ea enim ratione à natura uiuentibus nutrimentum elargitum est, ut reparet, & instauret quod effluit, & continè deperditur: iam uerò tunc nutrimentum actu reparat, quod effluxum est, & ique actu æquiualeat, cum simile factum est, & in substantiam conuersum: igitur nutrimentum actu nutrimentum est & actu nutrit, cum iam simile factum est: cum uerò dissimile est, atque conuertitur, tunc potentia est, ut partem effluxam instauret, in eiusque locum reponatur, & proinde æquiuoce & potentia nutrimentum est. quam ueritatem ante nos cognouit Hippo. in principio libri de alimento, cui subscripsit Galenus primo de facult. naturali. cap. 11. qui concordantes dicunt, quod datur actu nutrimentum, & potentia nutrimentum, & hoc, dupliciter, uel potentia remota, uel proxima: actu nutrimentum est, inquiunt, cum conuersum est, & simile factum, potentia proxima & p ueluti nutrimentum est, dicitur esse illud, & appositum, & agglutinationem est, atque exigua mutatione eget, ut simile fiat: potentia uerò remota nutrimentum dicitur esse illud quod multa eget mutatione sicut est sanguis in uenis, & chylus in uentre: hac Hippoc. & Galenus, ex quibus nemo est, qui non uideat celebratissimos hosce uiros uoluisse actu nutrimentum fore cum simile factum est, & in eius, quod alitur substantiam commutationem: antequam autem conuersum sit, propriè nutrimentum non esse, sed æquiuoce, & potentiam nutrimentum.



*Ad instantiam autem in contrarium dicendum, quòd nutrimentum conuer-  
sum ad duo comparari potest, & ad partem præexistentem cui apponitur,  
& ad partem effluxam, & deperditam in cuius locum reponitur: si primo  
modo consideretur, ut sic dicitur pars quia carnis, & membri cui apponi-  
tur pars efficitur. si uerò secundo modo, nutrimentum dicitur, quia finis,  
& id cuius gratia comparatum est nutrimentum est, ut instauraret quod in-  
dies ex uiuentibus effluit, & dissoluitur pro conseruanda uita, quam sanè  
partem deperditam quatenus instaurat, corpus uiuens nutrire dicitur.*

*Quare necesse est, quoniam omnia intelligit immixtum esse, ut dixit  
Anaxagoras, ut imperet, hoc autem est ut cognoscat. Intus  
enim existens prohibet alienum.*



*EGITVR context. iste tertio libro de Anima, & est  
in ordine quartus, què hunc in modù introducit Auer-  
cū. n. inquit Arist. in tex. 3. duo accepisset de intellectu,  
unum quod est de genere, uirtutum passiuarum, alterum quod  
non transmutatur, quia neque est corpus, neque uirtus  
in corpore. in hoc contextu quarto eius propositum est  
demonstrare utrumque. sed hæc Auerrois sententia ex toto falsa est, & ab  
Aristo. aliena: primo. n. falsum est Aristotelem in tex. 3. accepisse intellectum  
non esse corpus, neque uirtutem in corpore, si quidem in tex. 3. nullam in-  
ter sensum & intellectum differentiam posuit, sed duntaxat inter utrumque  
conuenientiam assignauit, quod ex eo patet, quia cum in tex. 2. ex similitu-  
dine inter sentire, & intelligere collegisset quòd intelligere est pati perfecti-  
uè ab intelligibili, ex hoc sub initium contextus tertii deduxit intellectum  
impassibilem esse, quod etiam ipsi sensui commune est. nam cum intellectum  
impassibilem esse deducatur ex eo quod intelligere est pati perfecti-  
uè ab intelligibili, hoc autem ex eo quod sentire (cui simile est intelligere) est  
pati perfecti-  
uè à sensibili. igitur intellectum impassibilem esse deducitur  
tandem ex principio ex eo quod sensus impassibilis est corrupti-  
uè ab ob-  
iecto sensibili, quare hoc dicitur impassibilem esse commune utrique est.  
sensui, & intellectui: ex quo patet illos Aristotelem minime intelligere, qui  
ex hac propositione intellectus immortalitatem colligere uoluerunt.  
cum tamen per impassibilem non intelligat absolute & undequa-  
que impassibilem. sed non pati corrupti-  
uè ab obiecto, quòd etiam  
ipsi sensui commune est. unde cum Philosophus in tex. 3. assignasset hoc  
utrique commune, ne quis putaret in impassibilitate undequaque persimi-*

lis esse, in tex. 7. impassibilitatis diuersitatem declarauit, dicens, quod autē non sit similis impassibilitas sensus & intellectus manifestum est ex sensu-  
 riis, & sensu: sensus. n. non est impassibilis secundum totam latitudinem sui  
 obiecti, quoniam ab excellenti sensibili, corruptiue patitur: intellectus uero  
 secundum totam obiecti latitudinem impassibilis est, quoniam ab excellen-  
 ti intelligibili non corrumpitur, sed perficitur magis. ex quo loco quis est  
 qui non uideat Aristotelem in tex. 3. per impassibilem esse quid commu-  
 ne intelligat sensui & intellectui, cum postea impassibilitatis differentia  
 ab ipso in tex. 7. declaretur, quod etiam satis aperte confirmant ultima  
 uerba contextus tertij, in quibus summam colligens communionem &  
 conuenientiam inter utrumque sic inquit, Et similiter sicut se habet sensus  
 ad sensibilia, ita intellectus ad intelligibilia, unde male Auerro. cum Al-  
 berto Mag. exposuit illam particulatim, (sed non hoc) idest non corpus, ne-  
 que in corpore uirtus, sicuti sensus. cum immediate Aristoteles summam  
 colligat conuenientiam eorum quae superius dixerat inter sensum & in-  
 tellectum, sed oportet intelligere illud (non hoc) idest non est actu aliqua  
 species, sed potentia, ut recte exposuere Them. Ioan. Gramma. & ex latinis  
 B. D. Secundo falsum est in tex. 4. demonstrare intellectum esse de genere  
 uirtutum pasuiarum, cum satis conspicuum sit, quod ex illo principio [intel-  
 lectus omnia intelligit] non deducat nisi quod intellectus immixtus sit, ip-  
 sum autem esse de genere uirtutum pasuiarum, in tex. 3. demonstratum fuit,  
 nam ex eo quod intelligere est pati perfectiue concludebat intellectum esse  
 impassibilem corruptiue, & ex eodem inferebat esse susceptiue specierum,  
 & consequenter de genere uirtutum pasuiarum, nam cum intelligere si pa-  
 ti perfectiue ab intelligibili, ab hoc autem minimè perfici possit nisi aliquo  
 modo recipiat, ideo sequitur quod receptius sit, et quoniam id quod aliquid  
 recipit debet carere illo, habere tamen potentiam ad illud, ideo tertio con-  
 cludebat esse potentia, et non actu id quod recepturum est. Postremo falsum  
 est in tex. 4. demonstrare intellectum non esse corpus, neque uirtutem in cor-  
 pore, ita ut per immixtum intelligat abstractum, & non corpori mixtum quo-  
 niam in tex. 6. probans ipsum non esse corpori mixtum adiecit illam dictio-  
 nem (corpori) sic dicens, unde rationabile est ipsum non esse corpori mix-  
 tum, quod si in tex. 4. intelligeret immixtum à corpore, adiecisset illam di-  
 ctionem, corpori, cum ea esset prima conclusio. cum autem in tex. 4. dicat im-  
 mixtum tantum, in 6. autem addat corpus, igitur in tex. 4. non intelligit, ne  
 que probat esse immixtum corpori, praeterea si in tex. 4. probaret intellectum  
 non esse uirtutem in corpore sed abstractam, tunc in tex. 5. non potuisset il-  
 lud corollarium inferre quod potentia omnia sit, & nullam actu speciem  
 habeat, quia diceret Plato, aut quis alius, quod cum antecedenti fiat oppo-

intellectus esset forma materialis, non sequeretur id quod dicit Auerro. quod propriam formam haberet, quæ alienas impediret: quæ in re bonis dormitavit Auerro. dicimus ergo nos per inmixtum Aristotelem intelligere non esse mixtum cum formis intelligibilibus. probat autem consequentiam primo Anaxagoræ autoritate, quippè qui posuit intellectum inmixtum ab omnibus, ut imperaret: hoc autem est, ut cognosceret, quæ verba bis. exponi possunt: primo quidem ut sensus sit. Anaxagoras posuit intellectum in mixtum, ut imperaret, id est, ut omnia cognosceret: secundo ita exponi possunt, quod sicut Anaxagoras posuit intellectum inmixtum ab omnibus formis, ut omnibus formis imperaret, ita oportet hunc intellectum, de quo sermo est, esse inmixtum ab omnibus, ut omnia cognoscere ualeat. sed prima expositio mihi magis placet, probat secundo consequentiam ratione, & ratio est à destructione consequentis ad destructionem antecedentis hoc modo, Si intellectus aliqui intelligibilium mixtus esset, non omnia intelligeret, quia intus existens prohibet alienum, sicut enim contingit in sensibus, quod si oculus suffusus fuerit colore croceo à bilioso humore, color ille intus existens impedimento est, quo minus alios colores spectare queat, quinimmo quæcunque uidet, ut crocea sibi uisibilia sunt ita si intellectus cum aliqua intelligibili forma mixtus esset, omnia recipere minimè posset, quia forma illa inexistens prohiberet, ne aliena reciperet, & hoc uoluit Philosophus cum dixit: Intus enim existens prohibet alienum ] ut igitur omnia recipere & intelligere queat, purum, simplicem, ab omniq[ue] intelligibili forma liberum esse opera precium est, & hæc est sententia, germanaque expositio præsentis contextus, ex quo facile colligitur Aristoteli minimè consentaneam esse Simplicij opinionem, dicentis, in intellectu rationes illas ideales intellectui coæternas adinueniri, nam data Simplicij opinione Aristotelis ratio statim conuellitur. nam cum dicit, intellectus omnia intelligit, igitur ab omnibus intelligibilibus formis inmixtus, & denudatus est. negatur consequentia, ad probationem, quia si esset cum aliqua specie commixtus, non omnia intelligeret, quia illud intus inexistens aliena prohiberet, id totum negabitur, dixerimq[ue] quod intellectus cū formis & speciebus permixtus est, omniaq[ue] intelligere ualeat, nec intus inexistens prohibet ne aliena cognoscat, quia Simplicius ideas, et rerum species ponit, quæ intellectui minimè impedimento sunt, ne aliena, cognoscat, & intelligat si igitur Arist. ratio saluari debet, dicendū est Arist. rationes illas & ideas ab intellectu penitus reiectisse, uoluisseq[ue] formis intelligibilibus, & speciebus simpliciter inmixtum esse, sed posteaquā in hunc locū incidimus, non erit ab re in confirmationē



huius in medium asserre locum illum Aristotelis secundo. Possib. prope finē, ubi Philosophus dubitationem mouēs quomodo demonstrationis principia cognoscantur, querit utrum in intellectu de nouo generentur rationes et habitus, quibus principia cognoscuntur cum prius non essent, aut in intellectu sint rationes & habitus, qui tamen latitent. cui sanē dubio satisfaciens destruit secundum membrum dicens: ualde absurdum esse asserere in intellectu rationes adinueniri & habitus, illos autem latere: ideo concludit quod rationes, & habitus illi de nouo generantur in intellectu, cum prius non essent. quomodo autem huiusmodi habitus consequamur declarans, inquit, id fieri medio sensu, si quidem ex sensu sit memoria, ex memoria uerō sēpe de eadem refasta oritur experimentum, ex procedente autem experimento ac sēpe confirmato, uniuersale colligitur quod scientiæ demonstrationis principium est. iam uerō si Aristoteles eius fuisset opinionis quam si bi imponit Simplicius, tunc in soluendo difficultatem non debuisset reuicere, & destruere illud secundum membrum, quinimmo debebat illud recipere, & maximē comprobare: cum autem ut ualde absurdum reiciat, comprobetque primum membrum quod rationes & habitus in intellectu de nouo generantur cum prius non essent, itaque noluit Aristoteles has rationes in intellectu adinueniri, alioquin dubitationem præposterē soluisset, negasset. n. quod erat affirmandum, & affirmasset quod erat negandum, unde studiosos monitos esse uelimus ut Simplicium super tertium de Anima librum cautē legant. sed quoniam hac Aristotelis ratio in tex. 4. duabus ut inquit Auer. innittitur propositionibus, quarum altera est, quod Intellectus omnia intelligit, reliqua uerō quod recipiens debet esse denudatum à natura recepti, proinde in sequenti & una & altera dilucidabitur.

### Intellectus omnia intelligit.



**A**EC est propositio ex qua in tex. quarto deduxit Aristoteles intellectum immixtum esse, in cuius explicatione duo consideranda sunt, primo quidem quid per omnia, intelligat Aristoteles, cum inquit Intellectus omnia intelligit: secundo de eius ueritate considerandum est: quod ad primum Auerroes inquit Aristotelem per omnia, intelligere formas materiales tantum, ut sensus sit, Intellectus intelligit omnes formas materiales, quæ Auerrois sententia ab Aristotele dissentit. quoniam cum Philosophus in tex. 4. ex hac propositione pro-

basset intellectum immixtum esse, in tex. 5. colligit naturam intellectus possibilis sic dicens, Quare nulla alia est ipsius natura nisi potentia, & nihil est actus eorum quæ sunt antequam intelligat, iam uero sicut illa diffinitio (Omnia) accipitur in consequente, ita accipitur in antecedente, sed in consequente accipitur uniuersaliter, & non pro formis materialibus tantum, quia dicit, (eorum quæ sunt) quasi dicat omnium entium: non enim poterat Aristoteles uniuersalioribus uti uerbis, igitur & in antecedente illa diffinitio (Omnia) accipitur uniuersaliter pro omnibus entibus, & non pro formis materialibus tantum: praterea si illa diffinitio (Omnia) pro formis materialibus tantum acciperetur, tunc Philosophus ex hac propositione deducere minimè potuisset, id, quod arbitratur Auerroes, uidelicet Intellectum abstractum esse, ostendo, quia non ualeat, Intellectus intelligit omnes formas materiales, igitur abstractus est. quia cum antecedente fiat oppositum consequentis, nam cogitatio de ipsius sententia omnes materiales formas recipit, & cognoscit, & tamen non est abstracta, ita licet intellectus omnes formas materiales cognoscat, non sequitur ipsum esse uirtutem abstractam, quod tamen uult Auerro. ex ea propositione deduci, quod si quis pre Auerro. dicat Aristotelem non deducere intellectum abstractum esse ex illa propositione simpliciter, quia uidelicet omnes formas materiales recipit, & cognoscit, sed ex recipiendi & cognoscendi modo, quia uidelicet omnes formas materiales uniuersaliter recipit, & cognoscit, & tunc propositio ita erit intelligenda, Intellectus omnes formas materiales uniuersaliter intelligit, ex qua postea bene deduci potest intellectum abstractum esse, neque cum antecedente fiat oppositum consequentis, quia nulla uirtus materialis cognoscit uniuersaliter, sed singulariter. Sed ista responsio textui minimè conformis est, quia Aristoteles accipit propositionem istam simpliciter absque recipiendi & cognoscendi modo, dicens, Intellectus omnia intelligit, igitur ex cognitione omnium, & non ex cognoscendi modo nempe uniuersaliter inferi, & deducit illud consequens, quòd si consequens deduceretur in uirtute modi recipiendi, & cognoscendi, tunc Aristoteles cum modum hunc subtraheret, illud pratermisisset, in quo consistit tota uis medii termini, & id protulisset ex quo conclusio minimè deduci potest. quod an sit rationi consentaneum dicat demonstrator, quare dicimus nos, quod in hac propositione illa diffinitio, Omnia, non supponit pro formis materialibus tantum, ut inquit Auerro. sed pro omnibus intelligibilibus siue materialia sint, siue à materia separata, & hæc de primo. Quo autem spectat ad secundum uidetur propositio hæc de ueritate suspecta, quia intellectus humanus omnes plantarum specier minimè cognoscit, neque omnes animas

lium species, neque omnes ultimas differentias rerum accedit quinetiam Arist. autoritas 2. Met. primo, ubi inquit, quod sicut se habet oculus nicti coracis lumen solis, ita intellectus humanus ad ea, quæ sunt manifestissima in natura: igitur intellectus humanus ea quæ sunt manifestissima in natura utpote substantias illas separatas intelligere minime potest. sicut neque oculus nicticoracis lumen solis intueri potest.

## Dilucidatio

**V**T huius propositionis veritas habeatur: aduertendum, quod propositio ista bis. intelligi potest: uno modo secundum actum, alio modo secundum aptitudinem: & primo modo adhuc dup. uno modo respectu unius individui, alio modo respectu totius speciei: tunc ponimus has tres conclusiones. prima est, si accipiat propositio secundum actum respectu unius individui, Intellectus non omnia intelligit: non enim datur homo aliquis, qui actu omnia intelligat: secunda uero ea est, si accipiat propositio secundum actum respectu totius speciei, fieri potest ut intellectus omnia intelligat, & ista uidetur esse Auerrois sententia primo de Gener. comm. 19. ubi inquit quod nihil est occultum in natura, & quod est ignotum est non ens. Tertia, enunciatio huiusmodi est, si loquamur secundum aptitudinem propositio uerissima est, quoniam intellectus est aptus natus omnia intelligere, & posito phantasmate in phantasia intellectus omnia actu intelligere potest, & si actu non omnia intelligat & præsertim materialia id provenit ex accidenti, quia caret phantasmate, cuius beneficio indiget Intellectus, & in hoc sensu intelligitur hæc Aristotelis propositio, cum inquit, Intellectus omnia intelligit, quibus ita constitutis, facile modo soluuntur in contrarium obiecta: & cum dicebatur primo, intellectus non intelligit omnes species plantarum, & animalium: respondemus, quod licet intellectus respectu unius individui actu non cognoscat omnes plantarum species, & animalium, tamen secundum universitatem individuorum forte omnes actu cognoscit, uel respectu unius individui est aptus natus ut omnes cognoscat, & similiter de ultimis differentiis dicendum. ad illam autem Arist. autoritatem secundo Met. primo, respondet Auerroes in eo loco dicens, quod illa autoritas non dicit impossibilitatem, sed difficultatem: sed animaduertere quod si Auerroes intelligat quod non dicit impossibilitatem respectu cuiuscumque cognitionis, bene dicit: si uero intelligit, quod non dicit impossibilitatem, sed difficultatem quod ad cognitionem (ut aiunt) quiditatem, & proprium earum conceptum decipitur Auerro. nec ullo pacto tenendus, quia intellectus quiditatem, & secundum proprium conceptum non intelligit substan-



tias separatas, sed solum secundum quædam communia attributa; in quæ ex earum effectib. manuducitur intellectus; quod sanè accommodatissimo nisticoracis exemplo Aristoteles declarauit, nam sicut oculus nisticoracis subobscurè, & imperfectè lumen solis intueri potest, ita intellectus humanus substantias illas separatas subobscura, & tenui quadam cognitione contemplari potest: quod autem oculus nisticoracis aliquo pacto lumen solis intueri ualeat est aperta Aristotelis sententia 9. de hist. anim. cap. primo, ubi hæc habet. Cornix cum noctua dissentit: Cornix enim meridie noctuæ subripit oua, cum non clare meridie uideat noctuæ, hæc uerò contra oua cornicis noctu exedit, estque altera interdum, altera noctu potentior, hæc Aristotel. in quibus uerbis aperte fatetur, noctuam interdum uidere, sed non clare, atque ita nisticoracis exemplo egregiè Aristotel. adumbratam & imperfectam quam de substantiis separatis cognitionem habet, declarare uidetur: qua in re si mihi liceat pro libertate Philosophia loqui, uerior est, & ad Aristotelem magis Diui Thomæ sententia, q̃ Auerrois, dicentis intellectum intelligere substantias separatas quiditatinè, & per essentiam cum uidelicet intellectus adeptus est. & sibi intellectus agens iungitur ut forma quorum alterum perpulchrè ab Auerro. effectum est, alterum uerò nunquā

ab Aristotele concessum, quia tertio de Anima 30. 32. & 39. inquit,

q̃ ad intellectum phantasmata se habent sicut sensibilia ad sensum: iam uerò sensibilia, ad sensum ita se habent quod.

sensus nunquam sine sensibilibus sentire potest: unde

de concludit dicens, quapropter nunquā sine Phantasmate intellectus intelligere

potest, sed in 32. inquit, Intellectus

igitur in phantasmatib.

formas, & species in

telligit, nec

unquā

in toto tertio illo de Anima at-

tribuit intellectui aliū in-

telligendi modū, q̃ cū phantasma

se, sed licet intellectus non intelligat

substantias separatas quiditatinè, intelligit

tamen quantum sibi conceditur,

& hæc satis: nunc ad aliam

propositionem pedem

conferamus, quæ

huiusmodi

est,

Om-

Omne recipiens debet esse denudatum à natura recepti.



**H**ÆC est altera propositio, qua (ut inquit Auer.) innititur Aristot. demonstratio in text. 4. quam tamen si Zimara in theorematib. suis dilucidare conatus sit, id tamen minime præstitisse facile intelligent illi, qui ipsum ea in parte perlegerint: conabimur autem nos (sauce Deo) eam dilucidare, & ad mentem Aristotelis explanare. sed forte dicito, hac non uidetur fuisse Aristotelis propositio, quoniam Aristoteles eam non posuit in tex. Dicimus uerum esse eam Aristotelem in tex. non posuisse, quia argumentum Aristotelis fuit unum enthimema quod tenet in uirtute huius propositionis, & dato quod ea expresse usus minime fuerit, eam tamen intellexit, reduciendo enthimema ad syllogismum hoc modo, omne recipiens debet esse denudatum à natura recepti, intellectus recipit, & intelligit omnia: ergo debet esse denudatus ab omnibus. ex eo autem probatur illa maior, quia si recipiens omnia non esset ab omnibus denudatum, non posset omnia recipere, quia intus existens prohiberet aliena. itaque propositio ista non solum fuit Auerrois in eo loco, sed etiam Aristotelis, quicquid dixerint Latinorum nonnulli in qua sanè propositione dilucidanda tria à nobis perpendenda sunt: primo quidem in quo sensu hæc propositio ab Auer. & ab aliis accepta fuerit, & an conuenienter ad Aristotelem: secundo ueritas propositionis ueritas aperienda est, tertio, an demonstratio Auerrois quæ hac innititur propositione intellectus immortalitatem concludat. quo ad primum, propositio ista ab Auerro. in hoc sensu accepta fuit, & recipiens sit denudatum à natura recepti secundum speciem, ita quod habens aliquam naturam realiter non possit recipere eandem naturam secundum speciem intentionaliter, quia tunc idem esset mouens, & motum, recipiens & receptum, quod impossibile est, unde secundum ipsum naturam aliquam existens in recipiente realiter impedit receptionem eiusdem naturam secundum speciem intentionaliter, ut potè albedo realiter oculo inexistens impediret receptionem eiusdem albedinis secundum speciem intentionaliter, & hæc est Auerrois sententia. sed hac in re grauiter peccat, primo quidem ab Ari. dissentit, quoniam non accipitur propositio ab Arist. in eo sensu, quo ab Aue. accepta fuit: erat scilicet quoniam in eo sensu quo ab ipso accepta est. falsissima est, & à ueritate aliena. & ab Arist. dissentiatur probatur, nam Arist. utitur propositione in hoc sensu quod si id & uest aliqua receptum habet aliquam naturam non potest aliena recipere, quia intus, inquit, existens prohibet aliena, unde ut possit omnia recipere ad quæ potentia est ab omnibus denudatum esse debet, quamobrem non inquit

Aristoteles quod recipiens habens aliquam naturam realiter non possit eandem secundum speciem intentionaliter, et quod inexistencia alicuius naturae impedit receptionem eiusdem formae secundum speciem, ut inquit Auer. sed quod inexistencia alicuius naturae impedit receptionem aliorum: intus, inquit, existens prohibet aliena. in alio itaque sensu propositionem accepit Auer. quam ab Arist. accepta fuerit. quod autem falsa sit propositio in eo sensu quo ab ipso accipitur, probatur tam in receptione reali, quam in receptione spiritali. in receptione quidem reali quoniam aqua habens caliditatem remissam, ut duo potest recipere caliditatem intensam, ut quatuor quae est eiusdem speciei cum caliditate remissa ut duo: igitur habens aliquam naturam realem potest recipere eandem et naturam secundum speciem realiter: in receptione uero spiritali, quoniam oculus suffusus colore croceo uidet colorem croceum aliterius icterici: hoc enim conspicuum est, quoniam si duo accipiantur icterici unus uidet colorem croceum alterius, igitur habens aliquam naturam realiter eandem secundum speciem recipere potest intentionaliter. confirmatur, quia si accipiatur cristallum affectum aliquo colore reali ut colore uiridi, illud recipit colorem eiusdem speciei alteri inexistenter subiecto et per illud cristallum color ille demandatur ad oculum, et si accipiatur cristallum nullo colore affectum, certum est quod per ipsum uidemus alterum cristallum, eiusdem speciei: igitur si aliquod habet aliquam naturam realiter potest recipere eandem secundum speciem intentionaliter, alioquin cristallum haudquaquam per alterum eiusdem speciei uideri posset, quod sensui refragatur: amplius, habens aliquam formam intentionaliter recipere potest eandem formam secundum speciem intentionaliter, quia si species Albedinis sit in hac parte medii, et ad eandem partem asseratur alia albedo eiusdem speciei, albedo illa speciem producet in eadem parte medii, igitur eadem pars medii habens albedinem intentionaliter recipit eandem albedinem secundum speciem intentionaliter. quare propositio in eo sensu quo ab Auer. accepta est, ab Arist. et a ueritate aliena est. nec proinde sequitur id, ad quod deducebat Auerroes, quod idem esset recipiens, et receptum, quia natura inexistens nec est recipiens, nec ratio recipiendi, sed id in quo natura illa adinuenitur, et propterea aliud est recipiens et receptum et mouens et motum. Gaudanensis super 3. de Anima quaest. 4. propositionem istam perpendens pro dilucidatione ipsius hanc distinctionem, ponit, quod aliquid dicitur esse ab alio denudatum duobus modis, uno modo secundum existentiam, sicut dicimus quod Socrates est separatus a Platone, et uniuersaliter quacunque ita se habent, quorum unum non est coniunctum secundum existentiam cum alio: secundo modo dicitur aliquid denudatum secundum essentiam, quando unum in sui essentia non includit aliud quam sit coniuncta secundum esse, sicut dicimus quod materia denudata est a



forma secundum essentiam, & dolum à uino, quia neque materia in sui essentia includit formam, neque dolum uinum, quamuis coniuncta sint secundum esse: tunc inquit, quod ista propositio ita intelligenda est, quod recipiens debet esse denudatum à natura recepti secundum essentiam, ita ut recipiens non sit essentialiter idem cum natura recepti, sed non debet esse denudatum secundum existentiam, quod ex eo probat, quoniam oculus recipit colores, & tamen oculus non est denudatus à colore secundum esse, quod probatur ex Arist. in libro de sensu, & sensibili, ubi inquit, quod omnia corpora colore participant: cum ergo oculus corpus sit, igitur colore participat, sed licet oculus non sit à calore secundum existentiam denudatus, est tamen secundum essentiam denudatus, quia oculus non est eiusdem speciei cum colore quem habet. potest etiam addi ratio de tactu: sensus. n. tactus tangibiles recipit qualitates, & tamen non est denudatus à tangibilibus qualitatibus secundum existentiam, quia sensus tactus consistit in quadam mediocritate, & symetria primarum qualitatum, ut legitur apud Arist. 3. de Anima contex. 66. Sed hæc Gandauensis resolutio neque de Aristotelis, neque de Auerrois sententia est, quod non sit de Aristotelis sententia ex eo probatur, quia tunc Aristoteles ex demonstratione habita in tex. 4. solum concluderet quod intellectus denudatus est ab omnibus intelligibilibus secundum essentiam, non autem secundum existentiam: deducitur, nam discursus Aristotelis huiusmodi est. recipiens debet esse denudatum à natura recepti, intellectus recipit omnia intelligibilia, ergo debet esse denudatus ab omnibus intelligibilibus iam uerò si illa propositio maior ab Arist. in eo sensu accipitur, quod recipiens debeat esse denudatum à natura recepti secundum essentiam, non autem secundum existentiam: igitur solum concludit quod intellectus debet esse denudatus ab omnibus intelligibilibus secundum quiditatem, & essentiam, non autem secundum existentiam. sed id falsum est, quia tunc ex hac conclusione demonstrata non potuisset inferre in tex. 5. quod intellectus nullam aliam naturam habet nisi quod est potentia omnia, & nihil est actu eorum quæ sunt, antequam intelligat, quoniam non ualeat: intellectus est denudatus ab omnibus intelligibilibus essentialiter, ergo est potentia omnia, & nihil est actu intelligibilium antequam intelligat, quia stat quod sit denudatus, uel diuersus essentialiter ab ipsis intelligibilibus, & quod actu habeat ipsa intelligibilia, sicut dicit ipse de visu qui essentialiter ab omni colore denudatus est, actu tamen colorē habet: si ergo illud corollarium inferri debet in tex. 5. dicere oportet quod illa conclusio demonstrata in tex. 4. intelligitur non solum secundum essentiam, sed et secundum existentiam. & cum illa conclusio deducatur in uirtute illius propositionis: quod omne recipiens denudatum esse debet à natura recepti, igitur propositio ista non solum intelligenda est secundum essentiam, sed et secundum

cundum existentiam, praterea, perpendo propositionem illam qua probatio-  
nis loco utitur Arist. in tex. 4. quæ huiusmodi est: Intus enim existens pro-  
hibet aliena: ista enim propositio non solum veritatem habet de eo quod cō-  
iunctum est secundum essentiam, sed et de eo quod coniunctum est secundum  
existentiam: flauus etenim color oculo inexistens icterici non est coniun-  
ctus essentialiter cum oculo, sed solum secundum existentiam, & tamen pro-  
hibet ne alienos possit spectare colores: similiter amaritudo existens in lin-  
gua secundum existentiam solum coniuncta est, & tamen prohibet ne alie-  
nos saporos sentire queat: accedunt in confirmationem Aristoteli 2. de  
Anima 71. ubi ita inquit, est autem coloris susceptivum quod sine colore  
est, soni autem absonum, sine colore autem diaphanū, et proinde cōs recipit  
colores certum est autem quod diaphanum non solum à coloribus denudatū  
est secundū essentia, sed et secundū existentia. igitur recipiens non solū secun-  
dum essentiam sed etiam secundum existentiam à natura recepti denudatum  
esse debet. ea propter posteriores ut Gaetanus, et plerique alii eandem pro-  
positionem exponentes dixerunt, quod propositio ista ita intelligenda est, q̃  
recipiens denudatum esse debet à natura recepti tanquam à ratione reci-  
piendi, ita quod conveniunt isti cum Gandauense quod recipiens non debeat  
esse denudatum à natura recepti secundum existentiam, sed nolunt quod na-  
tura illa inexistens non sit tanquam ratio recipiendi. sed neque horum  
expositio est de Aristotelis sententia, quoniam tunc ex demonstratione  
contextus quarti non demonstrasset quod intellectus ab omnibus intelli-  
gibilibus secundum existentiam denudatus sit, sed solum tanquam a ratione re-  
cipiendi, deducitur ut supra, quia cum non deducat conclusionem nisi in vir-  
tute huius propositionis, quod omne recipiens denudatum esse debet à natu-  
ra recepti, si ista propositio non intelligitur quo ad existentiam, sed quo ad  
rationem recipiendi: igitur solum concludet intellectum ab omnibus intelli-  
gibilibus denudatum esse, non quo ad existentiam, sed tanquam à ratione re-  
cipiendi, & ita non potuisset inferre in tex. 5. ex hoc intellectum esse poten-  
tia omnia, & nihil esse actu eorum quæ sunt antequam intelligat. quis au-  
tem si uerus, & germanus propositionis intellectus sequenti capite ex-  
plicabitur.

## Dilucidatio.

**V**T huiusce propositionis veritas aperiatur, illud primo ani-  
maduertendum, quod recipiens in triplici reperitur: aliud e-  
nim est recipiens realiter, & naturaliter, ut materia prima, ut ele-  
menta: aliud uero est recipiens spiritualiter, & hoc duplex est: aliud enim

est recipiens spiritaliter tantum ut intellectus, uisus, & auditus in genere sensuum, licet postea differant inter se, quia intellectus recipit uniuersaliter, uisus autem & auditus particulariter: aliud uero est recipiens spiritaliter intercedente tamen transmutatione reali ut sensus tactus, qui quidem recipit spiritaliter, quia sensus est, recipit tamen mediante transmutatione reali, quod ex eo patere potest, quia unde est quod equaliter calida non sentimus, non ne species caliditatis in manu recipi potest? ratio nulla alia est, quia ibi transmutatio realis fieri minime potest, quia caliditas illa, quae percipi debet similis est in gradu caliditatis existenti in manu, & propterea non sentitur, neque intentionalis caliditas producitur: secundo sciendum quod recipiens tam realiter, quam spiritaliter, uel est receptiuum omnium formarum sicut materia prima, & intellectus, uel alicuius determinati generis, ut elementa, & sensus. tunc dicendum est, quod propositio ista est uniuersaliter uera tam in receptione reali, quam spiritali: & ita intelligenda est, quod recipiens denudatum esse debet à natura eorum quae recipere debet & secundum e sentiam, & secundum existentiam: et primo declaratur de receptione reali, nam si recipiens realiter fuerit receptiuum omnium formarum sicut est materia prima denudari, ac omnibus formis carere debet, nam si aliquam formam propriam possideret, alias recipere minime posset, quoniam illa quam secum iunctam teneret, tolleretur habitatem, & potentiam ad alias formas, quae ablata uis quoque recipiendi statim tolleretur: ratio .n. recipientis potentiam supponit, & tamdiu recipientis ratio seruatur, quam diu potentia, & habitas seruatur: si ergo materia omnes formas recipere debet, in ea ad omnes formas potentia seruari debet. hac autem si seruari debet, nullum actum nullamque formam sibi determinare debet, sed ab omni forma libera, et uacua esse debet: unde Philosophus primo Physic. 54. declarans qui nam ex antiquioribus melius dixerunt in statuendo subiectum, inquit, quod melius dixerunt illi, qui posuerunt corpus illud intermedium, quam qui unum ex elementis: & rationem assignans quia subiectum quod est receptiuum contrariorum ab omni contrarietate denudatum esse debet, cum autem corpus illud intermedium à contrarietate magis denudatum esse uideatur quam elementa, quia hac contrarietatibus complexa sunt, propterea illud magis habet rationem subiecti, quam aliquod elementorum: post hoc inquit, est aer qui minus sibi differentias sensibiles determinare uidetur, consequenter autem aqua: si uero recipiens realiter omnium formarum receptiuum minime fuerit, sed aliquarum sicut sunt elementa, quae non sunt receptiua omnium formarum, sed solum formarum mixtorum, huiusmodi recipiens non debet esse simpliciter denudatum ab omnibus formis, sed solum ab his quarum recepturum est, & ad quas naturaliter ordinatur, & proinde quia ele-



menta sunt receptiua solum formarum mixtorum, ab his duntaxat denudata sunt, & ipsum quod dicitur de recipiente realiter uerum est etiam de recipiente spiritaliter, nam si recipiens spiritaliter omnium fuerit receptiuum sicut est intellectus, illud ab oib. denudatum esse debet, quia si aliquid eorum quæ recipere debet, sibi determinaret, oia recipere minime posset, quia illud inexisteret prohiberet receptionem aliorum, & hoc modo probatur ab Arist. in tex. 4. intellectum ab oib. denudatū fore, quia si alicui intelligibilem cōmixtus esset, non oia reciperet, quia intus existens prohiberet aliena: si uerò recipiens spiritaliter non fuerit omnium receptiuū, sed alicuius generis determinati, illud ab omni ea natura denudatum esse debet, quam recipere debet, ut uisus quia receptiuus est solum coloris, ab omni colore denudatus esse debet: similiter sensus tactus quia solum excessus recipit primarum qualitarum, ideo solum ab his excessib. denudatus est. itaque recipiens spiritaliter nullam naturam secum admittere debet eorum, quæ recipere debet, quoniam natura illa inexisteret aliorum receptionem prohiberet, quæ propositio non solum intelligenda est de recipiente subiectiue, ut inquit bonus ille Zimara in quæst. de specieb. intelligibilib. sed etiam de recipiente obiectiue, sicut est intellectus noster, nec sua probatio alicuius est momenti: nam cū dicit, intellectus noster recipit se ipsum obiectiue, & tamen non est denudatus a seipso. respondetur, quod propositio intelligitur respectu illius recepti, quod per se recipitur a potentia receptiua: iam uerò intellectus non recipit se obiectiue per se, sed per accidens, ut inquit Alex. & cum eo Auerro. tertio de Anima Commē. 8. sed hoc in loco unum animaduertendum est, quoniam res non est ita superficietennis intelligenda, quia cum dicitur quod si recipiens spiritaliter aliquam naturam eorum quæ recipere debet, secum admitteret, natura illa inexisteret aliorum receptionem impediret, non intelligitur de receptione simpliciter, sed de receptione perfecta, & completa: hoc autem est receptio indicatiua: amaritudo .n. inexisteret lingue non impedit receptionē simpliciter aliorum saporum, sed iudicium, quia lingua amaritudine inspecta non potest probè indicare, & alios sapores per sentire sicuti sunt, sed omnes indicat ut amarus: propterea quod natura illa inexisteret adeo limitat, & afficit potentiam illam, ut quicquid recipitur in ea recipiatur per modum illius naturæ. Amplius animaduerte, quod cum dicitur, quod natura inexisteret impedit receptionem completam, & iudiciariam, hoc intelligitur respectu aliorum, non respectu eiusdem naturæ secundum speciem, gratia exempli, amaritudo inexisteret lingue impedit receptionem iudiciariam aliorū saporum, quoniam si offeratur dulce, non per sentitur ut dulce, sed amaritudo illa nō impedit receptionē perfectam & iudiciariam eiusdem a-

varietudinis secundum speciem si gustui offeratur, quoniam ut dicebatur su-  
 pra habens aliquam naturam realiter potest recipere eandem secundum spe-  
 ciem intentionaliter. concludentes ergo uniuersam hanc resolutionem tri-  
 bus propositionibus perstringimus: prima est, omne recipiens siue realiter,  
 siue spiritualiter & secundum essentiam, & secundum existentiam denudatum es-  
 se debet ab omni ea natura quam recepturum est, & ad quam per se ordi-  
 naria altera est hac, natura realiter, uel intentionaliter existens in recipi-  
 ente spiritualiter non impedit receptionem eiusdem natura secundum specie:  
 tertia est, natura in recipiente realiter existens impedit receptionem sim-  
 pliciter aliorum, in recipiente autem spiritualiter non impedit receptionem  
 spiritalem simpliciter aliorum sed receptionem completam, & iudicatiuam  
 & in hoc sensu propositio ista ab Aristo. accepta fuit, quib. sic constituti-  
 tis nunc Gandauensis rationes persoluamus, & ad primam cum dicebatur  
 uisus recipit omnes colores, & tamen non est ab omni colore denudatus,  
 negatur secunda pars propositionis ad probationem respondetur, quod col-  
 lor hic accipi potest, uno modo late pro qualitate uisibili ut etiam lucem  
 comprehendit: alio modo proprie magis pro ut est qualitas resultans ex  
 mixtione lucidi cum opaco, tunc dicimus quod quando Philosophus inquit,  
 quod omnia corpora colore participant, qui locus causa fuit erroris Gan-  
 dauensis, accipit colorem primo modo, & hoc modo organum uisus, quod  
 humor crystallinus esse dicitur, coloratum dici potest, sed non est colora-  
 tum colore proprie dicto, sed potius lucidum est. Ad illam autem de ta-  
 ctu ita respondetur, quod sensus tactus qui in mediocritate consistit, & te-  
 perie primarum qualitatum non recipit hanc temperiem, & ideo non est  
 ab hac temperie denudatus, sed recipit excessus qualitatum, ideo ab his ex-  
 cessibus denudatus esse debet, & est. nam ut dicebatur superius, si recipi-  
 ens fuerit omnium receptiuum ab omnibus simpliciter denudatum esse  
 debet: si uero aliquorum, ab his denudatum esse debet, quorum natu-  
 raliter receptiuum est: cum igitur sensus tactus non recipit  
 qualitates temperatas, sed solum excessus primarum qua-  
 litatum, ideo sensus tactus non debet esse denuda-  
 tus a tota latitudine primarum qualitatum,  
 sed solum ab excessibus earum, & hac  
 circa propositionem istam dicta  
 sint, nunc illud quod tertio  
 loco a nobis proposi-  
 tum fuit, exe-  
 quamur.

An demonstratio Auerois in Com.4.concludat intellectus immortalitatem.



**I** T A V I T Auer. demonstratiōē illam quæ hac in-  
ninitur propositione intellectus immortalitatē cōcludere,  
demonstratio uerò eiusmodi est, recipiens denudatum  
esse debet à natura recepti, intellectus recipit omnes for-  
mas materiales, ergo denudatus ē ab oībus formis mate-  
rialibus, ergo nō est forma materialis, hāc uē Arist. de  
monstratio rem fuisse affirmare non dubitauit, sed parcat mihi Aueroes  
primo ista non fuit Arist. demonstratio, ut ex superius declaratis satis cō-  
spicuum est: secundo non concludit intellectus immortalitatem, ut arbitra-  
tur, quod ostendo perpendens limitationem illius maioris ab eo traditam  
in eo loco: limitās .n. Auer. propositionem illam, inquit, quod illa maior  
propositio itā intelligenda est, quod recipiens debet esse denudatum à na-  
tura recepti secundum speciem, non autem à natura sui generis, iam uerò  
iuxta hāc propositionis limitationem concluditur solum intellectum esse al-  
terius speciei à formis materialibus quas recipit, non autem alterius gene-  
ris, quod clarissimè patebit si in manum accipiamus demonstrationem cū  
limitatione maioris, quæ huiusmodi est, recipiens debet esse denudatum à  
natura recepti secundum speciem, non autem secundum naturam generis:  
intellectus recipit omnes formas materiales, ergo intellectus est denuda-  
tus à formis materialibus secundum speciem, non autē secundum naturam  
generis: ratio itaque solum concludit quod intellectus est denudatus à  
formis materialibus secundum naturam speciei, non autem secundum natu-  
ram generis: igitur intellectus erit in eodem genere materialitatis cum  
reliquis formis materialibus, quod si demonstratio concluderet intellectu  
denudatum esse à formis materialibus secundum naturam generis ut po-  
tē natura materialis, tunc denudatum esse à natura recepti alio mo-  
do acciperetur in maiore, & alio modo in conclusione: nam in maio-  
re; ut glosat ipsemet Auero. accipitur denudatum esse à natura re-  
cepti secundum speciem, non autem à natura generis: in conclusione uerò  
accipitur esse denudatum à natura recepti secundum genus, quia  
concludit intellectum non esse naturæ materialis, & itā denudatum à for-  
mis materialibus secundum naturam generis, non autem à natura speciei  
sui generis: secundo si hac demonstratio intellectus immortalitatem concludere,  
ex eadem cogitativa immortalē, & immaterialem esse concludi pos-  
set hoc pacto, cogitativa recipit oēs formas materiales, ergo est denudata  
ab omībus formis materialibus, ergo non est materialis. antecedens pro-  
batur ex ipso met Auero. secundo de Anima 63. ubi inquit. quod cogi-



*tatiua cognoscit intentiones indiuiduales hominis, & equi, & uniuersaliter oīum decē pradicamentorum, quare si demonstratio concludit intellectus immortalitatē, concludet etiam immortalitatem cogitatiue, q̄ ab Arist. & à ueritate alienum est, ceterum nonnulli qui Auer. doctrinam insequuntur ipsum tueri conantur, dicentes, quod demonstratio Auerrois non concludit immortalitatem intellectus ex receptione formarum materialium simpliciter, sed ex modo recipiendi, quia uidelicet recipit uniuersaliter, & tunc bene sequitur, intellectus recipit omnes formas materiales uniuersaliter: ergo intellectus est immaterialis: iam uerò licet cogitatiua recipiat omnes formas materiales, non recipit eas uniuersaliter, sed singulariter, & proinde non sequitur ipsam immaterialem esse, sed isti ita respondentes Auer. demonstrationem euariant, quia illud non fuit medium ab Auerro. assumptum, quia si Auer. ex modo recipiendi uniuersaliter concluderet intellectum immortalem esse, tunc discursus Auerrois esset huiusmodi, Intellectus recipit omnes formas materiales uniuersaliter, ergo est immaterialis & immortalis. sed cum ista consequentia non teneat nisi in uirtute illius propositionis, omne recipiens uniuersaliter est immateriale, igitur demonstratio Auerrois inniteretur his duabus propositionibus, quarum altera esset, omne recipiens uniuersaliter est immateriale, altera uerò Intellectus recipit omnes formas materiales uniuersaliter, sed hoc aperte est contra sententiam ipsius Auerrois dicentis, quod hac demonstratio innititur, his duabus propositionib. altera quod omne recipiens debet esse denudatum à natura recepti, reliqua uerò quod intellectus recipit omnes formas materiales: & ex his concludit intellectum immaterialem esse. quare non ex modo recipiendi uniuersaliter, ut dicunt isti, sed ex receptione simpliciter omnium formarum materialium Auer. Intellectus immortalitatē concludit, adde q̄ si ex recipiendi modo Auerro. intellectus immortalitatem deduceret, tunc illud dereliquisset in cuius uirtute concluditur immortalitas, quod minime dicendum est, probatur consequentia, quia Auer. profert illam propositionem simpliciter absque recipiendi modo, dicens. Intellectus intelligit, & recipit omnes formas materiales in qua non ponitur recipiendi modus, qui tamen poni debuisset, si in uirtute illius demonstratio cōcludit. postremo aduersus demonstrationem Auerrois, si demonstratio illa cōcluderet Intellectum nō esse materiale, similiter ex eodem medio concludi posset intellectum non esse immaterialem, ita ratiocinando, Recipiens debet esse denudatū à natura recepti, intellectus recipit & intelligit oēs formas immateriales, ergo intellectus est denudatus ab oībus formis immaterialibus, ergo non est immaterialis, & cum per demonstrationem suam non sit materialis, igitur intellectus nec erit materialis, nec immaterialis. nec ualet responsio. Buccaf.*

quod illa maior propositio ita intelligitur, quod recipiens debet esse denudatum à natura recepti secundum speciem, potest tamen esse eiusdem generis: cum ergo intellectus intelligat formas immateriales concluditur solum quod sit denudatus à formis immaterialibus secundum speciem, ita ut non sit eiusdem speciei cum formis immaterialibus: potest tamen esse eiusdem generis utpote eiusdem naturæ immaterialis. ista inquam responsio nulla est, quoniam statim corrumpit demonstratio Auerrois, quia à pari dicam quod intellectus recipit omnes formas materiales, & quod solum est denudatus à formis materialibus secundum speciem, ita ut non sit eiusdem speciei cum formis materialibus quas recipit, est tamen eiusdem generis, utpote naturæ materialis, quare alterum duorum necessario fateri oportet, aut quod demonstratio Auerrois solum concludat intellectum solum esse denudatum à formis materialibus secundum speciem, non autem secundum naturam generis, & ita non concludet propositum suum, aut si concludit quod non solum sit denudatus à formis materialibus secundum naturam speciei, sed etiam secundum naturam generis, & materialitatis, per eandem rationem concludetur intellectum à formis immaterialibus denudatum esse non solum secundum naturam speciei, sed etiam secundum naturam generis, & immaterialitatis, & ita neque erit materialis, neque immaterialis, ut nuper conclusum fuit. Zimara Auerroi maxime addictus, alio modo respondere conatus est theoremate 84. dicens quod intellectus à formis materialibus denudatus esse debet non solum secundum naturam speciei, sed etiam secundum naturam generis & materialitatis, quia immaterialitas cognitionem impedit, à formis autem immaterialibus secundum naturam speciei solum denudatus esse debet, non autem secundum naturam generis, et immaterialitatis, quia immaterialitas cognitionem non impedit. Sed ista responsio nulla est, quia demonstratio Auerrois non concludit intellectum à formis materialibus & secundum speciem, & secundum genus denudatum esse ex hoc medio, quia materialitas impedit cognitionem, sed ex hoc quia recipiens debet esse denudatum à natura recepti: iam uero hoc medium non solum concludit de materialibus, sed etiam de immaterialibus, & proinde si ex hoc medio concludit intellectum denudatum esse à gradu naturæ materialis, ex eodem medio concludet denudatum esse à gradu naturæ immaterialis, quare uideo neque Auerroem, neque sectatores ipsius ex hoc nodo sese explicare posse, quod si quis est ex his maximis nostri temporis Philosophis qui Auerroë tueri uelit, ipsum libenter audiam, Demonstratio itaque quam tantum magnificat Auer. ad concludendam intellectus immortalitatem nullum habet momentum. Illud quidem uerum est, quod ex illo principio posito in text. quod est intellectus omnia intelligit, ex quo deduxit intellectum nulli u-

gelligibilium commixtum esse deducitur etiā in tex. 6. non esse corpori mixtum, cum inquit, unde rationale est ipsum non esse corpori mixtum, quod tuidemi quomodo deducatur inferius explicabitur.

Vnde rationale est ipsum non esse corpori mixtum, esset enim qualis calidus, aut frigidus, & organum haberet, nunc autem nullum est.



**CONCLUSIO** ista que ad humana mentis immortalitatem attinet ab Aristot. scribitur tertio libro de Anima con tex. 6. quem introducens Auerroes inquit, quod cum Philosophus in tex. 4. primam rationem adduxisset ad probandum intellectum non esse corpori mixtum, in tex. 6. secundum rationem adducit ad eandem conclusionem probandam, quæ quidem Auer. sententia licet in hoc vera sit, quod Aristotelis institutum est probare intellectum non esse corpori mixtum, hallucinatur tamen cum inquit Arist. in tex. 4. demonstrare intellectum non esse corpori mixtum, & in tex. 6. secundam rationem asserre ad idem probandum, quia ut aliis à nobis ostensum fuit Aristoteles in tex. 4. non demonstravit intellectum non esse corpori mixtum, sed non esse permixtum speciebus, & formis intelligibilibus, neque illud verum est in tex. 6. secundam rationem asserre ad probandum intellectum non esse corpori mixtum, quoniam Philosophus inquit, [Vnde rationale est] illa autem dictio, unde, est dictio illarina quæ ostendit conclusionem istam ex superioribus deduci, non autem noua ratione probari, ea propter dicendum est quod cum Philosophus in tex. 4. probasset intellectum vultu prorsus intelligibili mixtum esse, in tex. 6. ex habitis in tex. 4. deducit intellectum non esse corpori mixtum, unde aliud est immixtionis genus quod probauit in tex. 4. & aliud quod probauit in tex. 6. in tex. enim 4. probauit genus immixtionis respectu obiecti, in tex. 6. uero respectu corporis. Ceterum cum ex superioribus conclusio ista deducatur, ex quibusnam deducatur considerandum est, dixere nonnulli conclusionem istam deduci ex ea conclusione, quæ demonstrata fuit in tex. 4. quia uidelicet intellectus formis intelligibilibus permixtus non est: deducunt autem hunc in modum, quia cum intellectus formis intelligibilibus permixtus non sit, rationi consentaneum est, neque corpori permixtum esse, quia cum corpus intelligibile quoddam sit, si intellectus esset corpori mixtus, igitur alicui intelligibili mixtus esset atque ita non esset ab omnibus intelligibilibus denudatus, cuius oppositum demonstratum fuit in tex. 4. cum igitur formis intelligibilibus immixtus sit, corpori quoque immixtum esse oportet, sed istorum sententia falsa est, quia



ex hoc quoddam intellectus formis intelligibilibus immixtus est, ipsū corpori, ut subiecto immixtum esse inferri minime potest, licet inferri possit non esse mixtum corpori ut obiecto: si. n. oib. intelligibilibus immixtus est, corpori quoque ut quoddam obiectū intelligibile est, immixtum esse necesse est, non tamen ex hoc inferri potest esse corpori immixtum ut subiecto, q̄ Arist. intendit in tex. 6. si quidem cum antecedenti stat oppositum consequentis: cogitativum. n. nulli speciei sensibili, neque corpori ut obiecto permixta est sed ab oib. speciebus sensibilib. denudata est, & tamen corpori ut subiecto permixta est, quomobrem ex immixtione intellectus, à rebus intelligibilibus. intellectum non esse corpori mixtum ut subiecto deduci minime potest: non ergo propositio ista ex ea conclusione deducitur, ut dicunt: melius itaque dicendum est, propositionē istā deduci ex illo principio accepto in tex. 4. quod erat, Intellectus oīa intelligit, ex quo etiā deductū fuit, ipsū oib. intelligibilibus immixtum esse, in hunc modum, Intellectus omnia intelligit, ergo omnibus intelligibilibus immixtus est, quia intus existens prohibet aliena, unde quia intelligit omnia, rationabile est ipsum non esse corpori mixtum ut subiecto: deducitur autē conclusio ista ex illo principio in hunc modum, quia ex opposito consequentis sequitur oppositum antecedentis: si. n. esset corpori mixtus, non omnia intelligeret. probatur, quia si esset corpori mixtus, tunc esset qualis, calidus, aut frigidus, & organum haberet: si uerō qualitatibus esset affectus, organumque haberet, ab excellenti intelligibili laederetur. probatur ex differentia assignata ab Arist. in tex. 7. inter sensum, & intellectum: sensus. n. q̄ qualis est, & organum habet, laeditur ab excellenti sensibili: intellectus uerō cum non laedatur ab excellenti intelligibili organū non habet, q̄ si qualis esset, & organum haberet sicut sensus laederetur ab excellenti intelligibili, sicut sensus laeditur ab excellenti sensibili, si uerō laederetur ab excellenti intelligibili, non intelligeret oīa intelligibilia, sicut sensus, quia laeditur ab excellenti sensibili non percipit oīa sensibilia, ergo de primo ad ultimum si intellectus esset corpori mixtus, non oīa intelligeret, atqui sancitum fuit in tex. 4. omnia intelligere, ergo à nullo laeditur intelligibili, ergo non est qualis, nec organum habet, ergo non est corpori mixtus, & hunc in modum ex illo principio propositio ista deducitur sed postea quam explicauimus unde, & quomodo propositio deducatur, consideremus praedicatū huius propositionis qd p̄ esse immixtum corpori intelligat Arist. Scotus sup̄ quarta sententiarum sectione, Pōp. & q̄ Alex. tuerentur partes. dixerunt Ari. p̄ esse immixtum corpori, non intelligere non esse educationem de potentia materiae, sed non esse organo alligatum, ut sensus sit, intellectus non est corpori mixtus, idest organo corporeo non alligatus. Sed ista expositio est ab Aristotele penitus aliena, quia Philosophus se-

cundo de Gener. animal. cap. 3. ea hoc quod mens non utitur organo corporeo infert ipsam extrinsecus accedere, & non educi de potentia materia: inquit .n., sola mens extrinsecus accedit, quia eius actio non communicat cum organo corporalis, sicut per oppositum cetera animae partes ut vegetalis, & sensitiva dicuntur intrinsecus innasci, educique de potentia materia, quoniam organo utuntur corporeo, ut inter ambulandum pedibus. & si ex hoc medio termino quia mens (pro quocunque accipiat mens, nunc .n. id non curo) non utitur organo corporeo infertur ipsam non educi de potentia materia, sed extrinsecus accedere: igitur cum 3. de Anima contex. 6. ex illo antecedenti quia intellectus organo non utitur, infert non esse corpori mixtum, intelligi debet non esseeductum de potentia materia: utrobique .n. eadem ratio est, confirmatur, quia nunc agitur de summa nostrarum rerum, videlicet de animi nostri immortalitate ex probatione qua utitur Philosophus eodem contex. 6. inquit .n., Si intellectus esset corpori mixtus, tunc esset qualis calidus, aut frigidus, sed non est qualis, calidus, aut frigidus, ergo non est corpori mixtus. scito primum quod forma dicitur qualis calida, aut frigida quae qualitatibus afficitur, & quae temperamentum qualitatum insequitur: tunc sic arguitur, Intellectus per Aristotelem non est qualis, ergo non esteductus de potentia materia probatur, quia ex opposito consequentis sequitur oppositum antecedentis: nam si esseteductus de potentia materia esset qualis, calidus, aut frigidus, quia certum est quod omnis forma materialiseducta; de potentia materia qualitatibus corporeis afficitur, & temperamentum qualitatum insequitur: cum ergo intellectus non sit qualis, ergo non esteductus de potentia materia, ergo per esse corpori immixtum intelligit non esse deductum de gremio materiae si sit, igitur intellectus est aeternus & immortalis. Sed illuc fortasse sese recipient Alexandri sectatores, ut dicant, & licet Aristoteles per immixtum esse intelligat noneductum ex materia, hoc tamen praedicatum non enunciat de Anima intellectiva, sed de intellectu possibili, qui facultas est & potentia animae intellectivae de secunda specie qualitatis: de hac .n. dicitur immixtam esse corpori, & noneductam de materia, sed hoc summa dementia est: primum quidem, quia intellectus possibilis non est potentia de secunda specie qualitatis, quoniam haec nil aliud est nisi agilitas seu facultas ad agendum & patiendum, sicut impotentia nil aliud est nisi difficultas ad agendum & patiendum, ut declaravit Philosophus in libro categoriarum cap. proprio. iam vero intellectus possibilis non dicitur facultas ad intelligendum, sed principium dicitur intelligendi ab Aristotele. ergo non est potentia & qualitas de secunda specie, sed est ipsamet anima intellectiva ut potentia intelligibilia, praeterea si illud praedicationis enunciaretur non de anima intellectiva, sed de potentia & qualitate ipsa

sus, tunc Philosophus non satisfecisset proposita intentioni, in primo de Anima contex. 3. ubi proponens quod sibi considerandum esset, inquit, inquirimus enim substantiam, & naturam animæ, & eius proprietates. & similiter secundo libro contex. 33. inquit, oportet autem dicere quid unumquodque ipsorum sit, ut quid uegetatiuum, quid sensitium, & quid intellectiui: iam uero si Aristoteles hoc predicatum non de substantia animæ intellectiue, sed de eius potentia, & facultate demonstraret: igitur neque substantiæ animæ considerasset, neque substantiæ proprietates explicasset, ut proposuit, quamobrem immixtum non de potentia, sed de substantia demonstrari dicendum est, neque eo confugere possunt, ut dicant id probari de intellectu agente, tum quia de eo probat immixtum esse quem definiuit in 5. tex. hic autem possibilis est, tum quia hactenus non probauit dari intellectum agentem, sed illum probat in 17. contex. quare intellectus noster non est corpori mixtus, neceductus de potentia materie, igitur æternus est & immortalis: & his est unus locus, in quo tam clarè, quam quoddam clarissimè Aristoteles animi nostri immortalitatem ostendit, quam etiam ueritatem confirmauit. Aristoteles secundo de animal. gener. cap. 3. ubi inquit, Restat igitur ut sola mens extrinsecus accedat, solaque diuina sit, nihil enim cum eius actioni communicat actio corporalis. nec me later Alexandrum, eiusque sectatores, cum ad hunc locum perueniunt ex eo sese explicare non posse, Alexander locum illum exponit de intellectu agente, ita ut mens quæ est subiectum propositionis supponat pro intellectu agente, qui secundum ipsum Deus, est. Sed responsio ista non est digna summo illo Philosopho, qui Aristotelis dicta diligenter perpendere solitus est, nam conclusio illa est determinatio illius dubitationis quæ superius ab Arist. proposita fuit: hæc autem fuit, an omnes animæ intrinsecus innascantur, uel omnes extrinsecus accedant, uel aliquæ intrinsecus, aliquæ uero extrinsecus accedant, iam uero sub hac dubitatione non continentur intellectus agens, et Deus Opt. quia nemo est qui ambigat an Deus ex semine innascatur, uel non: ergo solutio non potest esse de intellectu agente ad quæ creberrimè confugit. Alex. præterea esto quoddam mens accipiat pro intellectu agente ratio quæ probat mentem non educi de potentia seminis, sed extrinsecus accedere, eadè probat de intellectu humano, probat Arist. hæc ratione mentem extrinsecus accedere, Mens inter operandum non utitur organo corporali sicut ceteræ animæ uires: ergo Mens extrinsecus accedit, & de uirtute seminis non innascitur: iam uero anima intellectiua in operando non utitur organo corporali, ut declarauit Philosophus tertio de Anima contex. 6. & 7. igitur anima intellectiua extrinsecus accedit, & ex semine non traducitur: & si ex eo medio termino concluditur intellectum agentem non educi ex semine, concluditur etiam de anima in-



*intellectiva, ea propter Simon Portius sectator Alexandri aliter locum illum exposuit dicēs, quòd non intelligitur de substantia anima intellectiva, sed de actu secundo, & de operatione ipsius, ita ut sensus sit, Mens quo ad actum secundum extrinsecus accedit, quia intelligere quòd est operatio intellectus dependet ab extrinseco ut ab intelligibili, & ab agente, sed responsio ista ab Aristotelis sententia longius abest, quia dubitatio ab Arist. proposita non fuit de operatione intellectus an educatur ex semine, vel non, sed de substantia partium animae: igitur & solutio est de substantia anima. cum ergo dicit, sola mens extrinsecus accedit, subiectum propositionis supponit pro substantia anima intellectiva, non autem pro actu secundo, & operatione ipsius, praeterea cum Aristoteles probet illam conclusionem ex hoc medio, quia eius operatio non communicat cum organo corporeo, si propositio illa intelligeretur quo ad actum secundum, igitur operatio sensitiva quia communicat cum organo corporeo non esset ab extrinseco, et ab obiecto sensibili, quòd dici minime potest. & si operatio sensus aequè ac operatio intellectus ab eiusdem pendet obiecto extrinseco, quo facto effugiet Portius quinetiam sensus extrinsecus accedat, quòd tamen negat Arist. in eo loco, ea propter nonnulli alij locum illum aliter interpretati sunt, dicentes utique sermonem esse de substantia animae intellectiva, sed cum Philosophus inquit, quòd mens extrinsecus accedit, non intelligit quòd reuera extrinsecus accedat, quia intellectus una cum reliquis animae uiribus è uirtute seminis mediantibus qualitatibus, ab agente particulari educitur, sed intelligit secundum apparentiam, quia comparando intellectum cum alendi, sentiendique animae, in eius ortu parum, aut nihil primarum qualitarum, materialisque causa apparet, & proinde extrinsecus accedere uidetur, sed planè constat solutionem istam, fugam potius quandam esse, quàm philosophicam responsionem, quia quotiescunque sunt duae propositiones de eodem predicato quarum altera est negativa, & altera affirmativa, sicut predicatum negatur in una, ita affirmatur in altera: sed ibi ab Aristotele duae istae propositiones accipiuntur de eodem predicato, quarum una est negativa, & altera affirmativa: inquit enim uegetalis sentiensque anima non extrinsecus in semina & conceptus accedunt. Mens extrinsecus accedit, ergo sicut illud predicatum quòd est extrinsecus accedere negatur de uegetali, & sentiente, ita affirmatur de mente & intellectu. sed negatur de illis secundum ueritatem, ergo secundum ueritatem affirmatur de intellectu. postremò considero probationem illius conclusionis: probat enim Philosophus conclusionem hoc pacto, Mens sola extrinsecus accedit, quia eius operatio non communicat cum corpore, iam uerò forma illa cuius operatio non communicat cum organo corporali non est educta de materia, sicuti per opposi-*

tum forma cuius operatio communicat cum organo corporeo educta est de materia : ex hoc enim medio probat Aristotel. alendi , sentiendique animam ex semine traduci , quia earum actio communicat cum organo corporali , atqui operatio intellectus nostri non communicat com organo corporali : hæc est Aristotelis ea in parte, quam item non probauit, sed accepit ut declaratam tertio de Anima contex. septimo: igitur intellectus secundum ueritatem non educitur de potentia materia, sed sola inter anima partes , que nobis insunt extrinsecus accedit , solaque diuina habetur , quamobrem & unus & alter locus ex quibus Alexander, & qui cum sunt insequuti, se se explicare non potuerunt, nos apertissime commonesciunt ratam , firmanique Aristotelis extitisse sententiam, quod anima intellectiua abstracta sit à materia, atque ita æterna, & immortalis, quam ueritatem demonstrauit Aristoteles tum quia omnia cognoscit, tum quia eius operatio non communicat cum instrumentum corporeo, licet secundum contineatur in primo, quia ex eo quod omnia cognoscit & intelligit, cognouit intellectum non uti instrumento corporeo, ex quo percepit ipsum non esse cum corpore mixtum, ex quo sequebatur interesse inter ipsum, & alias animæ partes, que erant cum corpore mixtæ, siquidem organo, & instrumento uterentur corporeo, & huiusmodi independentia operationis facit ad æternitatem sicut per oppositum dependentia tollit æternitatem sicut in uergeta li, sentienteque anima: & licet intellectus dependeat à phantasmate, quia corpori coniunctus sine ope phantasmatum nunquam intelligere ualeat, quic quid comminiscantur Simplicius & Auertoes , huiusmodi tamen dependentia non tollit intellectus æternitatem, sed solum separabilitatem à corpore uniuersaliter, licet ab hoc & ab illo corpore separetur, & hunc in modum intelligitur illa Aristotelis consequentia, Si intellectus non habet opus proprium, sed inter operandum indiget ope phantasia, igitur non est à corpore separabilis, non quidem quod mortalis sit, sed quod à corpore simpliciter, & uniuersaliter separari non potest, licet ab hoc & ab illo corpore separetur, unde non possum non ualde Pomponasium admirari, qui tenuit intellectum in opere suo non dependere ab instrumento corporeo, àpendere tamen a phantasmate, & proinde mortalem, & corruptibilem esse, cum tamen Aristoteles secundo illo de Animal. Generatione cap. tertio ex independentia operationis ab organo corporeo probauerit mentem extrinsecus accedere, & non traduci de potentia seminis, & per oppositum alentem sentientemque partes, quia in opere suo dependet ab organo corporeo è uirtute seminis traduci: si itaque intellectus humanus non uicetur organo corporeo, non uideo quomodo affirmare queat mortalem esse, licet à phantasmate dependeat. Ceterum hoc

in loco una dubitatio persoluenda est, nam superius dictum est Aristotelem in tex. 6. demonstrasse intellectum immixtum esse, & abstractum à corpore ex hoc medio, quia omnia intelligit: si enim hoc uerum esset, sequeretur, quod substantiæ abstractæ alia uia quàm uia motus demonstrari ualerent, quod falsum est: quia ut inquit Auerro. in ultimo Comment. primi Phisic. ad probandum substantias abstractas non est alia uia quàm uia motus, nec unquā Philosophus alia uia usus est, respondetur, quod intellectum abstractum esse probatur eo medio quo dictum est, cum autem dicitur, ergo substantiæ separata alio medio probari possunt quàm uia motus, conceditur, quia intellectus humanus non est principium motus, & dato quod sit principium motus, non mouet motu aeterno. ad Auerro. auctoritatem dicimus, quod illa propositio non intelligitur de quacunque substantia abstracta, sed solum intelligitur, & ueritatem habet de substantiis separatis, quæ celestis corporis motrices sunt: hæ enim alia uia probari non possunt quàm uia motus, quæ uia ubique usus est Aristoteles: ex intellectu autem probari non possunt, quia conspicuum non est an intelligentes sint, sed hoc probatur ex eo, quia abstractæ sunt, quod autem abstracta sint ex motus aeternitate probatur, & hæc dicta sint.

In omni intelligentia, quæ intelligit aliud reperitur aliquid simile materiæ, & aliquid simile formæ, & nulla libera est à potentia nisi prima forma, in qua essentia eius est quiditas eius, alia uero diuersatur in essentia, & quiditate quo quo modo,



VIT hæc Auerrois sententia tertio de Anima Com. 5. in sol. 3. quæstionis, quæ quoniā summè peripatetica est, & à paucis intellecta, eam dilucidare decreui, et quia duo potissimū continet dicta, alterum est, quod in omni intelligentia citrà primā reperitur aliquid simile materiæ, et aliquid simile formæ: reliquum uero quod in prima intelligentia essentia eius est quiditas eius, in aliis uero essentia à quiditate quoquomodo diuersa est: ideo & unum, & alterum explicabitur: et quo ad primū Zimara in Theoremate 40. & omnes ferè qui huic locum interpretati sunt, dixerunt Auerroem per simile materiæ, & simile formæ nil aliud intelligere nisi compositionem ex priuatiuo & positiuo: nā cum intelligentiæ oēs recedant, ac dilabuntur à perfectione prima, quia nulla intelligentia præter primam continet totam perfectionis plenitudinem, quæ in latitudine



entis reperiri potest. licet unaqueque eam contineat perfectionem, quæ si-  
bi conuenire potest, in illis defectus quidam perfectionis adinuenitur, qui  
priuatio, & potentia dicitur: & quoniam huiusmodi potentia nihil reale di-  
cit in illis, quia in eis nihil est uerè possibile. propterea non significat ue-  
ram materiam, sed aliquid simile materiae, & quoniam in eis est suamet  
essentia, quæ forma est realis & positina, ideo in illis reperitur cõpositio ex  
priuatio, & positino, quorum alterum est simile materiae, reliquum uerò  
simile formæ.

## Dilucidatio.

**S**ED licet sententia ista in se uerissima sit, non tamen est ad mentem  
Auerrois in hoc loco, quia Auer. per simile materia non intelligit pri-  
uatiõem, & defectum illum perfectionis, & per simile formæ essentiam ip-  
sius intelligentiæ, sed per simile materiae intelligit naturam positinam per-  
fectibilem, & receptiuam perfectionis: per simile autem formæ obiectum  
ipsam intelligibile, & naturam perficientem, & quoddam hoc uerum sit, pro-  
batur ex his quæ paulò superius in eodem commentario scribit, quæ hu-  
iusmodi sunt, Continuatio igitur intellectus cum homine impossibile est, ut  
sit nisi per continuationem alterius istarum duarum partium cum eo, scili-  
cet partis, quæ est quasi materia, & partis quæ est quasi forma. & expo-  
nens quid per isthæc intelligat, inquit, pars quæ est quasi materia est intel-  
lectus, intentiones autem imaginatæ sunt quasi forma. igitur per simile ma-  
teria intelligit substantiam realem, & obiecti intelligibilis receptiuam, quod  
etiam ex eodem confirmari potest in Com. 14 eiusdem libri, ubi tandem sen-  
tentiam repetens sic inquit, Et fuit possibile ut intelligentiæ abstractæ per-  
ficerent se adinuicem, & si non ne quiddam possibile esset ut illic intelligere-  
tur recipiens, & receptibile perficiens & perfectibile, unde uidemus quoddam  
illud quod est liberatum ab hac natura est, primum intelligens, ex quibus locis  
Auerrois iam satis patet quoddam Auer. per simile materia nil aliud intelli-  
git nisi naturam perfectibilem, & substantiam intelligentem, & per simile for-  
mæ naturam perficientem, & obiectum intelligibile. & per consequens cõpositio  
nunc expositino, & positino, non quidem secundum esse reale, sed secundum ef-  
fectu intentionale: quia n. intelligens natura perfectibilis est, perfectibile autem si-  
mile materia est, & similiter quia obiectum intelligibile habet rationem per-  
ficiendi, perficiens autem simile forma est: ideo substantia intelligens est si-  
milis materiae, & obiectum intelligibile est simile formæ. & hoc pacto Deus  
opt. dicitur esse forma intelligentiarum quatenus est obiectum intelligibile, & di-  
citur forma assistens, & similiter una intelligentia dicitur forma quatenus  
est obiectum intelligibile respectu alterius, & hoc est quod uoluit Auer. 2. Co.

Com. 3. cum dicitur ex intelligentia & orbe sit unum, sed secundum dispositionem magis diminutam quam sit compositio, & unio ex abstracto, & abstracto: hac autem est compositio, & unio ex intellectu & intelligibili ut seipsum declaravit 12. Met. Com. 51. ubi inquit, & cum fuerit aliquod genus intelligentiarum, quod distinguitur in compositione ex intellectu & intelligibili, nobilius est illud quod est minoris compositionis in illo genere &c. unde Averrois dicta adinuicem ita conferamus, in omni intelligentia citra primam reperitur compositio ex simili materia, & simili forma: hac autem, ut inquit, in 14. est ex perficiente & perfectibili, ista uero ex secundo Caeli 3. est ex abstracto & abstracto, talis uero ex 12. Met. 51. est ex intellectu & intelligibili, ergo de primo ad ultimum, compositio, quae reperitur in omni intelligentia citra primam ex simili materia, & simili forma est ex intellectu & intelligibili, & hic est maximus, & supremus unionis gradus, quia in hoc recipiens fit quo modo receptibile, & intelligens intelligibile, & utrumque indiuisibile est, cum utrumque abstractum sit, ex quibus fit maximum indiuisibile, & per consequens maximum unum. a qua compositione libera & immunis est prima intelligentia, quia cum ab alieno obiecto intelligibili minime perfectibilis sit in ea non reperitur potentia perfectibilis, & id quod est simile materiae, sicut in aliis intelligentiis, sed in ea solum reperitur id quod est simile formae, & hoc est quod subdit Averroes, & ideo sola prima intelligentia quia ab obiecto extrinseco minime perficitur, libera & soluta est a potentia, id est ab hac natura perfectibili quae potentiae, & materiae persimilis est. hinc, infert Averroes secundum dictum quod explicandum est.

In prima forma essentia eius est quiditas eius, in aliis uero essentia a quiditate quo quo modo diuersa est.



O C secundum Averrois dictum exponens Zimara Theoremate superius citato, inquit, quod sicut in generabilibus & corruptibilibus essentia distinguitur a quiditate propter materiam, quae non attinet ad quiditatem, ita in omni intelligentia citra primam quiditas distinguitur ab essentia per simile materiae, & defectum perfectionis. in prima uero quia nec reperitur materia, nec simile materiae: & defectus aliquis perfectionis non differt essentia a quiditate sed est absolute quiditas, & purissimus actus: haec Zimara, sed parcat mihi bonus ille uir Averrois non intellexit, quia sicut Averroes per potentiam, & simile materiae non intellexit primam, & defectum perfectionis, sed naturam realem, ac positiuam: ita cum inquit, & in omni intelligentia citra primam essentia & quiditas distinguatur per potentiam

tiam

tiam, & simile materia, non intelligit, quòd distinguantur per priuatione perfectionis, & quòd in Deo Opt. idem sint quiditas & essentia, quia in ea non reperitur hic perfectionis defectus.

## Dilucidatio.

**A**FFERAMUS ergo nos ueram expositionem, & pro intelligentia aduertendum, quòd apud Auerroem quiditas & essentia distinguuntur, nam quiditas solum forma est, essentia uerò habens formam: sciendum præterea quod intelligentie bis. considerari possunt, uno modo secundum se, & propriam naturam: alio modo ut dicunt compositionem, & aggregatum ex intellectu, & intelligibili: tunc dicendum est, quòd si primo modo considerentur non distinguitur essentia uel habens quiditatem à quiditate, quoniam sunt puri actus, ac simplices quiditates, nec in illis aliquid reperitur quod sit extra quiditatem quemadmodum nec in prima, ut habet Aristoteles tertio de Anima contex. 9. ubi sic inquit, In quibusdam uerò ut in substantiis separatis idem est caro, & carni esse, idest quiditas, & habens quiditatem, quem locum exponens Auer. inquit, causa propter quam hæc duæ intentiones non inueniuntur in omnibus entibus est, quòd quiditas & essentia in omnibus simplicibus sunt idem, uerbi gratia. quòd esse carnis & caro idem sunt, quia intentio carnis in eis non est in materia ex qua oritur diuersitas inter quiditatem, & habens quiditatem, hæc Auer. Si uerò secundo modo considerentur, distinguitur essentia, & habens quiditatem in illis à quiditate. quoniam habens quiditatem est aggregatum ex natura intelligente, & obiecto intellecto, ut ex secunda intelligentia intelligente, & prima intellecta, quiditas uerò est obiectum intelligibile ut prima intelligentia, quæ cum sit similis formæ habet rationem quiditatis, iam uerò aggregatum illud quòd est habens quiditatem distinguitur ab obiecto intelligibili, & per consequens à quiditate, quia non totum illud aggregatum est obiectum intelligibile, utpote non est prima intelligentia intellecta, quoniam includit secundam intelligentiam intelligentem ut simile materia, quæ distinguitur à prima intellecta ut simili formæ, & quiditati, & sicut in generabilibus & corruptibilibus habens quiditatem distinguitur à quiditate, quoniam includit aliquid quod distinguitur à quiditate utpote materiæ, quæ à quiditate diuersa est, ut inquit Philosophus eodẽ 3. de Anima contex. 9. ita in his aggregatum illud & habens quiditatem distinguitur à quiditate, ut ab obiecto intellecto: quoniam in se includit aliquid simile materiæ, ut substantiam intelligentem, quæ diuersa est ab obiecto intellecto, quod est simile quiditati: dixit autem Auerroes [quomodo] quia cum talis compositio non sit realis, sed secundum rationem, & esse spiritale, ita diuersitas solum est secundum rationem: prima uerò intelligentia quoniam non perfitur



ab obiecto extrinseco, ideo non reperitur aliquid quod sit simile formæ, aut quiditas quæ à sua essentia diuersa sit, sed quoniam à seipsa beatur, ac perficitur, ideo suamet essentia est sua quiditas, & propterea simpliciter, & omnibus modis in prima intelligentia essentia eius est quiditas eius, cetera uero intelligentiæ quoniam perficiuntur à prima dum intelligitur tanquam ab extrinseca quiditate, propterea in illis essentia dicitur esse quo quo modo diuersa à quiditate. & hac est uera, & germana Auerrois sententia, & Aristoteli maxime consentanea, an uero in illis realis aliqua compositio reperiatur dubium est.

An in substantiis à materia separatis realis aliqua compositio reperiatur.



**E** A T V S Doctor in prima parte summa, q. 3. art. 4. & in secundo contra Gentes, de Aristotel. sententia tenuit, quod in omni intelligentia citrà primam reperitur compositio ex esse, & essentia, quæ in eis realiter distinguuntur: & quoniam essentia se habet ut potentia, esse uero se habet ut actus, & complementum: ideo tenuit, quod in omni intelligentia à prima sit compositio realis ex potentia & actu, & ex positivo & negativo. ex altera parte Scotus 2. sent. libro dist. 3. q. 7 uoluit in omni intelligentia à prima reperiri compositionem realem ex quiditate, & differentia individuali super addita contrahente quiditatem ad esse individuum & singulare, non tanquam ex re & resed ut ex realitate & realitate, ut alibi à nobis declaratum fuit, sed utraque sententia falsa est, & ab Aristotele alicui, quia si in diuinis illis mentibus realis compositio reperiretur, sequeretur, quod in eis non esset idem quiditas, & habens quiditatem aduersus Aristotelem tertio de Anima contex. 9. ubi inquit, quod in quibusdam idem est caro, & carni esse: hoc est quiditas, & habens quiditatem, per ly Quædam intelligens substantias separatas, ut extat communis interpretum sententia, quod ex eo et patere potest, quoniam accipit ly Quædam prout sunt contradistincta à Naturalibus, & Mathematicis, in quibus inquit, quod aliud est quiditas, & aliud habens quiditatem, prout et probat in contex. 11. sed hæc sunt substantiæ separata, itaque per ea in quibus idem inquit, esse quiditatem, & habens quiditatem, intelligit substantias separatas. consequentia conspicua est, quoniam si in illis reperiretur compositio ex esse, & essentia quiditate, & differentia individuali super addita quiditati, igitur in illis reperitur aliquid quod est extra quiditatem, & per consequens non est idem quiditas cum habente quiditate nisi

ent enim in materialib. quiditas distinguitur ab habente quiditatem, quoniam hoc includit aliquid praeter quiditatem, ita si in illis aliquid praeter quiditatem reperiretur, non erit idem quiditas cum habente quiditatem: quod cum falsum sit, falsum etiam erit ex quo sequitur, videlicet in illis reperiri compositionem ex esse, & essentia, vel ex essentia & differentia individuali, quae ab essentia distinguitur. quod etiam confirmatur ex Arist. 12. Met. contex. 30. ubi probauit, quod substantia abstracta sit actus purus: cum autem substantia abstracta, quae est subiectum illius propositionis, accipiat pro substantia abstracta in genere, ut a nobis probatum fuit in disp. de principio individuationis substantiarum separatarum, quaeritur, cum probat quod sit actus purus, aut intelligit quod sit actus purus simpliciter, & libera ab omni compositione reali, & esse & essentiae, & essentiae & differentiae individualis, aut intelligit, quod sit actus purus, hoc est libera a compositione materiae & formae: si primum, ergo quaelibet intelligentia libera est a qualibet compositione reali: si secundum dicatur, cum ibi sermo sit de substantias abstracta in genere ut etiam Deus optimus comprehenditur: ergo nulla substantia separata erit libera a compositione esse & essentiae, & realitatis, & realitatis, & ita neque Deus opt. ab hac compositione immunis erit, cuius oppositum tenent ipsi, atque tenendum est. quare alterum duorum dicendum erit, aut quod omnis intelligentia ab omni compositione reali sit libera, atque soluta, aut quod in Deo optimo sit aliqua compositio realis, quod cum minime dici possit, primum necessario dicendum erit.

## Dilucidatio.

**Q**UAMOBREM de Aristotelis sententia statuendum est, quod in substantiis separatis nulla realis compositio reperitur, sed sunt puri actus, simplicesque quiditates. caeterum Zimara licet hac in re nobiscum quoque sentiat, uoluit tamen, ut legitur Theoremate illo 40. quod in anima intellectiva quae abstracta est a materia, sit compositio realis ex intellectu possibili, & intellectu agente, tanquam ex duab. partib. essentialibus realiter distinctis, animam intellectiuam constituentib., motus Aristotelis autoritate tertio de Anima contex. 17. ubi statuit in anima intellectiva has duas differentias adinueniri intellectum possibilem, & intellectum agentem: cuius etiam sententiae fuerunt Gandauensis tertio de Anima, & Antonius Mirandulanus in libro de Monomachia libro 11. sect. 19. Sed horum opinio ab Aristotele dissensit, quia ut supra dictum fuit, Aristoteles probauit quod substantia abstracta sit actus purus, & libera ab omni compositione reali: iam uero sub substantia abstracta, quae est membrum eiuſdem

substantiam contradistinctum à substantia sensibili caduca, & eterna, ut habetur in contex. 29. continetur etiā *Āia* intellectiua, quamobrem anima intellectiua erit libera ab omni compositione reali, nec sibi quicquam fauet contex. ille 17. tertii de *Āia*, quia *Arist.* non appellauit intellectū possibilem, & agentem partes *āia* intellectiue, cum alioquin nomen partis sibi maximè familiare esset, sed appellauit differentias, quarum altera se habet ut materia, & altera ut agens: præterea neque ex illa demonstratione *Aristotelis* concludi potest intellectum possibilem, & agentem esse partes constituentes animam intellectiuam, quoniam *Aristo.* ita ratiocinatur, sicut in omni natura datur unum ut materia propria unicuique generi, & alterum ut agens quod se habet ut ars ad materiā, ita & in *āia* intellectiua necesse est has duas differentias reperiri, quarum altera se habeat ut materia, & altera ut agēs: uult ergo *Philosophus* q̄ intellectus agēs se habeat in *āia* intellectiua sicut se habet agens in naturalibus, & artefactis, iam uerò agens in naturalib. non est pars quæ cum materia constituat rē naturalem, neque ars quæ cum materia constituat rem artificiatē, igitur neque intellectus agens in *āia* intellectiua habet rationem partis formalis cū alio essentiam animæ constituentis, quare non uideo quomodo uir iste ex hoc contex. colligere uelit intellectum agentem cum possibili habere rationem partis essentialis constituentis animā intellectiuā, cū potius ex eo oppositum colligatur. de *Aristotelis* itaque sententia dicendum est, q̄ in *āia* intellectiua non reperitur aliqua cōpositio realis, sicut neque in aliis substātiis, separatis, & licet in *āia* intellectiua reperiantur intellectus possibilis, & agens, hi non sunt partes *āia* intellectiue, sed sunt modi, gradus, uel differentia *āia* intellectiue: hac. n. ut caret intelligibilibus, & potentia est ad illa dicitur possibilis, & se habet ut materia: cum uero singula facta est, habet alium modum, uel alium gradum perfectiorem, & dicitur in actu primo, uel in habitu: habet & alium gradum perfectiorem, ut agens, nam in quantum abstrahit naturam à conditionibus particularib., q̄ mea quidem sententia nil aliud est nisi quatenus intelligit naturam illam non intelligendo conditiones particulares, dicitur abstrahens, & agens: nam que madmodum & in Geometria carere, & priuatum esse habitu Geometria, habere actu habitum Geometria, & illum non contemplari, tandem illum contemplari sunt gradus & modi ipsius Geometria, ita carere intelligibilib. q̄ correspondet Geometria non habenti Geometriam, esse singula factam & actu præditam intelligibilibus, quod correspondet Geometria habenti Geometriam, & non contemplanti, esse agens, quod correspondet Geometria contemplanti, sunt modi, gradus, & differentia anima intellectiue, qua non faciunt aliud, sed alteratum, de quib. differentiis agere proposuit *Aristote-*



les in contex. primo tertii de Aia cum dixit, considerandum est, quam differentiam habeat, non quidem à sensitiua, ut communis extat opinio, sed in se, & hanc differentiam exequitur in processu: declarat. n. q. alia differentia est ut potentia, & alia ut agens, alia ut speculatiua, alia uerò ut practica: quæ quidem differentia, & gradus non reperiuntur in aliis substantiis separatis, quia in illis non reperitur ille intelligendi modus qui per abstractionem fit à fantasmatibus sicut in anima intellectiua, & hoc pacto anima intellectiua dicitur esse natura Angelica, & ceteris substantiis separatis, non quidem per compositionem realem, ut sentiunt isti, sed quia hos gradus & modos includit qui in illis non reperiuntur. Vnde inter substantias separatas talis erit ordo: in primis .n. est Deus optim. qui cum omnium perfectionum sit plenitudo caret compositione ex priuatiuo, & positiuo: & quoniam non est perfectibilis ab alieno obiecto, propterea caret compositione ex perficiente, & perfectibili, & ex intelligente & intelligibili: cetera uerò supra animam intellectiuam quoniam cadunt, à perfectione prima, compositionem includunt ex priuatiuo, & positiuo, & quoniam perficiuntur à prima ut ab obiecto intelligibili, ideo compositionem includunt ex perficiente & perfectibili, uel ex intellectu, & intelligibili: quoniam uerò non intelligunt per abstractionem, & per speciem ut humana mens, ideo in illis non necesse fuit has differentias, hosue modos adinueniri, & siquã doque inuenies Auerroem dicentem in substantiis separatis reperiri intellectum possibilem & agentem, id non intelligas proprie, & ex parte intellectus, quoniã intellectus substantiarum separatarum non indiget ratione agentis & abstrahentis cum non intelligat per abstractionem, sed per intellectum possibilem intelligit substantiam intelligentem, quæ quatenus intelligit aliud, & perficitur ab obiecto intellecto, dicitur intellectus possibilis, & similis materie. per intellectum autem agentem intelligit obiectum intelligibile, nam prima intelligentia prout est obiectum intelligibile respectu aliarum intelligentiarum dicitur intellectus agens respectu ipsarum: quatenus .n. ab aliis intelligitur perficit illas, atque illuminat: ois. n. cognitio illuminatio quadam est, & sub hac ratione dicitur intellectus agens ab Auerro. & similis forma ut supra declaratum, sed non reperitur intellectus agens proprie & ex parte intelligentis: aia uerò intellectiua quoniam dilabitur à perfectione prima, & aliarum, propterea compositionem includit ex priuatiuo & positiuo: quoniam uerò perficitur & à superioribus & inferioribus intelligibilibus, ideo includit et secundum gradum compositionis ex perficiente et perfectibili, uel ex intellectu & intelligibili, quoniam uerò per abstractionem, & speciem intelligit, ideo includit alium compositionis gradum, ut ex modo & modo, & ex quibusdam differentiis ut ex natura possibilis, & agentis,

secundum quas differentias, et modos Animam intellectuam considera-  
uit Aristoteles in tertio libro de Anima: & hoc modo Anima intellectu-  
na dicitur compositior quàm ceteræ substantiæ separata: & hæc fuit Ari-  
stotelis sententia, pariter & Commentatoris si eius principia | considere-  
mus, quorum cum illud unum fuerit, Omne compositum est nouum, ideo il-  
lud sequenti cap. perpendemus.

Omne compositum est nouum, & possibile.



**P**ROPOSITIO ista fuit Auerrois 12. Met. 39. & tertia  
in Algazelem disp. sol. 19. dubii. quæ licet ab aliis ani-  
maduersa sit, non tamen rectè intellecta fuit. Gan-  
dauens tertio de Anima quæst. 28. Zim. Theor. 39. &  
recentiores nonnulli propositionem istam exponentes,  
dixerunt, q̄ omne compositum ex principiis transmu-  
tabilibus ut ex materia quæ est potentia contradictionis, & forma trans-  
mutabili est nouum, & possibile: quod uerò compositum non est ex princi-  
piis transmutabilib. ut cælum, & aia intellectiua non sunt noua neque pos-  
sibilia secundū substantiam. sed expositio ista falsa est, & ab Auerro. alie-  
na, quia Auer. tertia illa disp. limitans propositionem illam Algazelis. quæ  
erat quod omne causatum est possibile, & nouum; inquit, quod ista propo-  
sitiō non uerificatur nisi in causato composito: impossibile est. n. inquit, inue-  
nire quid compositum aeternū, sed quodlibet est possibile, & nouum: Auer-  
roes accipit cōpositum non ut contradistinguitur ab alio cōposito non ex  
principiis transmutabilib., sed prout distinguitur à causato simplici: Alga-  
zel. n. quē secutus est Auicennas existimauit q̄ omne causatum quod suf-  
ficienter diuiditur per simplex & compositum, esset sui natura possibile &  
corruptibile, & aliunde nancisceretur aeternitatē. Auerro. autem perstrin-  
xit propositionem istam, dicens, sed id q̄ posuit q̄ omne causatum est possi-  
bile non uerificatur nisi in causato composito, quod nequit esse aeternum:  
accipit itaque Auer. causatum compositum ut cōtradistinguitur à causato  
simplici, & de hoc illud possibile, nouumque uult uerificari q̄ secundum Al-  
gazelem uerificabatur de omni causato, hoc autem est possibile & nouum  
secundum substantiam, igitur uult quod omne causatum compositum quod  
non est simplex sit possibile & nouum secundum substantiam. malè itaque  
ab ipsis perstringitur propositio ad compositum ex principiis transmutabi-  
lib., præterea si eorum expositio uera esset, tunc ratio Auer. 12. Met. 39.  
nihil concluderet contra Saracenos: ibi n. inuehiunt Auer. contra Sara-  
cenos ex secta Mohanzelæ, ut ex ipsomet colligitur tertia disp. sol. 18. dis.

*bi*, qui primā intelligentiam ex tribus substantiis nempe ex substantia Amoris sapientia, & uitæ compositam asseruerunt, si quidem hæc accidentia esse & dispositiones superadditas sue essentia minimè uoluerunt, & ita argumentatur. Omne compositum est nouum. prima intelligentia est composita, ergo noua, nouitate inquam substantiæ, ut ostendunt uerba sequentia, quæ huiusmodi sunt, nisi dicant aliqua componi per se: & si per se componantur tunc extraherentur de potentia ad actum, per se. quibus uerbis ostendit compositum extrahi de potentia ad actum, & ita secundum substantiam nouū esse. iam uerò si illa maior propositio intelligatur de composito ex actu & potentia contradictionis, & ex principiis transmutabilibus, cum ueteres illi huiusmodi compositionē in Deo minimè ponant, sed maximè diuersam, non sequitur quòd in Deo sit aliqua nouitas, ita quòd cum dicitur, omne compositum est nouum, uerū est ex principiis transmutabilibus: modo dicent Saraceni prima intelligentia non est composita ex principiis transmutabilibus, et propterea non sequitur quòd sit noua, instantiam istam animaduertit Zimara, et in hunc modum respondet, dicens, quòd ueteres illi potentiam contradictionis in Deo ponebant atque materiam primam, si quidem substantiam numeratam esse asseriebant, sed numeratio in substantia non fit nisi per materiam ut primo de sub. orbis. & prima disp. sol. 7. dubij, quare cum substantiam numeratam ponerent quæ à materia cum quantitate proficiscitur, igitur in Deo materiam primam, & consequenter contradictionis potentiam posuerunt, sed uir iste cum illud asserit quòd ueteres illi in Deo materiam & contradictionis potentiam posuerunt, maximè fallitur, nam licet substantiam numeratam in plures substantias posuerint, non tamen posuerunt substantiam numeratā in plures substantias sub eadem specie numero differentes, quoniam tunc procul dubio materiam posuissent, cum hæc multitudinis numeralis causa sit: sed hi posuerunt substantiam numeratam in plures substantias formæ, & ratione distinctas. quod ex eo probatur, quoniam Saraceni in Deo substantiam Amoris, Sapientia, & Uitæ posuerunt, sed hæ tres substantiæ non numero, sed ratione, & forma distinguuntur. alia namque est quiditas Amoris, alia sapientia, & alia uita, igitur substantiam plurificatam posuerunt non in plura numero, ut dicit Zim. sed in plura forma, & ratione distincta, cuius multitudinis causa non est materia: posremo, si propositi theorematis expositio quam isti tradunt, esset uera, tunc Auerroes à prima intelligentia non omnem compositionem remouisset, ut intendit, sed solum compositionem ex actu & potentia contradictionis, quod probatur ex Auerrois discursu, ex quo ista infertur conclusio, quòd prima intelligentia sit noua, quæ cum falsa sit, igitur aliqua præmissarum, non maior, ergo minor falsa erit, quòd scilicet prima intelligentia sit composita, sed prædicatum hu-



ius propositionis pro composito accipitur ex actu & potentia contraditio-  
nis, quoniam sicut accipitur in maiore, ita in minore, sed secundum ipsos in  
maiore accipitur pro composito ex actu & potentia contradictionis, ergo &  
in minore, quæ cum falsa sit igitur duntaxat probatur primam intelligentiā  
non esse compositam ex principiis transmutabilibus, et ex potentia contraditio-  
nis, sed non esse ab omni compositione liberā & immunem, quod tamen  
ibi Auer. probare maximè intendit. horum itaque expositio falsa est: Sed  
alij forsasse aliter propositionem istam exponere possent, dicentes, quod com-  
positum in duplici differentia est. unum quidē ab alio, alterum uerò à se, quā  
distinctionem probare uisus est Algazel nona disp. dubio primo, tunc dicēt,  
quod propositio uera est, de composito primo modo, non autem secundo mo-  
do, quoniam tale potest esse antiquum, & æternum: quam responsionem tā-  
git Auerroes 12. illo Met. 39. in his uerbis, Omne compositum est nouum,  
nisi dicant aliqua componi per se, quasi dixerit, quod isti ita respondere po-  
tuisent, quod dantur composita ex se, & talia non sunt noua, sed æterna: iam  
uerò prima intelligentia cum sit composita à se non ab alio, propterea non se-  
quitur quod sit noua, Sed responsionem istam in eodem loco redarguit A-  
uer. dicens: si enim aliqua componerentur per se, tunc per se educerentur  
de potentia ad actum, & sine motore transmutarentur. ex quibus uerbis  
due rationes colligi possunt. una, qua ostenditur non dari compositum à se:  
altera, qua probatur omne compositum siue ab alio siue à se nouum esse. pri-  
ma ratio ita elicitur, si aliqua per se componerentur, tunc per se educeren-  
tur de potentia ad actum, et transmutarentur sine motore per se. consequēs  
est absurdum, ergo & id ex quo sequitur, quod est aliqua per se componi,  
falsitas consequentis ita ostenditur, nam motus non potest esse sine motore,  
nec aliquid educi potest ex se de potentia ad actum, siquidem hac est ratio  
ipsius agentis ut habetur ex Arist. 8. Met. 15. & ex Auer. 12. Met. 44. ra-  
tio autem ab eo cuius est ratio separari non potest. consequens itaque incon-  
ueniens est, & consequenter illud antecedens quod detur aliquod compositum  
ex se, quod etiam declarauit Auer. nona disp. in Algaz. sol. primi dubij,  
ubi aduersus Algazelem inquit, non esse par iudicium entis, & compositis  
datur enim ens à seipso, sed non datur compositum ex se sine agente. falsa  
est igitur distinctio de composito ab alio, & à se. Secunda ratio ita colligi-  
tur, si aliqua componerentur per se, ergo per se educerentur de potentia ad  
actum, & transmutarentur: igitur quodlibet compositum siue ab alio, siue  
ex se per transmutationem de potentia ad actum deducitur, ergo possibile,  
& nouum, licet ergo daretur compositum ex se, illud adhuc esset nouum se-  
cundum Auer. & non antiquum.

## Dilucidatio.

**C**um itaque nulla quæ hactenus tradita est expositio, uerum propositionis sensum attigerit, agè nos nostram sententiam asseramus, & germanum Theorematis sensum explicemus: hic autem ut planior & apertior fiat, sciendum quòd compositum pluribus modis accipitur, uno modo, ut est compositum ex pluribus substantiis realiter: alio modo spiritualiter, ut ex perficiente & perfectibili sicut superius declaratum fuit: alio modo ex perfectione & perfectionis carentia: atque ex modo & modo. ceterum compositum primo modo sumptum adhuc duplex est, aliud. n. est per se unum, ut ex forma dante esse, & aliquo recipiente esse concretum: alterum uerò compositum est ex diuersis substantiis non tanquam ex forma dante esse, & subiecto recipiente, sed tanquam ex mouente, et mobili, ueluti sunt corpora cælestia quæ ex duabus naturis composita sunt sub ratione mouentis, & mobilis, ut proprio cap. à nobis demonstratum fuit. his modo sic constitutis dicimus, quòd ista propositio, Omne compositum est nouum secundum substantiã et possibile, intelligitur de omni composito ex diuersis substantiis, quod est per se unum uel ex forma dante esse, & ipsum esse recipiente compositum, propter primam conditionem compositum spiritualiter ex perficiente & perfectibili, & compositum ex perfectione & perfectionis carentia, atque ex modo & modo excluduntur, nam in diuinis illis mētibus compositio reperitur spiritualis ex perficiente et perfectibili, et ex perfectione et perfectionis carentia, non tamen eorum substantia noua est, atque possibilis: similiter in anima intellectiua reperitur spiritualis compositio ex perficiente & perfectibili, atque ex modo et modo, ut ex natura possibilis, et natura agentis, non tamen eius substantia noua est, atque possibilis, licet secundum illos modos noua atque possibilis dici possit: propter secundam conditionem corpus cæleste excluditur quod licet ex diuersis substantiis realiter ut ex intelligentia & orbe compositum sit, non tamen est per se unum, nec ex iis compositum, ut ex subiecto & forma dante sibi esse. Quòd autem hic uerus sit et germanus propositionis sensus ex eodẽ Auerroë 12. Met. 39. ita ostenditur, eo sanè loco Auerroës aduersus Saracenos argumentatur, qui primam intelligentiam ex tribus substantiis amoris, sapientiæ, & uitæ compositam esse asseruerunt, hæ autem tres substantiæ secundum ipsos erant realiter distinctæ, cum hoc tamen noluerunt esse unam secundum substantiam: sed quoniam, ut inquit Auerroës, substantia ex pluribus composita non potest esse una nisi per unam formam additam

composito, idcirco eam prima intelligentia sit ex diuersis rebus composita, non poterit esse p se una nisi per unam formam superadditam, & quoniam ab eodem est esse, & unum esse, ea propter cum prima intelligentia sit una per unam formam, igitur per eandem formam habebit esse, & tunc Commentator aduersus istam compositionem hoc erigit fundamentum, Omne compositum est nouum, prima intelligentia est composita eo modo quo dictum est, ergo erit noua. iam uero de eo composito uult Auerroes nouum esse affirmari, quod in minori de prima intelligentia predicatur, nisi illud ten. ere affirmare uolueris, quoddam diuerso modo compositum in utraque propositione accipitur: At compositum quoddam affirmatur de prima intelligentia illud est, quod ex diuersis substantiis constat, & ex forma dante esse, ut superius ostensum est. ergo & ue hoc composito nouum esse uerificatur: statimur itaque quod omne compositum ex diuersis substantiis per se unum nouum est, atque possibile: nia aut atque firmissima ratio ad id ostendendum cur huiusmodi compositum nouum sit, non est ratio tradita à Modernis, sed ista, quia omne compositum ex pluribus substantiis quarum altera dat esse, & altera recipit esse, necessario est per se unum, quoniam ab eodem est esse & unum esse, sed unum per se minime fieri potest, nisi quia unum est actus, & reliquum potentia ad esse, ut habetur 8. Met. cont. 15. sed omnis potentia in substantia, & ad esse, est potentia contradictionis, ut legitur apud Auer. sub initium secundi cap. de Sub. orbis, cuius uerba sunt hæc. In cælesti corpore non reperitur potentia omnino scilicet in substantia, quoniam omnis potentia in substantia est contradictionis, quod ab Aristotele accepit 9. Met. 17. ubi æterna non habere potentiam, hac ratione ostendit, Si æterna haberent potentiam ad esse, ergo haberent potentiam contradictionis. quoniam cū potentia simpliciter, uel in substantia contradictionis est. igitur omne compositum ex pluribus substantiis, ut ex forma dante esse, & ex aliquo recipiente esse, est potentia contradictionis: igitur possibile est, atque nouum, & hoc est firmissimum huius theorematibus fundamentum, in quo Auerroes cum Aristotele maxime consentit. Hinc colligere potes quare cæleste corpus cum ex diuersis substantiis compositum sit, non est nouum, sed antiquum: ratio ea est, quoniam non est compositum ex subiecto & forma informantem, nā si huiusmodi esset, in eo esset potentia ad formam, & ad esse, & ita esset in eo potentia contradictionis, & forma constituta in esse per subiectum, & proinde esset necessario nouum, atque possibile, sed compositum est ex duabus naturis, ut ex mente & mobili, in quo non est nisi potentia ad ubi, sed fortasse quissipia circa hoc ambigere posset, nā superius dictum fuit, quod Auerroes exponens illam Algazelis propositionem, quod omne causatum est possibile, dixit, quodam ista propositio non uerificatur nisi in causato composito, unde Auer. accepit



compositum ut contradistinguitur à simplici: igitur omne compositum & distinctum à simplici erit nouum, & ita corpus cæleste nouum erit. cuius oppositum nuper determinatum fuit: aut igitur ibi Auer. non accepit compositum ut contradistinguitur à simplici, aut si accepit, absolute omne compositum nouum erit. Dicimus ad hoc quod ibi Auer. accepit omne causatum compositum ut distinguitur à causato simplici, & quod huiusmodi est, simpliciter nouum est, iam uero corpus cæleste corpus quamuis compositum sit, non tamen est causatum compositum, quoniam ex intelligentia & orbe non constituitur secundum esse formale, sed solum resultat unum quod à seipso mouetur, quare sicut ibi accepit omne compositum causatum, ita propositio uerificatur de omni composito causato contradistincto à causato simplici, & hæc satis.

Necesse est & in anima has differentias inesse, et est intellectus hic quidem omnia fieri, ille uero omnia facere.



*I*N hac Aristot. conclusio. 3. lib. de Anima contex. 17. in qua intellectus agentis necessitatem determinauit, nam cum superius superque satis à contex. 1. usque ad octauum egisset de intellectu possibili, & à cont. 8. usque ad 17. egisset de intellectu in habitu, in 17. agere capit de intellectu agente, de quo hæc tria de clarat, necessitatem, opus, & naturam, quorum primum spectat ad quaesitum si est, secundum ad quaesitum quia tertium uero ad quaesitum quod est, & quoniam quaesitum est reliqua omnia antecedit, ideo in 17. contex. ab eo exorsus est, atque in natura intellectuali intellectum agentem necessarium esse demonstrauit: id autem ex similitudine à rebus naturalibus desumpta hunc in modum probauit. Sicut in omni re naturali datur unum quod est materia accommodata unicuique generi, & alterum quod est agens quod omnia facit ad qua materia est in potentia, ita in anima necesse est has differentias inesse, quarum altera est ut materia, reliqua uero ut agens: propositio uero quam sumit Aristoteles inductione ostendi potest, nam in genere animalium materia est nempe semen ex quo uirtus cælina in semine existens animalis formam ad actum deducit, in genere quoque saporum materia est, uidelicet humidum, similiter & agens, hoc autem calor est & in aliis rebus non solum naturalibus, sed etiam arte factis. necessitatem autem huius discursus declarans Auerroes, inquit, quia Anima intellectiva est de consideratione naturali, ideo sicut in aliis rebus naturalibus istæ duæ differentie reperiuntur, ita & in anima intellectiva, sed hæc ratio Auerrois nulla est, quia quod aliquid, sit de consideratione na

naturali non arguit ut has habeat differentias, materiam scilicet, & agens. quoniam materia naturalis est considerationis, non tamen priorem materiam habet, nisi forte dicere uoluerit Auerro. quod anima intellectiva quatenus est, considerationis naturalis se habet sicut res naturales, & ideo sicut in rebus naturalibus hæc due differentie reperiuntur, ita & in anima intellectiva. Dicimus autem nos, quod Arist. discursus ex eo necessitatem habet, quia anima intellectiva in sui generatione spiritali procedit ab esse incompleto, ad esse completum, sicut & res naturales in earum generatione reali procedunt ab esse incompleto ad esse completum: & ideo sicut in rebus naturalibus datur materia, & agens, quod res naturales deducit ad esse completum, ita & in anima intellectiva necesse est has differentias adinueniri, quarum altera est ut materia, reliqua uero ut agens, quod animam intellectiuam deducit ab esse incompleto ad esse completum, unde ratio poterit huc in modum categorice efformari, quod reperitur in omni re naturali quæ procedit ab esse incompleto ad esse completum. oportet etiam aliquo pacto in anima reperiri, sed ista differentia reperiuntur in omni re naturali ita se habente, ergo & in anima. Ceterum illud animaduertere oportet, quod ex hoc Aristotelis discursu habetur solum quod in anima intellectiva reperitur agens, an uero huiusmodi agens sit intellectus, an uero obiectum quemadmodum est in anima, sentiente in qua obiectum est agens quod eam ad perfectionem deducit. ex discursu Aristotelis non habetur, ea propter ne quis suspicaretur quod hoc agens in anima intellectiva sit obiectum, sicut in anima sentiente, circa initium contextus 18. declarat quod illud agens est intellectus. dicens [ & est intellectus hic quidem omnia fieri, hic uero omnia facere, ] quasi dixerit necesse est in anima has differentias adinueniri, & utraque differentia est intellectus: illa quidem quæ se habet ut materia, est intellectus qui est omnia fieri, cuius natura fuerat superius explicata: illa uero quæ se habet ut agens, non est obiectum uel phantasma, sed intellectus qui est omnia facere. Sed dicito, quomodo ualet hoc, in anima intellectiva requiritur agens, & hoc est intellectus, nam dicam ego quod est obiectum, ea propter id ab Arist. probandum erat. respondetur, & eius probatio ex superius declaratis habetur, nam ut inquit Philosophus in cont. 10. illius tertii, intellectus cognoscit carni esse, id autem est quidditas, & uniuersale, cum autem uniuersale ab obiecto minime fieri possit, quoniam obiectum, cum materiale sit, non potest agere ultra proprium gradum, nec producere aliquid ab appendiciis, & conditionibus. materia simpliciter abstractum tamen producere possit speciem sensibilem spiritalem; quoniam illa adhuc in latitudine sensibilem, & materialium continetur, cum materia conditionibus coniuncta sit, sed speciem omnino abstractam à materia con-

ditionibus producere minimè potest, igitur uniuersale fiet ab aliqua natura abstracta, sed ex contex. 15. eiusdem tertii, omnis Virtus per essentiam abstracta à materia est intellectus, igitur uniuersale fiet ab intellectu, igitur agens quod requiritur in Anima intellectiua non est obiectum materiale, sed intellectus, & proinde ex his quæ superius statuerat Arist. inferre potuit, hoc agens quod in anima uidelicet intellectiua requiritur, est intellectus. Zimara ex hac Arist. conclusione colligit intellectum possibilem, & agentem esse partes substantiales animam intellectiuam componentes, quoniam inquit esse animæ differentias, tantum abest ut id sit uerum, ut sit potius oppositum, colligatur, ut patet ex ipso Aristotelis discursu: inquit enim, & sicut in omni re naturali datur materia, & datur agens quod sanè in agendo talem rationem subit, qualem ars ad materiam conditionem habet, ita & in anima intellectiua dari debet unum & se habet ut materia, & alterum ut agens: uult ergo Philosophus quod intellectus agens ita se habeat ad animam intellectiuam, sicut se habet agens in rebus naturalibus. & ars ad artificialia. iam uerò in reb. naturalibus agens non est pars interna quæ una cum materia rem naturalem constituat, neque ars pars est rei artificialis, ergo neque intellectus agens respectu animæ intellectiue subit rationem partis, sed solum rationem agentis & architecti, sicut & ars respectu artificialium: neque enim ad hoc tendit Aristotelis similitudo ut quemadmodum in naturali composito duo sunt materia & forma, ita & in anima existant, sed illud probat quod quemadmodum in naturali composito generando agente opus est, quod formam deducat ad actum, ita & in anima intellectus agens requiritur, quippe qui quod potentia est ad actum deducat, quamobrem ex conclusione minimè colligitur, ut putauit uir ille, intellectum possibilem, & agentem esse partes substantiales animæ intellectiue: sed hi sunt gradus, & differentie quæ in anima intellectiua solum alteratum faciunt, ob id differentie, & non partes ab Arist. dictæ sunt, & licet in reb. naturalibus materia, & agens re ipsa distinguantur, non tamen ob id sequitur quod in aia intellectiua id quod se habet ut materia, & ut agens realiter distinguatur, si quidem Arist. similitudo non est constituta in hoc quod quemadmodum in naturalibus rebus materia & agens realiter distinguuntur, ita & in anima intellectiua, sed solum in hoc constituta est, quod sicut in illis, hæc duo reperiuntur, ita & in anima, tamen si in illis realiter distinguantur, in hac uerò secundum rationem tantum, & hæc quo ad si est, & necessitatem intellectus agentis dicta sint. Sed quoniam difficultas est, propter quid necessarium sit dari intellectum agentem, ideo rem hanc breuiter consideremus.



Propter quid necessarium est dari intellectum agentem.



**G**ANDAVENSIS tertio libro de Anima quest. 23. as-  
seruit intellectum agentem ob eam causam necessarium  
esse, ut sit principium actuum intellectiōis in intelle-  
ctum possibilem: censuit. n. uir iste quod intellectus agēs,  
& intellectus possibilis sint due substantiae realiter  
distinctae, animam intellectuam constituentes, quae ita se  
habent, quod intellectus possibilis solum intellectiōnem recipit: intellectus  
autem agens in possibilem intellectiōnem producit, & ob hanc causam ipsū  
dari necesse est, quam sententiam hac ratione ostendit. Nam principium  
actuum intellectiōis aut est species intelligibilis, aut intellectus possibi-  
lis, aut intellectus agens non species intelligibilis, quoniam tunc esset perfe-  
ctior intellectu, neque intellectus possibilis, quia cum ipse, ut oēs concedūt,  
intellectiōnem recipiat, principii actuum intellectiōis esse non potest: idē. n.  
principium receptivum & actuum actiōis esse non potest, quia potentia  
actiua est principium transmutandi aliud, non se, ut legitur 5. Met. cap. de  
potentia, & nono Met. ergo erit intellectus agens, quare necessitas intelle-  
ctus agentis est ut in intellectu possibilem intellectiōnem producat. sed uir iste  
bis peccat, primo quidē q̄tū ad id q̄ assumit, q̄ intellectus possibilis, & in-  
tellectus agens sint due substantiae constituentes animā intellectuā reali-  
ter distinctae, sicut alio loco à nobis demonstratū fuit, ad quem lectorem  
reiiicimus: peccat secundo in conclusione, quia si intellectus agens ea de  
causa necessarius est, ut in intellectu possibilem intellectiōnem producat, tūc  
intelligere non esset actio immanens, contra Philosophum 9. Met. 16. pro-  
batur cōsequentia, quoniam ut ait Philosophus loco citato, actio immanēs  
est, quae non transit in aliud, sed manet in agente, & in hoc distinguitur ab  
actiōe transeunte: iam uerò si intelligere proficiscitur ab intellectu agēte,  
& recipitur in intellectu possibili, igitur erit transiens, non autē immanēs,  
sed huc rationi respondet Gandauensis, dicens, actiōnem immanentem esse  
bis. intelligi posse, uno modo quod remaneat in agente à quo proficiscitur  
tanq̄ in suo p se subiecto: alio modo, quod remaneat in subiecto coniuncto,  
ipsi agenti secundum esse, tunc inquit, quod actio immanens non dicitur q̄a  
remaneat in agente à quo dependet tanq̄ in subiecto, quia hoc impossibile  
est, sed dicitur immanens quia recipitur in subiecto coniuncto ipsi agenti  
secundū esse, sicuti p oppositum dicitur actio transiens quando subiectum  
in quo recipitur distinctū est ab agente secundum esse, sicut cū ignis aquā  
calefacit. licet ergo intellectu recipiatur in intellectu possibili distincto ab

intellectu agente, quia tamen intellectus agens iunctus est intellectui possibili secundum esse, ut forma suo subiecto aliquo modo, proinde intellectio non dicitur actio transiens, sed immanens. Sed ista responsio falsa est, quia si ad operationem immanentem sufficit quod principium actuum, & passuum sint coniuncta secundum esse, tunc operationes animae vegetalis ut nutrire, et augere essent operationes immanentes, quod nullus affirmabit. probatur consequentia, quia corpus uiuens in quo haec celebrantur opera, et anima uegetalis sunt unita secundum esse, uegetalis. n. anima uiuentis corporis forma, et actus est. Secus itaque dicendum est, quod praecisa necessitatis causa intellectus agens est ex parte obiecti, ut transferat ipsum de ordine in ordinem, nam cum obiectum, id est Phantasma materiale sit, atque ita sub opposita conditione potest esse in te. gentis quae abstracta est, ab intellectu intelligi nequit, nisi fiat intellectui proportionatum, abstractum scilicet, & immateriale: cum autem id fieri minimè possit nisi à uirtute abstracta, & à natura intelligente, ea propter necessarium est dari intellectum agentem qui faciat phantasma abstractum immateriale, quod sanè declarauit Arist. 3. de Anima 18. nã cum ostendisset necessarium esse intellectum agentem, quasi explicans propter quid ipsum ponere opus sit, inquit, quod oportet omnia facere sicut lumen: quodam modo. n. lumen facit potentia colores actu colores, certum est. n. quod Philosophus comparat intellectum agentem ad intelligibile, sicut lumen ad colores, quod, sicut lumen facit potentia colores actu colores, ita intellectus agens facit potentia intelligibile actu intellectum: hoc autem obiectum est, quare causa necessitatis intellectus agentis est ex parte obiecti, quod et declarauit Auer. in eodem Com. 18. ubi sic inquit, modus qui coegit ponere intellectum agentem est, quia cum proportio intentionum imaginatarum ad intellectum, sit sicut proportio sensibilibus ad sensum, oportet esse aliquod agens quod deducat intelligibilia in potentia ad actum, sicut lux facit colores actu: & in fine sic inquit, si uniuersalia haberent esse extra animam sicut posuit Plato, non opus esset intellectum agente, ergo praecisa causa quare requiritur intellectus agens est ut faciat uniuersale in obiecto, quod si requireretur propter aliud ut faceret intellectiorem in intellectum possibilem, ut dicit ille Auerroista, nulli esset. Auerrois consequentia, quia et si darentur uniuersalia extra animam, adhuc necessarium esset dari intellectum agentem ut intellectiorem produceret in intellectum possibilem, tota itaque ratio necessitatis intellectus agentis est ex parte obiecti ut faciat ipsum de potentia intelligibile actum intellectum, & hic terminatur actio intellectus agentis: non. n. intellectus agens agit in intellectum possibilem in eum causando conceptum uniuersalem, aut speciem intelligibilem, ut dicunt D. Tho. & Scotus, si quidem Philosophus contex. illo 18. ad hoc ponit intellectum agentem, ut faciat

ligibilia, actu intellecta, an accipiat pro formis materialibus tantum: cui dubio resolutè dicendum, quòd illa dictio, omnia, uniuersaliter accipitur, tam pro formis abstractis, quàm materialibus, quod licet inauditum quoddam esse uideatur, uerisimum tamen est, & ex ipsomet Arist. probatur: nam cum Philosophus ostendisset in anima intellectiua duas illas differentias adinueniri, declarasset què quòd utraque est intellectus, inquit, quòd intellectus possibilis est omnia fieri, agens uerò omnia facere, ita ut illa dictio, omnia, uniformiter accipiat et ex parte possibilis, & ex parte agentis. iam uerò ex parte possibilis accipitur uniuersaliter, quia possibilis sic omnia siue abstracta, siue materialia: igitur & ex parte agentis uniuersaliter accipitur. confirmatur, nam agens & patiens cum sint relatiua adequatè sese respiciunt. Sed intellectus possibilis, & agens se habent ut patiens, & agens. igitur adequatè sese respiciunt, ergo ad ea omnia sese extendit intellectus agens, ad quæ sese extendit possibilis, atqui possibilis sese extendit ad abstracta & materialia, ut declarauimus super contex. 4. eiusdem tertii: ergo & intellectus agens sese extendit ad formas materiales & abstractas. cum itaque dicit intellectus agens, omnia facit, illa dictio, omnia, uniuersaliter supponit. Sed aduersus hoc non leuis sese offert dubitatio, nam intellectus agens facit potentia intelligibilia actu intellecta: iam uerò substantia separata non sunt potentia intelligibiles, sed actu intellecta. suæque natura à materiæ conditionibus abstracta: igitur non indigent opera intellectus agentis, ut fiant actu intellecta, & à materiæ conditionibus abstracta. Animaduertito, quòd substantia separata bis. considerari possunt, uno modo secundum se, propriamque naturam: alio modo ut intellectui nostro offeruntur. si primo modo considerentur sunt actu intellecta, & à materiæ conditionibus absoluta: si uerò secundo modo, quoniam intellectui nostro non offeruntur ut sunt, sed accidentibus adumbrata, perinde ac materiales forma, ut sic sunt potentia intelligibiles (potentia enim intelligibile nil aliud est nisi forma materiæ conditionibus, & accidentibus inuoluta, forma uerò actu intellecta, forma est ab accidentibus & materiæ conditionibus absoluta) ea propter indigent opera intellectus agentis, ut ab illis accidentibus abstrahantur, atque ita fiant actu intellecta. si enim offererentur intellectui nostro ut sunt, non inuoluta accidentibus, profectò ad earum intellectiōnem nullum exigere-tur opus intellectus agentis. unde diligenter animaduertat studiosus, quòd non ualet ista consequentia, dantur obiecta immaterialia, ergo non opus est intellectu agente: sed ualet sic, dantur obiecta immaterialia, & per se offerri possunt intellectui accidentibus non inuoluta:



ergo non requiritur agens, & in hoc sensu intelligenda est illa Auerrois cōsequētia in Comment. 18. cum inquit, si darentur uniuersalia extra animam, non esset opus intellectu agente: non. n. consequentia ista absolute intelligi debet, ut communiter exponitur, quia ēt si darentur uniuersalia extra animam quæ essent accidentibus adumbrata, opus esset agente intellectu qui ea ab illis accidentibus abstraheret, sed intelligitur sic, quod si darentur uniuersalia extra animam, & intellectui nostro accidentibus non inuoluta offerri possent, non esset opus intellectu agente, & in hoc sensu uerissima est: nunc eius operandi modum perpendamus, quo scilicet pacto intellectus agens facit potentia intelligibilia actu intellecta, formamque à materie conditionibus abstrahit, & absoluit.

### De modo operandi intellectus agentis.



**D**I X E R E nonnulli intellectum agentem à materie conditionibus formam abstrahere, quia uim quandam imprimit in phantasma per quam à materie conditionibus abstrahitur, sitque de potentia intelligibili actu intellectum, quæ sententia falsa est: quoniam ut inquit Philosophus in context. 18. intellectus agens se habet ad phantasmata, sicuti lumen ad colores: iam uerò cum lumen colores ponit in esse conspicuo & apparenti nihil imprimit in colores, igitur neque intellectus agens aliquid imprimit in phantasmata: accedit, quod si aliquid imprimit in phantasmata, uel hoc erit aliquid materiale, uel aliquid immateriale: si materiale, hoc eleuare non poterit phantasma ad gradum immaterialem: si immateriale, ergo in phantasma, in qua ipsum residet phantasma, abstrahitur, & immateriale reciperetur, quod dici minimè potest. ea propter dixerunt alij quod intellectus agens cum phantasma deducit de potentia ad actum, nihil imprimit in phantasma, nec agit actione positiua, sed solum actione priuatiua quatenus remouet conditiones materiales, quæ intellectiōnem ipsam impediunt. quibus remotis remanet quidditas abstracta, & actu intellecta. Sed isti primum dubitationi non satisfaciunt: nam cum intellectus agens materiales remouet conditiones, queritur quomodo id efficiat: de hoc enim tota quæstio est, quod tamen ipsi non explicant. aberrant secundo cum dicunt intellectum agentem non agere actione positiua, sed priuatiua tantum, si quidem actio priuatiua actionem positiuam præsupponit. tandem fuerunt alij, ut Thom. Gaeta. & Ioan. Bacc. senten. primo quæstio secunda prolegi, qui dixerunt, quod intellectus agens est uere agens, & nihil agit in

phantasmata, sed sola assistentia, & ipsius presentia transfert phantasmata de potentia ad actum, sicut & lumen nihil agit in colores, sed sola ipsius presentia eos deducit de potentia ad actum, ut cum antea non immutaret uisum, actu uisum immutent. Sed neque istorum sententia uera est, quia & aliquid sit uerè agens, & nihil agat animo consequi minimè potest: agens. n. ab actione denominatur, quodd si non agit, non uideo quomodo uerè agens dici queat; & dicere est agens, & non agit, perinde est ac si dicatur agens non est agens, praeterea nihil potest extrahere aliquid de potentia ad actum nisi mediante actione: sed intellectus agens extrahit phantasma de potentia ad actum: igitur extrahit mediante actione. neque ratio à lumine desumpta aliquod habet momentum, nam licet lumen nihil agat in colores, agit tamen in mediū actione positua ipsum illuminando, ex quo tenebrae remouentur, quibus remotis, colores qui actus sunt dia phani illuminati, uisum immutant. sed cum hactenus aliorum sententiae re iecta sint, nunc quae nostra sit sententia in medium afferamus. dicimus autem quodd intellectus agens agit, & actione positua contra secundam, & tertiam opinionem, non quidem aliquid imprimendo in phantasma & actione transiente, ut dicit prima opinio, sed actione immanente: nam cum phantasia quae pedissequa & ministra est intellectus ei obtulerit phantasma, quodd materiale est, tunc intellectus quiditatem, & formam in phantasmate conditionib. materialib. inuolutam, intelligit non intelligendo indiuiduantes, & materiales condiciones, & hoc pacto dicitur à materia conditionib. formam abstrahere: si quidem abstrahere, loquendo de abstractione rationis, nil aliud est nisi intelligere unum, non intelligendo alterum: nam quemadmodum sensus uisus si ei offeratur lac in quo dulcedo, & albedo coniuncta sunt, separat albedinem à dulcedine, quia percipit albedinem quae sui iuris est, non percipiendo dulcedinem, & contra gustus in eodem lacte separat dulcedinem ab albedine, quia percipit dulcedinem non percipiendo albedinem: ita intellectus cum sibi offertur à phantasia forma materialibus conditionib. coniuncta, à materia conditionib. formam abstrahit, quia quiditatem, & formam intelligit, non intelligendo materiae condiciones, quae sui iuris minimè sunt. & quoniam intelligere est actio immanens. & positua, ea propter dicitur quodd intellectus agens abstrahit formam à materia conditionibus actione immanenti, & positua: & licet intelligere ab Aristot. quandoque dicatur esse pati, ut tertio de Anima secundo, id non intelligitur formaliter, quia intelligere formaliter est in capite iudicii, & actionis, ut testatum reliquit ipsemet Aristot. nono. Met. 16. sed intelligere dicitur pati concomitanter, quoniam cum intellectus intelligit, ab intelligibili patitur, & perficitur, & secundum hanc actionem immanen-

tem dicitur facere de potentia intelligibili actu intellectum, illuminare phantasma, & transferre formam de ordine materialium ad ordinem immaterialium: etenim forma cum materialibus conditionibus coniuncta est, dicitur potentia intelligibilis, & in tenebris delitescens, quoniam materiales conditiones perinde ac tenebrae sunt, quae intelligibilitati obsistunt: cum uero intelligitur illis non intellectis dicitur actu intellecta. dicitur etiam illuminari, ac in esse quodam conspicuo reponi, unde species illuminata, aut phantasma illustratum nil aliud est nisi forma sine tenebris, hoc est sine materiae conditionibus intellecta, & hanc de modo operandi intellectus agentis ueram, & germanam arbitror Aristotelis extitisse sententiam, ex quo sequitur non opus esse tot in Socrate intelligente intellectus multiplicari, totque in intellectione afferre negocia, ut sicuti communiter uolunt interpretes, qui asserunt quod intellectus agens abstrahit speciem intelligibilem à phantasmate, postea illam reponit in intellectu possibili tanquam in subiecto, qui cum speciem receperit, eaque insignitus fuerit, postea intelligit, fabulae, & fragmenta omnia, unus duntaxat est in Socrate intellectus, qui plures habet gradus quos in context. 17. Aristoteles differentias nuncupauit, quippe cum rudis omnino est, & ab omnibus denudatus possibilis nuncupatur: cum uero phantasmata habuerit reservata in phantasia, tunc gradum perfectiorem adipiscitur, & dicitur intellectus in habitu, qui non est in potentia sicuti prius, quia prius potentia erat ad actum primum, sed est in potentia ad operari, & est persimilis habenti scientiam, & non contentum: cum uero intellectus iacentem formam in phantasmate intelligit, non intelligendo materiales conditiones tunc dicitur intellectus agens, & istae sunt differentiae quas de intellectu tractare proposuit Aristot. in context. primo tertii de Anima, quas etiam prosequutus fuit in eodem libro, hinc Zimarae detegitur error, qui Theoremate 99. abstractionem in duas species diuisit, quarum una est transferre res de ordine in ordinem, & facere de potentia intelligibilibus actu intellecta. & ista est operatio intellectus agentis, quae sine cognitione efficitur: sed ista actio fit ab eo per modum naturae, quia abstrahit, & non cognoscit se abstrahere, sicut ignis comburit, & nescit se comburere: alia uero abstractionis species est intellectio unius altero non intellecto, & huiusmodi abstractio est operatio intellectus possibilis, cum tamen omnis abstractio, quae rationis est, nil aliud sit nisi apprehensio unius ex his quae coniuncta sunt secundum esse, reliquo non apprehenso, omnisque abstractio fiat ab intellectu agente siue sit abstractio uniuersalis à particulari, quae omnibus scientiis communis est: siue sit abstractio formae à materia sicut est abstractio Mathematica, dicere quinetiam, quod uirtus cognoscitiua sicut est intelle-



ctus agens agat, & non cognoscat se agere, ridiculum est, & homine dignum, qui ex seipso omnia confingit. & si actio intellectus agentis neque comprehensio est, neque cum cognitione, & comprehensio efficitur, ut inquit, declarare debuit quid sit, & quomodo fiat: sed queres ad quam intellectus operationem reducitur hæc intellectus agentis operatio, dicendū, quod ad primam intellectus operationem reducitur, quæ est indissolubile intellectus, in qua non reperitur falsum, sicut in secunda operatione quæ in compositione consistit: & de hac abstractione loquens fuit Aristoteles secundo Physicorum 13. ubi loquens de Mathematica abstractione in qua abstrahitur linea à sensibili materia, in qua est, sic inquit, Et sic abstrahentium non est mendacium, ex qua determinatione nostra plurima colliguntur, & quidem pulchra: primo quidem illud Gregorii dissolvitur argumentum, quo probare nitebatur singulare esse primo cognitum ab intellectu, si quidem intellectus agens abstrahit uniuersale à singulari: igitur primo cognoscit singulare à quo abstrahit, secus abstractio fieret ab ignoto, à quo argumento nesciens sese explicare Zimara in questione de primo cognito ad illam confugiens fabellam, inquit, quod intellectus agens cum abstrahit neque cognoscit singulare à quo abstrahit, neque uniuersale quod abstrahitur, sed illud demandat intellectui possibili cognoscendum. sed ex iam dictis argumentum dissolvitur, quod intellectus agens abstrahit uniuersale à singulari, non tamen cognoscit singulare à quo abstrahit, & cum infert ergo abstractio fit ab ignoto, tantum abest ut hoc sit falsum, ut potius sit maxime uerum, & Aristoteli consentaneum, quia cum abstrahere nil aliud sit, quam intelligere unum non intelligendo alterum: igitur cum intellectus agens abstrahit uniuersale à singulari, intelligit uniuersale, non intelligendo singulare, licet hoc cognoscatur à phantasia in qua phantasma singulare adinuenitur, quæ etiam in re Gregorius naturam operationis intellectus agentis ignorasse uidetur: Colligitur secundo, quod uniuersale non præcedit, sed consequitur actum intelligendi, contra communem sententiam, quia cum uniuersale per abstractionem fiat, abstrahere autem sit intelligere unum, alio non intellecto, igitur uniuersale fit per intelligere, ergo uniuersale sequitur intelligere sicut affectus causam suam insequitur, & quamuis obiectum realiter actum intelligendi præire debeat: tamen quod ad rationem formalem, quæ est uniuersalitas in obiecto, sequitur actum intelligendi, & hoc pacto potentia intelligens facere potest obiectum suum, quia intellectus est qui facit uniuersale in rebus. Colligitur tertio, quod terminus actionis intellectus agentis nil aliud est nisi forma actus comprehensa, & intellecta, quia intellectus agentis operatio sit abstrahere formam à materiæ conditionibus: abstrahere autem sit intelligere formam conditionibus.

illis non intellectis, igitur terminus actionis intellectus agentis est forma actu intellecta. Colligitur tandem quod non datur uniuersale, seu species impressa, & subiectiue existens in intellectu, remanens post actum intelligendi, sed solum expressa, & obiectiue existens in intellectu, cessans, cessante actu intelligendi, quia cum uniuersale non habeat esse nisi quia abstrahitur, ipsum uero abstrahitur, quia intelligitur, igitur uniuersale habet esse quatenus intelligitur; & quoniam intelligere non diutius perdurat, sed quasi celeriter transiit, ideo uniuersale dicitur habere esse uelox in intellectu, desinitque cessante actu intelligendi: quam ueritatem tandem uidit Auer. 3. de Anima com. 39. ubi sic inquit ad uerbum, necesse est ut forma sint existētes in intellectu secundum uelocitatem, & rem uelocis transmutationis non fixam, & quod ille eodem formæ sint existentes in rebus sensibilibus extra animam sicut habitus in habente habitum, & res fixa in materia. unde frustra querit Zimara in quest. de speciebus intelligibilibus ubi uniuersale habet esse subiectiue, quia nullibi habet esse subiectiue, sed tantum obiectiue sicut cognitum in cognoscente, sed hoc totum provenit propter ignorantiam, operationis, modique operandi intellectus agentis, iam uero ad quæsitum quid est, pedem conferamus.

Et hic intellectus impassibilis, separabilis, & immixtus est, substantia actu.



**M** haftenus operationē, operandiq; modū explicauerimus, nunc superest ut quæsitū qd est, eiusq; naturā consideremus. q̄ qdē in cont. 19. hac definitione Arist. explicat, dicens, Intellectus agēs est impassibilis, separabilis, & immixtus, substantia actu; q̄ sanē exponens Simplicius inquit, qd definitio ista datur de supremo & substantiali aīa intellectu, qui est in se manens, nec amplius ad extra progreditur: hic. n. ab Arist. separatus dicitur non solum à corpore & à corporea uita, sed à uita discursiua: consistit. n. secundū ipsū tunc apud se, nihil extrā se quærens, & propterea etiā inquit, passionis expers dicitur, qd à nullo extrinsecus accepto pficiatur, sed à seipso pficitur, aut iam pfectus existit. Quæ Simplicii sententia falsa est, quia intellectus ut in se manens non consideratur in tercio libro de Anima, quoniam tunc tertius liber de anima esset mixtus ex diuersis considerandi modis, ut pote ex modo considerandi naturali, & Metaphisico deducitur consequentia, quoniam intellectus ut in se manens abstrahit à materia secundum esse, & secundum rationem, cum etiam ipse authore Simplicio tunc nullam ad corpore & ad corporeā

uitam habitudinem habeat. Sed hic est modus considerandi Metaphisicus, ex 6. Met. 2. igitur intellectus ut in se manens consideratur modo considerandi Metaphisico. & cum in eodem libro consideretur intellectus ut progressus est, & habitudinem habet ad corpus, hic autem est modus considerandi naturalis, ut legitur eodem 6. Met. 2. & secundo Phis. 18. igitur intellectus considerabitur modo considerandi naturali. ergo tertius liber de Anima neque erit naturalis, neque Metaphisicus, sed confusus, & mixtus ex habitu naturali, & Metaphisico, quamobrem dicendum est, quod definitio ista datur de intellectu adhuc progresso, & adhuc ad materialia habitudinem habente, secundum quam rationem consideratur in toto 3. lib. de Anima. datur uero definitio ista intellectus agentis per quedam predicata communia, quibus conuenit cum possibili, tanquam per genus, & quedam propria tanquam per differentiam, communia sunt isthac, intellectus agens est impassibilis, separabilis, & immixtus, quæ etiam conueniunt possibili ut patet ex contex. 2. & 6. eiusdem tertii. probat autem hæc predicata conuenire intellectui agenti hac ratione. agens semper est honorabilis patiente, sed agens intellectus est agens, & intellectus possibilis, est patiens. ergo si ista predicata quæ nobilitatem significant, conueniant intellectui possibili qui ignobilior est, multo magis conuenient intellectui agenti, quia quod conuenit ignobiliori, quod perfectionem significet, multo magis conueniet nobiliori. ex quo loco apertissime colligitur contra Alex. et sectatores ipsius, quod intellectus possibilis est uniformiter immixtus, & separabilis à corpore sicut & intellectus agens. quia cum ratio Arist. in hoc sit constituta, intellectus possibilis qui est ignobilior agente sit immixtus, & separabilis, ergo & intellectus agens qui nobilior est, aut in antecedente intelligit intellectum possibilem esse immixtum & separabilem secundum rationem & esse: aut secundum rationem tantum, uel quod non sit organo alligatus: si primum habetur intentum: si secundum, igitur ex illo antecedenti probauit solum intellectum agentem esse separatum secundum rationem, aut organo non alligatum, quoniam termini uniformiter accipiuntur in antecedente & consequente: si ergo concludi debet intellectum agentem esse immixtum & à corpore separatum, ita ut eductus non sit de potentia, materie, ut uolunt, cum hoc deducatur ex illo antecedente, quia possibilis immixtus & separabilis est. igitur dicendum est intellectum possibilem esse à corpore separabilem, & de materia gramio non eductum. cum autem Philosophus declarasset predicata communia quæ loco generis se tenent, explicat predicatum proprium intellectus agentis, per quod agens distinguitur à possibili. hoc autem est, cum dicit, [ Substantia a.Tu ] quam partem exponens Aphrodis. Alexander primo sue paraphra. de Anima libro cap. de intellectu agente, inquit, quod intelle-



Etus agens dicitur substantia actus, idest actus purus, nam cum ex prima parte definitionis intellectus agens sit impassibilis et separabilis citra materiam & potentiam est. igitur est actus purus. hinc deducit Alexand. intellectum agentem primam causam esse, nam si actus purus est, talem profecto primam causam esse ab Arist. commostratum est. sed hac Alexandri expositio falsa est, quoniam cum idem sit definiendi & considerandi modus, si intellectus agens definitur ut actus purus, ergo consideratur ut actus purus, & cum p Alexand. intellectus agens sit Deus, igitur Deus in tertio libro de Anima consideraretur ut actus purus, quod falsum est, cum id fiat in 12. Met. accedit quod illud idem sequeretur quod contra Simp. superius deductum est, nam si intellectus agens definitur & consideratur ut actus purus, cum talis sit modus considerandi Metaphisici, quoniam ut sic abstrahit à materia secundum esse, & secundum rationem, & cum in eodem tertio libro consideretur intellectus humanus ut potentia est, et in ordine ad corpus qui est modus considerandi naturalis, igitur intellectus humanus considerabitur modo considerandi naturali, quare tertius de anima mixtus erit ex diuersis modis considerandi, quare neque unus liber erit, quinimmo nec una scientia, quoniam ablata unitate modi considerandi, scientia unitas aufertur, ut legitur 6. Met. 2. & 2. Phis. 18. Secus itaque mea sententia particula illa exponi debet, quod intellectus agens est de substantia actus, hoc est substantia omnia faciens, quæ sane expositio bis. comprobari potest, primo quidem per terminum quo in presentia usus est Arist. actum exprimendo: neq; n. entelechia sed energia quod operationem significat, non actum primum positum est: secundo probatur quia Philosophus per hanc particulam distinguit intellectum agentem ab intellectu possibili, qui potentia est, sicut ergo intellectus possibilis dicitur potentia, ita intellectus agens dicitur actus: iam uero intellectus possibilis dicitur potentia non quidem ad esse, quia actu est, sed quia potest omnia fieri, ergo intellectus agens dicitur actu, quia potest omnia facere, et hoc pacto distinguitur intellectus agens à possibili, quia ille est actu, hic uero potentia, idest ille potest omnia facere, hic uero omnia fieri. & hac est germana huius partis expositio, unde non habet amplius Alexander q ex hac particula colligat intellectum agentem esse Deum, sicut ex falsa illa expositione collegit. ex qua ueritate illud et habetur, quod definitio intellectus agentis non est Metaphisica, ut censuit Clarissimus præceptor meus. Marcus Antonius genuina uerborum superficie deceptor, sed est naturalis, cum detur per operationem respicientem phantasmata, et materialia omnia. n. definitio quæ aliquo pacto materia respicit, naturalis est, & hac de necessitate, & causa necessitatis, de operatione, & operandi modo, atque de natura intellectus agentis dicta sint.

Quod.

Quod autem non secundum quantitatem indiuisibile est, sed forma,  
intelligit indiuisibili tempore, & indiuisibili animæ: se-  
cundum accidens autem non ut illa indiuisibi-  
lia sunt, ut quod intelligit, & tempus  
in quo, sed ut indiuisibilia:  
inest enim iis ali-  
quid indiui-  
sibile.



**EXTVS** est tertio libro de Anima in ordine 24. qui  
quonia admodum perobscurus est, nec ita bene in elle-  
ctus ipsum dilucidare decreui, ex grecis Simplicius ar-  
bitratur Aristotelis propositum esse in praesenti parte  
agere de obiecto intellectus in se manentis, quod est in  
diuisibile secundum formam: hoc autem secundum ip-  
sum sunt simplices illae quiditates, & rationes ideales, quae ab intellectu  
perfecto, & apud se consistente intelliguntur. Cuius intentionis causa ea est,  
quoniam cum in textu 23. declarasset quomodo indiuisibile secundum qua-  
tum intelligatur, quod ab intellectu progressu percipitur, ne quis putaret  
ab eodem intelligi, quod est indiuisibile secundum formam, hac in parte declara-  
re instituit, & indiuisibile secundum formam ab intellectu perfectum, & in se  
manente intelligatur, & ex hoc appareat differentia inter obiectum intelle-  
ctus progressu, & intellectus in se manentis: haec sunt quae a Simplicio ha-  
bentur, & a Simplicianis tanquam diuina diiudicantur, sed haec Simplicii  
sententia falsa est: pri. quod, quonia in tertio libro de Anima non agitur de  
intellectu in se manente, ut superius probatum: secundo, quia de obiecto il-  
lius intellectus Aristoteles agere intendit, qui in tempore intelligit, sed in  
tellectus in se manens non intelligit in tempore, quia hoc conuenit intelle-  
ctui progressu, & ut a phantasia dependet, ipso etiam auctore Simplicio:  
ergo hoc in loco non agit de obiecto intellectus in se manentis. proposi-  
tio maior ex praesenti textu probatur, in quo Philosophus inquit, quod  
intellectus intelligit indiuisibile secundum formam indiuisibili tempore:  
non me latet Simplicium dicturum, quod per tempus indiuisibile, non in-  
telligitur tempus, sed instans, sed hoc ab Aristotelis sententia alic-  
num est, ut in expositione illius particulae demonstrabitur. Melius  
itaque cum Theon. Io. Gram. & Auer. dicendum, quod cum Arist. in tex.

23. ipsum indiuisibile quod ad primam attinet operationem intellectus, diuississet in id quod est actu tantum, & in id quod est actu, & potest esse indiuisibile: illud autem quod actu tantum indiuisibile duplex sit, & secundum quantum, & secundum formam, declararetur quomodo indiuisibile secundum quantitatem ab intellectu intelligatur: modo in presenti parte propositum est declarare quomodo id quod est secundum formam indiuisibile intelligatur, per hoc non formam abstractam, sed formam materiale intelligens, quia ut diximus, Aristoteles agit de indiuisibili actu, diuissibili autem potestate, iam uero forma abstracta actu & potestate indiuisibilis est, non igitur hoc in loco de ea sermo est, sed de forma materiali tantum. sunt in context. tres exponenda particule, quomodo indiuisibile secundum formam intelligatur, declarat in prima, tacite dubitationi satisfacit in secunda, rationem affert in tertia: inquit in prima, Quod non est secundum quantitatem, sed secundum formam indiuisibile hoc est unum, & indiuisum secundum formam: sicut .n. id quod est unum & indiuisum secundum quantum, dicitur indiuisibile secundum quantitatem. ita id quod est unum secundum formam, & speciem, indiuisibile secundum formam dicitur, ut homo, & equus: hoc igitur quod indiuisibile forma est, intelligit indiuisibili tempore. quam partem exponentes Ioan. Gramma. & Simplicius, & cum eis Auerro. per indiuisibile tempus, instans interpretantur, unde Ioan. Gramma. Aristotelem redarguit, qui momentum, & instans tempus appellauit: sed grauisimi isti interpretes particulam hanc temere exposuerunt, quod ex context. 23. facile ostenditur, ubi Philosophus rationem, reddens quare longitudo indiuisibilis intelligatur tempore indiuisibili, ratio inquit est, quoniam tempus indiuisibile est, & diuissibile ut longitudo, tunc ita ratiocinamur: instans non est sicuti longitudo, quoniam instans est simpliciter indiuisibile: longitudo uero quamuis sit actu indiuisibilis, est tamen potentia diuissibilis, sed tempus indiuisibile est sicuti longitudo: ergo tempus indiuisibile non est instans. praterea id etiam ostenditur ex presenti context. in quo Philosophus rationem reddens illius quod dixerat in secunda parte quod longitudo, & tempus sunt indiuisibilia per accidens, inquit, quod ideo hoc per accidens indiuisibilia sunt, quoniam in eis aliquid reperitur per quod indiuisibilia sunt. Iam uero si per tempus indiuisibile instans intelligatur, cum tempus indiuisibile sit per accidens: ergo instans per accidens indiuisibile erit, quod dici nequit. postremo probatur ex quinto primae Philosophiae cap. de uno, ubi Philosophus habet, quod continuum illud est cuius motus est unus, motus autem unus est, qui sit tempore indi-



uisibili : iam uerò si per tempus indiuisibile instans intelligitur , motus igitur fiet in instanti, quòd falsum esse cuius manifestum est, quæ quidem loca si Ioan. Gramma. accuratè magis animaduertisset , aduersus Aristotelem non ita temerè insurrexisset , neque dicendum est ut inquit Snessa. quòd tempus indiuisibile pro paruo tempore accipiat, quoniam eo modo dicitur secundum Arist. in 23. contex. tempus indiuisibile, quo & magnitudo indiuisibilis dicitur: iam uerò magnitudo non dicitur indiuisibilis quia parua, sed quia non est actu in partes diuisa licet magna sit, igitur & tempus indiuisibile dicitur quia non est actu in partes diuisum , tamen si magnum sit , itaque per tempus indiuisibile tempus unum , & continuum intelligi debet, quemadmodum magnitudo indiuisibilis dicitur , quia continua est , neque in partes diuisa : cum ergo dicitur , quòd indiuisibile secundum formam intelligitur tempore indiuisibili , exponi debet tempore continuo, et non interpolato, ( & indiuisibili etiam Animæ ) quam partem exponentes Ioan. Grammat. Simp. & B. D. per indiuisibile animæ in diuisibilem animæ partem , quæ intellectus est , interpretantur , uerum non eodem modo, Simplicius enim per indiuisibilem animæ partem intellectum in se manentem , qui à seipso indiuisus est, nec amplius ad extrà declinans , quem ideo indiuisibilem animæ partem dixit ab Aristot. appellari , quia in hoc Platonem insecutus fuit , qui Animam duabus partibus constare uoluit , altera quæ circa corpora compartita est , reliqua uerò impartibili secundum quam ideis, de quibus nult hoc in loco sermonem haberi , coheret atque unitur: at Io. Gram. & B. D. per indiuisibilem animæ partem absolute intellectum exponunt qui indiuisibilis dicitur. Sed nec una, nec altera expositio uera est, non quidem prima quoniam hoc in loco non est sermo de intellectu in se manente, neque de ideis, quoniam in hoc contex. agitur de indiuisibili actu potestate autem diuisibili: ideæ uerò cum formæ abstractæ sint & actu, & potestate indiuisibiles sunt. Nec secunda, licet uerior sit, quàm prima, quoniam in 22. conte. Philosophus declarauit quòd uirtus percipiens indiuisibilia , & hæc in unum componens est intellectus , unde non oportuit hoc in loco declarare , quòd intelligens indiuisibile secundum formam est intellectus . propterea melius cum The. & Au. dicendum, quòd per indiuisibilem animæ indiuisibilem intellectiōnem Arist. intelligat: sicut. n. quod indiuisibile est, tempore intelligitur indiuisibili & continuo , pariter intellectiōne indiuisibili , & continua , unde ista secundum Aristotel. sese consequuntur . obiectum quod intelligitur, tempus in quo, & intellectio: si enim obiectum indiuisum est, intellectio , & tempus pariter indiuisa sunt , si uero obiectum in partes diuidatur, similiter tempus & intellectio diuiduntur, ut in 23. con-

tex. *Aristo. apertissime declarauit, & quemadmodum ista tria magnitudo, tempus, & motus sese consequuntur in motu reali, ita ex Aristotelis sententia in motu spiritali tria hæc obiectum, tempus, & intellectio sese consequuntur, ex quo illud elicitur quod intellectus coniunctus corpori & phantasia in tempore intelligit, quod ipsa quoque comprobatur euidencia rei: cum enim non datur temporis interuallum quod iudicium postulare uideatur, Intellectus nec intelligere nec recte quippiam iudicare potest. hæc de prima parte.*

Secundum accideus autem non quò illa diuisibilia sunt, &c.




*AE C est secunda contextus particula, quæ ardua, & p difficilis est, quam exponentes Ioan. Gramma. Auerro. & Latini concordare referunt ad intellectionem formæ materialis de qua sermo fuit in prima parte, discrepant tamen inter se in expositione uerborum, Ioan. Græma. ita exponit, quod forma materialis quæ ut dictum fuit in prima parte intelligitur tempore indiuisibili, non quæ diuisibilis est, sed quæ indiuisibilis est secundum accideus intelligitur tempore indiuisibili: uult enim Ioan. Gramma. quod forma materialis sit diuisibilis per se, indiuisibilis autem per accideus. & tunc iuxta hanc sententiam textus ita exponi debet. [ Secundum accideus autem non quò diuisibilia, sed quo indiuisibilia ] hoc est, formæ materiales licet diuisibiles sint, tamen non quo diuisibiles sunt, sed quo indiuisibiles sunt secundum accideus intelliguntur tempore indiuisibili: uerum Moderni ex quibus unum est Franciscus Vicomer. Ioannis Gramma. sententiam illico oppugnant, dicentes falsam esse quod forma substantialis sit diuisibilis per se, indiuisibilis autem per accideus, cum res opposito modo sese habeat: siquidem per accideus diuisibilis est ratione materiæ quantæ, à qua rebus diuisibilitas ut quinto Met. habetur contex. 18. sed sic Ioannis Grammat. sententiam non intellexerunt: non enim tam mentis impos fuit ut diceret, quod forma materialis sit per se diuisibilis extensiuè, sed uoluit quod sit per se diuisibilis, & multiplicabilis in plures particulares formas: est autem indiuisibilis hoc est una, & indiuisa per accideus nempe beneficio intellectus ipsam à particularibus formis abstrahentis, nam forma quæ in particulares formas dispersa, atque diuisa est, cum ab intelle-*

Et à particularibus formis abstrahitur, fit una, & indiuisa, & ita cum per intellectum fiat una, dicitur per accidens indiuisa: cum ergo intelligitur ab intellectu, non intelligitur ut diuisa est in plura, sed ut indiuisa, quoniam uero huiusmodi est per intellectum, idcirco intelligi dicitur, ut indiuisibilis secundum accidens tempore indiuisibili, & hac est germana Ioannis Grammatici expositio, & non ea quam moderni existimarunt. Sed licet docta, & subtilis sit Ioannis Grammatici expositio, mihi tamen non satisfacit. primo quidem quoniam falsum est quòd in hac secunda parte sermo sit de indiuisibili secundum formam, nam de eo dicitur diuisibile & indiuisibile in secunda parte, de quo probatio est in tertia parte, quoniam subiectum pro eodem supponit in conclusione, & in probatione: sed in tertia parte indiuisibile per accidens non probatur de forma, sed de tempore, & longitudine: ergo de his intelligitur in secunda parte, & non de forma. ut autem minoris ueritas appareat, uerba Philosophi subiiciam, quæ huiusmodi sunt: [ inest enim his aliquod indiuisibile quod facit tempus unum, & longitudinem unam, & hoc similiter est in omni continuo, tempore, & longitudine & Animaduerte, obsecro, ista uerba: inest enim inquit iis, de quibus dictum est in secunda parte, quòd sunt indiuisibilia secundum accidens. quid? aliquod, inquit, per quod sunt indiuisibilia, & quæ sunt ista, quæ per accidens sunt indiuisibilia? tempus, inquit, & longitudo, quare in secunda parte de tempore, & longitudine, & consequenter de indiuisibili secundum quantitatem, & non de forma intelligitur, cum dicit, secundum accidens autem indiuisibilia sunt. præterea id quoque falsum est, quod forma per accidens indiuisibilis est, utpote per intellectum, quoniam forma per se est indiuisa, & una, nec intellectus facit ipsam indiuisam, nisi pro quanto intelligit ipsam, ut est una, & non diuisa, non intellectus particularibus. sed hoc est intelligere formam, ut est sui naturæ talis, sicut dum intelligitur diuisa in plures per accidens, ut talis intelligitur. Commentator & ipse hanc secundam partem exponens de forma quæ intelligitur, & insuper de instanti, in quo intelligitur, rei difficultatem considerans quomodo forma, & instans secundum accidens indiuisibilia sint, cum potius per se indiuisibilia sint, per accidens autem diuisibilia, inquit, quòd sermo transpositus est, & illa particula secundum accidens, non debet ad indiuisibilia applicari, sed ad diuisibilia, ut litera ita legatur, forma, & instans secundum accidens diuisibilia sunt, per se autem indiuisibilia, sed neque Commentatoris expositio stare potest, quoniam si illa particula secundum accidens ad diuisibilia, non autem ad indiuisibilia applicari deberet, tunc Philosophus in tertia



parte contextus probaret oppositum illius quod ponit in secunda parte, nam secundum Com. in secunda parte inquit, quod sunt diuisibilia secundum acci dens, per se autem indiuisibilia, tamen in tertia parte probat Philosophus, quod sunt indiuisibilia per acci dens: inquit enim, inest enim iis aliquid quod facit longitudinem, & tempus unum, atque ita indiuisibile, sed causa erro ris fuit, quia cum sermonem esse existimaret in secunda parte de forma ima ginari non potuit quomodo secundum acci dens indiuisibilis dici posset. uel quia eā quas nos habemus negationem in textu suo non legit, aut legere non noluit, ut suo proposito textum accommodaret. Melius itaque cum Simplicio dicendum, qui secundam hanc partem egregiè interpretatus est, quod Phi losophus in hac secunda parte non loquitur de indiuisibili secundum formā, de quo loquutus fuit in prima parte, sed de indiuisibili secundum quantita tē, de quo loquutus in superiori contex. cuius quidē fidem faciunt ea uerba in secunda parte, quae huiusmodi sunt, (Secundum acci dens autem non quod il la diuisibilia sunt &c.) inquit, [illa] hanc autē dictio referri non potest ad id quod proximè dictum est in prima parte de indiuisibili secundum formam, quia non dixisset illa sunt, referri ergo debent ad ea de quibus loquutus fuit in superiore contex. quae indiuisibilia sunt secundum quantitem. reuertitur autē Philosophus ad illa ut satisfaciatur tacita dubitationi, nam potuisset qui spiam dubitare, dicens. si id quod est indiuisibile secundum formam intelli gitur intellectu indiuisibili, & tempore indiuisibili, cum longitudo, & tem pus sint per se diuisibilia, quo nam pacto intelliguntur intellectu indiuisi bili, & tempore indiuisibili? cui occurrenti dubitationi Philosophus respon det iniquis, secundum acci dens autem, non quod diuisibilia sunt, quod intel ligit, & tempus & in quo, sed ut indiuisibilia, quasi dicat licet longitudo, et tempus diuisibilia sint, tamen non quod diuisibilia sunt, sed ut indiuisibilia sūt secundum acci dens, indiuisibili tempore intelliguntur: diuisibile. n. si indiuisi bili tempore intelligitur, hoc non est qua diuisibile, sed qua indiuisibile, & hoc est quod inquit in secunda parte sequitur postea.

Inest enim his indiuisibile quoddam, quod facit tempus unum, & longitudinem, &c.



ROBAT in hac tertia parte, quod tempus, et qualibet magnitudo indiuisibilia sunt secundum acci dens, quoniam in his reperitur aliquod per se indiuiduū quod hac indiuisibilia facit, nam in tempore reperitur iustans, et in magnitudine punctus quibus hac unum, et continuū effi ciuntur, et hoc similiter est in omni continuo, et tempore, et

magnitudine: unde forma, & quæ quanta continua sunt opposito modo sese habent, forma. n. per se indiuisa est, & una, quanta uerò continua indiuisa sunt & unum ex accidenti ratione termini communis, ad quem eius partes copulantur: magnitudo enim indiuisa est & una, quia eius partes ad unum communem terminum copulatum, similiter & tempus, & hæc est explicatio præsentis textus, in quo hæc tria habentur, quòd indiuisibile secundum formam tempore uno, & indiuiso, & indiuisa intellectione intelligitur: alterum, quòd indiuisibile secundum quantitatem ut magnitudo non ut diuisibilis, sed ut indiuisibilis, & una indiuiduo tempore percipitur: tertium, quòd tempus, & magnitudo secundum accidens indiuisa & unum sunt, ratione communis termini ad quem eorum partes copulantur.

Atus est qui separat, & qui distinguit.



**I**OCVS est Aristotelis 7. Met. 49. à plurimis malè intellectus, arbitrati sunt. n. propositionem intelligi tam de distinctione numerali, quàm specifica, si quidem uoluerunt indiuidua eiusdem speciei per substantialem formam distingui, & hinc duxerunt indiuidua per formam quò ad esse singulare, & indiuiduum constitui. sed horum sententia quò ad distinctionem numeralem ab Arist. recedit, quòd ex ipsomet Arist. probatur, & in primis ex 7. Met. 28. ubi ponit conclusionem cum ratione dicens, Socrates & Callias propter materiam distinguuntur, quoniam forma non diuiditur. perpendo rationem hanc ab Arist. quòd ideo Socrates & Callias propter materiam differunt, quoniam forma non diuiditur: aut enim intelligit quòd forma non diuiditur in plura, & diuersa secundum speciem, ut multi expouunt, aut quòd non diuiditur in plura & diuersa numero: primum quidem dici non potest, quoniam ex hoc quòd forma specifica in plura & diuersa secundum speciem non potest, haud inferri potest, quòd Socrates & Callias propter materiã distinguuntur, q. dicã, q. licet forma. indiuidua sit in plures secundum speciem est tamen diuidua in plura & diuersa numero, & proinde Socr. & Callias non sunt diuersi propter materiam, sed propter formã, quæ in plura numero diuidua est: ergo intelligi debet secundo modo, q. sci licet ex se indiuidua sit in plura numero, & tunc aut intelligitur secundum aptitudinẽ, aut secundum actum, non primo, quoniã forma materialis ex se comunicabilis est ut unã cū Arist. testatum reliquit Auer. primo Cæ. 92. intelligitur ergo secundo modo uidelicet quòd forma specifica secundum actum ex se in plura numero indiuidua est, & non diuiditur nisi per materiam diuersitatem, unde postea ex hoc inferitur, igitur Socrates & Callias nō

distinguntur numero propter formam, sed propter materiam: nam si essent differentes propter formam, necessarium foret formæ essent diuersæ, atque diuise, sed non sunt actu diuise, neque diuersæ nisi propter materiam. igitur indiuidua eiusdem speciei non sunt diuersa propter formam, est propter materiam, & hic est uerus huius rationis sensus, quæ præ cæteris affectus fuit. Aphr. Alexander primo de Anima cap. de intellectu in habitu; ubi hæc scribit ad uerbum, Quippè singularium hominum differentia à materia proficiscitur, & reddens rationem inquit: formæ enim per quas sunt homines nullam inter se differentiam habere cernuntur, sed uult dicere per materiam habere: uult ergo Alexand. q. diuersitas numeralis compositorum, & formarum ad materiam reducatur. præterea eundem quoque Aristotelem adduco de cimo Met. 25. ubi inquit, quoddam idem aliqua differunt specie, quia eorum differentia sumitur à forma: aliqua uerò non differunt specie, sed numero, quia eorum differentia sumitur à materia, & ex hoc subinde declarauit, quoddam masculus, & femina non distinguntur specie, sed numero, quoniam eorum differentia sumitur à materia. eandem quoque sententiam habet Arist. primo Cæl. 94. ubi apertissime inquit, quoddam formæ sunt plures, & numero diuersæ, quia materiæ sunt diuersæ, & ablata materierum diuersitate, tolleretur diuersitas numeralis formarum, & compositorum, & tandem ubicumque Philosophus loquitur de diuersitate numerali siue formarum, siue compositorum, semper assignat materiam pro causa, & nunquam formam, nec profecto assignare potuit, & ratio ea est, si Aristotelis fundamentum attingere uelimus, quia cum differentia ex diuisione causetur, diuisio uerò alia sit essentialis secundum quoddam una forma diuiditur contra formam, ut albedo contra nigredinem, & talis diuisio facit differentiam essentialē, & quiditatuam: alia uerò sit diuisio numeralis, quæ quidem diuisio ex hoc est, quia ipsa quiditas diuiditur, & numeratur infra se, non contra aliam quiditatem, cum autem quiditas ipsa de se sit una, & indiuisa, oportet quoddam si numeratur, ipsa numeretur per aliquod additum formæ, & quiditati, & ita diuisio, & differentia numeralis necessarium est per aliquod additum quiditati, hoc autem materia est: igitur differentia numeralis à materia proficiscitur.

## Dilucidatio.



**R**AÆSENS itaque propositio intelligitur solum de distinctione specifica: huius. n. radix & causa actus est, & forma substantialis: sed animaduerte, quoddam intelligitur in compositis, & differentibus: hæc enim, ut inquit Philosophus 10. Met. 12. per aliud distinguuntur



guntur, in his autem quæ sunt primo diuersa, ut sunt simplicia propositio-  
 ninimè intelligitur, quoniam simplicia seipsis, & non per aliud actum es-  
 sentialiter distinguuntur, sicut sunt materia, & forma, & similiter dua for-  
 mæ specie distinctæ, Sed ut res ista fiat undequaque conspicua, ani-  
 maduertant studiosi, quod quidem à paucis explicatum est, actus, &  
 forma substantialis est radix & origo distinctionis specifica composito-  
 rum: hæc enim per formas specie distinguuntur, & propriè differentia  
 nuncupantur: forma uerò secundum speciem diuersa seipsis, & ab in-  
 trinseco distincta sunt, & potius dicuntur primo diuersæ, quàm diffe-  
 rentes: materia enim diuersas secundum speciem formas habentes, non  
 sunt causa diuersitatis specifica ipsarum formarum, sed signum, ut bene  
 dixit Auer. octauo Phis. 46. Materia uerò signata est prima, & prin-  
 cipalis causa diuersitatis numeralis, dico quidem signata, quoniam mate-  
 ria præcisè, & secundum se sumpta non est causa distinctionis, sed ut si-  
 gnata est utpote quantitate, cæterisque dispositionibus affecta: per hanc  
 enim composita, pariter & forma numero distinguuntur. Materia uerò si-  
 gnata seipsis distinguuntur. & potius primo diuersæ quàm differentes dici  
 debent. unde quia distinctio specifica à forma proficiscitur, distinctio uerò  
 numeralis à materia signata, illa formalis, hæc uerò materialis distinctio  
 nuncupatur, & hunc in modum hæc due natura sibi hereditatem diuiderunt.  
 Sed circa dicta pulchra occurrit dubitatio, quia falsum esse uidetur quòd  
 materia sit causa diuersitatis numeralis in forma, quia sicut materia est  
 propter formam, & non forma propter materiam, ut inquit Aristotel. se-  
 cundo Phisico. 91. ita diuersitas materia uidetur esse propter diuersita-  
 tem formæ, non autem diuersitas formæ propter diuersitatem materiæ,  
 quod etiam dicere uisus est Auer. 2. de Anima 60. ubi inquit, quòd me-  
 lius est existimare diuersitatem formæ causam esse diuersitatis materiæ,  
 quàm econtra: Zimara quoniam nesciuit sese ab hoc laqueo explicare, ob  
 id uoluit distinctionem numeralem præcipuè magis conuenire composito  
 per formam, quàm per materiam: ergo uerò instantiam ita persoluen-  
 dam existimo, quòd sicuti materia est propter formam, tanquam pro-  
 pter finem, ita diuersitas materiæ est propter diuersitatem formæ tan-  
 quam propter finem: forma enim cum sit id cuius gratia, & finis ad quem  
 ordinatur materia imponit necessitatem materiæ, ut secundum exigentiam  
 formæ disponatur, conditionemque recipiat, cum autem forma sit apta nata  
 plurificari, operæ precium fuit materiam ipsam plurificari, et in diuersas par-  
 tes diuidi, ex cuius diuersitate aptitudo formæ ad multitudinem & diuer-  
 sitatem numeralem ad actum deducitur, unde forma dicitur esse causa di-  
 uersitatis numeralis materia in genere causæ finalis: materia uerò signa-

tu prout est in partes diuisa est tanquam ratio formalis diuersitatis numerata in forma, sicut à simili forma dicitur esse causa extensionis materia, non quia ipsi materia extensionem tribuat, quia hoc materia inest beneficio quantitatis, sed in genere causa finalis: quia enim forma materialis est apta nata extendi, operæ precium fuit materiam ipsam extendi, quia ita per quantitatem extensa, formam substantialem eductam ex ea ad actum extensionis deducit: & hæc est uera argumenti solutio, & si hoc pacto intellexit Auer. bene dixit, si minus ab Aristotele dissentit.

An secluso quolibet accidente substantia materialis sit singularis, & indiuidua.



**I**N TAVIT Zimara dari indiuiduum signatum substantiæ, secluso quolibet accidente, in hoc ut opinor ab Auer. deceptus secundo de anima Commen. 63. ubi declarans diuersum apprehendendi modum singularis substantiæ ab imaginatiua, & cogitatiua, inquit, quod imaginatiua singularem substantiam apprehendit coniunctam cum sensibilibus communibus, & propriis: cogitatiua uero eandem singularem substantiam cognoscit ut separata & spoliata est à sensibilibus communibus, & propriis, quod etiam repetiuit tertio de Anima 6. dicens, declaratum est enim illic, quod uirtus cogitatiua non est nisi uirtus quæ distinguit intentionem rei sensibilis à suo idolo imaginato, quibus locis patet Auerroem uoluisse, quod substantia sit singularis & indiuidua secluso quolibet accidente cum cogitatiua adhuc singularem substantiam cognoscat semotis sensibilibus communibus et propriis: nam si uoluisset substantiam non esse singularem uisi ut coniuncta est cum accidentibus, tunc species substantiæ non representaret indiuiduum nisi coniuncta cum speciebus accidentium, & ita periret operatio cogitatiua ab ipso assignata: quod fortè uidens Zimara nec illud magis considerans propter Auerrois maiestatem illud recepit atque probauit, sed opinio ista falsa est, nam accipio indiuiduum signatum substantiæ compositum ex materia & forma secluso quolibet accidente, et quaero aut hac forma occupat totam materiam, aut partem materiae: non primum, quoniam nullum aliud esset indiuiduum sub eadem specie, ut deducitur ex primo Cali context. 93. & 94. si secundum, cum materia non habeat, nec intelligi queat habere diuisionem in partes nisi per quantitatem, ut habetur quinto Met. context. 18. et ex Auerro. primo cap. de substant. orb. ubi inquit, si materia non haberet quantitatem non esset in partes diuisa, & proinde eodem tempore diuersas formas habere non posset. igitur indiuiduum signatum necessario includit quantitatem

& accidens: itaque est repugnantia dicere indiuiduum signatum, & ab accidentibus separatum. præterea multitudo aut est rerum differentiarum secundum formam, aut secundum quantitatem, ut inquit Auerro. primo Philosophicorū 6. et habetur etiā ex Aristoteli. tertio Meteor. 1. iam uerò diuersitas & multitudo indiuiduorum hoc modo consideratorum aut est multitudo rerum differentiarum secundum formam, aut secundum quantitatem: porro alterum duorum fateri oportet, secus diuisio esset insufficiens: non potest esse multitudo rerum differentiarum secundum formam, quoniam hac est multitudo specierum ut Aristoteles. & Auerro. dicunt citatis locis, igitur erit multitudo rerum differentiarum secundum quantitatem, ergo uniuersaliter indiuidua signata includunt quantitatem, & accidentia. quod etiā confirmatur ex Aristotele. secundo Posteriorum. 10. ubi inquit, quod sub eadem specie multa sunt differentia, sed non secundum substantiam, neque per se, quem locum exponens Lucidus interpretes Themistius, sic inquit, Primum id non necesse est, oēs differentias sciri, propterea quod ab accidentibus infinita trahi possunt, quibus res sub eadem specie comprehensa inuicem discernuntur: igitur omnia indiuidua signata sub eadem specie contenta, accidentia secum tenent: alioquin per se & secundum substantiam sub eadem specie distinguerentur. quem ueritatem cognouerunt graeci interpretes, & in primis Aphrodisiensis Alex. primo lib. suae Paraphraseos de Anima cap. de intellectu in habitu, ubi hac habet, porro abdicatis materiae appendiciis & accidentibus non amplius singularem, sed communem hominem intuemur, similiter Porphyrius in libro. Prædicamentorum. cap. de specie, nec non Simplicius & Anthonius in libro prædicamentorum. concludendum itaque est, quod indiuidua tam diu indiuidua sunt, quam diu accedunt tibi. coniuncta sunt, seclusis autem accidentibus non amplius indiuidua sunt, sed uniuersalia, unde illa Auerois sententia minimè prebenda est, quod cogitativa singularem substantiam cognoscat semotis sensibilibus communibus, & propriis, quoniam semotis sensibilibus materiaeque conditionibus non amplius natura illa remanet singularis, sed uniuersalis quæ non amplius iudicio subiicitur cogitativa, sed intellectus cuius proprium est separare intentionem ab idolo imaginato, quod falsò ab Auerro. cogitativa ascribitur. Sed cogitativa duntaxat substantiam cognoscit, quæ cum accidentibus & materie conditionibus coniuncta est: neque illud uerum est, quod cogitativa distinguatur à phantasia, quoniam in secundo de Anima, à cont. 150. usque ad 160. ubi disiungit intellectum à sensu, deinde phantasiam ab intellectu: tertio autem ostendit qua ratione diuersa sint phantasia à sensu nullam differentiam ponat inter phantasiam & cogitatiuam, cum tamen eo loco eorum animæ potentiarum, quæ similiores inter se esse uidentur, diligenter uarietatem ac discrimen inquirat. Adde quod si cogitativa distinguitur



à phantasia mediaque est inter phantasia & intellectum, tunc Aristoteles  
 absoluto sermone de phantasia ad cogitativam transire  
 debebat, eiusque naturam declarare quod tamen  
 non facit, sed habita doctrina de phan-  
 tasia, statim de intellectu...  
 disputationem  
 aggreditur,  
 dicitur, non ita  
 que secundum Philo-  
 sophum cogitativa à phanta-  
 sia ipsa disiungitur, diversum-  
 que habet opus, ut puta-  
 vit Averro. &  
 hæc sa-  
 tis.



## DE PRINCIPIO

## INDIVIDVATIONIS


## TVM SVBSTANTIARVM

## MATERIALIVM

## CVM SVBSTANTIARVM

## SEPARATARVM DISPVTTATIO.

Ad R. D. D. Iacobum Diedum Q. Francisci filium  
Patritium Venetum.



**I**NTER ardua quæ sita, quæ in Aristotelis Philosophia examinari solent, illud mihi semper difficile visum fuit, quod est de natura individuationis, & licet præteritis sæculis doctissimi viri omne studium, & diligentiam adhibuerint, ut huius difficultatis veritatem ostenderent, Aristotelisque sententiam explanarent, ij tamen quod nitebantur nondum satis præstare potuerunt, ea propter decrevimus nos difficultatem istam examinare, qua in re pro viribus evitemur, ut huius difficultatis veritas habeatur, & Arist. sententia apertissima reddatur, & si hæc in re dilucidanda longiore opus fuerit oratione, ignoscendum nobis erit, quandoquidem eorum, quæ tractantur difficultas, & rerum copia eam, & ali quando ex necessitate adducere videntur: proponitur ergo dubitatio de principio individuationis tum substantiarum materialium, cum separatarum. per quid scilicet utriusque ordinis substantia individua sit, & una numero: sed quoniam substantia per aliquid individua, & una numero bifariam dici potest, uno modo formaliter, alio modo (ut ita loquar) fundamentaliter, non queritur modo per quid substantia sit una numero, & individua formaliter, quoniam ut Boetius ait in libro de unitate & uno, nunquodque est unum unitate formaliter, & in diuisione individuum, sicut diuisione ipsa est ab alio formaliter diuisionis: sed queritur quo fundamentaliter sit individua, & una numero, ut potè quid sit principium

proximum quo ipsi substantiæ suæ concreta sit ex materia, & forma, siue ab iuncta sit à materia conueniat indiuiduatio, & unitas numeralis, diuidetur uniuersa hæc disputatio in duas præcipuas partes, sicuti duo sunt quæ à nobis examinanda proponuntur, de substantiarum materialium indiuiduationis causa agatur in prima, de causa uerò indiuiduationis substantiarum separatarum tractabitur in secunda.

De indiuiduatione substantiæ materialis opinio prima. Cap. 2.



**Q**UO ad primam partem attinet, non conuenit apud Aristotelis interpretes: arbitrati sunt nonnulli, quòd substantia materialis sit una numero, & indiuidua non per aliquam causam positiuam, sed solum per duplicem negationem: nam cum unum numero, & indiuiduum non dicat nisi negationem diuisionis à se, & negationem identitatis cum alio, siquidem Socrates ideo est unus numero & indiuiduus, quia in plures homines diuidi nequit, & est non idem, uel diuersus à Platone, & quocunque alio indiuiduo, ea propter inquirenda non est alia causa positua ab hac duplici negatione, sed hæc duntaxat, substantia est indiuidua, & numero una confirmatur sic, si substantia esset indiuidua per aliquam causam positiuam, uel illud esset materia, uel forma, uel aliquod accidens. materia esse non potest, quia cum indiuiduum dicat esse indiuisum à se, & diuisum à quolibet alio, materia non est causa distinctionis, & diuersitatis, quoniã in fundamento nature nulla est distinctio ut legitur 1. Met. contex. 17. igitur materia causa esse non potest ut substantia sit indiuidua: præterea quæritur de ipsa per quid est hæc, & indiuidua aut seipsa, aut ab alio, non ex seipsa, quoniam est natura communis, & indeterminata: non ab alio, quia tunc quæram de illo alio & ita in infinitum, neque causa indiuiduationis potest esse forma, quoniam quod est causa communicabilitatis, & uniuersalitatis non potest esse ratio indiuiduationis, quia idem non potest esse ratio & per se causa oppositorum, sed forma est causa uniuersalitatis, ut legitur primo Cæ. contex. 92. ergo & c. neque aliquod accidens esse potest siue sit absolutum, siue respectuum, quoniam substantia accidens antecedit septimo Met. contex. 4 igitur indiuiduum substantiæ indiuiduum accidentis antecedit: igitur substantia per ipsum accidens indiuidua esse non potest. cum itaque substantia neque per materiam, neque per formam, neque per aliquod accidens indiuidua sit, igitur indiuidua non est per aliquam causam positiuam. remanet ergo ut huiusmodi sit per duplicem negationem, scilicet per negationem diuersitatis à se, & per negationem identitatis cum alio.



## Refellitur opinio. cap. 3.



**E**D isti nehementer aberrant : primo enim non declarant id de quo dubitatio est . nam licet individuum formaliter significet negationem diuersitatis à se, & negationem, identitatis cum alio, dubitatio tamen est, quid sit illud, per quod duplex hac negatio substantiæ competit, & per quid eidem repugnat oppositum istarum duarum negationum, ut diuisio in plura et idēritas cum alio individuo, quod tamen isti minime declarant. Secundo Aristoteli contradicunt, siquidem Philosophus 5. Met. contex. 12. describens unum numero, inquit, unum numero est cuius materia est una, & primo Cæ. contex. 93. causam assignans, propter quam mundus est tantum numero unus: ea, inquit, est, quoniam ex tota constat materia, quam rem exemplo declarans in 94. dicit, ut si ex omnibus carnibus, & ossibus una tantum fieret caro, & unum os, tunc esset unus homo numero tantum, et non plures. ex quibus locis conspicuum est, quod cum Philosophus in describendo unum numero, & in assignanda causa propter quam mundus pariter & hic homo est numero unus, & indiuiduus, non assignet duplicem negationem, sed causam positiuam, igitur duplex negatio non est prima ratio per quam est indiuidua, sed hac duplici negatione prior est causa positina, per quam substantia huiusmodi est, & ipsi substantiæ duplex negatio in est: præterea hic homo distinguitur ab homine, ergo hic homo aliquid addit supra hominem, per quod ab eo distinguitur. probatur antecedens, quia generari, & operari per se competit primæ substantiæ, et non secundæ, ut huic homini, & non homini, ut habetur ex Arist. primo Met. in probatio, & secundo Phis. 37. quem locum exponens Simplicius, inquit, coniunxit Arist. a. Tu operantes causas singulares, quoniam uniuersalia non agunt, neque patiuntur, neque generantur, sed singularia: igitur hic homo distinguitur ab homine, ergo aliquid addit supra hominem per quod sibi competit generari, et non homini, sed profectò non potest esse negatio, quoniam per negationem non competit huic homini, nec alteri per se generari, nec aliquid positiuum: igitur hic homo per solam negationem non distinguitur ab homine, & per consequens indiuiduum supra naturam specificam non solum addit duplicem illam negationem, sed rationem aliquam positiuam, quod etiam ipse, et testatur Arist. primo Cæ. contex. 92. ubi declarans quomodo circulus, & hic circulus distinguantur, inquit circulus forma est, hic autem circulus forma est cum in materia, igitur hic circulus, & quoduis aliud indiuiduum supra naturam specificam non solum negationem addit, sed rationem aliquam & cau-

Sam positiuam per quam huiusmodi est, sed quid multis opus? unum specie dicit negationem diuisionis in plures species, & negationem identitatis in alia specie, & tamen non est unum per duplicem negationem, sed per causam positiuam, utpote per differentiam qua contrahens genus in speciem constituit speciem, ipsamque ab alia specie distinguit, & separat. igitur nec unum numero, & indiuiduum erit per duplicem negationem, sed per aliquam causam positiuam, & tunc ad primum ipsorum dicimus, quod licet indiuiduum formaliter dicat duplicem negationem, non tamen est indiuiduum principaliter per hanc, sed per causam positiuam, per quam est duplex hac negatio ipsi substantia inest. Ad aliud cum dicebatur, si substantia est indiuidua per aliquod positiuum uel illud est materia, uel forma, uel accidens, dicimus esse materiam signatam, certis que dispositionibus affectam, ad instantiam, indiuiduum dicit esse indiuisum a se, & diuisum a quolibet alio, materia uero non est distinctionis causa. respondetur id esse uerum de materia secundum se, & precise considerata, non de materia signata: hac enim est precipua distinctionis numeralis causa. Cum autem querebatur, per quid materia est una numero, & indiuidua: dicimus, quod materia signata seipsa est indiuidua, sicut seipsa propria est, atque determinata, ceterum solutio hac magis explicabitur in progressu, nunc autem intantum dictum sit.

## Opinio Scoti. cap. 4.



**H**X altera parte Scotus secundo sent. libro dist. 3. q. 6. reiectis aliorum opinionibus in eam tandem inuit sententia quod substantia materialis sit una numero & indiuidua per hancceitatem & differentiam indiuiduale que natura communem contrahit ad esse singulare, & indiuiduum: declarans aut quid sit hancceitas ista, inquit, quod nec est materia, nec forma, neque compositum, sed ultima realitas forma, materia & compositi: unde secundum ipsum tam materia, quam forma & compositum propriam habent hancceitatem, que sic se habet ad unum quodque istorum sicut actus ad potentiam contrahens ipsa ad unitatem numeralem, quam opinionem ita persuadet, Omnia differentia reducuntur ad aliqua primo diuersa. secus esset processus in infinitum in differentiis, indiuidua inter se differunt, ergo eorum differentia reduci debet ad aliqua primo diuersa, sed hac non possunt esse forma in hoc, & in illo indiuiduo, quia idem non potest esse quo aliqua conueniunt formaliter, & differunt realiter, licet id esse possit conueniens formaliter, & distinctum realiter: multum enim differt esse distinctum, & esse quo primo aliquid distinguitur: cum autem forma in hoc & illo

& illo indiuiduo eiusdem speciei conueniant formaliter, igitur non possunt distinguere realiter tanquam per rationem distinguendi, simili quoque ratione neque materia huius & illius possunt esse primo diuersa, neque accidentia: igitur hæc primo diuersa quibus differunt indiuidua inter se, & natura in hoc & illo indiuiduo, erunt hæcbeitates, & quoniam idem est principium distinguendi primo & constituendi rem: igitur cum hæcbeitas sit prima ratio distinguendi unum indiuiduum, ab alio, eadem erit prima ratio essendi, & constituendi indiuiduum, nec alia rationes ad opinionem hanc probandam afferuntur ab eo, quoniam ex reprobatione aliarum opinionum iam satis probatam esse arbitrat.

Refellitur opinio Scoti. Cap. 5:



**N**EQVE opinio ista Aristoteli consentanea est, quod ex quinto illo Met. satis patet, ubi philosophus inquit, unū numero esse cuius materia est una, pariter ex septimo lib. 35. ubi ita scribit, singulare uerò ex ultima materia est. necnon ex iis quæ scripta reliquit primo Ca. 93. & 94. igitur unū numero, & indiuiduū est per materiā, & rō p differentiā indiuiduā, uel p hæcbeitatē, uidit Scotus istas authoritates & in quest. 6. ita respōdet, qd cū materiā & formā relatiua sint, ut legit secūdo Phisic. 26. quot modis dicitur forma: totidēq; dicitur materiā & quoniam forma duplex est, altera quidē totius quæ est tota quiditas rei āplectens materiā & formā, quæ totam rei complent quiditatem: reliqua uerò est forma partis, quæ est altera pars compositi. itā duplex est materiā, altera quidē partis, quæ est subiectum ex quo aliquid fit, & est altera pars compositi, & ista opponitur formæ partis, reliqua uerò est materiā totius, quæ opponitur formæ totius. & quoniam forma totius est quiditas rei, ita materiā totius quæ illi opponitur est extra quiditatem rei, & sicut illud, quod est rei quiditas dicitur forma, itā illud qd est extra quiditatem rei dicitur materiā: cum autem differentia indiuidualis sit extra quiditatem rei, quoniam homo absque differentia indiuiduali intelligi potest, ea propter differentia indiuidualis materiā nuncupatur: tunc inquit, quod cum Philosophus describit unum numero per materiā, & aliis citatis locis unitatis numeralis causam materiā assignat, non intelligit de materiā partis, quæ est altera pars compositi, sed de materiā totius, quæ est hæcbeitas ipsa contrahens naturam communem ad esse singulare, & indiuiduum. Sed hæc responsio falsa est, & ut interim omitam non dari formā illam totius, de qua aliās dicam, probo primum apud Aristot. non dari hanc materiā totius, mox citatis locis de hac Philosophum nō



intelligere, sed de materia partis, quod autem de Aristot. sententia materia hæc totius non detur, ita ostendo: hæc materia totius cum sit contrahens naturā cōmunē, se habet ut actus, nam ut inquit ipse, materia totius ita se habet ad speciem, sicut differentia specifica ad ipsum genus: & sicut differentia specifica se habet ut actus, quoniā contrahit & determinat, genus uerò se habet ut potentia, quoniam est quid contrahibile, ita differentia indiuidualis, & materia totius, quoniam contrahit speciem se habet ut actus: species uerò quoniam contrahibilis est, se habet ut potentia, sed materia quæ actus sit, nunq̃ ab Arist. definita fuit, nec de ea ullum prorsus habitū fuit uerbū siue naturalē, siue primam Philosophiā percurras, sed solum de materia quæ potentia est. igitur apud Ari. non datur nisi materia quæ potentia est. quæ qd̃ est materia partis: materiam uerò totius q̃ Scotus effinxit, ne qd̃ Ari. somniauit, q̃ autē Philosophus citatis locis intelligat de materia partis, & primum eo 5. Met. ita probatur, unum numero est, cuius materia est una, diuersa numero, quorum materiae sunt diuersae. tunc ita argumentor, illa materia est causa unius numero, cuius diuersitas est causa diuersitatis numero, sed hæc est materia ex qua, & materia partis. ergo causa unius numero est eadem materia partis. probatur minor ex 7. Met. contex. 28. ubi Philosophus inquit, generans generat diuersa propter materiam, & Socrates & Callias propter materiam diuersa sunt, & per hæc intelligit materiā ex qua, ut eius uerba apertissime ostēdūt, quæ huiusmodi sunt, oīs uerò iā talis species in ijs carnib., & osib., & Callias & Socrates propter materiam diuersa sunt. certum est autem, quod caro & ossa sunt materia ex qua, & materia partis igitur per materiam intelligit materiam partis. confirmo, Arist. considerans institutum in eo contextu. porro Arist. in eo loco Platonem redarguit formas illas separatas ponentem pro generatione substantiarum, illasque ad hoc opus minimè necessarias fore ita ostendit. nam si propter hoc necessariae forent, hoc maximè esset propter generationem hominis, & equi, qui maximè substantiae sunt, at propter generationē istorum minimè necessariae sunt, quoniam generans sufficiens causa est ut materiam disponat, & ex ea forma educat. certum est autem quod generans formam educit de materia partis, igitur per materiam intelligit materiam partis, sicut etiam exponit Auer. quod etiam de eadem prorsus intelligat eodem 7. contex. 35. cum dicit ex ultima materia singulare est. quæ uerba Scotus sibi fauere existimauit, ita ostendo: nam sicut inquit ex aīa & corpore in cōi fit homo in cōi, ita ex hac anima, & hoc corpore quod ultimam materiam appellat, fit hic homo, & singulare. per ultimam itaque materiam corpus intelligit: corpus autem est materia: quæ est altera pars compositi, igitur &c. eodem quoque accipitur primo Ca. 93. &

94. cum enim Philosophus dixisset in 93. quod ideo mundus est tantum numero unus, quoniam ex tota constat materia, rem, hanc in 94. satis conspicuo declarans exemplo, sic inquit, ut si ex omnibus carnibus, & ossibus una tantum fieret caro & unum os, una tantum esset numero forma, & unus tantum numero homo, & non plures: quoniam una tantum esset eius materia, & non plures, itaque per materiam Philosophus intelligit carnes, & ossa, hæc autem sunt materia partis, igitur eo in loco accipitur materia pro materia partis. hinc uideat subtilis Scotus an in omnibus istis locis quos citauimus, in quibus dicitur, quod unum numero est per materiam ly, materia accipiat pro materia partis, an pro materia totius. ex quo sequitur falsum quinetiam esse aliud dictum Scoti, quod substantia composita, forma substantialis, pariter & materia proprias & distinctas habeant hæccheitates, quibus singulares sint & indiuidua, nam cum substantia composita, ut nuper dictum est, sit una numero, pariter & forma substantialis, quia materia est una: igitur in eodem composito non sunt plures & diuersæ rationes indiuiduandi formam, & compositum, sed una tantum, & hæc est materia partis, ut dicit Aristoteles. plures alie aduersus Scoti opinionem rationes afferri possent, sed quoniam ille ab aliis adducuntur, eas lubenter silentio præterire uolui: non enim propositum meum est hæc in re aliorum dista compilare, sed quæ ab aliis aut parum, aut nihil animaduersa sunt, diligenter considerare. unde circa illud tibi præcipue incumbendum erit, quod cum Philosophus inquit unum numero esse ex materia, ipsum intelligere de materia partis. quibus ita fixis, & constitutis, nunc ratio Scoti discutienda est. Suesa. in suo dilucidatio lib. 5. ita respondet, & licet indiuidua in quo ordinatione prædicamentali sint ultimo differentia, nec tamen sunt ultimo differentia secundum rationem differentia, & diuersitatis, & propterea indiuidua non distinguuntur per aliqua primo diuersa, ita quod secundum ipsum maior illa propositio quæ erat, omnia differentia ad aliqua primo diuersa reduci debent, de iis intelligi debet quæ sunt ultimæ differentia secundum rationem differentia & diuersitatis. sed huius uiri solutio nulla est: nam cum indiuidua eiusdem speciei per aliqua distinguantur, aut illa sunt primo diuersa, aut non. si primo, habetur propositum, et queritur quæ sint illa, si non sunt primum diuersa, ergo per alia distinguuntur. probatur consequentia, quoniam hoc discrimine seiunguntur primo diuersa, & differentia, quod illa seipsis, & non alio distinguuntur: hæc uero per aliud, ut inquit Philosophus 10. Met. contex. 12. & tunc queritur de illis aut sunt primo diuersa, aut non: si primum, igitur ut prius, si secundum, illa adhuc per alia distinguuntur, aut itaque erit processus in infinitum, quod dici nequit, aut affirmare oportet, quod differentia indiui-

uiduorum necessario reducitur ad aliqua primo diuersa, & propter Zimara  
 tota planè, ut aiunt, diametro disfidens à Sueffano cõcedit conclusionem ra-  
 tionis Scoti, indiuidua scilicet eiusdem speciei distingui per aliqua primo di-  
 uersa: cum autem addit Scotus, sed hæc primo diuersa nec sunt formæ, neque  
 materiæ, hoc negat, quoniam primò diuersa, quibus indiuidua sub eadem spe-  
 cie distinguuntur sunt formæ substantiales ipsorum: ad has. n. secundum ipsum  
 indiuiduorum reducitur differentia. Sed ista quoque solutio procul dubio ab-  
 est à ueritate, nam primo diuersa seipsis, et non alio distinguuntur, formæ uerò  
 substantiales sub eadem specie comprehensæ non distinguuntur seipsis. igitur  
 non sunt primo diuersæ. minor probatur ex primo Cæ. 94. ubi Philosophus  
 inquit, quòd forma est una, quia eius materia est una. & formæ sunt plures,  
 atque diuersæ, quia materiæ sunt diuersæ, quinimmo ubicunque Aristò. loqui-  
 tur de diuersitate numerali, nunquam inuenio ad formam substantialem il-  
 lam reducere, sed uideo semper illam siuè formarum sit, siuè compositorum  
 ad materiam ipsam referre, ut patet ex omnibus iis locis, quos antea ani-  
 maduertì, cum itaque numeralis formarum diuersitas aliundè pendeat, non  
 igitur seipsis distinguuntur, & per consequens non sunt primo diuersæ, prate-  
 rea ab his quæ sunt primo diuersa unus conceptus specificus abstrahi mini-  
 me potest, sed à formis eiusdem speciei unus conceptus specificus abstrahi  
 potest, à formis enim particularibus equi abstrahitur equinitas, & sic de a-  
 liis, igitur formæ eiusdem speciei non sunt primo diuersæ. illud bene uerum est  
 quòd formæ specie distinctæ seipsis distinguuntur, & sunt primo diuersæ ut for-  
 mæ hominis, & formæ equi, ad quas ut radicem specifica differentia redu-  
 citur, sed quòd formæ substantiales eiusdem speciei sint primò diuersæ & se-  
 ipsis distinctæ, & quòd ad has indiuiduorum eiusdem speciei numeralis dif-  
 ferentia reducatur: hoc tam falsum est, quàm quod falsissimum. Sed postea  
 quam clarissimi ex hoc laqueo Scoti sese explicare non potuerunt, id sol-  
 nero tentemus & nos: dicimus ergo quòd indiuidua eiusdem speciei procul  
 dubio per aliqua primo diuersa distinguuntur, cum autem inquit hæc pri-  
 mò diuersa neque sunt materiæ, neque formæ. dicimus quòd sunt materiæ si  
 gnatæ, certisquæ dispositionibus affectæ, quæ res ut magis conspicua fiat, di-  
 stinctio illa ad memoriam reuocanda est, quòd materia in hoc & illo in-  
 diuiduo bif. considerari possunt, uno modo secundum se, alio modo ut signa-  
 ta, & propriis quibusdam dispositionibus affecta: si primo modo conside-  
 rentur non sunt primo diuersa sed sunt unius, & eiusdem rationis, & sub  
 hac ratione, ab eis non sumitur differentia indiuiduorum: si uerò secundo  
 modo considerentur ut sic sunt primo diuersæ, & seipsis distinctæ, & sub  
 hac ratione ab Arist. indiuidua eiusdem speciei differre dicuntur. unūquod-  
 que enim indiuiduum talem habet materiam signatam, & tali accidentiū



complexione dispositam, quòd aliud indiuiduum in ea communicare non potest. & hunc in modum nodus iste mea quidem sententia dissolui debet.

Auerrois opinio perpenditur. Cap. 6.



**V**ERROES in hac difficultate mihi maximè uariis, atque ambiguus esse uidetur. nam 5. Met. 1. 2. iuxta textum Aristoteli. inquit, quòd unum numero est cuius materia est una. & primo Caeli com. 95. inquit, quòd ratio desumpta à materia ad probandum numeralem mundi unitatem dicit causam, & propter quid: & lib. de somno & uigilia scribit, quòd forme per materiam indiuiduantur, quibus in locis uelle uidetur materiam esse indiuiduationis principium. huius tamen oppositum scribit 2. de Anima 9. ubi quoque rationem ponit, dicens indiuiduum est indiuiduum per formam, non per materiam: ratio inquit est, quoniam indiuiduum est indiuiduum ut in actu, sed est in actu per formam, non per materiam. ergo est indiuiduum per formam, non per materiam. quòd est inficias ire, quòd alibi affirmauerat. Zimara Auerrois doctrina maximè addictus, pugnantia hac loca hunc in modum componere nixus est. quòd indiuiduum dicitur tale per formam, et per materiam, sed primo & principaliter per formam, secundario uerò per materiam: cum ergo Auer. inquit, quòd indiuiduum est per formam id principaliter intelligendum est, cum uerò per materiam secundario, & ita nulla est, inquit, in Auer. repugnantia. Sed Zimara non uindictat Auerroem à contradictione, & parcat mihi, parum accuratè obseruauit rationem illam 2. de Anima 9. nam Auer. ita ratiocinatur. indiuiduum est indiuiduum ut in actu, sed est in actu per formam, non per materiam, ergo est indiuiduum per formam, et non per materiam, iam uerò de ipsius Auer. sententia indiuiduum est actu solum per formam, & non per materiam, ergo indiuiduum est solum per formam: quòd uerò indiuiduum secundum Auer. solum actu sit per formam, et non per materiam ex ipso met probatur eodem 2. de Anima com. 8. ubi conclusionem illam probat his uerbis. materia enim secundum quòd materia in rebus naturalibus non hêt esse in actu, sed potentia: & esse in actu non est nisi forme, & hoc ualde manifestum est in formis rerum simplicium, quoniam cum fuerit forma ablata nihil remanet. discursus consistit in hoc, illud, quo posito ponitur res, & quo ablato, quouis alio remanente, res ipsa tollitur, et aufertur, est cā præcisā, & adequata alicuius rei, sed posita forma statim res ponitur in actu, posita aut materia nullo modo res ponitur in actu, q̄ explicat cum inquit, materia secundū quòd materia in rebus naturalibus non hêt esse nisi in potentia non in actu, quasi dicat, posita materia res solū est in potentia

non in actu, quod est declaravit 7. Met. 37. ablata uero forma quamuis superflua remaneat materia, omnino tollitur res, & explicat, cum inquit, quonia cum fuerit forma ablata, nihil remanet. igitur forma est causa precisa, & adequata, ut indiuiduum sit in actu, & per consequens secundum ipsum sola forma est causa ut indiuiduum sit indiuiduum. igitur cum dicit Auerro. indiuiduum est indiuiduum per formam non per materiam, illa negatio non excludit materiam a principio per se indiuiduationis quod ad esse principale, ut inquit Zim. sed absolute, cuius oppositum alibi affirmavit, praterea dato quod illud Auer. dictum secundo de Anima 9. ita intelligi debeat, & indiuiduum est indiuiduum per formam non absolute, sed principaliter ad huc Auerro. a contradictione uindicari non potest, quoniam alibi statuit ipse, quod per materiam principaliter indiuiduum est indiuiduum: nam in libr. de somno & uigil. cum declarasset, quod intelligentia non producit formas secundum gradum particularem, cum illas non cognoscant sub ratione particulari: declaravit per quid forma ipse indiuiduantur, & inquit, quod forma per materiam indiuiduantur: etenim cum in materia recipiuntur signata, & particulari, recipiuntur signata, & particulariter, ex quo loco nemo est, qui non intelligat Auerroem uoluisse materiam esse causam principalem indiuiduationis: nam si, ut inquit, materia est causa indiuiduationis forma, & forma est causa indiuiduationis compositi: igitur materia est causa prima indiuiduationis compositi. extat praterea in confirmationem huius alius locus primo Cæ. 95. ubi inquit, quod demonstratio ea in parte ab Aristot. sumpta ex materia ad probandum mundum esse unum numero, est demonstratio propter quid: igitur secundum Auerro. demonstratio qua probatur de substantia materialium unum numero per materiam, est demonstratio propter quid, sed demonstratio propter quid est per causam principalem, & non secundariam, quare secundum Auerro. indiuiduum est indiuiduum per materiam principaliter, & cum secundum mirabilem Zimara expositionem secundo de Anima 9. dixerit, quod est per formam principaliter: igitur Auerro. a seipso dissentit, ex qua ratione ea quoque diluitur responsio, que afferri posset, & cum inquit Auer. 2. de Anima 9 indiuiduum esse indiuiduum per formam intelligit per se: cum uero alibi dicit, & per materiam intelligi per accidens, si quidem demonstratio propter quid non est per causam per accidens, sed per ipsum ratio sumpta a materia ad probandum unum numero est demonstratio propter quid, igitur ratio sumpta non est per causam per accidens, atque ita dici minime potest Auerro. uoluisse unum numero esse per materiam per accidens, sed forte quispiam pro salute Auerrois adhuc dicere posset, quod indiuiduum bis considerari potest, uno modo pro natura subiecta indiuisio-

nō alio modo pro ipsa indiuidione: iam uerò cum dicit secundo de Anima, dicit Auerro. quòd indiuiduum est per formam, non per materiam, accipit indiuiduum primo modo, quoniam substantia quæ est indiuidioni subiecta, est per formam, non per materiam, ut supra dictum est: cum uerò alibi dicit, quòd est per materiam, intelligit quòd ad indiuidionem ipsam. sed nec ista responsio satisfacit, quoniam ut eius uerba apertissime ostendunt, Auerro. accipit indiuiduum secundo modo, quia ita concludit: ergo indiuiduum est indiuiduum per formam, igitur accipit indiuiduum, ut indiuiduum est, & quo ad ipsam indiuidionem secundo & fortius, si Auerro. acciperet indiuiduum quòd ad substantiam subiectam indiuidioni, tunc idem esset medium, & quesitum. deducitur consequentia, quoniam ita ratiocinatur, indiuiduum est indiuiduum quatenus est in actu, sed est in actu per formam, ergo est indiuiduum per formam: accipit enim pro medio esse in actu, quòd si accipiat esse indiuiduum pro esse substantia in actu, perinde erit ac si dixerit, indiuiduum est indiuiduum quatenus est in actu, id est substantia in actu, quatenus in actu, & propterea idem esset medium, & quesitum, quamobrè (meo quidem iudicio) Auerro. à contradictione liberari non potest, & si quis est ex modernis qui ipsam tueri queat, ipsum libenter audiam. cum ergo Auerro. hunc in modum perplexus sit, & nihil certi, aut firmi hac in re ex eo haberi, idè ipsam relinquamus, & ad alios pedè conferamus.

Opinio, plusquam Commentatoris, & Acchilini. Cap. 7.




**P**LVSQVAM Cōment. in secundum artis parua librum Galeni, & Acchilinus primo de elementis lib. cap. 26. concordēs dixerunt, quòd sola forma est per se indiuiduationis principium: materia uerò non est indiuiduationis principium nisi per accidens, quatenus est subiectu forma, quæ per se indiuiduationis causa est. quàm sententia, & ratione, & authoritate probare conati sunt. & primo plusq̃ Comment. ita probauit una materia communis est omnibus formis, & omnibus generabilibus, & corruptibilibus, una autem forma est, unius tantu materia, igitur principium per se indiuiduationis est forma, & non materia. probatur antecedens quòd ad utramque partem, nam una, & eadem materia subiecta est pluribus quinimò infinitis formis, & si non simul, saltem successiue, at una forma neque simul neque successiue pluribus materiis communicari potest. deducitur consequentia, nam indiuiduum dē



ait esse indiuisum, & incommunicabile, igitur quod à se magis indiuisum est: & incommunicabile indiuiduationis per se principium statui debet, sed hoc est forma, & non materia ut probatum est: igitur forma & non materia per se causa indiuiduationis erit. secundo sic deducitur, nihil potest alterum constituere sub ratione opposita sue nature, materia communis est, & esse incommunicabile, & indiuiduum est ratio ei opposita: igitur materia non potest quippiam sub esse indiuiduo, & incommunicabili, hoc igitur præstabit forma, quæ propria & incommunicabilis est. præterea indiuiduum in quantum indiuiduum non diuiditur, cum de ratione indiuidui sit esse indiuisibile à se, sed hoc habet à forma, non à materia, cum potius secundum materiam diuidatur: igitur esse indiuiduum habet à forma, non autem à materia, hæc plusquam Comment. & quedam alia quæ breuitatis causa prætermitto, Acchillinus autem ita probauit, illud indiuiduationis per se principium statui debet, per quod unum indiuiduum ab alio distinguitur, quoniam idem est principium distinguendi à priori, & principium essendi, sed per formam unum indiuiduum distinguitur ab alio, non autem per materiam: igitur indiuiduationis per se principium est forma, & non materia. probatur minor ex Aristot. 7. Met. 49. ubi inquit, actus est qui separat, & qui distinguit, & ex Auerro. primo de Anima 53. ubi habet, membra cerui non differunt à membris Leonis nisi quia anima differt ab anima, præterea id probat Acchillinus innumeris ferè Auerrois autoritatibus, ex quibus breuitatis causa illam tantum recensebo, quam cum ratione ponit Auerro. secundo de Anima 9. inquit enim indiuiduum est indiuiduum per formam, & non per materiam: ratio, quia indiuiduum est indiuiduum ut in actu, sed est in actu per formam, & non per materiam, ergo indiuiduum est indiuiduum per formam, & non per materiam, unde ex hac & aliis consimilibus, quas lector apud eum uidere poterit, concludit, quod forma est per se causa indiuiduationis, non autem materia.

Horum opinio refellitur.

Cap. 8.



ED neque hi Aristotelis mentem sunt assecuti, quod ex eo ostenditur, quoniam Philosophus definiens unum numero ipsum definiuit per materiam, non per formam, & primo Cæl. 93 & 94. causam assignans propter quod à numero est unum, pariter & hic homo materiam assignauit, certum est autem quod res non definitur per causam per accidens, sed per causam propriam, & per se, & cum assignatur propter quid alicuius rei, non assignatur causa per accidens, sed per se,

cum

eam igitur unum numero ab Arist. per materiam definiatur, causauit unitatis numeralis mundi, pariter et hominis in materiam referatur, igitur materia unitatis numeralis non est causa per accidens. sed per se, & non solum per se, quinimmo causa magis præcipua quàm dicatur esse forma, grauius prosecto accusandus esset Arist. si materia esset causa per accidens unitatis numeralis, forma uero per se, & in definiendo unum numero, & in assignanda causa ipsius prætermisisset causam per se, & assignasset semper causam, per accidens utpote materiam. nec miretur aliquis si sæpe ad hæc confugimus loca, & sæpe confugiemus, quoniam præcipua sunt nostræ opinionis fundamenta. Caterum ad definitionem illam unius numero traditam quinto Meth. 12. respondet Acchillinus, dicens, quòd illa definitio intelligitur de iis, quæ sunt unum numero per accidens, quæ cum sint formaliter distincta, ad unum esse minimè reduci possunt, nisi quia materia est una. sicut albedo & dulcedo quæ sunt formaliter distincta, non sunt unum nisi quia materia est una, & dicuntur unum numero per accidens. quoniam sunt unum s. biecto: & de hoc, inquit, intelligit Arist. in eo loco, non de uno numero per se, de quo sermo habetur. Sed hæc responsio falsa est, nam cum Philosophus ab initio illius capituli differere proposuisset de uno, diuisissetq; unum in unum per se, & unum per accidens, cæpit declarare quid sit unum per accidens: quo declarato, unum per se declarare incæpit & illud diuisit in unum genere, unum specie, unum numero, & unum analogia, & singula membra definiuit: igitur Philosophus illud unum numero definiuit quod est membrum unius per se, & non per accidens, quare definiuit unum numero per se, & non per accidens. præterea postquam Philosophus definiuit unum numero inuicem comparauit unum numero. & unum specie, dicens, quòd unum specie non infert unum numero, sed unum numero infert unum specie: tunc sic loquitur Philosophus de uno numero quod infert unum specie, sed hoc est unum numero per se, non autem per accidens, nam albedo & dulcedo in lacte sunt unum numero per accidens, tamen hoc unum non infert unum specie, quoniam albedo & dulcedo specie distinctæ sunt: tandem ut locum loco conferamus, quid dicet Acchillinus ad illam Aristotelis autoritatem primo Cæli 94. ubi illud idem habet quod scribit quinto Met. 12. dicit enim ibi homo est unus numero, quia materia est una. certum est autem, quòd homo est unus numero per se, igitur & definitio unius numero tradita quinto Met. intelligitur de uno numero per se, ea propter Iuniores quidam nostræ ætatis Philosophi aliam responsionem imaginati sunt, dicentes, quòd utique Philosophus eo in loco definiuit unum numero per se, sed illud animaduertere oportet, quòd cum Philosophus definiuit unum numero per mate-

riam, non definiuit illud per materiam tanquam per causam, sed definiuit illud per materiam tanquam per aliquod proprium, & peculiare ipsius. Somniant isti, nam si Philosophus non definiuit unum numero per materiam tanquam per causam, sed tanquam per aliquod peculiare, & proprium: igitur Philosophus perfecte non declarasset quid sit unum numero, sicut proposuit: deducitur consequentia, nam perfecta cognitio unius numero, sicut & uniuscuiusque rei habentis causas non habetur per proprium & peculiaris, sed per causam propriam à qua dependet, quinimmo cum semper ubicumque Philosophus declarat unum numero, ipsum explicet per materiam, si materia non dicit causam ipsius, sed tantum proprium quoddam & peculia re. igitur Arist. solum assignauit proprium unius, & nunquam causam, quod tamen debuit, & magis. Secundo ostendo, quod ista definitio, unum numero est, cuius materia est una, dicat causam, & non proprium, & considero Aristotelis dictum primo Cæli 93. & 94. ubi refert unitatem numeralem mundi & hominis in materiam, aut materia dicit causam, aut proprium, & peculiare: si primo habetur intentum: si secundo, quæro de causa perfectæ assignari non potest, nisi forma: sed contra, forma non est una numero nisi quia materia est una, ut exemplo similitudinis declarat Aristotele. in 94. igitur unitas numeralis compositi non pendet ex unitate formæ, nisi quia unitas numeralis formæ pendet ex unitate materia: ergo materia non dicit proprium, sed causam, quinimmo præcipuam unius numero. Quod considerans Auerro. in Comment. 95. dixit rationem illam Aristotelis desumptam à materia ad probandum mundum esse numero unum esse demonstrationem propter quid, certum est autem, quod demonstratio propter quid non est per proprium, & aliquod peculiare, sed per causam propriam: postremo, diuersitas materiae est causa diuersitatis numeralis: igitur unitas materiae est causa unitatis numeralis: antecedens est Aristotelis septimo Met. 28. ubi inquit, Socrates & Callias diuersa sunt propter materiam, quod etiam testatum reliquit primo Cæli 94. dicens, non existente diuersitate materia, impossibile est esse diuersitatem numeralem, aut formarum, aut compositorum. consequentia est Aristotelis loco nuper citato, ex quo discursu te illud colligere uolo Acchillinum & Simonem Portium ab Aristot. plurimum deuiasse, affirmantes, quod differentia est inter esse principium unitatis numeralis, & esse principium diuersitatis numeralis: nam principium unitatis numeralis est forma, principium uero diuersitatis numeralis indiuiduorum sub eadem specie est diuersitas materia, ita, ut secundum istos hoc pacto dicendum sit, illud est unum numero, cuius forma est una, & diuersa numero quorum materia sunt diuersa, cum tamen Arist. iterum atque iterum



dicat, diuersa numero sunt quorum materia sunt diuersa, & unum numero cuius materia est una, & proinde diuersitatem numeralem, pariter & unitatem non ad diuersa referat principia, sed ad unum ut potè ad materiam quæ secundum rationes diuersas oppositorum causa esse potest, ut unitatis, & diuersitatis numeralis quod dicere tantum timuit Simon Portius, & hæc de prima ratione quàm ita confirmatam esse opinor, ut in præsentia alias afferre minimè opus sit: illud tamen silentio præterire minimè uolo, qd in eo quoque Achilles mihi maximè dammandus uidetur, quòd in re hac Auerrois autoritatibus potissimum ininitatur, nam licet in omni philosophandi genere ad Arist. doctrinā tanq̃ ad saxum adherere debeamus, non tamen decet nos eodem modo eius interpretibus astrictos teneri: adde quòd ex eo nihil firmi, nihil certi hac de re colligere potest, cum modo ad unam, modo ad alteram partem declinare uideatur, ut superius ostēsum fuit. quæ cum ita se habeant, nunc eorum rationes dissoluamus: & ad primam plusquam Commen. dicendum, quòd si materia secundum se consideretur, ut præscindit ab omnibus dispositionibus, ut sic communis est, & in differens ad oēs formas recipiendas, & hoc pacto non est principium indiuiduationis ut probat argumentum: si uerò spectetur & ipsa ut certis dispositionibus affecta est, & exornata, ut sic propria est, & incommunicabilis tum respectu formæ, tum respectu sui ipsius: reſpectu quidem formæ, quoniam ut sic diuersis formis neque simul, neque successiue communicari potest, sed unius tantum formæ propria est: respectu sui, quoniam ita se habēs in plures materiæ partes eiusdem rationis diuidi minimè potest, quoniam ex ijs proprietatib. consistit, quarum collectio in alia esse non potest, & propterea sub hac ratione conceptu communi concipi nequit, & hoc pacto unitatis numeralis, & indiuiduationis & formarum, & compositorū principium extat, nec officit secunda: nam cum dicitur, indiuiduum dicitur indiuiduum q̃a non diuiditur, respondeo quòd indiuiduum non dicitur indiuiduū, q̃a in partes diuidi non possit, quoniam hoc modo diuidi potest, cum sit quātum, & diuisionis capax: sed dicitur indiuiduum, quia inplura indiuidua eiusdem rationis diuidi nequit, ut hic homo dicitur indiuiduus, quia in plures homines diuidi minimè potest, & ex his constat proprietatibus quarum cōplexio in alio esse non potest, ut inquit Porphyrius, & propterea non dicitur indiuiduum et unum simpliciter, sed unum numero, hoc est inplura indiuisibile sub eadem specie, & totum hoc à materia signata primo proficiscitur, non à forma, unde illud hoc in loco animaduertit, quòd species dicitur athoma, & indiuisibilis, quia in plura differentia secundum formam diuidi nequit, & propterea indiuisibilis secundum formam ab Arist. tertio Meth. 1. appellatur, est autem diuisibilis in plura eiusdem rationis, ut

homo diuiditur in plures particulares homines, indiuiduum uerò utroque modo indiuisibile est: neque enim in plura differentia forma diuidi potest neque in plura eiusdem rationis, & propterea indiuiduum est magis unum quàm species, quoniam magis indiuisibile, non tamen simpliciter est, unum, quoniam quantum est, & in plures partes distrabi potest. Nunc ad Acchilinum me uerto, & ad primam rationem negatur minor: ad probationem cum dicebatur actus est qui separat, & distinguit, respondetur, quòd ista propositio, intelligitur de distinctione specifica, non numerali. ita quoque Auerro. autoritas intelligitur: & quis est, obsecro, ita ingenio rudis, qui hoc non uideat? inquit enim membra cerui differunt à membris Leonis, quia anima differt ab anima: certum est autem, quòd membra Cerui, & mēbra Leonis specie distinguuntur, & talem distinctionem prouenire ex diuersitate specifica animarum Leonis & Cerui. ad alias Auerrois autoritates, reiciuntur omnes illæ Auerrois autoritates, ad illam autem rationem qua utitur 2. de Anima 9. indiuiduum est indiuiduum ut in actu, dico quòd ista est falsa, nam licet substantia composita indiuidua, & una numero actu sit, non tamen est primo indiuidua quatenus actu est, sed quatenus talem habet materiam signatam, talique accidentium complexione affectam, quòd in alio esse non potest.

Zimaræ opinio.

Cap. 9.



CCVRRIT tandem clarissimus Zimara, quippè qui in proprio quasito eandam causam egit, sed priusquam suam hac de re sententiā ponat, nonnulla prius animaduertit, ex quibus illud unum est, quòd indiuiduum signatum de quo disputatio est, bif. considerari potest, uno quidem modo secundum esse predicamentale, & Metaphisicum, ut abstrahit ab actuali existentia, & ab accidentibus: alio uerò modo secundum esse Phisicum, prout est in effectu coniunctum cum transmutatione & accidentibus, quòd cum sit aggregatum per accidens, nec dicat conceptū per se unum non reponitur in predicamento, quo habito: pro dubitationis, resolutione tres ponit conclusiones, quarum prima huiusmodi est, si consideretur indiuiduum ut habet esse Metaphisicum, & predicamentale principia intrinseca, & per se indiuiduationis sunt materia, & forma. quam cōclusionem ita probat, principia per se essentia rei, sunt per se principia indiuiduationis, & unitatis numeralis rei, si quidem ex quarto Met. 3. ens & unum idem sunt, & idem est homo, ens homo, & unus homo, & proinde unum consequi minime potest, quòd aliqua sint principia entitatis rei, & non

sint principia unitatis rei, sed materia, & forma sunt principia per se entitatis compositi: igitur sunt principia per se unitatis numeralis eiusdem. Alia conclusio huiusmodi est, licet materia & forma sint per se principia indiuiduationis, comparando tamen adinuicem materiam & formam, forma est præcipua indiuiduationis causa, materia uero secunda, & minus præcipua quam conclusionem ita persuadet, illud est prima indiuiduationis causa, à quo primo res habet hoc esse, & unum esse, atqui hoc esse, et unum esse res primo & principaliter habet à forma: igitur forma est prima et principalis indiuiduationis causa. maior patet, quoniam indiuiduum dicit hoc esse, & unum esse, minorem probat ex *Aristo. secundo de Anima* secundo, ubi inquit, quod forma est substantia per quam est hoc aliquid, pariter ex *Auerro. eodem libro Comment. 8. & 3. Phisicorum 68. ubi habet, quod omnis res est una per suam formam. utitur et alia ratione: quæ huiusmodi est, quo primo & principaliter unum indiuiduum distinguitur ab alio, illud est prima indiuiduationis causa, quoniam idem est principium distinguendi primum, pariter et essendi, sed per formam primo & principaliter unum indiuiduum ab alio distinguitur: igitur forma est principalis indiuiduationis causa. probatur minor, quoniam actus est qui separat, & qui distinguit: probatur et hoc pacto, sicut se habent materia et forma in communi ad compositum in communi, ita materia, & forma in particulari ad compositum in particulari, sed per formam in communi per prius distinguitur compositum in cōi, ergo à pari per formam in particulari per prius distinguitur cōpositum in particulari, et consequenter per formam ipsam per prius constituitur in esse indiuiduo, Tertia conclusio est hæc, principia indiuiduationis extrinseca, necessario tamen requisita sunt ipsum agens, quantitas, et breuiter omnia alia accidentia, quæ concurrunt ad esse indiuidui, quæ conclusio ita probatur, quæcunque non sunt de intrinseca ratione indiuidui neque partes essentielles ipsius, sine quibus tamen indiuiduum non fieret in effectu, illa sunt principia indiuiduationis extrinseca, et sicut conditiones necessariæ requisitæ, sed agens, quantitas, cæteræque dispositiones non sunt de intrinseca ratione indiuidui, neque partes essentielles ipsius, ergo &c. et in his consistit tota Zimara sententia de principio indiuiduationis.*





**M**ATISSIMVS hic mihi sese offert campus redarguen-  
 di Zimaram, si quidem omnia eius dicta falsa sunt, &  
 ab Arist. aliena, & primò quidem falsum est dictu il-  
 lud, cum inquit dari individuum signatum substantiæ,  
 secluso quolibet accidente, ut superque satis proprio ca-  
 pite demonstratum fuit: ad quem locum Lectorem reii-  
 cimus, & consequenter falsa est prima eius conclusio in eo sensu, quo ab ipso  
 prolata est, nimirum quòd materia, & forma sint per se principia indiuidua-  
 tionis, seclusa qualibet re alterius prædicamenti, & seclusis accidentibus,  
 falsa quinetiam est secunda Zimaræ conclusio, cum inquit, quòd licet mate-  
 ria & forma sint per se principia indiuiduationis, forma tamen est præci-  
 pua indiuiduationis causa, materia uerò secundaria, & minus præcipua. tan-  
 tum abest ut conclusio ista sit de Aristotelis sententia, ut potius secundum  
 Arist. res opposito modo sese habeat, uidelicet quòd materia est præcipua  
 indiuiduationis causa, forma uerò secundaria. quod ita ostendo, illud est ma-  
 gis intima, & magis præcipua causa alicuius rei, per quod res ipsa defini-  
 tur, siquidem definitio, & quod quid est rei non datur per causam secunda-  
 riam, & minus intimam rei, unum numero ab Arist. definitur per mate-  
 riam, non per formam: igitur causa magis intima, & magis præcipua indiui-  
 duationis est materia, & non forma. confirmatur, Demonstratio propter qd  
 non sit per causam secundariam, sed per causam magis præcipuam. sed ra-  
 tio qua probatur de substantia unum numero per materiam ex ipso Auer.  
 est demonstratio propter quid, igitur ratio qua probatur unum numero  
 per materiam est per causam magis præcipuam, quare &c. Præterea forma  
 est causa unitatis numeralis compositi ut est una numero, quoniam ut cõ-  
 munis non potest aliquid constituere sub esse incommunicabili, & indiui-  
 duo, quia nihil potest constituere aliquid in aliquo esse, quod repugnat ra-  
 tionii formali ipsius, sed forma est una numero per materiam, ut alibi à no-  
 bis demonstratum est, igitur unum numero est primò & principaliter  
 per materiam, quamobrem cum unitas numeralis & compositi, &  
 formæ ab Aristot. semper in materiam, referatur tanquam in cau-  
 sam, & propter quid. igitur materia est præcipua indiuiduationis cau-  
 sa, & non forma. quod si à me iterum confirmari desideras, po-  
 stremo hanc rationem adduco, Quo primò & principaliter in-  
 diuidua sub eadem specie distinguuntur, eo primò, & principaliter con-  
 stituuntur, atqui indiuidua eiusdem speciei principaliter per materiã distin-

guntur, non autem per formam: igitur indiuidua principaliter sub esse tali per materiam constituuntur. maior ab ipso conceditur: probatur minor de qua nobis controuersia est. ex *Aristo.* in infinitis locis primo *Et. 94. septimi Met. 28.* & in decimo etiam lib. 25. ubi inquit, quod ideo aliqua differunt specie, quia eorum differentia sumitur à forma, aliqua uerò non differunt specie sed numero, quia eorum differentia sumitur à materia, & ex hoc subinde declarat quod masculus & femina non differunt specie, sed numero, quoniam eorum differentia sumitur à materia, & tandem ubicunque *Philosophus* loquitur de diuersitate numerali siue compositorum, siue formarum semper assignat materiam pro causa, nec unquam formam, ut patet iis qui in *Aristotelis* doctrina uersati sunt, itaque cum indiuidua eiusdem speciei per materiam principaliter distinguantur, non autem per formam igitur principaliter per materiam constituuntur, & non per formam, ut tementè inquit *Zimara*: Nec postrema eius enuntiatio *Aristoteleæ* doctrine consentanea est. quinimmo si ad primas radices rem ipsam redigere uoluerimus, quantitas, ceteraque materiae dispositiones sunt radix, & prima indiuiduationis origo, quod breuiter ita probatur. ablata quantitate, abdicatisque aliis materiae appendiciis, quocumque alio remanente, non remanet amplius indiuiduum, & illis positis statim ponitur indiuiduum ut cumulatè suo loco demonstratum fuit, igitur quantitas, & alia accidentia materialia sunt prima ratio constitutiva, & quod quid est ipsius indiuidui ut indiuiduum, ita arguit *Philosophus* secundo de *Anima octauo* dicens. ablata forma dolabræ non manet amplius dolabra nisi æquinocè, igitur forma dolabræ est ratio, & quod quid est ipsius, & in *tex. nono* ablato inquit uisu non amplius manet oculus nisi æquinocè, igitur uisus est substantia secundum rationem ipsius oculi. quamobrem huiusmodi accidentia non sunt principia extrinseca indiuiduationis, & conditiones necessario requisita, sed prima ratio constitutiva, & de intrinseca ratione indiuidui, nec miretur quispiam si superius dictum est materiam esse primam indiuiduationis causam, quia illud dixi comparando materiam & formam adinuicem, præterea materiam accipi non præcisè, & secundum se, sed ut signata est & dispositionibus affecta. & hæc de huius uiri, & aliorum placitis dicta sint.

## Dilucidatio. Cap. II.

**R**EIECTIS aliorum opinionibus, nunc tempus est eam in medium asferre sententiam, quam *Aristotelis* fuisse opinor, & quoniam in indiuiduo duo considerare ualemus & substantiam subiectam indiuiduatoni, & ipsam indiuiduationem, ut *Philosophiæ* studiosis omnis tol-

latur cōfusio, utrunque considerabimus, insuper quia indiuiduationis principia aut extrinseca aut intrinseca esse possunt et hæc, et illa nos explicabimus iis habitis, prima conclusio huiusmodi sit, si consideretur indiuiduum quod ad substantiā subiectā indiuiduationis principium essendi per se indiuidui, ipsumque constituens in esse, sola forma est: materia uero quod ad esse concurrir per accidens, tāquam causa sine qua non, quæ conclusio probatur ex Arist. 2. Phis. 1. ubi inquit, & sicut in artefactis antequam recipiat formā artificialem nihil dicitur esse secundū artē, ut nihil est lectuli antequā recipiat formā lectuli, et si adsit materia, ita in naturalibus nihil est carnis, perpende illā dēfinitionē [Nihil] antequam recipiat formā carnis et si adsit materia carnis. ex quibus uerbis satis conspicuū est, & cum in naturalibus et si præsto sit materia nihil est rei antequā recipiat formā, Philosophum uelle & in naturalibus totū esse pendere à forma, quod et uoluit aphr. Alex. 1. lib. paraph. de Anima cap. 2. sub finem, cuius uerba sunt hæc. sanē igitur ueritatē inspicientibus in his rebus quæ ex materia constant et forma, id per quod esse cuique est, et specietū & formā esse liquidū constabit. idē uoluit Them. 2. de Anima super tex. 2. ubi inquit, hoc discrimine distinguuntur materia, & forma, & à materia res habuerunt ut fierent, à forma uero ut essent, quos secutus est Auer. 2. de Anima 8. materia uero quod ad esse per se causalitatē non hēt, sed quod ad hoc concurrir per accidens tanquā subiectum, & uehiculum forma, à qua totum esse rei proficiscitur, sed ab ipsa materiā res per se hēt ut fiant, ut ex definitione ipsius 1. Phis. ab Arist. tradita faciliō ostēditur, quæ huiusmodi est, materia est primū subiectū ex quo aliquid fit: definitio. n. eius causalitatē ostendit, eo tamen discrimine à priuatione seiungitur, quod licet ex priuatione per se, quoque naturalia fiant, attamen priuatio accedente forma corrumpitur: materia uero eadē adueniēte in cōposito manet. & ob id Philosophus 1. Phis. 65. dixit, & ex materia & forma res per se fiunt, & sunt, quoniam materia non solū manet in fieri, sed et manet cū res iam facta est, & absolutas, sed quoniam ens & unū idem sunt, ideo illud, quod est per se causa entitatis rei, illud quoque est per se causa unitatis rei: cū autē forma sit per se causa entitatis rei eadē est per se causa unitatis, quæ conuertitur cum ente. & sicut materia est causa sine qua nō respectu entitatis rei, ita quoque est causa sine qua non respectu huiusmodi unitatis. Alia cōclusio, si indiuiduū accipiat quod ad indiuiduationē, & unitatē numeralē, principia indiuiduationis intrinseca sunt materia signata, & forma, sed materia est causa & præcipua causa, forma uero est causa secundaria, & minus principalis. cuius conclusionis probatio ita satis habetur ex his, quæ superius allata fuere, quæ hoc in loco lubenter prætereo, ne eadē repetantur, solum autē conclusio ut conspicua fiat, illustranda est, atque explicanda magis, quod nunc facere aggredior, Materia quæ for-



marum receptaculum est et domicilium substantia est, quæ secundum seipsam  
 considerata à quantitate, aliisque accidentibus relegata, neque priuationem,  
 neque potentiam ad formam, neque diuisionem habet, sed duntaxat forma-  
 rum carentiam & negationem secum iunctam tenet, ut bene Græci dicunt  
 interpretes: cum aut ei primum iungitur quantitas extensionem, uel distan-  
 tiam unius partis ab alia adipiscitur, et in plures diuiditur et multiplicatur  
 partes. duo namque materia quantitas elargitur, & extensionem, et diuisio-  
 nem in plures atque diuersas partes, nec proinde materia quantitate sic in-  
 gnita propria effecta est, sed adhuc indifferens manet, atque cõis, sed cum a-  
 gentis beneficio in ea propriæ dispositiones introducuntur certo quodam gra-  
 duum numero, & interuallo, tunc propria efficitur materia, et in ea determi-  
 nata oritur priuatio atque potentia, quæ res hoc illustrabitur exemplo, cum  
 ab agente per calorem & siccitatem disposita fuerit materia sub ea quidem  
 mensura, quæ igni conuenire uidetur, tunc in ea determinata oritur potentia  
 ad formam ignis, adeoque propria & determinata efficitur materia, ut alias  
 formas sub ea manens conditione neque simul, neque successiue in sui gremio  
 recipere queat: quomobrem ex complexione accidentium, & dispositionum,  
 ut ex tali quantitate, talibus dispositionibus, tali dispositionum mensura, et  
 tali potentia respectiua, quæ actu sunt in materia ante formam substantialem,  
 materia incommunicabilis redditur, & indiuiduum quia ita se habens,  
 alteri formæ communicari non potest, tum quia in alias partes eandem acci-  
 dentium complexionem habentes diuidi minimè potest: & hæc est ultima  
 materia de qua loquebatur Philosophus 7. Met. 35. dicens, ex ultima ma-  
 teria singulare est: materia enim propriis dispositionibus affecta ultima est,  
 si quidem ab agente ulteriorem dispositionem non recipit, sed ex ea imme-  
 diatè forma ad actum deducitur. illud autem animaduerte me notanter di-  
 xisse, quòd materia sit incommunicabilis & indiuidua per dispositiones  
 actu existentes in ea ante formam substantialem, quoniam uoluit D. Thomas  
 materiam fieri signatam & indiuiduam non propter dispositiones actu in  
 materia existentes, quoniam secundum ipsum nulla dispositio formam sub-  
 stantialem in materia præire potest, sed per habitudinem & potentiam ad  
 hanc quantitatem, aut qualitatem, & non ad illam. cuius doctissimi iuri-  
 sententia mihi non probatur, si quidem ex Aristoteli secundo Physicorum  
 38. effectus in actu requirit causam in actu, signatio, & indiuiduatio ma-  
 teria est effectus in actu, ergo habere debet causam in actu: igitur quan-  
 titas, & alia accidentia quibus materia redditur signata, & indiuidua,  
 in ea debent esse in actu, & profectò Aristoteli & ueritati semper consen-  
 taneum esse diiudicari, materiam determinari per dispositiones actu exi-  
 stentes in ea ante formam substantialem, & hoc maxime propter actio-

nem agentis equiuoci, sed de hoc alias. sed circaprius dicta oritur dubitatio, nā ex Aristotel. septimo Met. context. quarto. substantia est prior accidente, igitur indiuiduū substantiæ prius est indiuiduo accidentis: ergo materia erit indiuidua autē accidentia, & consequenter per accidentia indiuiduari non potest, quia nullus effectus est prior sua causa. respondetur ad hoc, q̄ indiuiduū substantiæ bis. considerari pōt. uno modo ut substantia est, alio modo ut indiuiduum est. tunc dico q̄ ut substantia præcedit indiuiduum accidentis: secundo uerò modo non præcedit, quinimmo posterior est, ut à simili paries substantia, est prior albedine, ut albus est posterior albedine, sicut effectus formalis est posterior sua causa formali, ita materia ut substantia præcedit accidentia, & dispositiones, ut autē indiuidua est posterior illis, à quibus secundum hanc rōnē dependet tanquā a causa formali: Materia uerò ita indiuiduata, et una numero existēs causa est ut forma substantialis quæ ex ipsa educitur indiuidua sit, & una numero, ut superius probatum fuit. iā uerò hæc due naturæ singulares existētes et indiuiduæ cōpositū faciūt singulare, & indiuiduū: unde inter ista, hæc reperitur series, & ordo, accidentiū cōplexio tanquā radix, & origo est cā indiuiduationis materia, materia iis signata, et indiuiduata est cū indiuiduationis forme. hæc autē sunt causa indiuiduationis cōpositi, et proinde iuicē cōparando materiā & formam, materia signata est principalis indiuiduationis causa cōpositi, forma uerò est causa secundaria, & minus principalis, ex qua determinatione rō Scoti facillè diluitur, qua probat q̄ materia nō potest esse causa indiuiduationis. si materia, inquit, esset indiuiduationis causa et unitatis numeralis cōpositi, cū materia eadē maneat in genito et corrupto, ergo idē numero erit genitū, & corruptū deducitur, quia manente eadē causa manet idē effectus. soluitur, materia non est causa indiuiduationis cōpositi præcisè & secundū se cōsiderata, sed ut signata, & propriis quibusdā dispositionib. affecta: iā uerò licet in genito & corrupto eadē maneat materia secundū substantiā, non tamen manet secundū easdē dispositiones, quibus mediantibus causa est indiuiduationis cōpositi, & proinde non sequitur q̄ genitū et corruptū sint unū numero, nam propter ablationē forme non manet idē secundū substantiā, propter ablationē autē dispositionū ex materia principaliter nō manet idē q̄ ad indiuiduationē, et unitatē numeralē: uerū enim uero ad indiuiduationem cōpositi concurrūt et agēs, ut inquit Philosophus 12. Met. 27. sed ut causa extrinseca, & conditio necessario requisita, quatenus in materia accidentium complexionem introducit, quibus materia redditur indiuidua, quæ postea ipsius cōpositi causa indiuiduationis efficitur, et hanc Arist. in hoc problemate & non aliam arbitror extitisse sententiam, quicquid alij comminiscantur Philosophi, sed ut uacua mens ab omni ambiguitate reddatur, Zinnare rationes nunc dissoluamus.



**R**AT prima ratio ad primam conclusionem, principia per se entitatis compositi, sunt per se principia unitatis ipsius, materia & forma sunt huiusmodi, ergo &c. quicquid sit de conclusionem in se, ratio non concludit propositum, nam intentio est probare quod materia & forma sint per se principia indiuiduationis, & unitatis numeralis, ratio autem probat, quod sint principia per se unitatis que conuertitur cum ente, ut patet ex probatione maioris: inquit. n. principia per se entitatis sunt per se principia unitatis, quoniam ens & unum idem sunt ratio igitur concludit quod sint per se principia unitatis, quæ eadem est cum essentia rei, non autem unitatis numeralis quæ est aliquid essentie super ad dictam, de qua disputatio est. præterea concedamus rationem concludere de unitate numerali. ratio probat quod sola forma sit causa per se unitatis numeralis, non autem materia. quoniam materia non est causa per se essendi compositi, ut superius ostensum est. unde minor illa quod ad eam partem in qua dicit, materia est causa per se essendi, falsa est, erat præterea prima ratio ad secundam conclusionem, illud est prima ratio indiuiduationis, à quo per prius res habet hoc esse, & unum esse. sed per prius indiuiduum isthac habet à forma, ergo &c. ad hanc respondetur negando minorem. ad probationem dico quod Aristoteli non intelligit quod forma sit substantia per quam est hoc aliquid, id est indiuiduum, & unum numero, sed intelligit quod sit in actu, quod ostendit ex ipso contextu. nam Philosophus diuisa substantia in materiam, formam, & compositum, definiuit materiam dicens, materia est substantia quæ secundum se non est hoc aliquid, sed potentia. accipit igitur Philosophus non esse hoc aliquid pro eo quod non est in actu, sed potentia: mox definiuit formam dicens, forma est substantia per quam est hoc aliquid, accipit Philosophus esse hoc aliquid ut contradistinguitur ab eo quod non est hoc aliquid, sed accipitur hoc pro eo quod non est in actu, ergo &c. sed nititur Zimaræ solutionem istam conuellere in hunc modum. esse in actu, & esse in communicabile, & unum numero ipsius compositi sunt idem, si igitur forma est prima ratio ut aliquid sit in actu, erit etiam prima ratio ut sit unum numero, respondeo. quod esse in actu, & esse unum numero sunt idem subiecto, formaliter autem distinguntur, nam esse in actu existentiam dicit, indiuiduum autem & unum numero esse indiuisum à se, & diuisum ab alio, & proinde non ualet, forma est prima, quinimo precisa causa ut compositum sit in actu. ergo est prima ratio ut sit unum numero: illud enim præcisè attinet ad formam: hoc uero primò attinet ad materiam. ad Auerrois autoritatem dico, quod si Auerrois intelligit de uni



tate entis, conceditur, sed nihil ad rem: si uero intelligit de unitate numerali, negatur. Ad secundam uerò cum dicebatur, composita in communem seu spec. es per prius distinguuntur per formam, ergo & indiuidua sub illis constituta, igitur & c. respondetur, quòd sicut species & composita in cõi distinguuntur per formas distinctione specifica, ita etiam indiuidua sub illis naturis communibus constituta distinguuntur per formas distinctione specifica, non autem numerali, gr. exempli sicut. leo, & homo distinctione specifica per formas distinguuntur, similiter hic leo, & hic homo distinctione specifica per formas distinguuntur, non autem distinctione numerali, sed hac distinctione sine indiuidua diuersarum. sint specierum, sine eiusdem speciei, primò distinguuntur per materiam signatam: secundario uerò per formam, & proinde indiuidua sub esse singulari, & indiuiduo primò constituuntur per materiam, secundario uerò per formam. Ad probationem illam, actus est qui separat, & qui distinguit, plurimos decepit. locus iste, sed intelligitur ut dixi de distinctione specifica, Nunc ad ultimam conclusionis rationem deuenio, & cum dicebatur, quantitas, ceteraque materiae dispositiones non sunt partes essentiales, nec de intrinseca ratione indiuidui, ergo & c. respondetur, indiuiduum substantia bis considerari posse, uno modo secundum rationem substantiae, alio modo secundum rationem indiuidui: tunc dico quòd si primo modo considerentur, materiae dispositiones concurrunt: ex accidenti, & sicut conditiones necessariò requisitae ad constitutionem substantiae, & ut sic ad materialis causa genus referuntur: quae enim ex parte materiae se tenent ad materiam reducuntur, sicut ea quae se tenent ex parte agentis, ad ipsum agens: si uerò indiuiduum secundo modo consideretur, huiusmodi accidentia sunt principia per se, & de intrinseca ratione ipsius, & ut sic se tenent ex parte formae, quia illis positae ponitur substantia composita secundum gradum indiuidui, & singularis, illis sublati manentibus etiam materia, & forma substantiali, non manet amplius substantia singularis, & indiuidua ratio itaque solum persuadet quòd huiusmodi accidentia non sunt principia per se indiuidui quo ad gradum substantiae, non autem quo ad esse indiuiduum, quae quidem bonus.

Zimara confundit, & hic quae de substantiarum materialium indiuiduationis causa dicenda erant, terminant habere, nunc reliquum est ut

illud exequamur. quòd secundo loco polliciti sumus.

# DE PRINCIPIO

## INDIVIDVATIONIS

### SUBSTANTIARVM.

#### IMMATERIALIVM



Opinio Scoti. Cap. I.



**I**n priorē tractationis parte de substantiæ materialis indiuiduationis causa superque satis locuti simus, nūc mentem alius extollamus. Et abstractæ, immaterialisquæ substantiæ indiuiduationis causā diligenter consideremus, quod erat secundū a nobis in ordine propositum, quæ in re discutienda eundem quoque seruabimus ordinem, quo antea usi sumus: primo. n. aliorum opinionēs expendemus: deinde quæ nostra sit sententia in medium afferemus. Scotus 2. sent. libro dist. 3. q. 7. noluit substantiarum separatarum causam indiuiduationis dissimilem atque diuersam fore: dixit. n. quod prima intelligentia ratione suæ infinitatis seipsa est indiuidua, et hæc, ceteræ. uerò intelligentiæ non seipsis sunt indiuiduæ, sed per aliquod essentia superadditum, ut per hæccheitatem, et materiam illam totius, quæ secunda pars conclusionis ita probatur, quod de se est indiuiduum, et singulare sub ratione uniuersali intelligi nequit, quia nihil intelligi potest sub ratione opposita suæ naturæ, secunda intelligentiæ sub ratione uniuersali concipi possunt: igitur non sunt ex se singulares, et indiuiduæ, sed per aliquod additum. cum autem hoc non possit esse materia ex qua, nec aliquod accidens. erit igitur hæccheitas, et differentia indiuidualis, tametsi opinio ista quo ad primam partem uerissima sit, attamen quo ad alteram partem de aliis intelligentiis falsa est, et ab Aristoteli aliena, nec in præsentia probabo hæccheitatem;

& materiā illā totius secundū Arist. non dari, quoniā id superius ostensum  
 fuit, sed solum ostendam secundas intelligentias per differentiā indiuidua-  
 le ipsi superadditā minimē indiuiduari: hoc autem itā probatur. si secun-  
 da intelligentia essent indiuidue per differentiam indiuidualem superaddi-  
 tam quiditati: igitur essent compositae ex quiditate, & differentia contra-  
 hente, & determinante quiditatem ad esse singulare. consequens est falsum:  
 igitur & antecedens probatur falsitas consequentis, quoniam Philosophus  
 12. Met. 30. determinauit substantias illas mouentes aeternas esse actus pu-  
 ros, atque à compositione liberas, & immunes, Caterum Scotus huic ratio-  
 ni ita respondere uidetur, quod substantia separata loco citato ab Ari-  
 dicuntur actus puri, & à compositione soluta, non quidem simpliciter, itā  
 ut omnem cōpositionis gradum excludant, sed libera dicuntur, à composi-  
 tione rei, & rei, & per negationem huius compositionis actus puri dicun-  
 tur, admittunt tamen compositionem ex quiditate, & differentia indiuidua-  
 li, quae non est compositio rei, & rei, sed realitatis, & realitatis, quam tamen  
 à se abiicit omnino prima intelligentia, et propterea ipsa simpliciter dicitur  
 actus purus, & ab omni compositionis gradu libera, & soluta. Sed ista so-  
 lutio nulla est, quod facile demonstrabo; si illud prius accipiam, quod sub-  
 stantia separata de qua loquitur Philosophus in tex. 30. quamuis probat  
 esse actum purum, liberamque à materia, & à potentia accipitur commu-  
 niter, & pro substantia abstracta in genere, & non solum in 30. uerum e-  
 tiam in contex. 41. eodem modo accipitur, quod ex eo patere potest, quo-  
 niam cum Philosophus in tex. 30. probasset substantiam illam motricem  
 aeternam esse actum purum, & à materia solutam, & in 41. esse imparti-  
 bilem, in 42. contex. inquit utrum sit una, uel plures: & si plures, quot  
 sint. in 43. autē determinat tot esse substantias mouentes aeternas, actus  
 puros, & impartibiles, quot sunt orbes: igitur substantia separata de qua an-  
 te 43. Philosophus demonstrauit esse actum purum in 30. et impartibilem  
 in 41. est substantia separata in cōi ad oēs substantias separatas, quae nu-  
 merantur secundum numerum orbium. insuper Philosophus. in tex. 29. posi-  
 ta diuisione substantiae in substantiam sensibilem, quarum altera est aeter-  
 na, reliqua uerò corruptibilis, & caduca, & in substantiam insensibilem, &  
 immobilem, de insensibili substantia tractare proposuit: cum autem hanc  
 ex motus aeternitate demonstrasset, mox in cōtex. 30. esse actū purū, eāque  
 à potentia solutā esse probauit, postea in 41. facto Epilogo eam substantiā,  
 q̄ acceperat in Epilogo impartibilem esse demonstrauit: inquit enim, &  
 quidem igitur est substantia alia sempiterna & immobilis separata à sensu-  
 bilibus manifestum est ex dictis, & hanc non contingit aliquam magni-  
 tudinem habere, considera illam dictionem (Hanc) certum est, enim il-



illam referri ad eam substantiam immobilem, & separatam quam acceperat in Epilogo, ex quo progressu sic argumentor. de illa substantia Philosophus probauit esse actum purum, & impartibilitatem de qua proposuit agere in 29. & quam epilogaui in 41. sed in 29. de ea substantia insensibili, & immobili agere proposuit, quæ est membrum condiuidens substantiam, & est membrum contradistinctum à substantia naturali, & in 41. epilogaui de eadem substantia separata, et à sensibilibus contradistincta, ut patet ex verbis epilogi nuper citatis: igitur Philosophus probauit in 30. esse actum purum, et in 41. impartibilitatem de substantia sempiterna immobili à substantiis sensibilibus contradistincta, sed hæc est substantia separata in communi, prout est aggregatum ex omnibus intelligentiis: igitur substantia separata in 30. & in 41. supponit communiter, & pro aggregato ex omnibus intelligentiis, quod erat probandum, ex quo illud obiter patere uelim, quod tota (ut aiunt) aberrant uia Aristotelis interpretes arbitrati demonstrationem 41. 12. Met. qua demonstratur impartibilitas, et demonstrationem 78.8. Thisi. quæ cum illa eadem est, esse de prima intelligentia, & de Deo optimo, cum tamen demonstratio utrobique sit de substantia abstracta communiter accepta, ut probatum est, ad quam solum peruenit Aristot. in 8. This. nec Deum opt. et primum motorem simpliciter cognouit Arist. nisi in 12. Met. à context. 41. infra substantiarum separatarum pluralitate inuenta, quo iacto principio, cū Philosophus in 30. cōcludit, quod substantia separata sit actus purus, aut intelligit quod sit actus purus simpliciter, & libera à compositione simpliciter & rei, & rei, & realitatis, & realitatis: aut intelligit, qd solum sit libera à compositione rei, & rei, sed non realitatis, & realitatis: si primum, ergo quolibet intelligentia libera est à compositione simpliciter, & consequenter in nulla intelligentia illa differentia indiuidualis adinuenitur: si secundum dicatur, cum ibi sermo sit de substantia separata in genere ut est Deus opt. comprehenditur, ergo nulla substantia separata libera est à compositione realitatis, & realitatis, & ita neque Deus opt. ab hac compositione immunis erit, cuius oppositum tenet ipse, quare alterum duorum dicendum erit, aut quod omnis intelligentia sit ab omni compositione soluta, aut quod in Deo opt. sit compositio ex quiditate, & differentia contrahente, quod cum dici minime possit, primum necessario assumendum erit: scio Scotum ab hac ratione ita euasurum quod Philosophus in tex. 30. loquitur de substantia abstracta in genere, ibique probat quod sit actus purus, & libera à compositione non quidem simpliciter, sed solum rei, & rei: hanc enim solum in eo context. à diuinis mentibus remouere in animo erat, quoniam autem in eo context. à prima intelligentia non reiecerat compositionem ex quiditate & differentia indiuiduali, sed solum rei, & rei, ne quis crederet primam intelligentiam sim

pliciore non habere naturam, quam catera habeant intelligentia, ideo in  
 contex. 49. eiusdem 12. remouet à primo motore solum, & non ab alijs in  
 telligentijs differentia indiuidualem, cum inquit, Primus motor non habet  
 materiam, ergo unus tum ratione, tum numero, & per materiam, ut inquit  
 ipse, in q. 6. Philosophus intelligit differentiam indiuidualem, quæ materia  
 totius nuncupatur. sed non est solutio hæc digna uiro peripatetico, sed eo,  
 qui ex seipso omnia confingit, & comminiscitur. ostendo ego Philosophum  
 per materiam intelligere materiam partis, & hanc negare à primo moto-  
 re, quod ut conspicuum fiat, Aristotelis rationem accipio, quæ ita se habet  
 Quæ sunt specie unum, & numero multa, materiam habent: primus mo-  
 tor non habet materiam, ergo primus motor non est plurificatus. tunc sic  
 per materiam Philosophus intelligit illam, per quam sunt numero plura,  
 sed hæc est materia partis, ut superius millies probatum fuit: igitur per ma-  
 teriam Philosophus intelligit materiam partis, & non materiam totius.  
 præterea considero minorem propositionem illius discursus, quæ est. primus  
 motor non habet materiam, & quero, aut per materiam intelligit materia  
 partis, aut materiam totius: si primum habetur propositum: si secundum,  
 hoc erat probandum. nec dicere potest hoc esse probatum in 30. quoniam  
 cum ibi probetur non habere materiam de substantia separata in genere, se-  
 quitur ut omnis substantia separata careat materia totius. dicit fortasse  
 Arist. probare minorem in eo context. 49. cum inquit, [actus n. est,] hoc  
 utique uerum est, sed tunc quero, ly actus quo Arist. utitur pro medio ter-  
 mino, aut supponit pro eodem quem concluderat in 30. de substantia sepa-  
 rata in genere, aut pro alio: si pro eodem tum ibi actus non inferat secum  
 ipsum carentiam materia totius in substantiis separatis, sed solum ca-  
 rentiam materie partis: igitur actus acceptus pro medio termino in 49.  
 non infert in primo motore carentiam materie totius, sed solum carentia  
 materie partis: si uero non supponit pro eodem, sed pro actu simpliciter  
 ut omnis compositionis gradum excludit & rei, & rei, & realitatis &  
 realitatis, tunc Arist. peteret: hoc. n. probandum erat, ea propter dicenda  
 est, à primo motore Arist. remouere materiam partis, quam reiecerat in  
 30. a substantia separata in genere: & actus, quo utitur pro medio termi-  
 no pro eodem supponit cum eo quem concluderat in 30. de eadem substan-  
 tia separata, ex quo sequitur, quod sicut actus purus qui affirmatur de pri-  
 mo motore omnem prorsus realem compositionem excludit, ita & actus  
 purus qui affirmatur in 30. de aggregato ex omnibus intelligentiis omnem  
 realem compositionem depellit, & consequenter in secundis intelligentiis  
 nulla differentia indiuidualis per quam inducuntur, adinuenitur, & di-  
 cat quicquid uelit Scotus.

## Secunda opinio, &amp; eius reprobatio. Cap. 2.



**N**ON defuerunt alii, qui dixerunt substantias separatas  
 indiuiduas, & singulares esse per carentiam materiae,  
 hac ratione fortasse moti, quoniam Philosophus 12.  
 Met. 49. ex carentia materiae probauit primum moto-  
 rem esse unum numero tantum, sit arguens, Primus mo-  
 tor non habet materiam, igitur primus motor est unus  
 tantum quare substantiarum separatarum indiuiduationis causa erit nega-  
 tio, & carentia materiae: sed nec ista opinio recta est. quoniam ut habe-  
 tur ex Arist. septimo Met. 41. & 3. de Anima, 9. in separatis à materia  
 idem est quidditas, & indiuiduum: sicut igitur quidditas substantiarum se-  
 paratarum non est per carentiam materiae, igitur neque indiuiduum,  
 quod idem est cum ipsarum quidditate: praeterea, est Aristotelis autho-  
 ritas 8. Met. ultimo, ubi inquit, quae neque sensibilem, neque intelli-  
 gibilem materiam habent, sicut sunt substantiae separatae, seipsis sunt ens,  
 & unum. neque alia est assignanda causa suae unitatis à sua essentia, &  
 licet huiusmodi auctoritas intelligatur de unitate entis, tamen quia in  
 illis non distinguitur unum numero ab uno secundum rationem & entis,  
 cum non distinguatur in illis quidditas & indiuiduum, quinimmo ipsemet  
 Aristoteles significauit in illo contex. 49. cum dixit, primus motor est unus  
 tum ratione, tum numero: iccirco sicut seipsis sunt unum unitate entis, ita e-  
 tiam seipsis sunt unum numero, & indiuidue. non autem per negationem,  
 & carentiam materiae. Insuper indiuiduum dicit esse indiuisum à se, & diui-  
 sum à quolibet alio, tunc sic, quo una intelligentia est diuisa, atque diuersa  
 à qualibet alia, ex eo est indiuidua, & numero una, sed non est diuersa à  
 qualibet alia per carentiam materiae: igitur per hanc non est indiuidua, &  
 una numero. probatur minor, quoniam carentia materiae, est quadam nega-  
 tio, haec autem non potest esse primum distinctum inter duo positina, si qui-  
 dem distinctio inter duo positina est realis, et positina: effectus autem  
 realis, & positinus reducitur in causam realem, & positinam,  
 unde negatio qua negatur unum positinum ab alio,  
 necessario fundatur super aliquod posi-  
 tinum, per quod distinguitur  
 ab alio positino, ut ideo  
 Socrates non est  
 lapis, quia est  
 homo,



fito, & indiuidua cum sint, modo tamen uniuersali intelliguntur. Ad aliam  
 uerò secundæ opinionis ita respondemus, quòd carentia materia qua Arist.  
 utitur pro medio termino ad probandum unitatem primi mouentis, non  
 est prima ratio unitatis, & indiuiduationis ipsius, sed est ueluti si-  
 gnum, & id quòd necessario consequitur causam principalem,  
 nam eo quia primus motor est talis naturæ quod ex se in-  
 communicabilis est, idè ad ipsum sequitur nega-  
 tio materiæ : & quantitatis, & non econ-  
 tra, quia careat materia, idè sit in-  
 communicabilis, & unus. sic igitur  
 explicata est difficilli-  
 ma hæc quaestio de  
 substantiarum  
 materia  
 lium,  
 de quæ sub  
 stantiarum sepa-  
 ratarum indiuiduationis  
 principio, longè, quidem secus  
 atque ab aliis hætenus factum sit,  
 in qua si ueritatem aperui ( ut opinor )  
 Deo Optimo habeantur gratiæ,  
 sin minus rogo istos fratres  
 nostros, ut ipsi suam scri-  
 bant opinionem, su-  
 asque asserant  
 dubitatio-  
 nes.

F I N I S.





VENETIIS,  
Apud Paulum Meietum.

M. D. LXXXIII.